

ჯაყოს ხიზნები რომანი

- გამ..მმარჯვება, ჯაყო!
: - ნათლია კნიაზს გახლავარ!
- კაცო, სადა ხარ, სად და...დდაიკარგე?
და ნათავადარი თეიმურაზ ხევისთავი ღიმილით ა. ხელგამ-
. ლით გადაეღობა თავის ნახიზნარსა და ნამოურავალს -- ჯაყო ჯივა-
შილს, რომელმაც ძველადვე ნაჩვევი ხელით ოსური ქუდი მარდად
იშვლიპა, უცნაურად დაიჭიხვინა და თავისი ნაბატონევის ორივე
ხელი დამდნარი, დონდლო და უძვლო ხელები ბუმბულზე გაზ-
რდილ და წიგნებით შეჭმულ თეიმურაზ ხევისთავისა უმაღვე თა-
ვის დათვურ თათში ჩაიმალა და ჩაიბლუჭა.
სალამის შემდგომ ბეცმა თეიმურაზმა ოდნავ უკან დაიხია.
მარცხენა ხელით სათვალეები შეისწორა, მარჯვენა ხელის სალოკი
თითი მაღლა ასწია, გოლიათ ოსს ქვევიდან აჰხედა და გაიკვირვა:
. - საკ... კკვირველია!.. საოც... ცცარია! როგორ გადიდე-
ბულხარ, ჯაყო. როგორ გასუქებულხარ!
ჯაყომ ცალის სელიო დოინჯი შემოიყარა, ცხენის კბილები გაა-
ელვა და დაიჭიხვინა:
- -- მაშ, მაშა! აგრე ვიცის ჯაყომა!
: მისი ნაჭიხვინევი მთელმა ქუჩამ გაიგო. მავალებმა მოიხედეს,
ორ ადამიანს აჰხედ-დაჰხედეს და გაიღიმეს.

* *

ჯაყო ჯივაშვილი ქალაქში შემოვარდნილ დათვს ჰგავდა. დედა-
ბოძივით სქელი და გაჩაჩხული ფეხები ძლივს იმაგრებდნენ უშნოდ
და ისე განივრად დადგმულ თეძოებსა და მხარ-ბჰჰს, რომ ვიწრო
ტროტუარი მარტო ჯაყოს ძლივს იტევდა.

*** 234 ***

რამდენიმე ნაჭრილობევით დასერილი თავი და პირსახე ისეთ,
შავის, ხშირისა და აბურძენილის ჯაგრით ჰქონდა შემოსილი, თით-
ქო ჯაყოს ბეჭებზე კუპრში ამოვლებული უუზარმაზარი ზღარბი
აცოცებულებო. -

შავი ჯაგრის ბუჩქნარი თვალეზამდე სწვდებოდა და იმ ჯაგნა-
რიდან მხოლოდ ხარის თვალებს, წინ-წამოყრილ ცხენის კბილებსა
და აწყლეთილ ცხვირს ამოეყოთ თავი.

ერთი მტკაველის სიგრძე უღვაშები გადმობრუნებულ ჯამები-
ვით გამოყრილ ლოყებზე გაცვეთილ ცოცხებივით ეყარნენ, ხოლო
იმ ჯამებს დინჯად და მედიდურად ლამბაქების ყურები დასცქე-
როდნენ

შუბლი დაბალი და ჩაზნექილი ჰქონდა: ცხვირი - მოკლე და
აწყლეთილი: თვალეები - მსხვილი კაკლის ოდენა და ამოყრილი,
თანაც ცოცხალი და ცუდლუტი, მოელვარე და მოუსვენარი: თვა-

ლებს ზედ დასწოლოდა დაბურვილი, ხშირი და გრძელი წარბების ლარი, რომელიც მაღალსა და წინ-წამოვარდნილ კვინიხზე შუაზე გადატეხილიყო.

თავთ ეხურა ყავისფერი ოსური ნაბდის ქუდი. ტანთ ეცვა ოსური შალის გაპოხილი ჩოხა, ხოლო ფეხებზე - ხალვათი პაიჭები, თათროლი ჭრელი წინდები და ახლად ნაყიდი- დაბახანური ჩუსტები.

ერთი ადლის სიგრძე და ვერცხლით შეჭედილი თეიმურაზის პაპისეული ხანჯალი ტლანქსა და ბეჭგანიერ გოლიათს ხალვათ სიარულისთვის თემოზე ჩამოეკიდნა.

ქაყოს ერთ ხელში რკინით ნაჭედი მაჯის სისქე კომბალი ეჭირა, ხოლო მეორე იღლიაში ჭედილა - ცხვარი ამოეჩარნა, რომელიც ისე ადვილად მიჰქონდა, თითქოს ის ცხვარი ვარიაზე მძიმე არ ყოფილიყო. ბეჭებზე რუსული თოფი ჰქონდა გადაგდებული, გულმკერდსა და წელზე სამი სავაზნე ჰქონდა შემორტყმული, ხოლო თემოზე გრძელი მაუზერი ეკიდა.

ნაბატონევი თეიმურაზ ხევისთავი ნამოურავალს იღლიამდე ძლივს სწვდებოდა. თეიმურაზი უმზეო ყვავილივით ნაზი და ლამაზი იყო, ნატიფად ასხმული და ნაქანდაკევი, მაგრამ გამბდარი და გამვალეებული, მხრებაყრილი და მკერდჩავარდნილი, ბეცი და მელოტი. გაფუფქულ ქათმის მინამგვარი, მწიგნობრობით დაღლილი, დაშრეტილი, გამოწურული და დამდნარი ნაკაცარი, რომელსაც მომავლად თვალწინ მხოლოდ შავი ნისლი ჰქონდა აფარებული, ხოლო ყველაფერი. რაც კი ოდესმე გაჩნდა, წარსულში ჰქონდა დარჩენილი- ტკბილი მოგონებანი, საერთო პატივი, მეგო-

*** 235 ***

ბართა სიყვარული, მუდმივი მოლოდინი უცნაურ მომავლისა და მარადიული დევნა ბუნდოვან ლანდებისა.

: თეიმურაზ ხევისთავი ლბილისა და ჩუმის ხმით, ტაატით და ბორძიკით ლაპარაკობდა:

. საკ...კვირველია! - ერთხელ კიდევ წაიჩურჩულა თეიმურაზმა და ორივე ხელით ჯაყოს მორგვის მკლავს ჩამოეკიდა: ---- როგორ გამოცვლილხარ! წამო, ჯაყო, წამოდი ჩემთან. აქვე ვ...ვდგევარ. მარგოსაც ძალიან გაუხარდება შენი ნახვა. ხომ წამოხვალ, ჯაყო?

წამოხვალ, შენი წირი მე, რატომ არ წამოხვალ!

- მართალია, წინანდებურად ვეღარ დაგიხვდები. მაგრამ, ხომ-იცვი, ყველი და პურიო, კეთილი გულიო.

- წამოხვალ, შენი წირიმე, ეხლავე წამოხვალ! - კვლავ როყიო ზმით ახვიხვინდა ჯაყო. - ჩემი კნიაზი ისე არ გაღარიბდება, რომ ჯაყოს ვერ დავუხვდებოდე.

თეიმურაზმა ხმა უფრო დაიმდაბლა:

ოჯახი დადნა, ჯ...ჯაყოჯან, დადნა! ცხოვრებამ ყველანი და-

გვადნო.

- ნათლია მარგო როგორა ხარ?

კარგად ვერ არის ისიც დნება და ილევა. აი, შენ თვითონვე ნახავ ნათლია მარგოსაც ესამოვნება შენი ნახვა. ბარემ ხ...ხხუთი

. წელიწადიც იქნება, რაც მარგოს რა უნახავს შენი თავი. იქნება ვერც კი გიცნოს, რადგან მეტის-მეტად გა...მმოცვლილხარ. ---

მერმე მიიხედ-მოიხედა და ხმას ჩურჩულამდე დაუწია:

- მართლა, ჯაყო, კნიაზს ნულარ მ...მმეძახი, თორემ... ხომ იცი... ვინ იცის, რას იტყვიან.

ღვინით შებრუებული ჯაყო შესდგა და უარესად აყვირდა

- ფეხებზე გკიდია ჯაყოს ყველანი! რაც გინდა, ის იტყოდეს!

შენ ჯაყოს ნათლია კნიაზი ხარ, მარგოც ნათლია კნეინა ხარ. დანარ-ჩენი ჯაყოსა ფეხებზე გკიდია! არავისიც არ გეშინია ჯაყოსა, მაშ, მაშა!

თეიმურაზი დაფეთდა. მიიხედ-მოიხედა და აჩიფჩიფდა:

- ჯაყო, ნუ გაგიჟდი! ხმა აღარ ამოიღო, გაჩუმდი, თორემ...

- რათ უნდა გაჩუმდე?! აკი გითხარი, ჯაყოს არ გეშინიან

მეთქი!

და უმიზეზოდ ერთხელ კიდევ ისე აყროყინდა, რომ მავალეებმა გაცრეცილ ნაბატონევსა და იმის უცნაურ ნამოჯამაგირევს კვლავ ღიმილით აჰხედეს და თვალი გააყოლეს.

*** 236 ***

კარგა ხანს იდგა გალაჯული ჯაყო ვიწრო ტროტუარზე. გზას აღარავის არ აძლევდა, არავის არ ერიდებოდა, კეტის სისქე კომბალს ანჯღრევდა. ხარხარებდა, რახრახებდა და იქადნიდა:

- ფეხებზე გკიდია მეთქი ყველანი ჯაყოსა! მოდი, ვისაც გინდებოდეს! თუნდ კომბალით გახვიდეთ, თუნდ ხანჯლითა, თუნდაც მუშტითა, მაშ, მაშა!

თეიმურაზმა ძლივს დასძრა გათამამებული ნამოურავალი. ორივენი კვლავ მიდიდნენ და იგონებდნენ წარსულ დროებას: ერთად შეზრდას, ყრმობას, სოფლურ გასართობს, თევზაობას, ფრინველზე ნადირობას, უდარდელ წარსულსა და ბედის ცვალებადობას.

თეიმურაზი ხშირად აჩერებდა თავის ნამოჯამაგირევს. ერთხელ კიდევ აჰხედავდა, სათვალეებს შეისწორებდა, თითს მაღლა ასწევდა და ისევ გაოცდებოდა:

- ს...სსაოცარია საკ ..კკვირველია!

ჯაყოც ცალი ხელით დოინჯს შემოიყრიდა, ღოჯის კბილებს გააელვებდა და უმიზეზოდ დაიხვიხვინებდა:

- მაშ, მაშა! აგრე იიცის ჯაყომა!

ზოგჯერ ჯაყოს ოიოქო ლააგიწყდებოდა თეიმურაზის ტაატი და თოხარიკით მოსხლტებოდა. აქაქანებული თეიმურაზი ჯაყოს ძლივს მისდევდა, თან ბავშვივით მკლავზე ეკიდებოდა და მოაგონებდა:

- ნელა, ჯაყო! ნუ სჩქარობ, თორემ დავიდალვ.

მიუხე-მოუხვიეს და ერთ ძველ შენობას მიადგნენ.

განიერი ჯაყო პატარა სახლის პატარა კარებში ძლივს შეეჭია და ვიწრო კარებიც კინაღამ თან შეიტანა და შეანგრია.

თეიმურაზმა თავის ცოლს მარგოს ქოშინით ჰკითხა:

- მარგო, იც...ცცანი ეს კაცი?

მარგო შავსა და ნუშის თვალებს ჰჟუტავდა, ხან მოღიმარე ჯაყოს შესცქეროდა, ხან თეიმურაზს იშვვლებდა და ისე ბუტბუტებდა, თითქო ქურდობაში წაასწრესო:

- მაგონდება... ვიცნობ... მაგრამ...

- ჯაყო, მარგო, ჩვენი ჯაყო, ჩვენი ნათლი-მამა, აღარ გახსოვს?

- ღმერთო ჩემო! გამარჯვება, ჯაყო!

გაბადრულმა ჯაყომ ხაფი ხმით წამოაყრანტალა:

- კნეინა ნათლიას გახლავარ!

და ნაკნეინარ მარგოს გაცომებული ხელი კინაღამ მოსტეხა.

მარგომ ნათლიდედა და ნათლულები მოიკიოხა და ნათლიმამას უსაყვედურა:

მარგო მოიღრუბლა. პირი მიიბრუნა და ცრემლ-მორეული თვალები სარკმელს გაუშტერა.

თეიმურაზი სირცხვილით აილეწა. თავი ჩაჰლუნა და დიდხანს სდუმდა. შემდეგ გამოტყდა და დანაშაული აღიარა:

- ჰო, წაყო, გავღარიბდით... ძალიან გავღარიბდით...

II

თეიმურაზ ხევსთავი ორმოცი წლის ახალგაზრდა მოხუცი გახლდათ. ნათავადარი, ნამამულევი, ნამოღვაწარი და ნავექილარი.

ერთ დროს ლიახვის ნაპირზე, სოფელ ნაშინდარში, მას ჰქონდა პაპისეული ციხე-დარბაზი, ქვიტკირის მოზრდილი ბოსელი, მუხის ბეუღელი, თავმონგრეული კოშკი, მარანი, ხუთიოდე დღიური ბაღვენახი, კაკლის დიდი ჭალა და სამიოდე ათასი დღიური სახნავი.

ლიახვის სათავეში, როკის ხეობაში მასვე ეკუთვნოდა ოთხი ათასი დღიური ხელუხლებელი ნაძვნარი, რომელიც თეიმურაზის მამამ ავთანდილმა ისე შეჰკრა და შეინახა, რომ - სანამ ცოცხალი იყოიმ ტყეში ერთი ხეც არავის მოაჭრევინა. მერმე, რნცა ავთანდილი

გარდაიცვალა და თავისი მეუღლე სოფიოც თან წათფვანა, ერთადერთმა მემკვიდრემ, ახალგაზრდა თეიმურაზმა ხევსთავთა მოურავობაში დაბერებულ პეტრე დევდარიშვილს უთხრა:

- ტყეც და სსს... სახნავ-სათესიც ხალხს ეკუთვნის, თავი და...

დდაანებე, ღალას ნუღარ გამოართმევ. ხალხი არ შეაწუხო. აყალმყალს მოერიდე, თორემ ჩემი მტრები ისარ... რრგებლებენ, გაზეთებში გ...გგამლანძღავენ და საქვეყნოდ თავს მომჭრიან.

ჰკვიანი პეტრე უძალ მიხვდა, რომ უპატრონო მამულში საქმე აღარ ექნებოდა, და მოურავობა ახალგაზრდა წაყოს გადაულოცა,

რომელიც ყრმობიდან ხევისთავთა ოწახს მოწამაგირედ შეეზარდა.

წყაო თხუთმეტი წლისა ძლივს იქნებოდა, როცა მისი ბიძა ქემელა წავის ხეობიდან დედიან-ბუდიანად დაიძრა და ავთანდილ ხევისთავს შეეხიზნა. ობოლი წაყოც თავის ბიძას გადმოჰყვა, ბატონს

მენახირედ დაუდგა და თავიდანვე ისეთი ძალღური ერთგულება.

ხელმარწვება და მუყაითობა გამოიჩინა, რომ ქანც-მილეული პერრე მალე ხელში ჩაიგდო და მისი მაგივრობაც დაიმკვიდრა.

თეიმურაზი თავის ძვირფას ნამძნარის სანახავად როკის ხეობაში არასოდეს არ ასულიყო, რადგან ვერც ცხენზე ჯდებოდა და ვერც სამიოდე დღე მოიხელთა შორეულ მგზავრობისთვის. ერთხელ თე

თეიმურაზმა მართლა დააპირა ჯავის ხეობაში გამგზავრება, მაგრამ იმ ძენბიდან დაბრუნებულმა ჯაყომ თავის ბატონს შეატყობინა:

- იმ ტყეში, შენი წირი მე, ერთი ბუჩქიც აღარ დარჩებოდე

ჩაღლად. წაველებმა სულ გაგჩეხე შენი ტყე. საწყალი ტყე! ჰაი დედაჟა, რა ტყე გაფუწდი!

: ამის შემდეგ თეიმურაზმა გადასწყვიტა, რომ იმ სიშორეს წასაკა ზედმეტი იყო, და არც წასულა.

წყაომ ისიც დააწერა თეიმურაზს, ვითომ ხელსაყრელი აღარ ფნტლიყო საბალახედ გადაქცეულ როკის მამულის დევნა, მოვლა . ასიოდე მანეთის ღალისათვის იმ სიშორეს ხეტიალი.

დაიწერა თეიმურაზმა და ის მამული ვინმე ბრინკა წივაშვილს ნჰას თუმნად მიჰყიდა.

: ამის შემდეგ კარგა ხანი გავიდა. ერთხელ ნაშინდარის მღვდელ ლა ივანემ თეიმურაზს უთხრა: მამულის მყიდველი ბრინკა, - ტურსცი და გამოჩერბეტვბული ლოთი, - წაყოს ბიძაშვილი არისო,

ვითომ იმ ბრინკას ნამდვილი მყიდველი - წაყო წავაშვილი ამოეტარაო, ვითომ წაყომ ის მამული მეორე დღესვე ვინმე ფარასტაქვილს ექვს ათას მანეთად მიჰყიდა და იმ ტყეში ასი ათასი უზარზარი ნამძვი, ფიჭვი და სოჭი კიდევ დარჩაო.

, თეიმურაზმა ეს ამბავი მარწვენა ყურში შეიშვა და მარენა ყურიდან გაიფრინა. არც ეცალა თეიმურაზს ჭორების გამოშთებისთვის. სწორედ იმ დროს თავისი სახლის ჭერის თავზე სამი

ფსთი აღმოაჩინა დამჰალ და ჩრჩილ-ნაჰამ გუწრებით და ძველი ჩიგნებით გავსებული. თეიმურაზმა ამ გუწრებსა და წიგნებში ისე უჰმად ჩაჰყო ცხვირი და ისეთის გულმოდგინებით ჰქექავდა იმ მაგავს, რომ კინაღამ თვითონაც დაღჰა, გაჩრჩილდა და გაჰიავდა.

: ახალაზრდა მეცნიერს წერ ეგონა, ვითომ საქართველოს ისტორიის მეჩვიდმეტე საუკუნე გადმოატრიალა, ზოგ ბუნდოვან ამბავს

ქუქი მოჰფინა და ძველის-ძელი ქჰომიიაბთჟ სშვეკეჟთ ვაჰთამტები აღმოაჩინა.

მაგრამ, როცა ერთ მოხუც მწიგნობარს თავისი

ჟთძარული გაუზიარა და ის ნაწერებიც წააკითხა, მოძსცებულმა

ლენციერმა აქაფებული იმედი ხუთ წუთში გაუქარწყლა და ადუღებული თავიც დაუშმვიდა. იმოდენა ნაწერებში არაფერი ახალი

არ აღმოჩნდა, - გარდა ხევისთავთა უთავბოლო დავისა ამილახობებსა, ერისთავებსა,

მაჩაბლებსა, ამირეჯიბებსა და ყველა შორეულ-მახლობელ ქართველ მეზობლებთან-შესახებ ყმების, საციციანო და სამაჩაბლო ტყეების, ღალების, სამონასტრო ადგილების, ზვრებისა და ათიოდე კუთხეში გაფანტულ მამსლებისა, როლელოთა რაოდენობას და ნსუქმას თეიმურაზმა თავიცი ვერ მოსყარა

* *

როგორც ქეფვრებოდა ნასჩავლ თავადიშვთლს, თეიმურაზს მუდლივი ბიმა ტფილისქი ჭქონდა, ძნლო ნაქთმდაპი. ლეჩველ ფურად და აგარაკად იყო გადაქცეული.

ერთ დროს ახალგაზრდა, ქველი, თავის დროის აზრებით გაჟღენთილი ბატონი ზაფხულში და შემოდგომაზე ნაშინდარში სცხოვრობდა და დღე-ღალეს წერა-კითხვაში ასწორებდა. ლაგრალ ნაშინდრელი გლეხები ბარომს მოსვენებას არ აძელვდნენ. დღე არ გაივლიდა, რომ მემამულთს ციძე-გალავანში გლეხები არ შესულიყვნენ. თეილსპაზთჟ ფანწრის ძირში არ ატუხსლიფვნენ და ყაყანი არ ღავწფოთ.

- რა იყო, რა ლ... ლმოდდა? დ იკთთხავდა თეიმურაზი.

ასტფდებოდა ჩთვილი, ვჭჭრნბა, ღთწანი და თძვნა-მუდარა ორიოდე იოდი ხორბლთს, ან რომელთმე ღალთსა და ვალის შვმცირებ-პატიებაზე ბოლოს, გლეხებს მაინა თავიანთი გაჭქონდათ. მაგრამ შემდეგ წაყოს ჭიხვინი და საფვედსრთ იქაურობას გასტენავდა ხოლმე:

- რათ გაპატიე ილასა?.. რაო მისყემოდე თედოსა? ყველას რომ ეგრე დასრიგებოდე ღალასა, ზალთარშთ რაღაჟ მოგართლევედი ქალაქში? ის ტყაპსჭებიც მაშინ მოდიხარ შენთანა. როცა წაყო სახლში არა ძარ. იმათაც იჟწაელე ეშმაკობათ, განა! ლორჩი და გათავდი! აღარ გინლა წაყოს სამსახსრი! აბა ეხლა სხვა წაყო იშოვნებოდე!

სხვა წაყოს თეიმურაზი ველარ იშოვნინდა, ამიტომ დატუქსულ შეგირდივით ბოდის იხდიდა და გამწყრალ მოურავს ამშვიდებდა.

- ნუ ჰყვირი, ჯ... წწაყო. ამიერიდან უშენოდ არავის აღარავითარ შეღავათს არ მივყემ.

წაყო ძლივს დაღშვიდდებოდა. ლაგრამ მეორე დღესვე ხვლმეორედ აფვირდებოდა, რადგან გულუხვი თეიმურაზი დადებულ პთრობას ვერ ასრულებდა. ბოლოს, წაყომ თეიმსრაზს თავისი განაჩენი გამოუცხადა:

- ბატონო, შენ უნდა წახვთდე აქედანა, თორემა მე და შენ ვერ მორიგდებით.

თეიმურაზი ტფილისში წამოვიდა. მას შემდეგ ნაშინდარის პატრონი, - მუდამ მოუცლელი და ყოვლად გადაუდებელ საქვეყნო საქმით დატვირთული ღა პოლიტიკურ გაზაფხულით გატაცებული - ორ-სამ წელიწადში მამა-პაპეულ ნაბინადარში ერთხელ ძლივს-ღა ავიდოდა. იქ ორიოდე კვირას მოისვენებდა, მეზობლებს დახედავდა, სოფლელებს კვლავ სათხოვარს შეუსრულებდა და თა

ვთქ მოურავს წაყოს გლეხების აწიოკების გამო ასეთ დიალოგს მართავდა:

- .-- წ... წწაყო, რამდენწერ მითქვამს შენთვის - გლეხებს ლბი კად მოექეცი მეთქი.
- ლბილად კი არა, ახლა იმ ტურტლიანებს გაკოცებ კიდეცა.
- ნუ აკოცებ, მაგრამ ნურც დასჩაგრავ.
- ვინა? მე დაგჩაგრე გლეხები? - გაცხარდებოდა წაყო. - მე ით არა, გლეხებმა დაგჩაგრეს საწყალი წაყოი, გლეხებმა! რამდენ წებ გცემეს წაყოსა, რამდენწერ გაგიტეხეს თავი!
- წაყო, ყური დამიგდე. ათწერ მითქვამს შენთვის, რომ მე :პ...პპოლიტიკური მოღვაწე ვარ, მე და ჩემი მტრები ერთმანეთს რძვით. ამას წინათ ჩემი ოინები გაიგეს და გ... გგაზეთში ჩამიჩერეს. რა პასუხი უნდა გავცე ეხლა ჩემს მტრებს?
- რა პასუხი? წაყო გითხრამს: ასე დასწერებდე შენ გაზეთში. ჩადთ, თქვენი დედა და მამა... თქო!
- წაყო, წაყო! ნუ ხარ უზ...ზზრდელი, აგეთი ლანძღვა არ შელება.
- -- ძალიანაც შეიძლება! მე შენი პალტიკა-მალტიკა არ ვიცის. წაყო ქალაქში რომ ჩამოხვალ, ერთი ის კაცი აჩვენებდე იმასა. ზეთში რომ დაგწერებდა. მერე შენ ნახავდე სეირსა: ისე გაბურ თავო ის ოხერი, როგორც ჩილიკა-წოხი, მაშ, მაშა! აგრე ვიცის წაყომა!
- : თეიმურაზი გაიცინებდა, ბრძანების ნაცვლად წაყოს კვლავ დარიგებით გაბერავდა, მერე მარწვნივ და მარცხნივ ნასწავლის პღევას უხვად გააზნევდა, გლეხებს ათასს იმედს მთსცემდა, მიწების განაწილებას დაჰპირდებოდა და, სვინდის-დამშვიდებული, ისევ რფილისისკენ მოეშურებოდა.

* *

თეიმურაზი სოფლიდან დაბრუნებას ძალიან მოიჩქაროდა: ტფილისში მოუთმენლად ელოდებოდნენ მქლე გაზეთი, კოტრი კოოპ-რატივი, ძილმორეული კულტურული საზოგადოება, სახალხო სახკთ, უფასო კურსები და ათასი უთავბოლო ჩხირკედელობა, ფუსფუსი, ჩურჩული, ლაყბობა და ენის მნსაფხანი ამბავი.

ძევისთავი რწლენით უუკიდურესი რადიკალი და ხალხოსანი თფო. თუმცა მუდმივსა და აქტიურ პოლიტიკურ მუშაობას არ მისდევდა, მაგრამ მაინც ერთ წგუფში თანაგრძნობის ცხვირი ჰქონდა ლაყოფილი და ზოგჯერ სახიფათო საქმეშიც ოდნავ თითსაც ურევ

და, კალამი მსუბუქი და ხალისიანი ჰქონდა, ხოლო საგნის ცოდ ნა - ღრმა და ფესვიანი, ამიტომ როცა საციროება მოითხოვდა,

შესაფერ მოხსენების ან მემორანდუმის შედგენას მას მიანდობ დნენ ხოლმე.

თეიმურაზს მთელი ტფილისი იცნობდა: ზრდილი, პატიოსანთ, დინწი, ჭკვიანი და ენამჭევრი საზოგადო მოღვაწე იყო. თუმცა ლაპარაკში ოდნავ ენას უკიდებდა, მაგრამ ბორძიკი არაფერს არ ჰვნიებდა, ზოგის თქმით კი - უხდებოდა კიდევაც.

სამი კაცი იშვიათად მოიყრიდა თავს, რომ მეოთხედ თეიმურაზი არ ჩარეულიყო. შუაში არ ჩამდგარიყო, სათვალეები არ შეესწორებინა, თითი მაღლა არ აეწივნა და მაშინვე ბაასის სადავე ხელთ

არ ეგდო:

- მ... მმოითმინეთ, მ... მოვისაზროთ. წერ კამათის საგანი გამ...

მმოვარკვიოთ.

და რაზედაც უნდა ყოფილიყო ბაასი, - შესახებ ჟუდანის ირიგაციისა, ინგლისის პოლიტიკისა ეშმაკის კუნძულზე, გერმანელების დამკვიდრებისა აფრიკაში, პორტუგალიის გარშემო ატეხილ დავისა, ზანზიბარის სულთანის გარდაცვალებისა, თუნდ ჩარტისტულ მოძრაობისა. თუნდ ახალ ზელანდიელ ქალების საარჩევნო უფლებისა, ან ახალ მნათობის აღმოჩენისა, ან რომელიმე მეცნიერულ გამოკვლევისა, კომბის ან ლოიდ-წორჯის გეზისა, ან რომელიმე ქვეყნის რომელიმე მოღვაწის რომელიმე სიტყვის ახსნა-განმარტებისა, --- თეიმურაზი მუდამ უდავო მსაწული და მცოდნე

იყო ყველასი და ყველაფრისა.

თუ ვინმე გაჰბედავდა და თეიმურაზს კამათს აუტეხავდა, ქალაქის ჩრჩილი მოპირდაპირეს უმაღლეს ავტორებისა და ციტატების სიტყვით გააბრუებდა.

სადაც მცირედი დავა და კამათი ასტყდებოდა შესახებ რომელიმე ამბავის სისწორისა ან მცნების განმარტებისა, იმის მაგივრად, რომ მოდავეებს ენციკლოპედიურ ლექსიკონში ჩაეხედნათ, დავის გადასაჭრელად თეიმურაზთან მივბოდნენ. თეიმურაზიც ცნობას და განმარტებას ხალისით აძლევდა. თან ორ-სიტყვიან ცნობას რთულ ლექციად გადააქცევდა. ერთ ნათქვამს მოიმიზეზებდა, უბრალოს გაართულებდა, გაჰყვებოდა, გასჭიმავდა და მსმემელს ისე გაჰგუდავდა, რომ ერთმანეთს ძლივს-და დაშორდებოდნენ ძოღმე. ამის გამო ვიღაცამ თეიმურაზს ცოცხალი ენციკლოპედია დაარქვა. მას აქეთ თეიმურაზს ეს ზედმეტი სახელი სამუდამოდ შერჩა და ისიც ამ სახელს ამაყად და თავმომწონედ ატარებდა.

- თეთლსპაზოთჟ იაპებჟ ვექოკოთჟ ჩაპჩეპა ჭქნმდა. ათაჟქთ ებთძეკ ვთძლე გზა-დაბმესკთ გაბპთფვდა და თეთლსპაზოთ ჟაქმეს ჩააბარებდა. მერმე იმ საქმის პატრონი ნანობდა და თავშთ ძეკჟ იცემდა: თეიმურაზი საქმეს ხალისით აიღებდა, მაგრამ ბნკომდე ვერასოდეს ვერ მიატანდა. ხან არზას დროზე არ დასჩებდა, ხან განსაჩივრების ვადას გადააცილებდა- ხან ნაკისრი ჟაქმე სულ დაავიწყდებოდა, ხან კიდევ საქმის გარჩევას ვერ დაესჩებოდა, რადგან იმ დღეს ან გადაუდებელი საგაზეთო ჩერილი ჭქონდა დასაწერი, ან კრებაზე იყო წასასვლელი, ან კიდევ, ჟასამართლოში მიმავალი, ქუჩაში ვინმეს წააწყდებოდა და ისე გაჰყვებოდა კამათსა და მუსაიფში, რომ საქმესაც დაივიწყებდა და, ნწახშიც სადამოზე ძლივს დაბრუნდებოდა.

. ნაშინდარიდან წლიწადში ნრწყ ან სამწრ წაფნ ჩამოიილო და. ხელმარწვემ, ჭკვიანმა, ყბედმა, ქვეშქვეშამ და ხერხიანმა ოსმა შალიან კარგად იცოდა, რომ იმისმა ბატონმა ღალისა და მაზანდისა არაფერი არ იცოდა.

ჩამოვიდოდა და ჩამოიტანდა ღვინოს და ხილს, მწნილს და ლურაბას, ჩურჩხელებს და ფულს. წერ ბატონს მოიკითხავდა:

- როგორა ბრძანდებოდე, შენი წირი მე? ალბათ ძალიან ბევრი მუშაობ ბატონი, რომ აგრე გახდებოდი.

. მერმე თეიმურაზს პასუხსაც აღარ დააცლიდა და აწუწუნდებოდა:

. - წრეულს ძალიან ცუდი მოსავალი გექნებოდა, შენი წირი მესეტყვაც გქონდა, დიდი წვიმაც და გოლვაცა. გლეხებიც ძალიან გაემშაკდი, ღალას არ მოგცემდი... სულ ძალაზე იყურები.

თეიმურაზი წაყოს კვლავ დაარიგებდა:

, - უნდა მ... მოითმინო, წაყო, ტკბილი სიტყვით და კეთილი გულით უფრო მეტს გაარიგებ, ვიდრე მუქარით და ძალით.

- მეც ეგეთი ხარ, შენი წირი მე. გლეძებს სულ გარიგებ და გიცინი, მაგრამ ისინი სულ კომბალზე და ხანწალზე იყურები.

თეიმურაზი მორცხვად ჩაურთავდა:

- შენი სისტემა ძალიან მომწონს, ჯაყო, მაგრამ...

--- მაშ, მაშა! წაყოს ძალიან კარგი ჩისტემა გაქვს!

, - მაგრამ გლეხები მაინც სჩვიან, წაყო გცემსო, გვაჩთოკებსო, ერთხელ მიცემულს მეორეჯერ გვართმევსო.

---. ვინა, მენა? წაყოი?! წაყო გცემს გლეხებსა?! ვაი, საწყალი წაყო! ვაი, სადა ხარ სამართალი! --- ჭყვიროდა გულნატკენი წაყო

და ხუთ-გირვანქიან მუშტს განიერ მკერდზე იბრაგუნებდა. -მე კი არა გცემ, გლეხები გცემენ წაყოსა! ღმერთმანი, გლეხები

გცემენ! ამას წინათაც ისე გცემეს, ისე გცემეს, რომ საწყალ წაფოი კინალამ მოკვდი, მაშა! აბა ერთი ფერშალსა ჰკითხე, თს

გეტყვის ყველაფერსა.

და ბატონის სმადურობიო ნაწყენი წაყო ან ქუდს მოიშვლებდა, ან სახელოს აიწევდა, ან ბარძაყს გაიტიტვლებდა, ან კიდეც მკერდს გაიღელავდა და საბუთს გამოიჩენდა:

- აი, შენი წირი მე. აი! შენ თითონ ნახავდე. ისეთი დიდი

კომბალი დაგარტყეს თავში, რომ საწყალი თავი კრნალამ გოგრასაგით გაგისკდა... აი, აქაც დიდი ქვა დაგარტყეს... აქ კიდეც ხამწალი გატაკეს... ძალიან გცემეს წაყოსა, შენი წირი მე, ძალიანაუნდა თავი დაგანებო სამსახურსა, თორემა ყაჩაღები საწყალი წაყო მოგკლავდეს.

და მოჭფვებოდა გაუთავებელ წუწუნს იმის გამო, ვითომ გლეხები უკლებლივ ყაჩაღები ყოფილიყვნენ, ვითომ ერთგული წაყო

თეიბურაზის გულისთვის იმ ყაჩაღებს დღე-და-ღამ ებრძოდა და

სისხლსა ჰღვრიდა, ხოლო უმადური თეიმურაზი მოურავის ერთგულებას არ

აფასებდა და წაყოს ისევ გლეხების დარბევას აბრალებდა.

- სამსახურიდან დაგიტხოვე წაყოი, შენი წირი მე, თორემა წაყოს მოგკლავდნენ და შენც იმის ცოდო დაგედებოდეს.

დაწერებული თეიმურაზი შიშით ჰკანკალებდა, ნაცემ წაყოს სიბრალულით ჰკვნესოდა და გულში მოურავის ძალღურ ერთგულებას ამაყობდა.

ის კი არ იცოდა თეიმურაზ ხევისთავმა, რომ თუ გამწარებულ გლეხებისაგან წაყოს ერთი მოძვდებოდა, --- აბეზარი, ცირვეული, კბილმახვილი და დაუნდობელი ნადირი წაყო თავის მტერს ხუთწერ მაინც მიუზღვნიდა სამაგიეროს, ერთს სამად გადაახდევინებდა და ერთ განაკაწრს, ასე თუ ასე, დიდის ქომებით აინაზღაურებდა.

წაყო რომ ჭრილობებზე ყბედობას გაათავებდა, მაზანდასა და მოჟავალზე მოჰყვებოდა.

- მოსავალს არავინ არ ყიდულობდე, შენი წირი მე. მაზანდაც ძალიან ტინთი იქნებოდე. ცხინვალში იოდი ორ მანეთად ძლივჟაგაციდე.

თეიმურაზი ღალის დასათვლელად და მაზანდის გასაგებად ვერ იცლიდა, ამიტომ წაყოს ცნობას უცილობლივ იჯერებდა და ანგარიშსაც ისე მიიღებდა, როგორც მოურავი ჩაუთვლიდა.

*** 245 **

წაფნყ რაბთითჟ თთთებჟ ლნთძლაპებდა და ებთთ ჟათთ ძვმექნდა:

დავიწყებულს იგონებდა, მოგონებულს ივიწყებდა და ცივ

ნტლში იწურებოდა. ბოლოს, როცა ანგარიშს თავსა და ბოლოს

, გადააბავდა, გახარებულ კვიცივით ახვიხვინდებოდა:

-- ესეც ხომ მოგრჩი და გაგათავე. მადლობა ღმერთსა!

თეიმურაზი სოფლის საერთო ამბავს გამოჰკითხავდა. წაყოც

პთჟჟ მოიხსნიდა და აღარ გაჩუმდებოდა:

- სოფელი ძალიან ფინთი გახდებოდე, შენი წირი მე, ძალიან

ტთნთი! ყველანი გაფუწდი, ძალიან გაფუწდი! ყველანი ქურდობ დე და

იტაცებდე. ამას წინად ჩვენი ერთი მოზვერი და ათი ცხვაპთ მოიპარე. წაყომ ქურდებს

ბევრი გცემე, მაგრამ ქურდები არ

გამოტყდი.

. - წაყო, ცემა და ძალადობა არ შ... შშიიდლება მეთქი. -ლეასეწერ ეტყოდა თეიმურაზი და ისევ ვრცელ დარიგებას მისყემდა:

- გლეხობა არ გადამკიდლო მეთქი, წაყო! ჩემზე ცუდი არავის

ათ... თთქმევიწო: არ დაგავიწყდეს, რომ ჩემი პოლიტიკური მტრებთ საბაბს ეძებენ

ჩემს დას... სსამცირებლად და დაჟალარხად.

თავჩალუნული წაყო მწრგნობარის შადრევანს მოთმინებით

სგდებდა ყურს, თანხმობის ნიშნად ზღარბის თავს იქნევდა და

ულვაშებში იცინოდა, გულში კი ბატონს "დურაკსნ უწოდებდა და

ხანგამოშვებით მკერდს იბავუნებდა:

.- ას, ნეტა შენი პალტიკა მტერი ჩავივარდეს წაყოსა ნაშინდარის ორლობეში!

ბოლოს, თეიმურაზის ქადაგებით გაკრავებული, დარიგებით

.გაგუდული და ცოლშვილისთვის ათნაირ საჩუქრებით დატვირთული წაყო ისევ

ნაშინდარში ადიოდა, --- ისევ გლეხების დასაწიოკებლად და საკუთარ გოლიათური

ტანის გასასუქებლად.

თეიმურაზი კი მეორე დღესვე გაზეთში ორ-ადლიან წერილს გასცემდა შესახებ მოუსავლობის, დაბალ მაზანდის, გლეხების გაცირვებისა და მემამულეთა გაუმადრობის, გულქვაობისა და დაუნდობლობისა

III

ერთხელ თეიმურაზის მყუდრო ცხოვრებაში დიდი გაუგებრობა მოხდა: თეიმურაზმა მოულოდნელად ცოლი შეირთო.

ერთ დღეს ვიღაცამ გაკვრით ჰკითხა თეიმურაზს:

--- თეიმურაზ, რატომ ცოლს არ შეირთავ?

თეიმურაზს ეს სიტყვები გულში ჩაუვარდა და იმავე ღამესროცა ლოგინში ჩაწვა, თითქოს ობლობა იგრძნო და თავის თავს.

ჰკითხა:

- მართლა, რატომ ც... ცცოლს არ შევირთავ?

და იმ დღიდან ეს აზრი თეიმურაზს აღარ ასვენებდა. ქალის არჩევისთვის და არშიყობისთვის არ ეცალა. ზოგჯერ მაინც აქეთთქეთ იხედებოდა და ახალგაზრდა ქალებს გაკვრით უთვალთვალებდა. ვისაც თვალი დაადგა, ყველანი მოიწონა. ზოგჯერ მისი

გული ჩიტვიტით შეიფართხალებდა, მაგრამ მაშინვე ფრთა მოტეპილივით მოსწყდებოდა, რადგან მოწონებული ქალი ერთი საათის შემდეგ ავიწყდებოდა, ხოლო მეორე დღეს იმ ქალს ვეღარც კი სცნობდა.

ქალებისთვის ვერ მოიცალა თეიმურაზმა, მაგრამ ერთხელ საბედო თვითონვე თავთ წაადგა. ეს ამბავი უბრალოდ და მოულოდნელად მოხდა.

გაქანებული თეიმურაზი რედაქციაში ცხარე წერილს სწერდა შესახებ ინტენსიურ და ექსტენსიურ მეურნეობისა. ეს დღე და ის წერილიც ხევისთავმა სამუდამოდ დაიხსომა.

უცებ ახლად აჭრელებულ ფურცელს ჩრდილი გადაეფარა თეიმურაზმა აიხედა. უცნობი ლამაზი ქალი თავთ დასდგომოდა. მორცხვად იღიმებოდა და თეიმურაზს ცრელი ქალადის ნაგლეწს ნელში აჩეჩებდა, თანაც ნუშის შავ თვალებს ეშმაკურად აციმციმებდა:

--- გთხოვთ... ბილეთი იყთდეთ...

--- ბილეთი?... ვისთვის?... რა ბილეთი?

--- წარმოდგენას ომარ. თავთ ღარიბ მოსწავლე ქალების სასარგებლოდ. უნდა თქვენც დაგვეხმაროთ.

- დ... დდაბრძანდით. დიდის სიამოვნებით დავეხმარები თქვენისთანა...

თეიმურაზმა ენაზე იკბინა. კინაღამ წამოსცდა: თქვენისთანა ლამაზსაო.

ის წერილი აღარ დაასრულა. ამ ქალს რედაქციაში ხუთიოდე

ბთლეთი გაუყიდა და უთხრა:

- თუ ნებას მომცემთ, ბ... ბბანკშიც წამოგყვებით... ბილეთებზე გაგ... გგიყიდით.

გაჰყვა და სადილობამდე დასდევდა, თანაც ეუბნებოდა:

- ეხლა დ... დდრამატიულ საზოგადოებაში წავიდეთ... ეხლა

წ.., წწერა-კითხვის საზოგადოებაში შევიხედოთ.

ქუჩაში ნაცნობებს გზას უღობავდა:

, ბ... ბბილეთი უნდა იყიდო... უუქველად უნდა იყიდო.

ბლოს იმ ქალს ვინაობა ჰკითხა.

- თქვენი გ... გვარი და სახელი?

-მარგარიტა ყაფლანიშვილი გახლავართ.

..- დავითის ასული?

, - საკ...კკმირველია! ს.. სსაოცარია!

, - რა არის საოცარი?

--- ის არის საოცარი, რომ ორივენი ობლები ვართ.

-უბრალო შემთხვევა გახლავთ. ამ ქეყნად ობლები ბევრნი აპთან.

--- .მარ... რრთალია, მაგრამ ორივენი ჩვენი გვარის უკანასკნეკთ ჩამონავალნი ვართ.

--ეგ კი მართლა საკვირველია.

ამ შემთხვევამ და დაობლებულთა მოულოდნელმა შემთხვევამ ნრივეს გულზე უკბინა და ორივენი ერთ-და-იმავე იდუმალმა აზრმა გაიტაცა.

--გუშინდელი თქვენი წერილი წავიკითხე. - დაარღვია სთლუმე მარგომ.

- მარტო გუშინდელი?

--- არა, თქვენს წერილებს ყოველთვის ვკითხულობ, მაგრამ გუშინდელი წერილი დამახსოვდა, რადგან...

- რადგან?... მიზეზი?

-- რადგან მეტად კაპასი კილოთი იყო დაწერილი.

-- მართალია. - დაადასტურა თეიმურაზმა.

. -- მაგისტანა კილოთი წერა თქვენ არ შეგშვენით.

. -- ეგეც მართალია. გადავაცარბე, რადგან ქორი მომიგონე და ჩემი მოღვაწეობა უდიერად მოიხსენიეს.

--- თქვენი მკითხველების თვალში ცორი ვერ გასცრის, ამიტომ ცორიკანას ან პასუხი არ უნდა აკადროთ, ან არ გაჰყვეთ იმის კილოს. მე ასე მგონია. ბოდიშს ვახდი, რომ ასეთი სიტყვა გკადპეთ, მაგრამ ეს იმიტომ მომდის, რომ თქვენ ჩემთვის...

--- დაამთავრეთ. რა ვარ თქვენთვის?

მარგარიტა აილეწა.

--. ბოდიშს ვიხდი, რომ გაკადრეთ...

---. ბოდიში რა საკადრისია! პირიქით, თქვენი აზრი ჩემთვის ძვირფასია. ---- შეანელა მარგოს უხერხულობა თეიმურაზმა და გულში გაიფიქრა: - აი, ღირსეული შენიშვნა ცივიანი ქალისა, მომწონს. ძალიან მომწონს.

ითდევ ნპთ ჟაათთ თაპეჟ. თეთლსპაზთ ღმნკნდ აძკა დააივთპდა მარგოს ტანისამოსს, იერს, მიხვრა-მოხვრას, და გაიფიქრა:

"დაკვირვებული თვალი უმაღლ შეატყობს ამ ქალს ნიშსა და აღზრდას. სადა და სუფთა ტანისამოსი, მარტივი და ბუნებრივთ მიხვრა-მოხვრა, თავდაცერილი სიტყვა-პასუხი, ზომიერი თავმოყვარეობა, მოკრძალებული მორცხვობა, თავით-ფეხებამდე ჩატარებული ნატიფი გემოვნება და... ცულლუტი, ოდნავ დასანახთ არშიყობა თვალებით, მხოლოდ თვალებით. ის არის! სწორედ თუ არის, ვასაც ვეძებდი! ეს არის ჩემი საბედო და ამას იქით მე ზა არა მაქვსნ

იმ საღამოს თეიმურაზი თეატრში იყო და მარგოს კუდივით დასდევდა. ხოლო ორი კვირის შემდეგ, ერთ მთვარიან საღამოს დრო იხელთა და დაჩრდილსლ ხეივანში ასე აბორძიკდა:

- ერთი რამ უნდა მ...ლმოგახსენოთ... ყური მიგდეთ... ჩემთვის მეტად მნიშვნელოვანი ჟამია. ალბათ მიცნობთ... მარტოხელა კაცთ ვარ...

დიდხანს იბორძიკა და იბორიალა. ბოლოს, ძლივს წაილულლულა:

- ერთისს... სსიტყვით... თუ თქვენც მ.. მმოგწონვართ... ლე მომწონხართ... მ... მიყვარხართ. - მრთოლვარე ხელი ჩამოართვა და დაუმატა: - მ...მმოიფიქრეთ... ნუ აჩქარდებით.

თუმცა გაზაფხულის ღამე იყო, თუმცა ხავერდის ცაში სიყვ-რულით მთვრალი მთვარე დაბარბაცებდა, თუმცა ჭაერიც ვნებთუ სიცხით იწვოდა, მტკვარიც გაუგებარს ჰბოდავდა და ყოველი სულიერიც უცნაურისა და იდუმალის გრძნობით იყო გაბანგულთ, თეიმურაზი მაინც გულის-ხმას არ აჰყვა: არც თვითონ აჩქარდა და არც მარგო ააჩქარა.

მეორე დღეს მთვრალმა მთვარემ მაინც თავისი გაიტანა და 4 წყვილი ერთმანეთს ჩაჰხუტა.

* *

თეიმურაზი მთელ ზაფხულს გარინდული დადიოდა. მისი თავთ, გული და ნებისყოფა შსაზე გაიხლიჩა. დანიშნულმა ძევიჟთავმა იცოდა, რომ იმის სიცოცხლეში და ხევისთავთა მილეულ გვართუ თსტორიაში უდიდესი გარდატეხა ხდებოდა. მომავალი წვრის-ჩერა და დაოწმება მისთვის იდუმალ ნეტარებით იყო ჟავსე, მაგრამ იმავე დროს ჟაზოგადოებრივი საქმეებიც ისე ღამოეკიდნენ თეიმურაზს გამხმარ კისერზე, რომ დანიშნულს ხვედრი დრო ვერ მოან

დნლა და თჟე ჩათფვამა ეიკეჟთაქთ ლაპგაპთრა ფატკამთქვთკთ, რაგორც უცხო და ოდნავ ნაცნობი საბედო. საზეიმო ქორჩილმა სამი დღე და ღამე გასტანა. უძილობით

და სიყვარულით გამოწურული თეიმურაზი ლასლასით დადიოდა
და სტუმრებს უმასპინძლდებოდა:

: -- არ მ... მმოიწყინოთ... დალიეთ, მიირთვით, იმხიარულეთ...

. შუა ლხინში თეიმურაზმა ყანწი ასწია:

: --- ეს ღმერთმა ადღეგრძელოს მომავალი ხევისთავი და ყაფლანიშვილი, რადგან
ორივე გვარი ამ თაობაში სწყდება, ამიტოლო
ჩვენმა მომავალმა შვილმა უნდა ორივე გვარი დაიმკვიდროს. ამას
ამ თავითვე ვ... ვაცხადებ. გაუმარწოვოს!

სტუმრებმა ჟრიაბული ასტეხეს და თეიმურაზს ნასაზრი მოსწონეს. ხოლო მარგომ
საღამოზე დრო იხელთა, თეიმურაზი ცხელ
გულში ჩაიხუტა და ჩასჩურჩულა:

- მადლობელი, ჩემო თეიმურ.. ჩემო თეიმურ... მადლობელი!

მაგაზე უკეთესს ვერაფერს მოიგონებდი. ეგ აზრი მეც მქონდა, მა-რამ დამასწარი.
გულთამხილავი ჰყოფილბარ!

* *

| მეოთხე დღეს თეიმურაზმა ახალგაზრდა კნეინა ნაშინდარშთ
, აიფვანა, ნათესავებს გააცნო და თავის მამულიც აჩვენა.

ძველმა ციხე-დარბაზმა, კოშკმა, ხევისთავთა საფვარეულო საგანძურმა და კარგად
მოვლილმა ბაღ-ვენახმა მარგო აღტაცებაში
მოიყვანეს და მისი გული ახალგაზრდა და სახელმთიანხვეჭილ ქმრიჟ
გულს უფრო მციდროდ მიაბეს.

მოლოცვას და მოლხენას ბოლო აღარ უჩანდა. სადილი სადიკჟ
მოსდევდა და ვახშამი ვახშამს. გლეხები საქმეს სცდებოდნენ და
თეიმურაზის ქვევრებსა და ასი წლის კაკლების ჩრდიკჟ ვეღარ
შორდებოდნენ.

თეიმურაზთან შეზრდილი და მისი მამის ავთანდილის გაზრდილი მღვდელი
ივანე თეიმურაზს და მარგოს აჩრდილივით დასდევდა, ეკლესიურ დარიგებას
აძლევდა, სუფრაზე სთამადობდა, უღეველ ლოცვით ლოცავდა და ზოგწერ ჩუმ-
ჩუმად თეიმურზ წაფოს

ოინბაზობას ყურში აწვეთებდა. მაგრამ თეიმურაზი ისე იყო ბედნიერებით, ლაქუციით
და ქლესაობით დამთვრალი და გაყრუებულთ,
რომ ნათქვამი ან არ ესმოდა, ან უმაღვე ავიწყდებოდა.

წაყო თავისი კანიდან ამოვარდა და ბატონების წასვლამდე
თავის კალაპოტში ვეღარ ჩავარდა. ცისმარე დღიდან ხან ბაღს, მან

ეზოს, ხან ვენახს, ზოგწერ მარანსა და ხან კიდეჟ ძველ დარბაზს
მისი ქექა და გრგვინვა აყრუებდა:

- აბა, ქეშელა, რაშუ... გიგა, თახრაშუ!.. ბრინკა, მარნიდან
ღვინო მოიტანებდე!.. ტურა, ჩქარა ცხვარი დაკლავდე!.. პელო,
ჩქარა საქონელი მოგჩველე!

მარგოს რომ თვალს მოჰკრავდა, თოვლივით დადნებოდა,

თეფშივით გაიბადრებოდა და ფეხქვეშ გაეშლებოდა:

--კნეინაწან, კარგი ყურძენი ხომ არ სწამდე, შენ გენაცვალოს წაყოი?! იქნება ნალები გინდებოდეს, ან კარაქი, ან ტაბაკა? ან თქნება კარგი თევზი ან კურდღელი მოგინდებოდეს? ეხლავე წახვალ და დაგიწერ. ისეთი თევზაობა და ნადირობა ვიცის წაყომა, რომ შენი მოწონებული. მაშა!

- მადლობელი, წაყო, დიდი მადლობელი. არაფერი არ მინდა, ნუ სწუძდები.

- წაყო ხარ შენი მადლობელი, კნეინაწან, წაყოი! შენისთანა კნეინასთვის წაყო წყალში ჩავარდები, თორემ ერთი კურდღელი დაწერა რა დიდი საქმეა, შენი წირი მე, შენი!

და წაყო ბუტბუტით გაბრუნდებოდა:

--- შენ კი გენაცვალოს წაყოი, შენა!

ერთხელ გაყო და მასი ცოლი პელო მარგოსთან მივიდნენ და დაბლა დაუკრეს თავი. მერმე ჯაყომ ცხენის კბილები ააელვა და ახვიხვინდა:

--- შენთან სათხოვარი გაქვს წაყოსა და პელოსა, შენი წირი მე.

- სთქვი, წაყო. თუ შემეძლიან, შეგისრულებთ.

-- რატომ არ შეგიძლიან, შენი წირი მე. ძალიანაც შეგიძლიან! წაყოს და პელოს ორი შვილი გყავს მაიუნათლავი. ორივენი შენ და თეიმურაზმა უნდა მოგნათლოთ.

- ეგ ადვილი საქმეა, წაყო. როდის გინდა გავმართოთ ნათლობა?

--- ხვალ, შენი წირი მე, ხვალა.

--- ძალიან კარგი, თეიმურსაც ვეტყვი.

მეორე დღიდან თეიმურაზისა და წაყოს ოწახები დანათეჟავდნენ.

ერთი კვირის შემდეგ თეიმურაზი აცქმუტდა:

- უნდა წავიდეთ ქალაქში, ჩემო მარგუში. თორემ ათაჟი

გადაუდებელი საქმე მაქვს.

---- ისეთი რა საქმე გაქვს, თეიმურ, რომ ორიოდვე კვირაც ვეღარ მოიცადე შენს მამულში?

-- ათასი საქმე მაქვს. ვინ იცის, როგორ მიდის გ... გგაზეთი, .. ინოპერატივი. ჩვენი საზოგადოება და... ერთი სიტყვით, უჩემოდ ფველაფერი დ... დდაინგრევა.

- .--- შენ იცი. თუმცა მე ნაშინდარში ათასწერ მირჩვენიან.

. --- რა არის აქ საიმისო, მარგუში?

--- ყველაფერი: მშვენიერი ბუნება, ჟალი ჰავა, მშვიდობა და..შენ.

: -- მე? მე ქალაქშიც შენი ვიქნები, ჩემო მეგობარო.

., -- არა, არა! ქალაქში ჩემთვის ვერ მოიცლი. დანიშნულები რომ ვიყავით, კვირაში ერთხელ ძლივს შემოივლიდი. ვიცი, რომ ეხლაც ისე გაგიტაცებს საქმე, რომ დაგავიწყდები. მე კი მინდა, , რომ შენ დღე-და-ღამე ჩემთან იყო, ჩემ გვერდით, აი აქვე... ათ

ასე... ჩემო თემურ.

თემური დადნა მარგოს ალერსში, მაგრამ გულმა ორ დღეზე მეტი მაინც ვერ მოუსვენა. მესამე დღეს კვლავ ქალაქისკენ გამოთწია და მარგოც დაითანხმა.

* *

სანამ მარგო გასათხოვარი იყო, ისიც თეიმურაზით ფსსფუსებდა, ქველობდა და ქვეყნის გაბედნიერებას ჰლამობდა. მაგრამ, როცა გასათხოვდა და ხანი შევიდა, ნელ-ნელა დამშვიდდა და დაწყნარდა.

კნენას მუდმივ სამიოდე მომვლელი და მოსამსახურე ჰყავდა, ამიტომ იგი მალე უსაქმობის ცაობმა ჩაითრია და ჩასწაწნა.

წერ თეიმურაზის შუქით და სახელით იკვებებოდა: მუდმივ მეუღლეს კატასავით პირში შესცქეროდა, იმის ნაწერს ათწერ მადიკითხავდა, გადასჩერს გადაუწერდა, ყველგან თეიმურაზის ნათქვამს, ნააზრევსა და ნაწერს სიტყვა-სიტყვით იმეორებდა, იმის დღეს ფიცულობდა და იმის ხატს ლოცულობდა.

დრო გავიდა. ქურუმი ნელ-ნელა გაცვდა. მარგომაც თანდათამ ქმრის ხატზე ლოცვას დაუკლო და საისტარ თავის გართობას მიჰყო ხელი. კარგად იცვამდა და იხურავდა, სვამდა და სვამდა, სტუმრად დადიოდა, თვითონაც უხვად მასპინძლობდა და არც ერთს სანახავსა და გასართობს არ აკლდებოდა.

კიდევ გავიდა ხანი. ქურუმი დადნა და დაპატარავდა. უხატო მარგოსაც ყველაფერი მოსწყინდა და მოჰბეზრდა: უხალისო სიცოცხლეც, უცეცხლო თეიმურაზიც, მისი მჩატე ნააზრევიც, მისი მუდმივი ფუსფუსი და საქვეყნო მოღვაწეობაც. კაბები და გასარ

თნბთყფქვტვტჟ ლნკნდთმთ და აზპთამთ ლნლაგკთჟ შთებაყ. ბნკნჟ, აძაკგაზბდა იმეთმა ყ თჟე ქესპთგდა ალ ქვეფამაჟ და დაელნპლთკა თავთჟ ძვედპჟ, პნგნპყ ელნპლთკება ლაჟ-გაპდსვკთჟა და სშკვეკ ბედჟ-ათთ და ათაჟთ ლთკთნმთ ადალთამთ.

ლაპგნლ ლძნკნდ პალდემთლე ღვესკება და სტკება ქეთმაპლსმა თლ ბოლნდგამ , პომელიც მას ჰქონდა ცროვრებასთან: დუედა ღამექთ თხუთმეტი საათი მაინც ეძინა: შიგა და შიგ გამოიღვთმებდა, თუნდ მამლის ყივილისას ლოგინში წამოწდებოდა, ელექტრონს გაანათებდა და ხილთს ჰამას შეუდგებოდა; ალოჩემებსკთ სამიოდე გლახას ყოველ დღე განიკითხავდა: დილის ჩაის ლოგთმში დაჰლევდა, მერმე დაუდევრად ჩაიცვამდა და მთელი დუე ექვს ოთახში უსაქმოდ დაბორიალებდა. უწინ თეიმურაზის ნჰწეჟ რამდენწერმე მაინც გადაიკითხავდა, ზოგწერ ბაასშიც აჰყვებომაგრამ შემდეგ, საოწახო საქმეების გარდა, ქმრის ნაწერსაც ეპთდებოდა და მსწელობასაც გაურბოდა.

თუ თეიმურაზი დღეში ათზე ნაკლებ გაზეთს წაიკითხავდა, დღე მისთვის დაკარგული იყო. გაახელდა თუ არა დილით თვალებს, უმაღ ახალ-ახალ გაზეთებს დასწვდებოდა, და ჰამა-სმთჟ დროსაც, ცხვირი რომ მათლაფაში ჰქონდა. ერთი თვალი გაზეთზე ეჭირა. სადილს

ისე დაასრულებდა, რომ მეუღლეს ორიოდე
სიტყვასაც ვერ ეტყოდა. ზოგჯერ მარგო გაზვთ-ჟურნალებში ჩაწოლილ თეიმურაზს
მიუწდებოდა და ბაასის გაბმას ჰლამობდ
მაგრამ თეიმურაზს არ ეცალა:

- დაიცა, მარგო... დამაცა, რა ვქნა!. არა მცალიან. მერლემ... მოვილაპარაკოთ. -
თითქოს ძილში ბურტყუნებდა ნაბეცდქთ
ლამძვრალი წიგნის ჩრჩილი. .

"მერმე არასოდეს უდრიდა. ზოგჯერ მარგო ბავშვივით
აცელქდებოდა, თეიმურაზს წიგნებს და გაზეთებს მოსტაცებდა
განზე გადაჰყრიდა, ქმარს თავს შემოევლებოდა და ანგლრევდა:

- თემურ, თყო ამდენი კითხვა. აბა, გალოფხიზლდი და შემნმხედე, განა მე შენს
გაზეთებს არა ვსწობივარ? აბა, ერთმანეთჟ
შეადარე ცოცხალი ქალი და მკვდრი ქალადი, მე ლაპარაით
შელიძლიან, ქალადი-კი მუნწია, მე ვიცინი, ვილიმები და დავდთვარ, ქალადი კი
უსულო საგანია. მე სიმღერაც ვიცი. გინდა
გიმღერო?

- არა, მარგო, სიმღერისთვის არა მცალიან. გეყო ხუმრობ
მ... მომაწოდე ჩემი გაზეთები.

- ან, თუ გინდა, როიალზე დაგიკრავ შენს საყვარელს შნპენის nocfurne-ჟ, ან
ბეტჰოვენის სიმფონიას, თუ გინდა -- კოჟტის რაჰსოდისას, ან შუმანის ვალსს.

მარგო როიალს მიუჯდებოდა და საკრავს საამურად ააჟღარუ მებდა.
მაგრამ თეიმურაზს არც ლისტის რაჰსოდია ესმოდა, არც
ბეტჰოვენისთვის ეცალა. მას ინგლისის ახალ არჩევნების შესახებ
ჩერილის კითხვა გააწყვეტინეს!

და თეიმურაზი ჰლამობდა გაწყვეტილ ძაფის გადაბმას:

! -- მარგო, მომეცი ჩემი გ... გგაზეთი!

- არ მოგცემ. უნდა უეჭველად გაგართო. თუ როიალის ხმა
გესიამოვნება, გიმღერებ. რომელი მოგწონს, რომანსი "მხო კოდ შენ ერთსრ თუ
კარმენის არია? - და ხავერდის ხმით

დაიწყებდა:

ლხო-ოლოდ შენ ე-ერთს, რაც რომ ჩემთვი-ი-ის

მოუცია-ა-ა მაღლიდან ღმე-ე-ერთს...

- მარგო, ნუ მაწავრებ, მომეცი მეთქი ჩემი გაზეთი!

--- არც სიმღერა მოგეწონა? მაშ შენი გულისთვის ერთჟ
სზუნდარას ჩამოფუვლი, ან ტარანტელლას, ან კარმენის ცეკვას.

და დაირას ან კასტანეტებს აიღებდა და თეიმურაზის გარშემო
ლამოივლიდა. ხან ვნებიან და გველურ უზუნდარით დაიწვებოდა,
ხან ესპანური ცეკვით აიგრთხებოდა, ხან კიდევ გიჟმაჟურ ტარანტელას ისეთის
ალქაჯური სიმარდით დაატრიალებდა, რომ თეიმურაზს თვალი უჭრელდებოდა და
თავბრუ ეხვეოდა. სცეკვავდა

გაწეწილ-გაღელილი მარგო და ხან ინისლებოდა, ხან ვნებით სდნებოდა. ხან ჟინით
გიჟდებოდა და ნუშის შავი თვალეებით ხან ღონდებოდა, ხან სეკვდით იბურებოდა, ხან

ცელქად ილიმებოდა და

ხან კიდევ ისე ინთებოდა, რომ მისი თვალები ოთახში ატეხილ
ელვასავით დახტოდნენ.

დაღლილი მარგო თეიმურაზს ეხვეოდა, თეიმურაზი კი ჟინიან
ბავშვივით ისევ თავისას გაიძახოდა - მარგო, მომეცი მეთქი ჩემი გაზეთი!. მარგო,
გეყო ჩემი

წვალება!.. მომაწოდე გაზეთი და დამშვიდდი!..

მაგრალ მარგო არ მშვიდდებოდა ტახტზე წამოწოლილ თეიმურაზს ძან
ნვლსასუნებელს მიაპკურებდა, ხან ფეხში ხელს წაავლიბდა და კივილ-სიცილით
დაითრევდა, ხან ჩაეკონებოდა და

ბურანქი გახვევულ ქმრის გამოფხიზლებას ჰლამობდა. ხოკო

მარგოს ცხარე კოცნას თეიმურაზი უგულო ლოწონით და დარიგებით უპასუხებდა:

- კარგი, გეყოფა .. მოისვენე... ჩემი გაზეთი და.. დდამიბრუნე.

ყინულნაკრავი და ნაკბენი მარგო გაზეთს თავში მიახლიდა, მეორე

ოთახში გავარდებოდა და სიმწარისგან ცრემლს იწმენდდა და
თითებს იმტვრევდა.

მუდმივ დინწმა, ცივმა და ქვეყნის ბედით გატაცებულმა
წიგნის ჭიამ თან-და-თან გადააჩვია მარგო მუსიკას, სიმღერას,
ცეკვას, ანცობას: თავის მოგიჟიანებას, სიყვარულის სიცილსა და
სიცოცხლის ლაღობას. რაც დრო მიდიოდა, თეიმურაზიც საზოგადო საქმეებსა და
წიგნებში უფრო-და-უფრო ღრმად მისძვრებოდა,
დღითი დღე ციავდებოდა, წიგნის მღილს ემსგავსებოდა და მარგოს
გულის ჩახვევას, განაპირებასა და სულიერ დაობლებას ვერც
კი ამჩნევდა.

უკანასკნელ ხანებში თეიმურაზი ქართულ კულტურის სამტომიან ისტორიას
ადგენდა და შიგა-და-შიგ ათობით ჟჩერდა
საგაზეთო წერილებს, მოხსენებებს, დასკვნებს, გამოკვლევებსა და
შენიშვნებს, თან საიდუმლო კრებებზედაც დადიოდა და სხვებთან
ერთად დღითი დღე სჭამდა და ჰლრღნიდა იმ ტოტს, რომელზედაც
არხეინად ეძინა და უდარდელად ფუსფუსებდა.

თეიმურაზი ოდესღაც განთქმულ ხევისთავთა გვარის უკანასკნელი ჩამონავალი
იყო. ეს გვარი წარსულში საქართველოს წარდინებულებს პირველობას ედავებოდა,
ერთ დროს ქართლის

ბედსაც განაგებდა და ზოგჯერ მეფეებს ძალაუფლებასაც ეცილებოდა. თეიმურაზის
მამა და პაპაც ხევისთავის გვარს ისეთის ღირსებით და ფახით ატარებდნენ, თითქო
გვარის გარდა წინანდელი

ძალაც ხელში ჰქონოდათო- გულში არც თეიმურაზი იწუნებდა

საზეიმო გვარიშვილობას, მაგრამ უზრდელ კვებნას და თავისქებას საქვეყნოდ არ
კადრულობდა.

თეიმურაზი სწუხდა და იდუმალის დარდით სდარდობდა

უშვილძირობას და ამაყ ხევისთავთა ნაშიერობის გაქრობას. რაც

განი გადიოდა, უშვილო თეიმურაზიც წიშის გაგრძელების ალღოსაც უფრო და უფრო

ცხარედ ჰგრძნობდა და, შვილის ძეგნით
გატაცებული, გულმოდგინედ ოფლში იწურებოდა, მაგრამ ოძუნწისა და უღმობელ
ბედის წყალობით მას "ბერწი მეუღლე შეჰხვდაა. მუდამი --- გულისნადები არ
შეუსრულდა. მეუღლენი
წლითი-წლობით შვილს ელოდებოდნენ, უშვილობას ერთმანეთს
აბრალებდნენ და რჩევისა და დარიგებისათვის ხან ერთს ექიმს
მიადგებოდნენ, ხან მეორეს, ზოგჯერ კი არც ჟამლხო წაღლებუ
ერიდებოდნენ.
ბოლოს, უნაყოფო შრომით და გაუთავებელი მოლოდინით
თეიმურაზს ქანცი გამოეღია და იმედი გადაუწყდა. ხევსთავთა გულნატკენმა
მონაფხეკმა ბრალი საბოლოოდ თავის მეუღლეს დასდო

და გული დაიმშვიდა, თანდათან დაცხრა და უღმობელ განგებას
დაემორჩილა.

, თეიმურაზის და მარგოს ცხოვრება მას აქეთ მდორე წყალივით
. მიიზღაზნებოდა: უდარდელად, დინწად, უქაროდ და უტალღოდ.
. თეიმურაზს ძარღვებიც სისხლის მაგივრად თითქო გაზეთების
მაგლეჯებით ჰქონდა გატენილი. დედაკაცი იმის მდორე ბუნებას
. უძალო ნიავივით აღელვებდა. იმის დაშრეტულ და დონდლო სისხლში ვნების
ქარიშხალი არაოდეს არ ატეხილა, და მისი გული, - ისიც
მჩატე გაზეთივით დაცმუჭნილი და გაჩვარებული, -- ღვთაებრივ
ხანძრით არ ანთებულა. იქ, სადღაც ჯურღმულში ოდნავ-და ჰბჟუტავდა მილეული
ცრაქი და მასზე ძლივს-და შიშინებდა ნელ-თბილი
სიყვარული. იმ მილეულ ჭრაქის ალი გაყინულ მარგოს ერთძელავ
ვერ მოეკიდა, ვერ გააცხელა და ვერ აადულა მისი ობოლი სისხლი
ვნების დუღილით, რომელსაც უნდა მოჰყოლოდა სიცოცხლის ხალისი, დინწი
ბედნიერება და ხევსთავთა გვარის უკვდავება.

და რადგან მარგოს არ ეღირსა არც ბედნიერება, არც ნიშატის
გაღვივება და არც ხევსთავთა დედობა, ამიტომ ისიც ისე მშვიდად
და არხეინად შედიოდა ხანში, როგორც თეიმურაზი მარგოს საწოლში: სიყვარულის
იალქნების ურხევლად, ფრთამოტეხილ ბატივით,
უგემური ზღაზვნით და ნელთბილი ცოხნით.

როცა თეიმურაზი იშვიათად მიუწვებოდა მარგოს და ცხარე
აღერსის მაგივრად მოდუნებულ ხელებით უგემურად ცოდვილობდა
და ილოღნებოდა, ამავე ჟამს თავი სკასავით გატენილი ჰქონდა უთვალავ ფუტკარით
და საზრუნავით: თეიმურაზი ამ დროს ორჩოზე
იყო შემდგარი და საქვეყნო ზრუნვით იყო ორსული. იმ წუთს
მწიგნობარი გატაცებით ჰფიქრობდა ზანზიბარის გაყვლეფისა, მაროკკოს
დამორჩილებისა, მონღოლთა ბედისა და ლურ-ბახტიართა აწანყებაზე: ცხარედ
ეკამათებოდა გუჩკოვს, ლლოიდ-ჯორწს, კლემანსოს, წერა-კითხვის საზოგადოების
თავმწდომარეს, სამეურნეო ბანკის დირექტორს და იმ დღეს ქუჩაში შენახვედრ
პოლიტიკურ მოპირდაპირეს: სწერდა ხვალინდელ წერილს, ამზადებდა საქვეყნოდ
სათქმელ სიტყვას და ანგარიშობდა კოოპერატივის წაგება-მოგებას:

სთვლიდა, სწონავდა, ზომავდა და ზრუნავდა ყველაფერსა და ყველაფერზე, გარდა მარგოს ალერსისა და ქმრის ვალის შესრულებისა წინაშე თავის ცოლისა, რომელსაც ასეთ დროს თეიმურაზის დაჩვარებულ მკლავებში ხან ძლიერი ძილი ერეოდა, ხან კიდევ ჩაუქრებოდა ვნებით გაავეებული ბრაზი და გაკაკვსებული ანჩხლობა ხერახავდა.

ნამდვილი სიყვარულის უნახავმა მარგომ, ბოლოს, თავისი თავთ დააწერა, ვითომ ასეთი მჩატე სიყვარული და ასეთი სუთუძკნ ცოლქმრობა ამ ქვეყნიური და ჩვეულებრივი მოვლენა ყოფილიყო, ხოლო ის გაგიჟება და ცაში ავარდნილი ვნება, რომელიც წიგნებში ჰქონდა წაკითხული, პოეტების მშვენიერი ნაჭორალი და მათი ადუღებული ტვინის ნაბოდვარი ეგონა. დააწერა მარგომ თავისი თავი და ძლივს გააყუჩა მოუსვენარი გული, რომელიც ხანდახან ისევ უცნაურად ჰკვენსოდა და გაუგებარს ჰბოდავდა, ისევ თავისას მოითხოვდა და ნისლოვან ლანდებს მისდევდა.

თეიმურაზი კი მარგოს ლანდებს არ ჰხედავდა იმის გულსა და ყურს მარგოს გულის ტირილი და სისხლის ჩქეფა. არ სწვდებოდა. წიგნის ცია ისევ ზანზიბარის ბედზე ჰზრუნავდა, მუდმივ ვიღაც-ვიღაცას ეკამათებოდა, წამდაუწუმ სათვალეებს ისწორებდა, თითოს მერს ან ცას აბწენდა და ჰბორძიკობდა:

- მოგ...ვისაზროთ... გ..გგამოვარკვიოთ... მოგ ..ვვიფიქროთ... რა არს ცხოვრება ესე?

ასე იფიქრა და ისაზრა ჩხირკედელა წიგნის მატლმა და ქაჩალმა თავგმა, სანამ თავისივე თათებით გამოჩხრეკილი კატა თავთ არ წაადგა.

* *

თეიმურაზი სიხარულით ცას დაეწია: სიცოცხლის ნატვრა შესსრულდა. სამოთხის კარები გაეღო. დღე-და-ღამე ქუდმოგლეგილი დარბოდა, წითელ ბაირალს იქნევდა და ჩახლეჩილი ხმით ჰკიოდა:

---- თავისუფლებას გ...გგაუმარწოს!.. ვაშაას. რევოლუციას გაუმარწოს!.. ძ...ძირს მეფე და ძძალადობა! და მეათასეწერ სწერდა და ილოღნიდა:

- მთელ ქვეყანაზე არავის არ ჰყოლია რუს...სისთანა ინტელ... ლლიგენცია. ბედნიერი ხალხია, ბ..ბბედნიერი!

განუწყვეტელ ლაპარაკით, სირბილით და წერით ხმა ჩაუწყდა, ენა დაემა, მუხლები მოსწყდა და ხელის თითები დაუდუნდა.

მერმე თანდათან დაინახა და დარწმუნდა, რომ იმდენი ხნის ნანატრი და ნალოდინევი მისი გასართობი და სათამაშო კი არ იყო. არამედ თავისას მოითძოვდა.

თეიმურაზი წერ გაჩუმდა. შემდეგ გატვრინდა და აიმრიზა. "გაუმარწოსსა აღარ გაიძახოდა და აღარც წითელ ბაირალს იქნევდა.

. თან წითელ ფერს გაურბოდა, უწინდელ დროშებს სწვავდა, თაგვის სოროში სძვრებოდა, შიშისაგან კანკალებდა. გადარეულმა : თეიმურაზმაც უმაღლესი ზურგი მიიბრუნა: ქუდ-მოგლეწილი ჩხირკედელა უგზო-უკვლოდ თავდაღმა დაეშვა და სასოწარკვეთით.

: გაჰკიოდა:

- გვიშველეთ! დავიღუპე-ე-ე-თ! გვიშველე-ე-თ!

: მაარამ :შველელი არსად სჩანდა. განწირულის კვილი და გოდება თანდათან მისუსტდა, მიიბნინდა და, ბოლოს, სადღაც ჯურღმულში მისწყდა. რევოლუციის გრიგალში თეიმურაზ ხევასთავის

კნავილი ვერავინ გაიგო, ხოლო მისი ათი წლის ნაშენები და ნაცოდვილარი წითელმა გოლიათმა ქინძისთავის-ოდენა ლუკმასავით ჩაჰყლაპა.

თეიმურაზი ნელ-ნელა ისევ წიგნების სანაგვეს დაუბრუნდა, რომელსაც განათლებულ ქათამივით გულმოდგინედ ჰქექავდა. ჰქექავდა და ამონაკითხს ახალ ცხოვრებას ადარებდა. ახალი და ცოცხალი

ცხოვრება არა ჰგავდა თეიმურაზის და იმის მასწავლებელ მწიგნობართა ნაროშვარს. ჰხედავდა ამ უცნაურობას თეიმურაზი და გულსბრყვილოდ ბრაზობდა იმის გამო, რომ ცხოვრება წიგნებს არ

ემორჩილებოდა, არც კი ეკითხებოდა, და ბრძენთა ნებადაურთველად, თავისი გზით თავხედურად მიაბიწებდა. თეიმურაზი კი თითს ისევ

. ცას აბწენდა და ისევ ჰკვირობდა:

- საკ...კვირველია! ს...სსაოცარია!

ამ ქვეყანამ და თეიმურაზ ხევისთავმა თანდათან ისე შეიძულეს და შეიზიზღეს ერთმანეთი, როგორც კერპმა მამამ შეიძულა უძღები შვილი, რომელმაც განუზომელი ურჩობა, უმადურება, კადნიერება და ამპარტავნება გამოიჩინა და საკუთარ ფეხებზე დადგომა და საკუთარი გზით სიარული გაჰბედა.

იმ დღიდან თეიმურაზს მისი სიცოცხლე კისერზე ისე ჩამოეკიდა, : როგორც ლეკვის აყროლებული ლეში, რომელიც, ვერ იქმნა, ვერ ჩამოიგლიწა, ვერ მოიშორა, და თვითონაც იმ ლეშიან ცხოვრებას ვერსად გაექცა და ვერსად დაემალა.

IV

თეიმურაზი ცოლის შერთვამდე შეძლებულ მემამულედ ითვლებოდა. მაგრამ შემდეგ, როცა საკუთარი ბუდე აიშენა და საზოგადო საქმეებშიც უფრო ღრმად შესტოპა, მისი მამულიც, უპატრონობის გამო და წაყოს წყალობით, თანდათან დაილია. უთავბოლო და

განურჩვევლი ქველმოქმედება, გაზეთის გამოცემა, რჩეული წიგნების ბეჭდვა, რამდენიმე ნიჭიერი წაბუკის გაზრდა, მარწვნივ და

მარცხნივ დახმარების გაწევა, ხშირი სტუმრობა და პატიჟი, ღარიბ

ნათესავთა შენახვა და იარღია ოწახი მუდმივ ახალ-ახალ დამატებას მოითხოვდნენ. თეიმურაზიც ქართლში განთქმულ საყანურებს იქამდე ჰყიდდა ნაჭრობით, სამამ ხეკთ არ შერჩა მხოლოდ სახლ-კარი, ბაღი, ვენახი და ასიოდე ღიური სახნავი.

რადგან მამულის წყარო წერ თეიმურაზის ბედოვლათობით, მერმე კი რევოლუციის წყალობით თანდათან დაშრა და, ბოლოს, სულაც მოისპო, თეიმურაზიც. მისი ოწახიც და საქმენიც ზეთ-გამოლეულ ჭრაქივით დაილივნენ და დადნენ.

მწიგნობარმა და საზოგადო მოღვაწემ წერ გაზეთის გამოცემა მოსპო, მერმე სტიპენდიებზე აიღო ხელი, შემდეგ მარგოს თვალმარგალიტი გაჰყიდა და ბოლოს, თავის მამა-პაპეულ განძეულობასაც დაადგა თვალი. ის განძეულობა, რკინით ნაჭედ უზარმაზარ სკივრში ჩაწყობილი, ნაშინდარში ინახებოდა. როცა ქვეყანა აირია, თეიმურაზმა ის სკივრი დაიბარა. ერთი კვირის შემდეგ დაფეთებული წაყო ხელცარიელი ჩამოვიდა, თეიმურაზის ოთახში შევარდა და აღრიალდა:

- მოგკალი, შენი წირი მე, მოგკალი! წაყო საცხოვრებელი აღარ ხარ! მოგკალი, შენი წირი მე, მოგკალი!

და ბანწგვლიანი დათვი ბავშვივით ატირდა.

- რა იყო, ჯაყო, რა მოხდა?... სთქვი, წაყო, რა მოხდა მეთქი? ეკითხებოდნენ შემინებული თეიმურაზი და მარგო თავიანთ მოურავს. წაყო პასუხის ნაცვლად თავში თათებს იცემდა, წვერ-ულვაშს იგლეჯდა, მკერდსა და მუხლებს იმტვრევდა და გაბმულ ღმუილით ღრიალებდა:

- დაიღუპე წაყო-ი-ი-ი-ი! მოკვდი წაყო-ი-ი!

ბოლოს, ძლივს დაუკლო ღრიალსა და დათვურ სლუკუნით გადმოაგდო:

--- ყაჩაღებმა სკივრი მოგტაცეს ჯაყოსა.

მარგოს ეს ამბავი მეხივით დაეცა, თეიმურაზს კი გულს მოექვა , -- კარგი, წაყო, გაჩ...ჩუმდი. მე უარესი მეგონა. - ანუგეშა ღნურავი თეიმურაზმა.

- ამაზე უარესი რაღა იყოს, თემურ? - მთრთოლვარე ხმით

ჟთქვა მარგომ. - ის განძეულობა ათ წელიწადს მაინც გვაცხოვებდა, ეხლა კი...

|- დამშვიდდი, წაყო. მე მეგონა, ცოლი ან შ...შშვილი მოგიკვამეთქი.

. - შვილის სიკვდილი გერჩინა წაყოსა. მამა! ნეტა ცოლ-შვიკთ დაგხოცოდა და ასეთი სირცხვილი არ გეწამა წაყოსა! ღმერთმა მთ მართალს ამბობს წაყოი. ვაი ჩემი ბრალი! ვაიმე, საწყალო წა ფნი-ი-ი!

-წაყო, გაჩუმდი და მიაძბე, რ...როგორ მოხდა ეგ ამბავი?

- როგორ მოხდი და ასე მოხდი, შენი წირი მე, რომა ყველას მინა. შუალამეს ყაჩაღები მოხვედი, ქეშელას ყელში ბანწალი დადე, პირში ჩვარი ჩაგიდეს, სკივრი გაგტეხე და ყველაფერი წაიღე.

რე ქეშელა დაიღმუვლე, ჯაყო გაიღვიძე და ყველანი წამოგაყენე.

ლაგრამ ყაჩაღები ცხენებზე შეხტი და გაიქეცი. ბევრი ეძებე ის

ფაჩალები, მაგრამ მიწამ ჩაგყლაპა. აი, მთავრობის პრაქტიკული მოგოტანე წაყომა.
მანდ სწერიხარ ყველაფერი.

- ახია შენზე, ახი! - ბრაზით მიახალა მარგომ თეიმურაზს,
ომელიც გულმოდგინედ კთოხულობდა გრძელ ოქმს. - რამდენწერ გითხარი: ქვეყანა
აირია, იმ განძეულობას ხიფათი მოელის,
ადი და ჩამოიტანე მეთეი, მაგრამ შენ ვერ მოიცალე, თავი ვერ
ქეიწუხე.

-- დამშვიდდი, მარგო, დამშვიდდი. ოლონდაც, ვერ მოვიცალე.
თჟეთ დროს შემირჩევდი ხოლმე, რომ... მახსოვს, ერთხელ არჩევნე ბთ იყო,
მეორეჯერ პრესაში ცხარე კამათი გვქონდა ჩვენ მტრებთან,
ლესამეწერ ჩემი წიგნი იბეჭდებოდა.

-- მერმე. სამი დღით კამათი ვერ შესწყვიტე?! შენ, როგორც
გატყობ, არც კი გესმის დანაკარგის ფასი, ყოველთვის ბედოვლათო
მავი და შვმდეგშიც დარჩები.

-- მ...მმარგო!

, -- ნაცარქექიავ! - და გამწარებულმა მარგომ კარები გაიხურა

* *

დრო კვლავ მიდიოდა. დაკარგულ განძეულობის ხსოვნაც მიწეღდა. ლუკმა პურის
შოვნა კი დღით-დღე ძნელდებოდა. თეიმურაზმა რომ მარგოს სამკაული და
თავიანთი ნიშნობის ბეჭდებიც კი
გაცვალა დაშხამულ პურზე, ოწახის ნგრევას მიჰყო ხელი და რიგრიგობით გაიტანა
ბაზარზე ხალიჩები, როიალი, რბილი ავეწი, თეთრეული, ფაიფური და ბროლის
ჭურჭელი. ხოლო როცა თეიმურაზს
ცხოვრებამ მიჩამდე ლოულუნა კისერი და ულმოზლად დაჰკეცა იგი,
მოდრეკილმა მწიგნობარმა თავის წიგნებსაც წაავლო ხელი, - იმ
წიგნებს, რომელნიც თეიმურაზისთვის ღვიძლ შვილებს ედარებოდნენ და უფრო
საჭირონი და ძვირფასნი იყვნენ, ვიდრე ავეწეულობა, მამა-პაპეული განძეულობა,
მარგოს თვალ-მარგალიტი, ბროლი,
ფაიფური და თეთრეული.

ოცი წელიწადი მოუნდა თეიმურაზი წიგნსაცავის ფრჩევას და
გამდიდრებას. კვირა იშვიათად გავიდოდა, რომ საფრანგეთიდან,
გერმანიიდან და რუსეთიდან ფოსტას ერთი დასტა წიგნები არ მოეტანა. არც
ქართული წიგნი, ჟურნალ-გაზეთი, ან ფურცელი დაიბეცდებოდა, რომ ერთი ცალი
თეიმურაზის კაბინეტში არ შესულიყო.

რამდენიმე ბუკინისტი მუდმივ გამალებით დაეძებდა თეიმურაზისთვის
ბიბლიოგრაფიულ იშვიათობას. დიდის სიყვარულიო, ცოდნითა
და მოწიწებით აგროვებდა თავადი-მწიგნობარი საიდუმლო ნაბეჭდებს და
ნაშინდარში ჰგზავნიდა ცხრაკლიტულში დასაკეტად.

წიგნსა და თეიმურაზს ისე უყვარდათ ერთმანერთი, როგორც
მამაშვილს. ამიტომ, წიგნების გაყიდვის წერი რომ მოვიდა, თეიმურაზმა მხოლოდ
მაშინ იგრძნო და გაიგო, რომ იგი კარგა ხანია შეუდგა თავის გოლგოთას, რომლის
მწვერვალი, შავის ნისლით დაბურული, წერ არც კი მოსჩანდა.

გულაჩუყებული ბიბლიოფილი კვთრაში ერთახელ წომეებს აცახცახებული

ხელით გადაარჩევდა, ილლთაში ამოიჩრიადა, სახლიდან
ქურდივით გაიპარებოდა და საკომისიო მაღაზიას ჩალის ფასად მიუგდებდა, თან
ჩუმ-ჩუმად ცრემლს იწმენდავდა და აფორიაქებულ
სულს იმ იმედით იმშვიდებდა, ვითომ ხვალ ან ზეგ დრო გამოიცვლებოდა,
ცხოვრების ბორბალს ვიღაც უჩინარი პირუკულმა დაატრიალებდა, ან თეიმურაზს
მამული დაუბრუნდებოდა, ან როგორმე ფულს მოიგდებდა და გაყიდულ ქონებას და
წიგნებსაც ხელახლად დაიბრუნებდა...

. მაგრამ ცხოვრებას გუმანშიც არ ჰქონდა პირუკულმა მოტრიალე. ბა და ხევისთავის
უზურის გამართლება.
, ისევ დღე დღეს მისდევდა, კვირას - კვირა, წელიწადს - წელიწადი. თეიმურაზი კი
მუდმივ სასწაულს ელოდებოდა. და სასწაულის
:ლოლოდინში, მამულის დაბრუნებისა და ხელახალ გამდიდრებით
თმედიანობაში ნელ-ნელა დაილივინენ და დაცალიერდნენ თეიმურაზის გულიც,
იმედებიც, წიგნსაცავიც და ბინაც.

ა

. ერთ ხანს თეიმურაზი ყოველ დღე ხუთიოდე საკომისიო მაღაზიაში ლაინც
შეირბენდა გასასყიდად მიბარებულ წიგნებისა და ნივთების ბედის გასაგებად და
ორიოდე გროშის მისაღებად.
იმ მაღაზიებში თეიმურაზი დიდის დაკვირვებით და გულის
კვნესით ათვალეირებდა ათას უცნობ ოწამთდამ გასასყიდად გამოტანილ ნივთებს.
მაღაზიების ვიტრინებსა და თაროებზე ხევისთავი
. ცხადად ჰხედავდა და ჰკითხულობდა საკუთარ ცხოვრებისა და ბედის წიგნს.
რა არ იყო იმ მაღაზიებში საქვეყნოდ გატანილი ერთ ლუკმა
. ჰურისთვის! კაბები და საცვალთ, ჭურჭელი და სურათები, წიგნები
და ალბომები, სამკაული და სათამაშო, ნაქარგი და ნაქსოვი, ნაჩუქარი და სახსოვარი:
ცოლ-ქმრობის, დანიშვნის, წვრისწერის, დაქმობის, მამა-შვილობის და მეგობრობის
ათასნაირი წვრილმანი,
უთვალავი მოგონებით აღსავსე, ნატიფი ნახელოვნევი, ინტიმური
და ძვირფასი ნივთი.
ყოველ ნივთს -- ბეჭედსა და საყურეს, სამაწურსა და კოხტა
- სარკეს. ვერცხლის სათუთუნეს, ქალის ნაქსოვ ხელის-ქისას, ფარ; ჩის კორსეტსა და
ქარვის კრთალოსანს, სპილოს ძვლის სათამაშოს
ადა ბრინწაოს ქანდაკს, ფაიფურის ვაზას და მოქარგულ ოქრონემსულს,
ფერუმარლის ჭურჭელსა და ატლასის სათამაშო ქაღალდს,
. ჟაქორწილო თეთრ კაბას და აბრემუმის წინდებს-უკლებლივ ყვე. ლაფერს ჰქონდა
თავისი რომანი და წარსული, სიხარული და დარდი, სიცილი და ცრემლი, ინტიმური
ისტორია და უცნო თავგადასავალი. იმედიანი დასაწყისი და სევდიანი დასასრული.
. ხანგამოშვებით თეიმურაზი იმ მაღაზიებში ნაცნობთა სამკაულს
: და ნივთებსაც წააწყდებოდა. მან იცნო კნეინა ახატნელის განთქმული სპილოს
ძვლის მარაო - დიდი მთავრის ნაჩუქარი, ოქროს ძა

ფით მოქარგული და ფრანგული წარწერილი: n'oublier jamais,
თცნო აგრეთვე კნენა არაგველის უუძველესი ქართული ქათიბი, --კვერნით
შემოვლებული, მუქიშინდის ფერი ხავერდი, თეთრის აბრეშუმით მოქარგული და
მსხვილი მარგალიტებით დაწინწკლული:

იცნო თავადი გიგო სურამელის საგვარეული რახტიც. კნენა ელენეს წილაც, კნენა
ქეთევანის მანიაკიც და თავად ელიზბარის ქულაწაც.
უკვე უსაქმური თეიმურაზი ზოგწერ მთელ დღეჲ ტრთალებდა
საკომისიო მაღაზიებში, სცნობდა მეგობართა და ნაცნობთა საქვეყნოდ გატანილ
ნივთებს, ჩუმის კვნესით ჰკვნესოდა, გულამომწდარი
სჩიოდა და საკუთარის თვალით ჰხედავდა თავისივე თვალწინ დატრიალებულსა და
საკუთარ კისერზე დაწერილს ახალს ულმობელ
ისტორიას, რომლის წყალობით ერთნი ამ ქვეყნის ასპარეზიდან
უკვე მიდიოდნენ და თავიანო წარსულს ჰყიდდნენ, ხოლო მეორენი
ახალ ქვეყნიდან მოდიოდნენ და თავიანთ მომავალს ჰყიდულობდნენ თეიმურაზიც
დღითი-ღღე ჰყიდდა თავის ბედნაკრავ ოწახსა
და ისტორიას. დღითი-ღღე სწვავდა მომავლის იმედებს და, თავჩაქინდრული,
გულდაწყვეტილი, სულდამწვარი, ზღაზვნით და ბორძიკით ჩამოდიოდა თავდაღმა
ცხოვრების ეკლიან კიბეზე.

წერი ტანისამოსზე მისდგა. ჯერ რამდენიმე ხელი გაჰყიდა, დანარჩენი
გადმოაბრუნა და მარცხენა წიბეები მარწვნიე მოაქცია:
მერმე, საყელოების გახამება რომ გამვირდა, გაუხამებელს იკეთებდა. ბოლოს,
საყელოები და ყელსაბამიც მოიშორა, ხალათი ჩაიცვა, ქამარი შემოირტყა, წვერიც
გაუშვა და გაკოტრებულ მეწვრილმანე ურიას დაემსგავსა.

* *

თეიმურაზი და მისი მეუღლე ოდესღაც ექვსთვალთან ბინაში
სცხოვრობდნენ. იმ ექვს ოთახიდან ორ-სამ ოთახშიც იშვიათად შეიხედავდნენ. თუმცა
თეიმურაზი თითქმის მიღეული იყო, მაგრამ
ბინის გამოცვლას მაინც არ აპირებდა.

დროება ერთხელ კიდევ გამოიცვალა. თეიმურაზ ხევისთავი რევოლუციის
სალეწავ მანქანაში ჩავარდა. ერთ დღეს თეიმურაზს
მაბრიანები და შავხელა მუშები მიადგნენ და უთხრეს:

- ამხანაგო, შემოკლდით!

თეიმურაზი და მარგო "დამოკლდნენა და სამ ოთახში დაბინავდნენ. კიდევ გავიდა
ხანი. კიდევ მიადგნენ თეიმურაზს და უთხრეს:

„ალხანაგო, ცოტა კიდევ შემოკლდით.

. თეთლსპაზთ და მარგო ერთ პატარა ოთახში მისჭექყეს, ხოლო
მსთ ნთახში მუშები და მათი ცოლ-შვილი ჩასახლდნენ.

, თლ ძნიდამ დათწფო თეიმურაზის და მარგოს ახალი წალება: წი . მამდელი მშვიდობა და ხალვათობა გაჰქრა. ყველას საერთო სამზა პესლო, ჩეჩმა, აივანი და საკუჭნაო ჰქონდათ. დღე არ გავიდოდა,

მმარგოს თეიმურაზისთვის არ შეეჩვივნა მეზობელთა დაუდევ პნზა და უწესობა, მაგრამ თეიმურაზი სდუმდა და ამბობდა:

- გ..გგაჩუმდი, ქალო, თორემ აქედანაც გაგვაგდებენ.

∴ თეთმსრაზს შიში გაუმართლდა: ერთხელ კიდევ მივიდნენ და სთხრეს:

. --- ამხანაგო, აიბარგეთ!

|.

| და თვალცრემლიანმა თეიმურაზმა ბაზარს გადარჩენილი ერთი ლსცა ბარგი თითქმის ხელით გადმოიტანა იმ ერთ ოთახში, სადაც ეხლა მისი ნამოწამაგირვეი წაყო ისე ძალუმად ჰხვრინავდა, რომ მიუთ ძრიალი ზემნ სართულსაც კი სწვდებოდა.

თეთლსრაზმა თავთუ დპნზე სამსახურიც სცადა, მაგრამ ძალე

. თგრძნო და გაიგო, რომ ის სხვის სკამზე იყო ჩამომწდარი. ახალლა

ქვეყანამ და თეიმურაზმა ერთმანერთისა ვერაფერი გაიგეს, ერთმამეპთუ.

გული და სული ვერ შეუგუეს და ვერ მოახვედრეს. ორთვეუ

თითქო სხვადასხვა ენას ლაპარაკობდნენ, თითქო სძვადაჰძვა

ქვეყნისა და ჟამის სულითა და ხასიათით იყვნენ გაჟღენთილმით.

ამიტომ იყო, რომ ერთის "ღვთის წყალობა მეორეუ"ღვთის

რისხვად ელანდებოდა, ხოლო მეორეს ძადლი პირველს ძატლად

ლიაჩნდა.

, თეთლსპაზლა რამდენწერმე ფეხი გადინაცვლა და ჟალესპმენ დაპგქთ დაიწყო

მუშაობა. ახალ სამსახურში თეიმურაზის ავლადთდება და ცოდნა გაჩხრიკეს და ძალე

დარწმუნდნენ, რომ ცთამამძავლა

მწიგნობარმა ყველაფერი იცოდა, მაგრამ ისიც ძალე გაიგეს,

:რომ ახალ წესრთგთუ შეგუება არ ძალუმდა და არ შეედლო.

დიდხანს იხეტიალა თეიმურაზმა ერთ შენობიდან მეორეში და

ლეორე დარგიდან მესამეში. ერთ ალაგს თვითონ თეიმურაზი იწუმებდა.

მენპექთ თეიმურაზს იწუნებდნენ ბოლოს, სამსახურს სამუ. დამოდ სნებურად

ჩამოშორდა და სძვა საქმეს რომ ვეღარ მიეიედკა, გარიეპნილ გზას დაადგა და

ერევენის ლოედმის ბთპოაზე გავთდა.

თეიმურაზს გარკვეული ხელობა არა ჰქონდა. ამიტომ ძალაუნებურად

დალალობას მიჰყო ხელი. თუ სადმე ნაცნობ-ნათესავებს

შეჰხვდებოდა ჩურჩულით და გესლიანი ღიმილით ეუბნებოდა:

- ვ...ვვაჰრებში ფეხი მ...მმოვიკიდე. თუ გასაყიდი ან დდ...დდასახურდავებელი

გაქვთ რამე, შემიძლიან დ...დდაგეხმაროთ, ძაკლერობით უნდა გავათავო ჩემი

სიცოცხლე.

და ოფლში გაწურული, ენაგამოგდებული მწიგნობარი ნახევარმიჰხლიან ბეჰდის

გასაყიდად ან ორიოდე ოსძალურ ლირის დასახურდავებლად დილიდან საღამომდე

შუა ბაზარსა და ერევენის

ლოედანზე ქაქანით დალასლასებდა, კედლებსა და მავალებს აწყდებოდა და ორიოდ გირვანქა პურის გსლისთვის ვინმე ბაზაზის დუქანში ორ საათს იჭაჭებოდა, იხვეწებოდა. სტყუოდა და ჰფიყულობდა.

-- ნეტა მამა ჩემს ჩემთვის რაიმე ხელობა მაინც ესწავლებინა, ან მწიგნობარის მაგივრად ნეტა ხარაზი, დურგალი ან ზეინკალი ვყოფილაყავ. - სთქვა იმ ხანებში თეიმურაზმა და ეს ნათქვამი თანდათან ნატვრად გადაექცა. და ამ ნატვრას შემდეგში ისე ხშირად იმეორებდა, რომ მახლობლებს და თვითონ თეიმურაზსაც კი იმ ნატვრის გაგონებაც კი მოჰბეზრდათ.

ბოლოს, ღირების დახურდავებაც მოისპო და გასასყიდი ბეჭდებიც გამოილია.

თეიმურაზი მას აქეთ მთელი დღე უსაქმოდ ქუჩაში დასჩანჩალებდა და ნაცნობ-ნათესავებს ყურში საიდუმლოდ ჩასჩურჩულებდა.

- ორი მანეთი მ...მმასესხე ხ...ხხვალამდის.

და ორი მანეთის მაგივრად ორ აბაზსაც სიხარულით ეჭიდებოდა.

ზოგჯერ იღლიაში ამოჩრილ პურსა და იაფ სანოვაგეს ბედნიერი ღიმილით მოათრევდა. ზოგჯერ კი, პირქუში და თვალ-ცრემლიანი, თავის ბნელ ოთახში შეიძურწებოდა და მუდმივ დაღვრემილ მარგოს თრთოლვით და კანკალით ძლივს შეჰკნავლებდა:

- დღეს ვ...ვვერაფერი ვერ მოვაპეპბე, დ...დდაჩფევკვტკთ დღეა. უნდა მ...მოვითმინოთ.

მარგოც სდუმდა და ითმენდა

* *

ერთ დროს თეიმურაზი მეგობრებს ათობით ჩამოივლიდა ხოლმე.

. ვინ იცის, რამდენმა შეინარჩუნა და გაიყოლა თეიმურაზის მად კთ! ჟამთა ტრიალის წყალობით მრავალი მათგანი თეიმურაზივით

ჩთსქვილის ქვეშ დაიფქვა, მაგრამ ზოგნი წელმაგარნი გამოდგნენ ისევ ფეხმარდად დაიარებოდნენ, ზოგნი კი, უცნაურ ბედის

. ჩყალობით, წელშიც კი გასწორდნენ, გამაგრდნენ და გასუქდნენ.

მკვდრები მკვდარ თეიმურაზს ეჭიდებოდნენ და სამარემდე მით პევას ემუდარებოდნენ, ხოლო ცოცხალი მეგობრები სულთა-მხუთავის კლანჭებში ჩავარდნილ თეიმურაზს ფიცხლად შემოეფანტნენ.

ქსჩაში მიმავალ დაღვრემილ ნაკაცარს ისე ერიდებოდნენ, თითქო მათი მოკეთე და მადლის დამთესავი ხევსთავი გაცოფებულიყო.

ბქირად თითქო ვერც კი სცნობდნენ: შორიდანვე თავს ჩაჰლუნავდმენ და ნაბიწს მოუმატებდნენ, ან მაღაზიის დასათვალიერებლად შეტრიალდებოდნენ და თეიმურაზს ზურგს შეაქცევდნენ.

. სამიოდემ თეიმურაზის ძველი მადლი გაიხსენეს, ნაკაცარს ოდმავ ხელი მოუმართეს და თითქოს უსიტყვოდ უთხრეს:

.. "ჩვენი ვალი მოვიხადეთ. მეორედ აღარ შეგვაწუხოო-.

ერთდროს ჟხვიჟი მოცირნახულე და მომჭირნე თეიმურაზი ეხლა

პომ მარტოხელა მაინც ყოფილიყო, როგორმე თავს შეინამავდა და გაჭირვებას ასე ადვილად არ გაეთელვინებოდა. მაგრამ მუდმივ გა , ღუმებული

მარგო თავის დუმილით ქმარჟ სულს უხუთავდა და
ფნველდლე შხამს ასმევდა.

. თეიმურაზიც თანდათან ბნელდებოდა და ისე ილუნებოდა,
. თთთქო მას უჩინარი ვინმე დღიათ-დღე ახალ-ახალ ლოდს ჰკიდებ დაო.
., მარგოც იბურებოდა, ითმენდა და ილეოდა.

: უდარდოდ და ფაქიზად გაზრდილ მარგოს არასოდეს არ ჰქონდა ნაცადი
ცხოვრებასთან ბრძოლა და ლუკმა პურის დევნა. მას
ასიათშივე ჰქონდა დაყოლილი უჩინარი ბედის შიში და მორჩილება, ხოლო
უკანასკნელ ხანებში ეს მომთმენი დედაკაცი საბოლოოდ
მელთ ჩაუვარდა უჩვეულო ცხოვრებას, სავსებით დაემორჩილა მას
და უსიტყვო და ხელის გაუნძრევლად მისცა თავი სრულ აპპა რიას,
გულგრილობას, სულერთიანობას და გარინდულობას.

"თეიმური ჩემი ქმარია. რაც უნდა იყოს, ჩემთვის მუშაობს და
თტანწება. მეც მისი მეუღლე ვარ, მეც უნდა მოვითმინო? - ასე
თმუგეშებდა ზოგჯერ მარგო თავს და უპურობასაც კი ითმენდა, მაგრამ ამ შეგნებას
არ მოსდევდა სიყვარულის ტალღა, მეგობრულ
შაფების გამაგრება და მეუღლეობის ვალის განხორციელება. ამი

ტომ ხელის განძრევის ნაცვლად მარგოს გულში ბოროტმა ინსტინქტმა გაიფაჩუნა.

მარტოდ-მარტოდ დარჩენილმა დედაკაცმა გული
ჩაიხვია და პირზე კლიტე დაიდო. როცა თეიმურაზი მწარედ სჩიოდა და ჰკვნესოდა,
მისი მეუღლე დახმარების, გამხნეებისა და ნუგემის მაგიერ დღითი-დღე სდუმდა.

და ის დუმილი, ცივი, უღვთო
და სასტიკი, - უფრო შხამიანი და გაუძლისი იყო თეიმურაზისთვის,
ვიდრე მარგოს ბრაზიანი კვილი, ლანძღვა და საქვეყნო საყვედური, მარგო კი ისევე
დუმილით ჰფარავდა ბაღდამის შადრევანს, რომელიც ამოხეთქვას ჰლამობდა. მაგრამ
დედაკაცის გაცრუებულ
იმედსა და სიყვარულზე, მარგოს უნებურად, ნელ-ნელა ლენცოფა,
ზიზღი და ფიზიკური მძულვარება აღმოცენდა.

- მარგო, მეტის-მეტად გაგვიჭირდა. - ეტყოდა ზოგჯერ თეიმურაზი დამუნწებულ
მეუღლეს ბაასის გასაბმელად.

- აკი ვითმენ ამ გაცირვებას, მეტი რა გინდა? - უპასუხებდ:
პირგაყინული მარგო.

- ითმენ, მაგრამ ვაი მაგ მოთმენას!
- შენ შენს თავს მოუარე, ჩემზე ნუ ზრუნავ.
- ისე მელაპარაკები, თითქოს უცხონი ვიყოთ ერთმანერთისთვის.
- როცა გელაპარაკებოდი, შენ სდუმდი. ჩემი თავი გაზეთებს
ანაყვაკე. დსლთკო შინ შემასწავლე, ბაასს შენ გადამაჩვიე. ან რა
გვაქვს სალაპარაკო! როცა მოსაცემი გქონდა, არაფერი არ მომეცი,
როცა ყველაფერი გამოგელია, ცარიელ ბაასს მთავაზობ.

- დარიგება, გამხნეება და სულიერი ნუგეში მცირდება, თორემ წავიქცევი, მარგო!
მარგო უარესად მოიდრუბლებოდა და გამწარებულ მეუღლისთვის ერთ სიტყვასაც
ვეღარ გაიმეტებდა.

რაც დრო მიდიოდა, გაჭირვებაც მატულობდა, ხოლო მარგოს

გულში საიდუმლოდ და წვეთ-წვეთად კაპასი გესლი და ავი ბალუამი ჟონავდა.

ჟონავდა და გუბდებოდა. და იმ ბალლამსა და გესლს მარგო მოთმინების, გულგრილობისა და დუმილის ხუფით ჰფარავდა. მაგრამ იგი გესლი სდულდა, ხუფს აწვებოდა და ამოვარდნას ჰლამობდა.

ბოლოს, ხუფიც ამოვარდა: გამწარებულმა დედიაცმა ერთხელ თავის უბედო და უნდილ მეუღლეს ერთი წვეთი გესლი შეასხა. როგორ ან როდის გამოეცალა ხევისთავის უდუღაბო ციხეს პირველი აგური, არც თეიმურაზს ახსოვდა, არც მარგოს. პირველ აგურს მოჰყვა მეორე, მეოთხეს მეხუთე და მეცხრეს მეათე. ბოლოს, ისე

დღე არ გავიდოდა, რომ თეიმურაზის მოშლილ ბუდეში ზიზღის , ნიაღვარი არ შევარდნილიყო: მძულვარების შადრევანს არ ამოეხეთქნა და ისედაც მორღვეულ ციხე-ოწახში კიდევ ერთი კედელი არ ჩამონგრეულიყო.

და განუწყვეტელ ნგრევის, შიმშილისა და უძალო ბრძოლის გამო ორივეს თანდათან შესძულდათ და შეეზიზღათ თავიანთი თავიც და ერთმანერთიც, სიცოცხლეც და ციდილიც, უხალისო წარსულიც და უიმედო მომავალიც.

თეიმურაზი თითქოს აღარ იბრძოდა. მოძულეებული თავი მოძსლებულ ცხოვრების მდინარეს გულგრილად მისცა და საამურ დასასრულს ნატვრით ელოდებოდა.

ბოლო ხანებში ცოლიც და ქმარიც მისწყდნენ, დადნენ, მიილივნენ და სიცოცხლის დღეებსაც კი აღარ ითვლიდნენ.

პირქუშმა ბედმა ორივეს ხელი ჩამოართვა და მათი ხელები თავის კლანჭებში დაიტოვა.

V

.. წინად რომ წაყო წივაშვილს ჰკითხავდნენ, სადაური ხარო, წაყო ტაბიკის თითს როკის მთისკენ გაიშვერდა და იტყოდა:

-- იქაური ხარ, შენი წირი მე. საწყალი წაყო ობოლი ხარ, არც მმა გყავს, არც მამა და არც ბიძა. წაყოს მარტო საწყალი ქეშელა გყავს, შენი წირი მე.

მერმე კი, როცა გლეხობას მიწის ციებ-ცხელება აუტყდა, როკის მთაში წაყოს მძებრიც აღმოუჩნდნენ და ბიძებიც.

: როცა დრო მოვიდა, მთებიდან მოულოდნელად კბილებამდე იარაღში ჩამსხდარი ხუთი წივაშვილი ჩამოვარდა. ჩამოცვივდნენ და წაყოს გვერდით ამოუდგნენ.

.. თვითონ ჯაყოს დილით-დილამდე ზედ ეკიდა რუსული თოფი, მაუზერის დამბაჩა, თეიმურაზის მამა-პაპეული ხმალ-ხანწალი, სამასი ვაზნით გატენილი სამი სავაზნე და ოთხი საომარი ყუმბარა.

არსენალად გადაქცეული წაყო თეიმურაზის მამულს გარს უვ. ლიდა და, ვითარცა უპატრონო ქონებისა და თავისი ნაოფლარის

კანონიერი მემკვიდრე, გააფთრებული გაჰკიოდა:

, -- ჩემია! ჩემია! წაყო დედას გიტირებდე, ვინც მოხვიდოდე!

გვერდით ძმები და ბიძები ჰყავდა: ქეშელა, გიბა, ტელა, მეშთა და ბრინკა. ისინიც წაყოს გაბერილ მადას იარაღით ადასტურებდნენ:

. --- მაშ, მაშა! ყველაფერი ჩვენია, ჩვენინ დედას გიტირებდით,
, დედასა!!

წაყომ ძალას და მუქარას ხერხი და კეთილი გულიც დააყოლა: მთელი სოფელი რამდენწერმე დაჰპატიჟა, სამი ქოცო დააცალიერა, ათიოდე ცხვარი დაჰკლა, გლეხების გული მოინადირა, მტრებიც შეირიგა და ხელისუფლებაც გაამაგრა.

- გაგიმარწოს ჟორდანიას მთავრობასა! - გაჰკიოდა წარამარა.

- გაგიმარწოს! საწყალი ხალხი მიწა მოგეცი ჟორდანიამა.

ხელისუფლება და პირველობა წაყოს თავის-თავად ჩაუვარდა ხელში.

ამიერიდან წაყო ნაშინდარას თავიც გახდა, :საწსლიც, ვექილთც და მზრუნველიც. კვირა არ გავიდოდა, რომ შეიარაღებული წაყო გორის ან ცხინვალის ძელისუფლებს კრიჭაში არ ჩასდგომოდა და არ ახვიხვინებულყო.

- ნაშინდარის ხალხმა გიბრძანა წაყოსა... ჩვენი ხალხი სამართალი გინდა!.. ჩვენი ხალხი მაგოდენა ნალოგი არ გადაიხდი!...

ლოჰჩი და გათავდი:

საცა მუქარა და ხალხის სახელი არ გასჭრიდა, იქ ახმახი წაყო გაბავშვდებოდა, გაკრავდებოდა და აცრემლდებოდა:

- გიშველეთ, შენი წირი მე, თორემა მთელი სოფელი დაილუპე... ყველასა გშიან, ტანისამოსიც აღარა გაქვს, საქონელიც შიმშილით გაგიწყდა. გიშველით ნაშინდარსა! მუდარა გასჭრიდა თუ არ გასჭრიდა, წაყო მაინც სოფელს დაუვლიდა:

-წაყოს დიდი ხარწი გაქვს. შენ, კაკუჩა, ერთი ჩანახი ჩამოდი!
შენც, ბრეცაა, ერთი ქათამი მოიტა... შენზე ერთი გოწი ააგაწეპე,
წრიწინა!

ბოლოს, თვითონ თეიმურაზის თხოვნით, წაყოს ქვემო ნაფუზრებში თოთძმეტი დლიური მიუზომეს. ჯაყომ სახნავ-სათესი იშოვნა, ძოლო სახლ-კარისა და ბალ-ვენახის დაჩემება სამერმისოდ გადასდო. მერმე ქალაქში ჩამოვიდა, თეიმურაზს ზღვენი ჩამოუტანა

და ერთი კვირის ღაჯინით, მუდარით და მსქართთ თჟე გააბჰსა წეპ კიდევ ძლიერი თეიმურაზი, რომ დაშინებულმა თავადმა თავის მოურავს სახლ-კარიც და ბალ-ვენახიც თითქმის უფასოდ დაუთმო

* *

გავიდა ორი წელიწადი. ჯაფომ ორიოდე ზუვენი იიდევ ლთართვა თეიმურაზს, თანაც მილეულ ზურგზე დათვის თათს უბარტყუნებდა, ღოწის კბილებს აელვებდა და იღრიწებოდა:

- ღალას მერე მოგიტანებდე, შენი წირი მე, მოსავალი არ მოხვიდოდე. ზოგი გლეხები მოაძევებდე, ზოგს მოიპარებდე, ზოგსაც

ნალოგი წაიღებდე. წაყო ცოლს შეირთავდე, შენი წირი მე. ხარწიც დიდი გქონდა.

- ეგ მეორეა თუ მესამე, ჯაყო?... -- ჰკითხა მარგომ.
- მეორე ხარ, შენი წირი მე ისეთი ლამაზი ქართველი ქალი მოიყვანე, როგორც მთვარე.

და ერთი ისე დაიჭიხვინა, რომ ფანჭრის მინები ააწკარუნა. კი დევ გავიდა ხანი. ვარდის ფერი საქართველო დამუქდა და გაწითლდა. და. როკის მთებიდან კიდევე ერთხელ ჩამოგორდნენ ჯაყოს ძმები და

ბიძები, და კიდევე ერთხელ მიეშველნენ თავიანთ ბელადს, რომე ლიც ისევ იარაღში ჩაიჭედა, ისევ გაცოფებული ურბენდა გარშემო

თეიმურაზის სახლ-კარს, ბაღ-ვენახს და ისეთის ხაპი ხმით გაჰკიო და, რომ მისი მუქარა მთელ სოფელს სწვდებოდა:

- დედას გიტირებ, დედასა! აბა ახლოს მოხვიდოდე ვინმე! აბა ირთი გამოხვიდოდე, თუ ვაჟკაცი იქნებოდე!

- ჩვენია! ჩვენია სახლიც და ბაღიც! - კვლავ უდასტურებდნენ გიგა, ქეშელა, ტურა, მეშთა და ბრინკა.

, ხუთივენი წამდაუწუმ თოფსა და მაუზერს აჩხაკუნებდნენ, ხელში ყუმბარებს იმარჯვებდნენ და ხმალ-ხანწალს ჰფერავდნენ.

ხოლო ღამ-ღამობით, უძილავი მტრებისა და ლანდების დასაფრთხო ბაღ, თოფსა და მაუზერს აგრიანებდნენ.

წაყომ ღრიალს და ქადილს ისევ ზედ დააყოლა ცხვარი და ღვი მო, არაყი და მწვადები, ოსური ლუთი და ხაბიზაინიგი, მრერებთამ

: შერიგება და ხელისუფლებასთან ღიწინი:

- ჩვენი ხალხი ძალიან რევალცია ხალძია, შენი წირი მე. მუ დამ მზათა ხართ თოფი გესროლოთ მტრებსა და ყაჩაღებსა. ნაშინ დარში ფველანი ძმები ხართ და ძმა-ბიწურად ცხოვრობთ .. ჩვენ,

შენი წირი მე, არაფერი არ გინდა ბალშენიკებისგან. მარტო ნალოგი ნუ წაიღებდე. წლეულს ძალიან ცუდი მოსავალი გქონდა. ყველასა გშიან, შენი წირი მე სეტყვაც მოგივიდა და გოლვაც გქონდა. სულ .. დაგილპა იქაურობა, შენი წირი მე, სულ!

: ასეთის ღრეჭითა და ასნაირ ხრიკებით სოფლისთვის წერ შელა: ვათს მიიღებდა, მერმე სამაგიეროს სოფლისგან თხოულობდა და

გლეხებს საყვედურით თავს აბეზრებდა:

- წაყო სოფელს გიშველა... ჯაყო ნალოგი გაპატიე... წაყო ყველაფერი გაგიკეთე. წაყო დიდი კაცი გახდი, მაშ, მაშა! აგრე ვიცის

. წაყომა! - და ქადილსა და საყვედურს ისევ წუწუნი მოსდევდა:

---.მოგეცი ჯაყოს ვალი, თორემ ჯაყოს მეტი აღარ შეგიძლიან და წაყოს ოწახში უხვად შედიოდა ხორბალი და ლობიო, მატყლი

, და წვრილფეხა, კარაქი, ერბო, ფრინველი და მრავალი გლეხური

ნაცოდვილარი და ნაოფლარი. ჰკრეფდა წაყო ღალას და ახალ ჭანგზე გაიძახოდა:

- ღმერთმა გაკურთხოს ბალშენიკების მთავრობაი, რომელმაცა
საწყალ წაყოს სახლიც მოგცა, ბაღიც, ვენახიცა და კარგი ზაკონიცა! ძირს ჟორდანია!
აღარ გინდა წაყოს ბურწამადის მთავრობაი,
აღარა!

წაყომ ნატვრა შეისრულა და იმ სახლსა და ბაღ-ვენახში არხინად მოიკეცა. გულიც
დაიშვიდა. იარაღიდან ამოძვრა, დაიმკლავა
და ისე დააძგერა თავისი ნათესავები იმ მთწას და ბაღ-ვენახს, როგორც მოსისხლე
მტერს: რიჟრაჟიდან ბინდამდე ჰხნავდნენ, სთესავდნენ, ჰბარავდნენ, სხლავდნენ,
მკიდნენ და... ჩუმად ვაჭრობდნენ
და უღვთოდ ვახშობდნენ.

იმავე როკელ-წაველ ნათესავების დახმარებით წაყო მალულად
ვაჭრობდა ყველით, ერბოთი, მატყლით, ქსოვილით, ხორბალით,
მსხვილფეხა საქონლით და ყველაფრით, რაც ხელში მოჰხვდებოდა
და რასაც წვეს გამოადენდა. ვაჭრობდა წაყო და სუქდებოდა, შეძენის ხურუმს
იქრობდა და უდროოდ და უაღაგოდ ციხვინით ქადილობდა და ილოცებოდა:

- მაშ, მაშ! აგრე ვიცის წაყომა! ღმერთმა გაცოცხლოს ჩვენი
თავრობაი და რევალცია, რომელიცა რომა წაყოსთანა საწყალსა
.მიწა და სახლი მოგეცი. შეგეწიოს წაყოსა იმისი მადლი და ანგელოზი!

VI

იმ დღეს თეიმურაზმა უკანასკნელი ტყავი გაიძრო და ნამოურავალი წაყო
სადილად დაჰპატიჟა. დამკლავებული წაყო სამის თითით
მესამე მათლაფა შილაფლავს ხრამა-ხრუმით ათავებდა, დანა-ჩანგალს დასცინოდა,
ცხენის კბილებით გირვანქიან ძვლებს ჩიტის
ფრთასავით ახრამუნებდა, ბოთლს ბოთლზე ხლუპით სვამდა, თეიმურაზს მოხრილ
ზურგზე თეფშის ოდენა თათს უბარტყუნებდა და
ისე ჰყვიროდა, თითქოს ლიახვის ნაპირიდან გაღმა ვინმეს ხმას
ამღევდაო:

- ამ ბოთლსაც ნავთის სუნი აგადინე, ნათლია კნიაზო!
- მ...მიირთვი, გენაცვა. ღმერთს შენთვის კარგი მადა მოუცია..
და გაუმადლარ წაყოს მასპინძლები ახალ-ახალს სთავაზობდნენ.
თანაც შიშის ოფლში იწურებოდნენ: ვაი თუ წაყოს სამყოფი არა
გვექონდესო.

ღმერთმა წაყოს კარგი მადა მოგცა, შენი წირი მე, მაშა!
ენაცვალე იმის მადლსა! რამდენი ხანია, რაც წაყომ დეკეული უნდა
დაგიკლა არბორ ხატსა, მაგრამ აქამდე ვერ მოიცალე.
. სამი დიდი ციქა გაავსო, თეფშზე დაალაგა, ასწია და ახრორინდა:

--- კნენა მარგოწან! ეს ღმერთმა ბევრი მოგცეჟ ჯაყოსთანა
აწყალსა შენისთანა ლამაზი ქალი, რომელიცა რომა ცკვიანიცა
არ და ნასწავლიცა. ამენ!

სამივე გამოსცალა, აბოყინდა და თავის ოწახის ამბავიც შეარყოზინა:

∴ - წაყომ ორი ცოლი მოიყვანე, შენი წირი მე. ორივენი მოკვებოდე. წაყიჟ ვერ
გაუძლებდე! ეხლა მესამე ცოლი გყავს - ნიმაი. ისეთი ლამაზი ხარ, ისეთთ ლამაზი
რომა, როგორც მთვარე,
ლაშა!

და გულიანად გადიხარხარა.

, თეიმურაზი და მარგო ვერ მიუხვდნენ წაყოს და ვერ გაიგეს მისი
ცილის და წამოძახილის აზრი: რას ვერ გაუძლეს მიცვალებუკებმა, წაყოს ხასიათს თუ
სხვა რამეს, ან რა აცინებდა წაყოს თავისი მიცვალებულთა გახსენება, თუ მესამე
ცილის შედარება
მთვარესთან.

წაყო თავის მასპინძლებს ნაწყვეტ-ნაწყვეტად მრავალ პატარა
თავგადასავალს უამბობდა: უმიზეზოდ სჭიხვინებდა, სუფრას მეჭმეწერ
ასუფთავებდა და მაინც ვერ სძლებოდა. ხანგამოშვებით
ბაასის ძაფს შესწყვეტავდა. ქონიან თათს მარგოს მუხლზე დაჰიპავდა, ან თეიმურაზს
ზურგზე ჩაუბარტყუნებდა და ანუგეშებდა:

- ნუ დაღონდებოდი, ნათლიწან! ნუ შეშინდებოდი! ყველაფერი
იარგად გათავდები! თქვენა ბრძანდებოდე კარგათა, თორემა ნაშინდარის მამული
თქვენი წირიც წაიღებდე.

: თეიმურაზი უკვე სთვლემდა, ხოლო სიცილს გადაჩვეული მარგო წაყოს ქცევით და
ყურის გდებით გამხიარულდა და აყბედებულ
დათვს აჰყვა: თვითონაც დალია, თეიმურაზსაც დააღვეინა და თვიჟი ბნელი,
ნესტიანი და ბნელი ოთახი ნერვიულ კისკისით გაავსო,
თყინოდა მარგო და თანაც იმეორებდა:

- რა მხიარული ყოფილხარ, წაყო! ღმერთმა მშვიდობა მოგყეს. გამაცინე და
გამამხიარულე.

, მაშ, მაშა! აგრე ვიცის წაყომა! თეიმურაზ, ამ ბოთლსაც ნავ თთჟ სუნი აგდის! აბა,
ერთი კიდევ მოგიტანე წაყოსა.

-ლ...მიირთვით, ინებე, ჩემო წაყო, ღვინო კიდევა მაქვს. არც
თჟე გავ...იორრრებულვარ, რომ ჩემს ნათლიას ვერ დავაღვეინო.

- ეხლაც დიდი საქმე გაგიკეთე ნაშინდარსა. - დაიკვება წაყომ. - თავროზა მალე
სკოლას გაგიხსნის იქა. წიწყინა ნინიკა ბრაზით გასკდები.

- მართლა, - გაიხსენა თეიმურაზმა, - როგორ არის ჩემი ნათლული?..

- ვინა, ნინიკაი? კარგი ნათლულიცა გყოლია, ღმერთმანი. აგიკლო ნაშინდარი, სულ
აგიკლო. წაყოს მოსვენებას აღარ გაძლევ,
სულ იმასა ყვირი, თეიმურაზის სახლი წაყოს უნდა ჩამოგართვა და
სკოლა და კაპრატივი უნდა გაგიხსნაო.

- მარგო, აღარ გახსოვს ნინიკა? - მიუბრუნდა თეიმურაზი
მეუღლეს.

- ნინიკა? რომელი ნინიკა?
 - ჩემი ნათლული. გ...გგაღმა სკოლაში რომ ვზრდიდი.
 მარგო დაფიქრდა. მერმე უპასუხა:
 - არა, არ მახსოვს.
 - ჩემი ნათლული, მარგო, ჩემი ნათლული, ჩვენ რომ წვარი
 დავიწერეთ, ორჯერ თუ სამწერ მოვიდა ჩემთან.
 - არ მახსოვს.. არ მაგონდება.
 - არც გინდა გახსოვდე იმისთანა აბეზარი ბიწი! - გაცხარდა
 წაყო. - წაყო უნდა გადაგასახლოს და ჩემ დვარეცში კაპრატივი
 გახსნა?! კჰორტუ, კჰორტუ კაპრატივი! არ გინდა წაყოს კაპრატივი,
 არ გინდა წაყოს კაპრატივი, არა მეთქი!
 კარგა ხანს იბორგა წაყომ კოოპერატივისა და ნინიკას გახსენებაზე. მერმე
 დადუმდა, მარგოს დააცქერდა და სთქვა:
 - კნეინაწან, ამ ოხერ ქალაქში რას აკეთებდე?.. მოდი, ჩემთან
 სტუმრად წამოხვიდოდე, ღმერთმანი! წაყო ისე შეინახავდე ნათლიებსა, როგორც
 ბატკნებსა, მაშა!
 ცოლ-ქმარი ბაასის ასეთ დასასრულს არ მოელოდნენ. გაოცდნენ და ერთმანეთს
 გადაჰხედეს.
 თეიმურაზმა სათვალეები შეისწორა და წაილულლულა:
 - მად...დლობელი, წაყო, მ...მმოვიფიქრებთ.
 - რაღა ფიქრი გინდოდეს! "კჰორტუნ ფიქრები! მაგ ფიქრებმა გაგაფუწე და
 დაგაბერე!" კჰორტუნ
 და ხუთგირვანქიანი მუშტი ისე მაგრად დაჰკრა მაგიდას, რომ
 ბოთლი იატაკზე გადმოვარდა და გატყდა. მერმე ზრდილობიანად
 ამოაბოყინა, ცხენის მთქნარებით დაამთქნარა, განივრად გაიზმორა
 და სთქვა:
 - ეხლა ერთი კარგი ძილი როგორ გარგებს წაყოსა! იიიფ!
 მარგო წამოდგა:

-ინებე, წაყო, ინებე. მოისვენე, რამდენიც გინდოდეს. და
 რახტზე საწოლი შეუმზადა.
 . --- არა, ნათლიაწან, არა! რა წაყოს საქმეა, შენი წირი მე, კნიაზთჟ იპავნრზე წოლა.
 წაყოს პოლზე გიყვარს წოლა. აქ გაგიშალე.
 ქენ კი გენაცვალოს წაყოი.
 ნათლია მარგომ სუფთა ლოგინი იატაკზე გაუშალა წაფო ჩუქრიან-ჩოხიანად ზედ
 გაიშხლართა და უმალვე ახვრინდა.

* *

, სანამ კუთხეში გამოტოლი წაყო საბერველივით ფშვინავდა და
 ლომაკვდავ ხარავით ხრიალებდა, თავჩაქინდრული ცოლ-ქმარი პაწწინა აივანზე
 ისხდნენ და ჰფიქრობდნენ.
 წაყომ ხევისთავებს საღეჭი ძვალი მიუგდო.

:: - რ...რას იტყვი, მარგო?

მარგომ მხრები შეიშმუშნა და ერთხელ კიდევ უპასუხა გუკრილად:

- ჩემთვის სულ ერთია მეთქი. როგორც გერჩივოს, ისე ა-დასწყვიტე.

- ქალაქში აღარ გ...გგვეცხოვრება ყელამდე ვალებქი ვაპთ

ლაფლულნი. ლ...ლუკმა პურსაც ვეღარ ვშოულობთ. მაროალი-

ითქო სამადლოდ მივდივარ წაყოსთან, მ. .მმაგრამ ეს არაფვო-ოლოს და ბოლოს,

წაყომ ჩემი ქონება მიითვისა, ზოგი ქურლობიო

აზოგიც ეშმაკობით. ესეც რომ არ იყოს, სახლში წაფოჟ ლსქა

ჭირდება. შენ ოწახში დატრიალდები, მეც დავეხმარები, ან სოტ -კის

კ...კკანცელარიაში გავაკეთებ რამეს. შეიძლება როგორმე ფედი

ოვიკიდოთ სოფელში, თორემ აქ მშ...შშივრები დავიხოცგპიო.

მარგოს შხამიანი ღიმილით დაეღრიწა პირსახე.

: თეიმურაზი აილენა და აფეთქდა - მარგო, ნუ დამცინი! ვინ იცის, როგორ

მ...მოეწყოს იმ სოფელში ჩვენი ცხოვრება! იქნება ჟჩორედ იქ ბოდდა გარდატეხს.

იქ გადიშალოს ჩვენი ოწახის ისტორიის ახალი თაბახი. ადამიანთ

ზოგჯერ იქ იპოვის ბედს, სადაც არ ეძებს.

- შეიძლება. - გულგრილად მოუჭრა მარგომ.

- მაშ თანახმა ხარ?

--- არც თანახმა ვარ, არც უარს ვამბობ. შენვე გადასცერი. მე

გემორჩილები. მაგრამ თუ შენი საქმე უარესად წავიდეს, მე ნულარაფერს ნუ

დამაბრალე

.

- შენი პოზ .ზზიციის აზრი არ მესმის. თითქო ჯიბრში მიდ- .

გები.

-- წიბრში კი არ გიდგები, ხელს ვიბან მეთქი. თუ ჩვენი საქლე უარესად წავიდა, ლე ნულარაფერს ნუ დამაბრალე მეთქი. შენგან გამიგონია: ვინც მალე სჭრის, ის დიდხანს ნანობსო.

- ამაზე უარესი რაღა იქნება. მე მომწონს წაყოს პატიჟობა. ლეტი გზა არ არის, უნდა წ...წწავიდეთ.

მარგომ სპილოს ძვლის. ხელები უსისხლო პირსახეზე ათტაპა

მერმე წამოდგა და ამოიკვნესა:

- ღმერთო დიდებულო! ისევე ჩვენივე ნასახლარში ჩვენივე ნა

მოწამაგირევს უნდა შევეკედლოთ და წაყოს სამადლოდ უნდა გავიხადოთ თავი?!

- ძნელია, ჩემო კარგო, ძალიან ძნელია. მაგრამ ბედმა რაკთ

ჩვენი ცხოვრება ასე დაატრიალა, ჩვენც უნდა დავემორჩილოთ.

- შენ მუდამ მორჩილება გაკერია პირზე. აღარ ლეჟლთჟ როლელია ჩემი ქმარი, უხილავი ბედი თუ ხილული თეიმურაზ ხევისთავი?

- მახვილი სიტყვა სთქვი. ჩემო მარგო. მაგრამ ისიც მართალია,

რომ ჩვენს დროში უფრო ბედი ჩვენი პატრონი, ვიდრე ჩვენ თვითონ.

- ჩვენს დროში! ისე ამბობ, თითქო სხვა დროს შენვე ჰქმნიდა

ჩვენს ბედს. ყველაფერი მზა-მზარეული მოგვდიოდა სოფლიდან,

ჩვენ კი ვხარჯავდით და ვსუქდებოდით!

- ნუ აჭარბებ. ჩემო კეთილო. ვხარჯავდით, ლაგრამ ლეც ხოლ შრომით წელს ვ. . ვვიწყვეტავდი!

- მერმე ვისთვის, ან რისთვის? დღევანდელ დღისთვის, .რა?

- ხეირიანად დათესილი თესლი არასოდეს არ დ...დდაიკარგება. ადრე თუ გვიან მოსამკალს მოგვცემს.

- აკი ამოვიდა შენი დათესალი თესლი, აკი მიიღე მოსავალი!

შენივე ნახიზნართან ხიზნად შედიხარ. განა ეს მოსავალი არ არისი?!

- ნუ იგესლები. მარგო ამ ქვეყნად ყოველივე წარმავალია.

წყალნი წავლენ და წამოვლენ, ქვიშანი დ...დდარჩებიანო.

- წერწერობით შენმა გადმოგდებულმა წყალმა ჩვენც წავვთლო, ხოლო რომელი ქვიშანი დარჩებიან, ალის ნაძვაჟ ჩვენ ვეპყ კი მოვესწრებით.

- მოვესწრებით, ნუ ჩქარობ.

- რამდენი წელიწადია, სულ მაგას გაიძახი. წერ-წერობით კი იმასაც მოვესწარი, რომ წაყოს სამადლოდ გამიხადე თავი.

- მერმე, მე რა ბრალი მეღება?

- ათასი. სხვები თუ შეეგუვნენ ახალ ცხოვრებას, რატომ შენ ვერ მოიდრიკე ეგ უხეში კისერი?

-- არრრა-სო-დეს!

- მაშ წაყომ ხიზნობა გირჩევნიან?

- მირჩევნიან. რაც მნასავალია - მოვიდეს!

თეიმურაზმა ხელი ჩაიქნია, წამოდგა და გაიარა.

მარგომ გაკვირვებული თვალი გააყოლა. მერმე ჰკითხა:

- მე? მე რაღას მიპირებ?

- საცა მე ვიქნები, შენც იქ უნდა იყო. - შენ კიდევ შეგრჩა რაღაც რწმენა. მაგრამ მე რომ აღარაფერი არ მწერა!

- მაინც უნდა მომყვე, სამშვიდობოს გ...გაგიყვან.

--- არა მწერა. თეიმურ, არა მწერა შენი სამშვიდობო. გული ცუდ რამეს მეუბნება. ნუ მისდევ წაყოს, თავი დაანებე, თორემ იქნება ინანო. აქ თუ ვერ მოიკიდე ფეხი, იქ ხომ უარესად გაგიძნელდება. მერმე რას აპირებ? სამუდამოდ წაყოს ზომ ვერ ჩამოეკიდები კისერზე!

- ქვეყანა დიდია, გზას გ...გავიკაფავ.

- თუ ქალაქში ვერ გაიკაფე გზა, სოფელში რა უნდა გააკეთო?

შენი ხნისა და ძასიათის კაცი უნდა ტალღას აჰყვებ, უნდა სხვას მოეჭიდოს კალთაზე და ისე გავიდეს ნაპირზე, თორემ მარტოხელა რომ დარჩე და საკუთარ გზას დაადგე, სულ ადვილად დაიღუპები. .

შენ ბრძოლისთვის და თავისუფალ შემოქმედებისთვის არა ხარ შექმნილი, თეიმურაზ!!

- რატომ არა? განა აქამდე დამოუკიდებელი არ ვიყავი?

- დამოუკიდებლობას ნაშინდარი გაძლევდა. იჟიც ვერ გამოიფენე. მამაპაპეული მამულიც ვერ შეინახე და გაჰყიდე. იმოდენა განძეულობაც ისე მოგპარა წაყომ, რომ კვალსაც ვერ მიაგენი. შენ

შეჩვეული ხარ მარწს. შოვნა და მოგება კი შენი საქმე არ არის.

- წაყოს ქ...ქურდობას ნუ აბრალებ, მარგო. საბუთი არა გაქვს.

- საბუთიც რომ გქონოდა, ხელიდან გაგივარდებოდა.

- მაშ რას მ...მირჩევ, მარგო?

- გამოუცხადე ლოიალობა და ერთგულად იმსახურე.

---. კარგი მრჩეველი მ...მეუღლე მყოლია! არ მესმის, ლაგას როგორ მირჩევ. როგორ მიბედავ, მარგო?

- გიბედავ, რადგან შენი ერთგული მეუღლე და მეგობარი ვარ.

- მაშ პ...პპოლიტიკურად თავი უნდა მოვიკლა, არა?

- თუნდ ეგრეც იყოს. რა მოგცა პოლიტიკამ?

- წერ არ...რრაფერი, მაგრამ...

- მაგრამ არც შემდეგში მოგცემს.

- შეიძლება, მაგრამ ს...სსახელი?

- ვისთვის, ან რისთვის გინდა კერპი კაცის სახელი. რომელმაც ბოლოს-და-ბოლოს სიბრძნით კისერი უნდა მოიტეხოს და სხვებიც დალუპოს?

- ორგულობა და ორპირობა არ შ...შემეძლიან, ეს შენც კარგად იცი.
- აპყ გადსლება ქელთშკთამ?

- ბევწწწებ ვცადე, ლაგპალ ვებ ლ...ლოვადებებე.

- თემურ, ქვეყანამაც იცის, რომ შენ უვნებელი კაცი ხარ, როლ შენ თითსაც ვერ გაანძრევ და ჩიტსაც ვერ დააფრთხობ.

- მაშ რად ეშინიამთ ჩემი? - იწყინა თეიმურაზლა.

- შენი არავის არ ეშინიან.

- მაშ რად დ...დამითხოვეს ათწერ სამსახურიდან?

- იმიტომ, რომ ყბედი და ენაჭარტალი ხარ. ერთხელ კიდევგირჩევ. გამოაცხადე ერგულება, პირზე კლიტე დაიდე და დადუმდი.

--- არ შ...შემეძლიან.

- მე ჩემი ვთქვი, ეხლა შენ იცი. თუ ჩვენი საქმე კარგად ვერ წავიდეს, ისევ შენს თავს დააბრალებ.

* *

სანამ ცოლ-ქმარი რყევაში იყვნენ და სახიფათო ნაბიწის გადადგმას აპირებდნენ, წაყომაც გაიღვიძა. ზმორებით, ბოყინით და მთქნარებით წამოდგა და წამოიხრიალა:

- ჰა ნათლიებო, რას ეტყოდეთ წაყოსა? წამოხვიდოდეთ?

თეიმურაზმა უპასუხა:

- წაყო, ჩვენ თ...თთანახმა ვართ. წერ მე წამოვალ, იქაურობას დავხედავ და მერე მარგოსაც დ...დდავიბარებ.

- მაშ, მაშა! აგრე იქნებოდეს! --- მოუწონა წაყომ და თავისცხვარი და კომბალი

იღლიებში ამოიჩარა. - მაშ ზეგ დილით მე
შენთან მოხვიდოდე, თეიმურაზ. შენც მზათ ვიქნებოდე. ისე დრიგინ-დრიგინით
გაგიტევედე ნაშინდარისკენ, რომა ქარიც ვერ დაგეწოდეს. მაშა! აბა, მშვიდობით
იქნებოდე, ნათლიაქან. მადლობელი
ხარ სადილისთვის, კნეინაწან! შენც მალე წამოხვიდოდე ნაშინდარში, თორემა ამ
ოხერ ქალაქში ძალიან გამხდარხარ, შენი წირი მე,

წყაო ისეთი ლხინი გამართავდე ჩემ სახლში, რომ ქუდით წერს
დაანგრევედე, მაშა!

და ოყრაცი ნამოურავალი ხარხარით, რახრახით და ცთხვინით
ძლივს გაძვრა ოთახიდან და კინაღამ კარებიც თან გაიტანა.

მეორე დილით თეიმურაზმა მარგოს მრავალი დარიგება მისყა, აბგაში რამდენიმე
წიგნი და ცოტაოდენი წვრილმანი ჩაილაგა
. აწყაოს გაჰყვა.

ერთი კვირის შემდეგ მარგომ თეიმურაზისგან წერილი მიიღო.
წერდა: აქ სრული წესრიგი და მშვიდობიანობა ყოფილა. ყველანი
თავაზიანად და პატივით დამიხვდნენ და შენც გელიან. გორშიაც
და ცხინვალშიც ორივეს სამსახურს გვპირდებიან. რაც ზედმეტი
მივთი დაგვრჩა, - წიგნების გარდა, ეხლავე გაჰყიდე და წამოდი,
ძოლო წამოსვლის დღე წინდაწინვე შემატყობინეო.

მარგომ მცირეოდენი ნივთეულობა გადაარჩია ნაშინდარში წააღებად, ხოლო
დანარჩენის გაყიდვა ერთს ნათესავს მიანდო, როლეღმაც მესამე დღეს მარგოს
ხუთიოდე თუმანი ჩააბარა.

ეს ხუთიოდე თუმანი, ოციოდე წიგნი და მარგოს ძონმებით სავჯე სამიოდე ბოხჩა
და კალათი ხევისთავთა გვარის უკანასკნელი
ფლუპი იყო.

. მარგომ იმ დღეს თავის მშობელ ქალაქს გულისკვნესით შეაქყია ზურგი და დილის
მატარებელში ჩაწდა.

მარგო ორჯერ თუ სამწერ იყო ნაშინდარში. უწინ რომ წავიდოდა ხოლმე, იცოდა და
ჰგრძნობდა, რომ საკუთარ სახლში მიდიოდა, საცა მას მოელოდა ფუფუნება, პატივი,
მოსვენება და

სდარდო ცხოვრება. ეხლა კი მარგო თავისივე სახლში სტუმრად
ლთსდევდა თავისივე მოურავს.

მარგომ მწვავე ტკივილი იგრძნო იმის გამო, რომ ისედაც მინგპეული ბუდე
საბოლოოდ მოშალა, ხოლო თვითონ ჰაერში ჩამოეითდა, დედამიწას მოსწყდა და
თვალუწვდენ მომავალში გადავარდა რომელსაც არც ძირი ჰქონდა, არც თავი, არც
კედელი და არც
მელმოსაჭიდი.

მატარებელი მარგოს ქართლისაკენ მიაქროლებდა, ხოლო დეკაცის აჩუყებული
გული კვნესით უკანვე იწევდა.

* *

სამიოდე საათის ლგზავრობის შემდეგ გულმილეულ მარგოს

სადგურზე გაბადრული წაყო დაუხვდა:
"მშვიდობა შენი მობრძანება, კნეინა მარგო! გამარწვება შენი!
პნგორ გიკითხებოდეს წაყომა? როგორა ბრძანდებოდე?"

- გამარწვება, წაყო! გენაცვა, კნეინას ნულარ მეძახი. გაიგე,
წაყო, რომ კნეინობა აღარ არის, გადავარდა.

- არა, შენი წირი მე, სხვა კნეინები და კნიაზები გადავარდი,
თორემა ჩემი ნათლია წაყოსთვის ისევ კნეინა ვიქნები, მაშ, მაშა!

- თეიმურაზი სადღაა, არ ჩამოვიდა?

- თეიმურაზი არ ჩამოხვედი, შენი წირი მე. თეიმურაზი სახლში დარჩი და შენი
თავი წაყოს მიანდე. ან რათ გინდოდეს, შენი

წირი მე, თეიმურაზი? განა წაყო თეიმურაზზე ნაკლები ბიწი ხარ?!

განა წაყო იმას არ სწობნებოდე?! ისე წაიყვანდე წაყოი ჩემ კნეინასა, რომა ზედ წიაც არ
შეგაწდებოდე, მაშ, მაშა!

და მარგოს კალათები და ბოხჩები ბუმბულივით აიტაცა:

- წამობრძანდე, შენი წირი მე, აქეთ მობრძანდე.

* *

განიერ ურემზე ლოგინია გაშლილი. ურემს ფარდაგის ჩარდახი
აქვს დადგმული. ლოგინზე მარგო გაწოლილა. თავი კოფოსთან ბალიშზე აქვს
მიდებული. განიერი კოფო წაყოს გაუტენია, რომელსაც კისერი უკან მოუღრეცია.

გაბადრული წაყო შეუსვენებლივ ლაპარაკობს, მთიულურად
ოხსნწობს, ცხენივით იღრიწება და წარა-მარა ჭიხვინებს:

- მაშ, მაშა! აგრე ვიცის წაყომა!

ჭიხვინებს და თანაც შუბლზე აყრილ თვალეებით ხარბად სჭამს
მარგოს გაღელილსა და მოყვითანო მარმაროს მკერდს, სპილოს
ძვლის მკლავებსა და კიჟერს, ამობურცულ ძსძუებსა და განიეპთეძოებს, შავ კაბაში
გამოკრულ ბარძაყებსა და წთშიან წვივებს.

ურემი ძლივს მიიზღაზნება. ხანგამოშვებით მარგო იტყვის:

- წაყო, ააჩქარე, თორემ საღამომდე ვერ ავაღთ.

- შენ ნუ გეშინოდეს, კნეინაწან: ახვალთ, ისე ახვალთ, რომ
მზე მაღლა იქნებოდე, მაშა! ხარებიც ცოდო ხარ, შენი წირი მე. იმ
სიშორეზე მოგიყვანე, დაიღალე საწყალი ხარები. შენ არხეინად
იქნებოდე, თორემა წაყო თუნდ ხელით წაგიყვანდე, მაშა!

მერმე ისევ მოჰყვა თავის პატარა ამბებს, - ნახულსა და გაგონილს, ცნრსა და
მართალს, თან უალაგო-ალაგას რახრახებდა,

ხვახვინებდა და მარგოს მკვდარ პირისახესაც აღიმებდა და აცოცხლებდა.

ბოლოს, დუმითს შემდეგ, ჯაყომ ღრმად ამოიოხრა, კოფოდან
გადმოიხარა და დაბალი ხმით შეიბრალა ნათლია:

- ეეეჰ, კნეინატან! თეიმურაზი შენი ყადრი არ ვიცის, თორემა...

--- რატომ, წაფნ რაში მეტყობა?

--- იმაში გეტყობება, შენი წირი მე, რომა გამხდარხარ, გენაცვალოს წყოი, ძალაან გამხდარხარ.

მარგომ მხიარულად გადიკისკისა:

- რაჟ ამბობ, წაყო? მე როლ გამხდარი ვიყო, თეიმურაზისა რა ბრალია?

წაყომ ეშმაკურად ჩაიღიმა:

- ვიცის წაყო, ვიცის! კარგი ვაჟკაცის ხელში დედაიაცი გაჟუქდები, შენ კი... ეგრე ცხენი გახდებოდე როცა კალოობას მორჩებოდე. შენისთანა ქალს სხვანაირი მოვლა გინდა.

--- რას ამბობ, წაყო? ჰა-ჰა-ჰა!

-- მართალს ამბობ წაყოი, მაშა, მართალსა! შენ კარგი წალა და ჟმა არა გქონდეს, იმიტომ გახდებოდი აგრე. არც თეიმურაზი ხარ ვაჟკაცი, ღონიერი არა ხარ ჩემი საწყალი კნიაზი. შენი სახლიც არ ვარგებოდეს. შენ უნდა სულ ფარცა და ხაწერდი გეცმოდეს, მაშა!

- ჰი-ჰი-ჰი! რა მასხარა ჰყოფილძარ, ჯაყო!

- ყელზე და ხელებზე სულ ოქრო-ვერცხლის ბეწდები უნდა ვექნებოდეს, მაშა! შენი ქმარი ისეთი ღონიერი უნდა ვიქნებოდე, როგორც წაყო ხარ, მაშ, მაშა!

მარგო გულიანად კასკასებდა. ხუთიოდე წელიწადი იქნებოდა, რაც მარგოსგან ასეთი გულღია სიცილი აღარავის არ გაეგო. იცინოდა მარგო, თანაც ხელ-ფეხს იქნევდა და ნაწყვეტ-ნაწყვეტად ისროდა:

. - რა მასხარა ყოფ-ლხარ, წაყო! ღმერთმა ხელი მოგიმართოჟ, ძლივს არ გამაციინე!

წაყოსაც მარგოს გამმთარულება ბავშვივით უხაროდა და ხვიხვინსა და კბილების ღრეჯას უმატებდა:

- მაშ, ხომ გაგაცივბდე ჯაყომა! მაშა, აგრე ვიცის წაყომა

-- წაყო, მაშ შენი ცოლი რომ ვყოფილიყავი...

წაყო კინაღამ კოფოდან გადმოვარდა:

. - ჩემი ცოლი?! შენ რომ წაყოს ცოლი იქნებოდე?!

- ჰო, მე რომ შენი ცოლი ვყოფილიფავ, როგორ შემინახავდი?

აბა მიაშბე, წაყო! --- სიცილით ჰკითბა მარგომ, მერმე წამოწდა და გაბადრული . პირსახე გაბადრულ წაყოს შეუბრუნა. --- აბა მიაშბე წაყო, როგორ შემინახავდი?

წაყო მთვარესავით გაიშალა, მარგოს კბილები დაუკრიჭა და აჭიხვინდა:

- ჰაი დედასა! შენ რომ ჩემი ცოლი იქნებოდე?! შენ რომ წა ფნს ყნკთ თქმებნდე?! როგორ შეგინახავდე? მაშ ყური დაგიგდე.
 წაყოი სულ გაწმევდე ხინკალი, რძე და მაწონი.
 - ხინკალი?! მაწონი?! ჰა-ჰა-ჰა!
 - მაშა! ხინკალი გაწმევდე, ნამდვილი ხინკალი. კიდევ კარაქი და ნაღებიცა, დუმა და ერბოცა.
 - ჰო-ჰო-ჰო! ნაღები და დუმა!
 - მაშ, მაშა! წვადიც გექნებოდეს, კატლეტიცა, ჩიხირთმაცა, ბნრშიყ, კარგი ოსური ყველიც, ხაბიზგინა და თეთრი რუსული პაურიცა. ჩიტის რძე რომ მოგინდებოდეს, ისიც გიშოვიდე, მაშ, მაშა:
 - ჩირის პშევ? ღმერთო ჩემო, ეს რა კარგი ბატონი მეყოლებოდა!
 ლაშა! დღეში ხუთი ქათამი, ბატი, ინდოური, გოწი და ცხვა-პი დაგთკლავდე.
 -:-წაფნ, ლე ტპამგსკთ ჟაცლეკჟ ვაპ ქედვესკთ. ნჰნვაპთჟნ დაქთპავება დაგცთპდება.
 -- პოვარისა?! სამი პოვარი დაგიწერდე, სამი! მაშა!
 - როგორ ჩამაცმევდი, წაყო?
 - ჯოგორ ჩაგაცმევდი წაყოი ჩემ მარგოსა? წაყოი ხავერდის ქაპთსკთ იაბა ღაგაყლევდე, მაგ წელზე ვერცხლის ქამარიც შემოგარტყამდე, მაგ მკლავებზე ვერცხლის სამაწურები და ოქროს ბეწლებიც გაგიკეთებდე.
 - ვერცხლის ქამარი! ნეტა მართლა შენი ცოლი ვყოფილიყავი, წაფო! ჰა-ჰა-ჰა! ჰი-ჰი-ჰი!
 . -რას იყთნებოდი? შენ რომ მართლა წაყოს ცოლი იქნებოდე, ქემე გაიხარებდე და წაყოცა, როგორც ნამდვილი კნეინა, ისე შეწინახავდე, მაშა! მეც შენი კნიაზი გახდებოდე.
 ----კნიაზი?! ჰა-ჰა-ჰა! კნიაზი წაყო?! ჰი-ჰი-ჰი! მიაიმბე, წაყო, რას ჩაიცვამდი შენა?
 ----. მენა? ჯაყო აბრეშუმის ახალუხი და კარგი ჩოხა შეგიკეპავდე, ვერცხლის ხმალი და ხანწალი ხომ გაქვს წაყოსა... კარგი რუსული ჩექმები, მზეზე რომ ლაპლაპი გაგაქვს... ვერცხლის მასრები იყიდებოდე. ხუთი მოწამაგირე დაგიყენებდე...
 --- მოახლე ქალი? წაყო, მე ქალები უნდა დამტრიალებდნენ.
 --- წაყოს სახლში ხფთი ქალი გყავს. ყველანი შენი მოსამსახურე იქნებოდე - ჩემი რძლებიც და ჩემი ცოლიცა. ერთი კარგი ფაიტონიც გიყიდებოდე.
 --- არ მინდა ფაიტონი, წაყო! მე ავტომობილი მომწონს.
 -- ატამაბლი იყოს რა! ეგეც გიყიდებოდე წაყოი, მაშა!

- მერმე მაგისტანა დიდმა თავადმა და კნეინამ გუთანზე უნდა იმუშაონ?
 - რათა გუთანზე? არც მე მუშაობდე და არც შენა. კნიაზი წაყო ზაფხულში სოფელში იცხოვრებ. ზამთარში ქალაქში წახვალ. ორივენი ნამდვილი კნიაზი და კნეინა გახდებოდეს, მაშ, მაშ!

* *

ასეთ ხუმრობასა და ოცნებაში მზეც ჩავიდა და ბინდმაც მოაღწია. ბალ-ვენახებით, ჭრელი სოფლებით, პატარა ხევ-ხუვებით და : თხელი ჭალებით დაწინწკლული ქართლის უუზარმაზარი მწვანე ხავერდი დამუქდა. საურმე გზა სადღაც დაიკარგა. ურემი წერ ბილიკზე გადავიდა, მერმე ერთ სოფლის ბოლოში გავიდა, რიყეს დაჰყვა და წაგნარს შეერია.

მარგომ გზის გადახვევა გვიან შეამჩნია.

- წაყო, საით მიგყავს ურემი?

- აქეთა სწობდე, შენი წირი მე. აქეთ უფრო მოკლე გზა ვიქნებოდე.

- რა ვქნა, ჩვენი გზა პირდაპირ უნდა მიდიოდეს, შე კი მარცხნივ მიუხვიე.

- არა გიშავს-რა, შენი წირი მე, შენ არხეინად იქნებოდე.

წაყომ შენზე კარგად ვიცის აქაური გზები, მამა!

კიდევ კარგა ხანს იარეს. წაყომ ურემი დიდხანს ატრიალა წაგებსა და ნახნავეებში, რამდენწერმე გადასჭრა რიყე, და ერთ ბნელ ცმალაში შესდგა.

- კნეინაწან, შენი წირი მე, შენ ცოტა აქ მოიცადებდე, მეც ახლავე მოხვიდოდე.

და ბინდში შთაინთქა. მერმე უცებ ურემის თავთან ამოძვრა და ჩაიხრიალა:

- გზა აგერეოდეს, წაყოსა, ნათლიაწან.

მარგო შეჰკრთა:

- ეხლა სადა ვართ, წაყო?

- ეშმაკმა ნუ ვიცის ხარების თავი! წალაში ხარ. ლიახვის ნაპირ. ზე ხარ, შენი წირი მე.

, - რა ვქნა, აქა ხარ გაზრდილი და ამ მინდორში გზა როგორ აგერია, წაყო?

- იმიტომა რომა მე და შენ ლაპარაკობდი.

- რას შვრები, წაყო. ხარები უნდა გამოუშვა?

- მამა! ეხლა სადღა წახვიდოდე? ბნელა, შენი წარი მე, არც გზა ვიცის წაყომა.

მარგოს გულში შიში შეცპარა.

- მამა! ნუ გეშინოდეს, შენი წირი მე. ჯაყოჟ თოფიცა გაქვს, მაუზერიც და ძანწალიცა. ვინ გაბედავ რამესა?! წაყო აქ არ იქნებოდეს?! დედას გიტირებ ყაჩაღსა წაყოი, დედასა! აბა, ვინც ვაჟკაცია, ახლო მოხვიდოდე. აბა მოხვიდოდე! - ჰყვიროდა წაყო და

იარაღს ისე იმზადებდა, თითქოს ის ჭალა სავსე ყოფილიყო ყაჩაღებით, რომელნიც მარგოს მოტაცებას უპირებდნენ, ხოლო წაყო რაინდივით გარს უვლიდა თავის კნეინას და საკუთარის სისხლით იცავდა.

მარგოს კი უფრო თავის რაინდისა ეშინოდა, ვიდრე ნადირის ან ავაზაკებისა. მაგრამ წაყოს ხელში ჩავარდნილ დედაკაცს გაჩუმებისა და მორჩილების

გარდა სხვა გზა აღარ ჰქონდა.

მარგოც გაჩუმდა და თავისი თავი ბედს მიაბარა.

წყაო- ურემთან ცოდვილობდა და ისევ მარგოს ამშვიდებდა:

- შენ ნუ გეშინოდეს, გენაცვალე, ნუ გეშინოდეს. ყველას წაყო დედას გიტირებდე, დედასა! წაყო ეხლავე ცეცხლი აანთებდე. ჩემი კნეინა კარგი ვახშამი სწამდე და არხეინად დაიძინებდე, მაშა!

წყაომ ურმის თავი ორკაპიან ვერხვში ჩააგდო, მერმე ყოჩაღად დატრიალდა, სიბნელეში ლაწალუწრ ასტიხა, ფიჩხი მოაგროვა -მალე იქაურობა გაანათა. მერმე ურმიდან მოხარშული ქათალი, მწვანელი და ღვინო გადმოიღო და ცეცხლის პირას პატარა სუფრა

გაშალა და მიუწდა, თან მადიანად იღმურძლებოდა და ამბობდა

- ჩვენი სოფელი აქვეა, შენ გენაცვალოს წაყოთ. მაგრამ ამ ბნელაში გზას ვერ იპოვნი, შენ ნუ გეშინოდეს, გენაცვალე. კარგად სწამდე და დაიძინებდე. ჯაყო კი თოფი აიღებდე და დილამდის კარგი ძაღლივით გარშემო გივლიდე, მაშა! აბა, გაბედოს ყაჩაღი ახლო მოსვლა! დედას გიტირებ წაყოი, დედასა!

ხანგრძლივი დუმისის შემდეგ ჯაყომ თითი ბნელ ცას ატაკა და სთმვა:

- აგერ წაყოს ვარსკვლავი. გენაცვალე იმის მადლსა! გვერდითაც ნათლია მარგოს ვარსკვლავი მოგდევს, გენაცვალე იმასაც!

აღმოსავლეთით ალის ფერი მარიხი ციმციმებდა.

მარგომ ძმა ჩაიკმიდა და წაყოს პასუხს აღარ აძლევდა.

ვახშამი რომ გაათავეს, მარგო ისევ ურემზე ავიდა და მიწვა, წაყომ ნაბადი წამოისხა და .ურმის ქვეშ შეძვრა.

- ღამე მშვიდობისა, კნეინაწან! -სხვისი ხმით ამოსძახა წაყომ.

- ძილი ნებისა, წაყო! - სხვისივე ხმით ჩაუგდო მარგომ.

მარგოს ძილი არ ეკარებოდა. ხშირ-ხშირად მხარს იცვლიდა, სტრიალებდა და თვალეხს ჰხუჭავდა, მაგრამ მოსვენებას ვერ ჰპოულობდა, ისევე ჰმფოთავდა, უქმაჟურს რაღაჟ მოელოდა და ამ მოლოდინში გული უჩქროლავდა და უფართხალებდა.

წყაო მძიმედ ჰქმინავდა და განგებ ახველებდა, თან დროგამოშვებით მარგოს ეკითხებოდა:

- დაიძინე, ლარგოწან, გენაცვალოს წაყოი?

არა. წაყო, არ მეძინება.

* *

ბნელი და თბილი ღამეა. მთის ნიავეი ჭალას ამრიალებს. ლიახვშხუსის. შორიდან ხანდახან ტურის ჩხავილი და ჭოტის კივილი მო-სმის. სადღაც ძაღლი ზანტად ჰყეუს. იქვე პალაში ზოგჯერ ღამიფრინველი ფართხალებს. წვრილფეხა ცხოველი ბუჩქებში ფაჩუნებს.

სადღაც ქვემნთ თოფლა დაიქსხა. ლერლე ყოველავე ქესწყდა და გაინაბა. მხოლოდ ძალღმა მოუმატა წკმუილს. ნიავიც გაძლ-ერდა.

- მარგოწან, დაიძინებდე? - ერთხელ კიდევ მოესმა მარგოს ურმის ქვეიდან წაყოს ხმა.

ლარგომ წაყოს ხმა ვეღარ იყნო. რაღაც საზარელს ლთჰკვლია. თავი მოიძინარა, გაირინდა და გათნაბა. სულიც კი შეაგუბა.

მიფათჷ ჰგრძნობდა და წაყოსგან საშინელს ნაძალევს მოელოდა.

ერთი წუთის შემდეგ ურელი ოდნავ შეთნძრა. ისედაც ბნელ ფარ.დულში მუქი ჩრდილი ჩამოწვა. იმავე დროს მარგომ თავის ფეხზე

წაყოჷ მძთმე თათი იგრძნო.

წაყო ურემზე ამოდიოდა.

- წაყო, რა გინდა?

- სუ შენი წირი მე, სუ! არ დაიყვთრებდე...

: - წაფო. სად მოხვალ?

- ცოტა იქით მიიწევდე. მარგოწან . საწყალ წაყოს შეგცივდა... ცოტა გაგათბობდე წაყოსა, გენაცვალოს იმიჷ თავი.

მარგომ წამოიწია:

- მაშ მე გადავალ ურმიდან.

. გვიანდა აყო. წაყომ დაფეთებული მარგო ისევ გულაღმა გადააქცია. მძიმე დათვივით დააწვა. ჩაჭბლუწა და ჩაჭბუბნა

. --- მხეცო, რას შვრები?! პორუტყვოს.. ვერაგო!.. ავაზაკო!..

წაყომ ერთი სიტყვის აზრიც ვერ გაიგო. მარგოს ნათლიმამა დინწად სცდილობდა ნათლიდედის დამორჩილებას: დაუნდობლად სთელავდა, ხელ-ფეხს უმტვრევდა. თანაც არხეინად არიგებდა:

- კარგი, გენაცვალოს წაყოი, კარგი!... აბა, რათ გინდებოდეს ჩხუბი? რა კნეინას საქმე ხარ ჩხუბი?... აბა, აქ ვინ მოგემველებოდეს?!... სუ, შენი წირი მე, სუ! გაჩუმდებოდეს, თორემა...

- მხეცო!... ჰარამზადავ! გამიშვი... მიშველეთ! მიშველე-ე-ეთ!- წაყო ოდნავ განრისხდა.

- სუ! გაჩუმდებოდე მეთქი, თორემა დაგახრჩობდე!... სუ მეთქი! - და ერთი თათით მარგოს მთელი პირისახე დაუფარა და მისი ყელი და კისერი ჩაჭბლუწა.

წაყომ იმძლავრა.

ხუთიოდე წუთის შემდეგ ჟინმობანილი და დამშვიდებული წაყო ოფლიანსა და კაჟიან თათს მარგოს მკერდზე უსვამდა და დაბალის ხმით ძვიხვინებდა:

- მაშ, მაშა! აგრე ვიცის წაყომა! ჩხუბი რად გინდებოდეს?! პატარა ხომ არ ვიქნებოდე, რომ წაყოს ეწიდებოდე?! აბა, რა კნეინას საქმე ხარ ჩხუბი?...

მარგო ჰკვნესოდა. წაყო კი კვლავ უნუგეშებდა:

- ხელი გეტკინებოდეს? არა უშავს-რა, მალე მორჩებოდე... წაყომ მხარში გიკბენდე? წაყო აგრე ხარ დაჩვეული, ეგეც მალე

მორჩებოდე... კაბაც დაგეხეოდეს? ახალს გიყიდიდე წაყოი... რა
გატირებდეს, ჩემო მზე და მთვარე? იარგი, გენაცვალოს წაყოი,
კარგი... სუ, შენი წირი მე, სუ!...

მერმე, როცა ყბედობით და ალერსით გული მოიწერა, ოფლიან
თითით მარგოს ცრემლი მოსწმინდა, ისევ ურმის ქვეშ შეძვრა და
გოლიათის ხვრინვა ამოუშვა.

მარგო კი, - ნაცემი, ნაზვგვი, დამალებული და გაჭუჭყიანებული მარგარიტა
ხევისთავი - ახდელ ნამუსს, შელახულ პატივსა და
გასრესილ თავმოყვარეობას ცხელის ცრემლით ჰგლოვობდა, მოწამლულივით
ჰბორგავდა, სიმწარისაგან იკლაკნებოდა და გულში
იმუქრებოდა:

დაიცადოს წაყომ! ძვირად დაუსვამს ამ ნადირს თეიმურაზი საშინელ თავხედობას
და სიმხეცეს! საცაა გათენდება და ორივენი
ნაშინდარში ავლენ... ვაი წაყოს ბრალი მაშინა! ვაი შენ, უბადრუკო
ნადირო! მხეცო! პირუტყვო!

შუაღამემ მოატანა. ნიავი ისევ მოჰქრის. ლიახვიც შხუის. ძაღლები აღარ ჰყეფენ და
აღარც ჭოტი გაჰკვივის.

, წაყომ გამოიღვიძა და ურმის ქვეიდან მარგო ტკბილის ხმით.

, მოიკითხა:

- მარგოწან! შენი წირი მე, ნეტა გეძინებოდეს, თუ გელვიძებოდეს?
მარგომ ისევ მოიმძინარა თავი.

უძლომელი წაყო ურმის ქვეიდან ერთხელ კიდევ გამოძვრა და
ჩარდახის ქვეშ ერთხელ კიდევ შებობდა.

მარგო აღარ ჰკიოდა და არც იბრშოდა. აღარც ბრძოლის თავი
ჰქონდა და არც შველას მოელოდა. ბავშვივით სტიროდა, სლუკუ ნებდა და
გაუგებარს ჰლულლულუღებდა.

- - წაყომ ერთხელ კიდევ იწერა გული და ისევ მარგოს დამშვიდებას შეუდგა:

. - რა გატირებდე, ქალო? ძუძუმწოვარა ბაღლი ხომ არ იქნებოდე! დედაკაცი ვიქნები
შენა, დედაკაცი!.. აღ-უ-უ-უ-უ, ნეკზე არ
მიკბინოდე! აღ-უ-უ-უ-!. აღუ-უ-უ-!

მარგომ ტირილი შეიმაგრა. წაყოს გაუხარდა. მარგოს ილლიაშთ
თითი ჩაუყარა და ღიტინი დაუწყო:

- ღიტინი-ღიტინი მარგოსა! ღიტინი-ღიტინი პატარასა!

: დედაკაცს ნერვიული სიცილი აუტყდა. ტირილი და კისკისი

. ერთმანეთში აურია, ამაგმაგდა და აიგრიხა.

წაყომ ასეთი სიცილი მარგოს გამხიარულებად მიიჩნია და თვითონაც არახრახდა:

- აი, აგრე! გენაცვალოს ჩემი თავი! გაიცინე, გაიცინე, შენი
წირი მე, შენი! ხომ გაგაცინა წაყომა! მაშ, მაშა! აგრე ვიცის წაყომა. მერმე ისევ ურმის
ქვეშ შეძვრა და მალე კვლავ ახვრინდა.

რიჟრაჟზე წაყო ერთხელ კიდევ აცოცდა ურემზე, და იმ ჩარდახიდან ივილისა და
ტირილის ნაცვლად დედაკაცის ვნებიანი კვნესა

და თავდავიწყებული ბოდვა მოისმა.

იმ ჭალაში, ლიახვის პირზე, როცა ცამ თვალი მოიფშვნიტა და ფერი იცვალა, მიძინებულმა მარგომაც პირველად გამოიღვიძა. გა კვირვებით თვალი გაახილა და ხარბად დასწვდა ცხოვრების ერთ საუნწეს, რომელიც ამ ქვეყნად არც კი ეგულებოდა, რაც უნდოდა და ჭიანჭამმა თეიმურაზმა თავის უმთხვევით ათ წელიწადში ვერ გაუთბო მარგოს, ტყიდან გამოვარდნილმა ნადირმა, - ჩაკირულმა წნაყომ .- ათ წუთში აუდულა და აუჩქროლა.

მარგო უძილობით იყო გალახული. მაგრამ მაინც მდედრულის თვალთ დაინახა და ცხადად იგრძნო უცნაური ცვლილება:

ჩაზნექილ გულიდან თითქო მძიმე ლოდი აეხსნა. გაღვიძებულმა ღარღვებმა სიცოცხლის ჟრიაში მოჰრთეს და დუბელა სისხლმაც

ჩუხჩუხი ასტეხა. იგრძნო და გაიგო მარგომ, რომ იმ ღამიდან ლაჟ გრილ სულში შარავანდედა ჩაესახა. რომ ლიჟი დაობებული ტანი საამურის შანთით დაიდალა, დაუტევენელის სიხარულით გაიჟღანთა და სხივნაკრავ კოკორივით გაიფურჩქნა.

VIII

აზოში შემოსულ ურემს თეიმურაზი მიეგება:

- მადლობა დ...ღმერთსა სადა ხართ, რად დ...დღოგვიანეთ?

წაყომ უმაღვე პასუხი დაუხვედრა:

- ურემი გაგთფუწდეს. შენი წირი მე, ურემი! გუშთ ვეპ

ამოხვედი.

- მაშ ღამე სად გ...გაათენეთ?

- ღამე ლევანაშენში გაათენებდე, ჩვენებთანო თომასთან იქნებოდე სტუმრათა.

ძალიან კარგად დაგთხვდებოდეს თომაი. შენი

წირი მე, ძალიან კარგათა. მოკითხვაც მოგიტანებდე თომაჟგან, დიდი მოკითხვა.

გაწითლებულ, და დადუმებულა მარგო განზე იხედებოდა და ქმარს პირსახეს ართდებდა. სდუმდა მარგო და ამ სიჩუმით პირველად გრძობდა ფლთდობიჟ სიმწვავეს და ღალატიჟ სირყხვილს.

გაახსენდა წუხანდელი ნაჩუმარი და თავისი ქადთლიყ. ყოველთვეს უამბობს თეიმურაზს, ყოველივეს! მარტონი რომ დარჩებიან,

მარგო ეტყვის: - ჩქარა, თემურ, ჩქარა წავიდეთ აქედან.

და ნალამურს გადაუშლის თავის ქმარს, თანაც შეეხვეწება:

- თემურ, გაჩუმდი. შენა თავს ნუ მოიჭრი - და მეც ნუ შემარცხვენ.

- "რაც მოსავალია, მოვიდეს! - აგონდება მარგოს თეიმურაზის ნათქვამი. - აი, აკი

მოვიდა კიდევაც!.. არა, მარგო დღესვე

ჩამოირეცხავს ღამის ჩირქჟა და უჟმურს, დღესვე!

თეიმურაზი მარგოს ათვალეირებს და ცოლის თვალებს ეძებს.

მარგო მიტრიალდა.

თეიმურაზს თვალი თვალში ვეღარ გაუყარა, აილანძა და აინთო. ბოლოს თავს

ძალა დაატანა. მხიარულად და ცოცხლად ჩამოხტა ურმიდან და ნატკენი მკვავი აითრია.

თეიმურაზი შეშინდა:

- მ...მმარგო, ეგ რა არის? კ...კვაბა სად დაიხიე? მხარზე რაღაც იარა გაქვს, მკლავიც ხომ არ დ...დაგიშავდა?

ლარგოს შიშველ მხარზე წაყოზ ნაკბილარი მოსჩანდა, ხოლო მკლავი გუშინდელ ბრძოლაში ჰქონდა ნაღრძობი

სირცხვილისაგან აჭარხლებულსა და შიშიჟაგან განაბებულ მაპგოს ისევ წაყო მიეშველა:

- კნეინა სრმიდან ჩამოხტებოდე, შენი წირი მე, კაბა წალმოედებოდე და ხელიც მიარტყამდე. არა გიშავს-რა, შენი წირი მე, მალე მოგიჩებოდე ნათლიასა.

სანამ წაყოზ ბიშა ქეშელა საქონელს აბინავებდა, ხოლო წაფო ყვირილით იქაურობას იკლებდა და ყველას აფეთებდა, თეიმურაზთ მარგოს თავის ნასახლარში დაატარებდა, იქაურობას აჩვენებდა და გულისკვნესით ეუბნებოდა:

- აი, გ...გგასინწე, ნახე, რა დაემართა ჩვენს უპატრონო ს...სახლს.

* *

მარგო ძლივსღა ყენობს ხევისთავთა ნაუფლარს. ძველი ავეწეულობა და სურათები დახეულ-დახვრვტილნი და ჩამტვრეულნი არიან. ჭვარტლით შემურულ კედლებზე მრავლად ჰკიდია ტყავეულობა, სამუშაო იარაღი და ხმელი ხილი.

ხარატით ნაკეთები და გრეხილ-ხვეულით შემკული მუხის ბოძები დალურსლულნი და დაჭდეულნი არიან სრადოდ და დაუნდობლად. საძლი გატენილია კასრებით, ქილებით, კოკებით, კალათებით და გოდრებით. ერთ კუთხეში გაურჩეველი სიმთნდი ჰყრია, მეორეში - გაურჩეველი ლობიო.

ოთახების ზოგი მორთულობა - სუზანები, სარკეები, ლბილი ავეჯი, ქანდაკებანი, ხალიჩები და უუმველესი შირაზი. ჭურჭელთ აღარსად არ მოჟჩანს.

იედელში ჩატანებული მუხის ფართე განწინები, ისიც ხარატით ნაკეთები, იარაღის ასეთივე საჭურჭლე და საწიგნე სავსეა მყრალთ ლოგინით, წაგრით და მატყლით.

აქა-იქ გაფანტულია ხევისთავთა გვარეულობის განთქმული იარაღი: წავშნები, მუზარადები, პერანგები, საბარგულები და სალკლაურები, ჩაფხუტები და ასნაირი თოფი და მახვილი: ლახვართ

, ორპირი, ბუნგრძელი, პირპრტყელი და ბუნზომიერი: სათხედება,

ხელშუბები, გეონები, ხიმტები, ზუფანები, ლიბადაკები, გმურებთ. სირმა, სიათა, ყირიმი, ფრანგული, დამასკი. დადესტნური, გორდა

და მრავალნაირი ხანჯალი და ხმალი.

ერთი პირმომტვრეული ძველი ხანწალი და გორდას ხმალივანზე ეყარნენ. საცა ფიხსა და წნელს გორდა-ხმლით სჭრიდნენ რამდენიმე ძველი ფარი სარქველის მაგივრად ჭურებისთვის და კასრებისათვის დაეხურნათ. ძველი ფრანგული და ყირიმული ხარიხებად გადაეკეთებინათ და ზედ აკიდოები ჩამოეკიდნათ.

სახლში არც ერთი წიგნი აღარ მოიპოვებოდა. თეიმურაზის მამის სურათი, ფერადებით ნახატი და მშვენიერ მოოქროვილ ჩარჩოში ჩასმული, ხონჩად არის გამოყენებული. ხატები და უძველესი წიგნების ყდეები მწნილების და ყველის ქილებისათვის დაუხურავთ

სახლის უკან გაშენებული ყვავილნარი, სადაც წინათ იშვიათწიშის ვარდ-ყვავილი იყო მოშენებული, ეხლა სავსეა დიდი ყვითელწითელ გოგრებით, მზესუჭვრიტეთი, სიმინდით და ლობიოთი.

წინად სანახევროდ მიცემული და კარგად ნაპატრონევი ბაღვენაბი ეხლა წაგნარად გადაქცეულა. ხეხილი და ვაზი გაფარჩხულ.

და ლიახვის ჭალას დაჰმსგავსებია.

თეიმურაზს გული აუჩუყდა და ცრემლი მოერია. მარგოც ხან წარბებს იჭმუხნის, ხანაც ნამალადევად ილიმება.

ბოსტნის კუთხეში ერთ საფრთხობელას წააწყდნენ. დაბალ ბოძზე ჯვარივით გაკრულია გადატეხილი სიათას თოფი. ამ ბოძზე და თოფის ხარიხაზე ჩამოუცვამთ რკინის აბჯარ-წავშანი - თვალმრგვალი წაჭვი, სამკლაურები, შუბი და საბარკულები, დასკლინტლ რკინის მუზარადზე, რომელსაც უუძველესი წარწერა ჰქონდა "ალლაჰ ილ-ალლაჰა -- კაჰკაჰი სჩხავის.

ორივემ შხამიანი სიცილით გაიცინეს. მერმე თეიმურაზმა სათვალეები შეისწორა, საფრთხობელასაკენ თითი გაიშვირა და ნაღვლიანად წაიბორძიკა.

- საკ...კვირველია! ეს საფ...ფრთხობელა ნამდვილი ემბლემაა ჩვენი ბედისა.

ლარტონი არიან. ეხლა ეტყვის ლარგო, ყოველივეს ეტყვიმხოლოდ არ იცის, საიდან და როგორ დაიწყოს. ჯერ ტფილიას ნაბაასევი გაახსენოს და საყვედურით გაავსოს, თუ წუხანდელ ნაღამურიდან დაიწყოს.

სდგას თეიმურაზის გახევებული მეუღლე და იხერხება. სამწერ დაალო პირი და სამწერვე დაახველა: ენაზე მომდგარი სიტყვა დასაკლავ ხარივით წიუტობს და უკანვე გაურბის, ბოლოს, ძლივამოიხრიალა:

- თეიმურაზ...

თეიმურაზს არ ესმის. განზე იხედება.

ჩუმი ცრემლი ჩუმად მოიწმინდა და მარგოს მიუბრუნდა.

--- წამო, მარგო, წაბო, ჩვენ დიდ აივანზე ავთდეთ. ეთო დრნჟ

შენ ძალიან გიფვარდა იმ აივანზე წდნლა.

- ეხლაც მაყვარს. წავიდეთ. - და გსკქთ დასლატა: -- ლეპე ვეტყვი.

* *

ეზოში სისხლი იღვრება: წაფოლ პალდენილე ქათალა, ამდოსრთ და ცხვარი დაჰკლა, ქვევრსაც თავი აჰხადა და თავთჟ სტსმრიბთს საჩვენებლად სოფლის წარჩინებულნიც მოიწვია.

როცა საკლავს ჰხოცავდნენ, წაფომ თეილსრაზჟ დასშახა და ეპ-თი ცოცხალი ქათამი გაუწოდა:

- აბა კნიაზ, ერთი ქათამი შენც დაიალი. ქემი დაკლულთ ქათამი ამ ოწახს შეგეწევა.

თეიმურაზი შედრგა:

- არ შ...შშემიძლიახ. წაფო

წაყოლ ჟიცილი დააფარა:

- მაშ რა ვაჟკაცი იქნებოდე? იპთი ქათალიც ვეპ დაჭიკავდე?

ჰაი, შე ქალაჩუნავ, შენა! აბა. უყურებდე წაფნჟა

და წაყომ ქათმებს კისრები დააწყვიტა და ყძვაპჟ არხინად ყელში ხანწალი გაუყარა.

თეიმურაზმა პირუტყვების ჟისხლსა და ტართხაკჟ ვეპ გაუშნდა სახლისკენ გასწია. სისხლის დანახეაზე გულთ მიელთა და პირსახე გაუფითრდა.

წაყო იცინოდა და თეიმურაზს მასხარად იგდებდა. ლაპგო კი ლაღალ აივნიდან თავის მეუღლეს არყძვენდა:

. - რა დაგელართა? ქათმის სისხლმა ეგრე როგორ დაგაშინა?

თეიმურაზიც აივანზე ავიდა და დაშთნებულ ბავშვიჟ ხლით თავჟიმართლებდა:

- არ შ...შშემიძლიან. შ...შშეჩვეული არა ვარ.

ლარგომ მხრები შეიშმუშნა და ტურჩებზე ღილილთ აისაძა:

--- შეჩვევა რა შუაშია? მამაკაცის გული როლ გქონდეჟ. ჟთსხკჟდანახვა ეგრე არ გაგაფითრებდა. სირცძვილია, თემურ!

- ცოტა ხანს რომ ვიცხოვრებ ამ გაკაჟებულ ხალხში, გულგ...გგამიმაგრდება და სისხლსაც შევეჩვევი. თქნება მერმე კაციც ადვილად მოვკლა.

- შენა? კაცის მკვლეელი?! დ წამოთშახა მარგოლ და გადთითჟკოთჟა.

სანალ სადილი მზადდებოდა, წაყოლ ხევსთავებს თავისი წალაბწულაბი გამოუყვანა და მათ თვალწინ თავისი ბიძები, ძმები, მამიდები, დეიდება და ჩიქორთსლთ მათეჟავები გალოჰფთნა: ტურა, ქეშელა, გიბა. ტელა, მექთა. ელისო, ლარიამი და თინა.

მერმე წაყოს ცოლი ნინაყ გამოვიდა და ცხრა ქალ-ვაჟი გამოიფვანა, - ყველანი ერთი - ერთმანერთის მიმდევარნი, ზოგი თავისი ჟაკუთარი, ზოგაა კიდევ გერები.

წაყოლ დოიძი შემოიყარა და პირსახე გაიბადრა:

-- აბა, კნიაზიბო, როგორი ბიწი ყოფილხარ წაყოი! აბა, დახედეთ წაყოს გნწვბსა!

ბთჩება ჩემისოანა ვაჟკაცები გამოხვალთ, ქალები ით იჟეთი ლამაზი ვიქნები.

როგორც ნათლია მარგოი, მაშა!

- წაყო. პა ბევრი გყოლია. - ეაიკვირვა მარგომ.

- მაშა! - აჰიხვინდა გაძარებული წაფნ.- ყძვა შვილი გაგიკეთე ჟაყოლა. ლაშ, მაშა!

აგრე ვიცის წაყომა!

-- წაყო, ც...ყცხრა შვილი გეყოფა. -- უთხრა თეიმურაზმა.

- რათ გეყოფა ცხრა? ჯაყოს ცხრა ბიწი კიდე გეყოლება, მაშა! შენ რაჟ იტყოდო.

ნინა?

წაყოს ცოლმა. გაწურულმა კმაჭა დედაკაცმა, რომელიც ქაოაქში ჩაყომ ეაბადრულ მთვარეს შეადარა, ტუჩები ააპრუწა, ჩაიძითხითა და პირსახე მიიბრუნა. წაყო?

თეიმურაზს და მარგოს გადლოჰხედა:

- შენა, ნათლია? რატომ ერთი ბიწი მაინც არ გეყოლებოდეს?

თეიმურაზმა ამოიოხრა:

- რა ვიცი, წაყო, ალბათ ღმერთს ასე ჰსურს.

- ღმერთმა რა ვიცის შენი საქმე? შენ იქნებოდე ქალაბიწა.

ღმერთს ნუ დააბრალებდე.

მარგომ და თეიმურაზმა ერთმანერთს გადაჰხედეს და გულიანად გათცინეს.

წაყომ თავის ნაწიქვეს ისევ ამაყად გადაჰხედა და ერთხელ კიდე დაიქადნა:

- ყველანი წაფოჟ შვილები ხართ, მაშა! ღმერთმანი, ჯაყოს კიდე გეყოლება ცხრა შვილი, მაშ, მაშა! აგრე ვიცის წაყომა!

მარგო წაყოს ჩალონავალის ხროვაში შეერია, თეიმურაზის და თავის ნათლელებს გაუღიმა, სხვებსაც მოუალერსა და ტკბილეულობა დაანახვა. ცხრა ბავშვი მარგოს ცხრა გოცივით მიესია. ჭყვიტინით, ჭიცყინით, ღნავილთთ ეხვეოდნენ გარშემო და ტკბილეულობას ერთმანერთს პირიდან სტაცებდნენ. წაყო კი დოინწ-შემოფრილი იდგა. მარგოს და თავიჟ ცოლს ერთმანეთს ადარებდა და ორივეს ცხენების დალალივით-ჰსინძავდა:-ღმილით, ურცხვად და მოურიდებლად. შემდეგ სამს უცნობს ვაჟზე მიუთითა თეიმურაზს

და სთქვა:

- ესენი მოუნათლავი დაგრჩა.

- მერე, რატომ არ მ...მმონათლე, ჯაყო?

- რათ უნდა მონათლო? ეხლა ნათლობა მოდაში აღარა ხარ.

ჯაყომ ვიცის ეხლანდელი კანონი. ჯაყო ჭკვიანი კაცი ხარ. ჯაყოს მონათლულებიც გყავს და მოუნათლავებიც. ვინ იცის, როდის დაგჭირდეს ჯაყოსა მოუნათლავი შვილები! მაშ, მაშა!

ერთმანეთის გაცნობა რომ გათავდა, ჯაყომ აივნის ჩრდილში ხე-ვისთავთა საგვარეულო სითიკანი დაიდგა, ზედ ჩამოჯდა, გვერდით სტუმრები მოისვა, მყრალი ყალიონი გააბოლა და მუსაიფი - აბა, თანაც ზევიდან წამდაუწუმ ისეთის ომახიანის ხმით . გადა-ჰყიოდა ფეხმარდ და უხმო ნათესავებს, რომ ჯაყოს ხმა მთელს სო-ფელს სწვდებოდა:

- ტურა, ჩქარა! თახრაშუ!.. ქეშელა, ადამრაშე!... გიბა, ქადამ-ჩაუ?!...

IX

სოფლელეები - ჯაყოს სტუმრები მარდად მოუსხდნენ ასწლოვან ნიგვზის ხეების ჩრდილში გაშლილ სუფრას და მგლებივით დაემ-გერნენ დიდი ხნის უნაზავ ხორცეულსა და ღვინოს. თან ილუკმე-ბოდნენ, ჯამებით ღვინოს სვრეპავდნენ, ჩახლეჩილ სუფრულს გაჰ-

კიოდნენ და ზოგჯერ ბორძიკით ლულლულებდნენ.

- ეს გაუმარჯოს ჯაყოს სტუმრებსა... რომელიცა რომა.. აგრეთ-
ვე და ისა.

გაბლენძილი ჯაყო მამასახლისისივით სუფრის თავზე იჯდა, ბეჭს
ითლიდა და ჰყვიროდა:

- აბა, თქვენი წირი მე! არ მოიწინებოდეთ! სწამეთ და სვა-
მეთ! ტურა, თახრაშუ!.. ქეშელა, ადამრაშუ!

და ზოგჯერ სიამოვნების ნიშნად ამპარტავნულად ხროქინებდა:

- მაშ, მაშა! აგრე ვიცის ჯაყომა!

ერთ გვერდით მარგო ჰყავდა. მეორე გვერდით - თეიმურაზი.

ჯაყო მარგოს საუკეთესო ნაჭრებს სთავაზობდა და არმი-
ყობდა:

- სწამა, შენი წირი მე, სწამა! ისე უნდა გაგასუქებდე, რო
გორც სააღდგომო ინდაური, მაშა!

თეიმურაზს ყურადღებას არ აქცევდა, ზოგჯერ სიბრაღულით
გადმოჰხედავდა და დაცინვით გადმოჰკრავდა:

- კნიაზო, სწამა, თორემა რაც ღალას აღარ გაძლევდე, იქნება
იმ დღიდან შენც არ გაძლებოდე.

მერმე თეიმურაზის შიში გაიხსენა და აჭიხვინდა:

- ნეტა ამისთანა ვაჟკაცს კნიაზობა ოი? მოგცემდე? სისხლისა
გემინიან თეიმურაზსა, შენი წირი მე, სისხლისა! ქათამიც ვერ დაჰ-
კლავდე, ქათამიცა! შენა, თეიმურაზ, კნიაზი კი არა ხარ, ბრინკა ხარ,
ბრინკა!

ბრინკა ჩაყოს ნათესავი იყო, - დავრდომილი. გონჯი, საბრალო
და ყველაფრით უბადრუკი, -სწორედ ის ბრინკა ჯივამილი, რო-
მელმაც ოდესღაც თეიმურაზისგან ოთხი ათასი დღიური ტყე "იყი-
და და ეხლაც ქვაბებთან ფუსფუსებდა.

ჯაყომ თეიმურაზს იმ დღიდან ბრინკა დაარქვა:

- ბრინკა. სადა ხარ?.. ბრინკა, მოდი პური წამა!... ბრინკა.

გაზეთი წაგვიკითხე!.. ბრინკა, ერთი ამბავი გითხარი, ჩვენც გაგაგე-
ბინეთ რამე...

თეიმურაზს მისი ნამოურავალი პეტრე დევდარაშვილი და ნახუ-
ცარი ივანე მოუსხდნენ. ორივენი თეიმურაზის მამის ხელში იყვნენ
გაზრდილნი: ერთი მოურავობაში, მეორე კი ჯერ დიაკვნობაში, და
შემდეგ - მღვდლობაში.

თეიმურაზმა რომ მამისეული ქონება დაიმკვიდრა და ხელი მიჰ-
ყო მამულის გაყიდვას და დარიგებას, პეტრემ მაშინვე თავი დაა-
ნება სამსახურს და საკუთარ კერას დაუბრუნდა, ხოლო მღვდელმა
ივანემ უფრო გვიან აუღო ალღო ახალ ცხოვრებას და ანაფორა ჩო-
ხაზე გასცვალა.

კარგად მობერებული პეტრე თავიდანვე აღმაცერად უცქეროდა

თეიმურაზს და ჩუმ-ჩუმად ყორანივით დასჩხაოდა იმის მომავალს. ამბობდა: ბარემ ასიც მინახავს მაგისტანა ?გააჭენე ბიჭო. ეგეც სხვებსავით დაილევა და მერმე ლობიოსაც ინატრებსო. პეტრეს ეს უღვაშები დააჭერით, თუ გავმტყუნდეო.

არ გამტყუნდა ბებერი გლეხი. ეხლა თავისივე თვალთ დაინახა ჯაყოსთან შეხიზნული ნაბატონევი, მაგრამ პეტრეს თეიმურაზი მაინც ენანებოდა. უკბილო პირს აცაცუნებდა და თითქო თავისთვის ჰლულლულულებდა:

- მაშ ისე წაგივიდა საქმე, რომ სასხვისოდ გაგიხდა ეგ თავი? ვაი დედასა, ავთანდილ ხევისთავო! რას იფიქრებდი, რომ ოჯახი ასე დაგენგრეოდა?

თეიმურაზი პეტრეს ანუგეშებდა:

- ნუ შესწუხდი, ჩემო პეტრე. წყალნი წავლენ და წამოვლენ, ქვიშანი დარჩებიანო

- მართალია, მაგრამ იმ ქვიშაზე გაგუდული თევზიც ბევრი მინახავს. - დაუნდობლად და მოურიდეზლად ჩაურთო ნახუცარმა ივანემ, რომელიც იმ სუფრას სთამადობდა. - წყლის წასვლის მოლოდინს ისევ ის გერჩივნა, რომ სამსახურში ფეხი მოგეკიდნა, თორემ, ვინ იცის, იქნება წყალნი ან არ წავიდნენ, ან კიდევ ძალიან დაგვიანებით წავიდნენ.

- სანამ პეტრე მიეშველა, პავლეს ტყავი გააძრესო, გამიგონია ცხონებული მამაშენისგან. - ჩაურთო პეტრემ.

გაკრეჭილი მღვდელი წამოდგა:

- ხალხო! სმენა იყოს და გაგონება. ეს ქვეყანა ასე ყოფილა მომართული: ერთი წავა და სხვა მოვა ტურფასა საბაღნაროსაო. ასე უთქვამს დიდებულ შოთა რუსთაველს შვიდასი წლის წინათ. ისიც უთქვამთ: წინანი უკანაო, და უკანანი წინაო.

- დღეს მენაო და ხვალ შენაო. - ჩაურთო სუფრის ბოლოში ერთმა ახალგაზრდამ.

- წინათ თავად-აზნაურები გლეხებს უღელში აბავდნენ, ეხლა კი ბედი პირუკუღმა მოტრიალდა.

- მაშ, მაშა! - წამოიძახა ჯაყომ. - ეხლა კნიაზებსა და აზნაურებს ჩვენ დავადგამდეთ უღელსა, მაშა!

- ცხოვრებამ ახალი აზნაურები დაგვიბადა. - განაგრძო ივანემ. - რით არა სჯობიან წინანდელ თავადებს დღევანდელი ჩვენი მასპინძელი? განა ჯაყოს აზნაურობა არ შეჰშვენის?

წინიკამ ახალგაზრდებს გადაჰხედა.

ჯაყო გაიბადრა და აირია. იქვის თვალი გადაავლო ყველას, პირი ღია დარჩა და ცხენის კბილებიო ძლივს შეიმაგრა ენაზე მომდგარი "მაშ, მაშა"!

- ჯაყო ნამდვილი აზნაურია. - განაგრძო გაკრეჭილმა ივა-

ნემ. - ძალაც შესწევს და შნოც. ზოგს აზნაურს არც უწინ ეტყობოდა აზნაურობა, ეხლა ხომ სულ დაიძირნენ და გადაგვარდნენ. ზოგი კი გვარიშვილობით აზნაური არ არის. მაგრამ ჯანლონით, ჭკუით, გონებით. გავლით და ქონებით აზნაურიც არის და თავადაცა. ასეთმა ძლიერმა გლეხებმა თვითონვე დაიდგეს აზნაურობის ტახტი და თვითონვე დაიწერეს თავადობის გუჯრები. ასეთ აზნაურებს მე პატივსაც ვცემ, წინანდელი ჩვენი თავადი კი... ჩვენი აზნაურები წყალწასალვბაი იყვნენ და აკი ჩაჰბარდნენ კიდევაც მიმავალ დროსა! ქვეყანამ იცის, რომ ჯაყო ჯივამვილი ისე დასტრიალებს ჩვენს ღარიბ-ღატაკ გლეხობაა, როგოც კარგი მეოჯახე თავის კერაა.

სუფრის ბოლოს ჩურჩული მოისმა.

- ვინ მოსთვლის, რამდენი მრუდე საქმე გაუსწორა ჯაყომ ჩვენს სოფელს და რამდენ გაჭირვებულ ქვრივ-ობოლს გაუმართა ხელი!. ქლესაობდა ივანე. - ჩვენ იმედი გვაქვს, რომ ამდენი სიკეთის დამთესი ჯაყო არც შემდეგში დაიხვეს უკან და ისევ ძველებურად გაგვიწევს დახმარებას. მაშ გაუმარჯოს ჩვენი სოფლის ახალ პატრონს. ახალ აზნაურს ჯაყო ჯივამვილს.

- მაშ. მაშა! - წამოხტა ჯაყო. - ჯაყო დიდი მადლობელი ხარ. თუ სოფელს გინდა, ჯაყო კიდევ გემსახურებდე, კიდევ გაგიწევდე საწყალ ხალხს სამსახურსა, მაშ. მაშა!

სუფრის ბოლოში ახალგაზრდობამ ყაყანი და ალიაქოთი ასტეხა. ჯაყო ისევ წამოვარდა:

- მაშ, მაშა! აგრე ვიცის ჯაყომა!
და ივანეს გადაეხვია, თანაც მიაძახა:

- ალავერდი შენთანა, ღვდელიო:

ვრთმა წაიბურტყუნა:

- ნიძლავი, თუ იოანემ ხვალ ?ჯაყოს ერთი ტომარა ფქვილი არ გამოართვას.

- ძირს აზნაურები! - დაიძახა სუფრის ბოლოში პეტრეს შვილმა ნინიკამ.

- ძირს აზნაურები!.. არ გვინდა:.. ძირს!.. არ გვინდა! - ხმა აიმაღლეს დანარჩენმა ახალგაზრდებმაც.

დაიწყო ივანეს ნათქვამის განმარტება, ბოდიში, მიწევ-მოწევა, ყაყანი, ერთმანეთის დაჭერა და ჩურჩული.

მხოლოდ ნინიკა იდგა განზე და ულვაშს იკვნიტავდა, თან სუფრის თავისკენ ელვას ისროდა.

თეიმურაზი ნინიკასთან მივიდა.

- ნინიკა, ჩემი ხათრი შეინახე, ჩ...ჩემი! არ ჩავრიო, თორემ...

ნინიკა ისევ სდუმდა.

ბოლოს, ყველანი ისევ ჯაყომ დაამოშმანა:

- სმენა იყოს! გაჩუმდებოდე!... მე რომელი კნიაზი ხარ? ხომ

არ გაგიჟდებოდე: ივანე ხუმრობდეს, თქვენ კი ვერ მიხვდებოდეს.
სმენა იყოს! ჩვენი სტუმარი ნათელია თეიმურაზი ლაპარაკი გინდა.

თეიმურაზმა გრძელი სიტყვა წარმოსთქვა შესახებ ერთობის და
თანასწორობისა, სოციალურ მშვიდობიანობის, და ახალა თაობის
შემოქმედებისა. მერმე თავი ბოლოს ვედარ მიაბა, აბორძიკდა, წაი-
ფორთხილა და თავისი სადღეგრძელო ასეთის დარიგებით და ლოც-
ვით დაასრულა:

- დაიცავით ძმობა, მ...მშვიდობა და ამხანაგობა! დ...დდანარ-
ჩენი თვითონვე დ...დდალაგდება. ყველამ გულში ჩაიწერეთ
შ...შშრომა და პ...პპატიოსნება. ღმერთმა ყველას მოგცეთ მ...მშვი-
დობა და მ...მმომინება.

ჯაყოს აზნაურობა მალე დაივიწყეს და ხელხლად მისი ღვინო
გაიხსენეს. კვლავ სმას შეჰყვნენ და შეყაყანდნენ.

* *

სუფრის ბოლოში ნინიკამ დაიძახა:

- ცანგალა და გოგონა!

მეორემ უმაღვე ხმა მისცა.

- გოგნი, გოგნი, გოგონა!

სხვებმაც ბანი მიაყოლეს და მძლავრად ტაში დაჰკრეს.

ჯაყო უმაღ იქვე გაჩნდა და დასძახა:

- აბა, განი, განი!

მერმე ქუდი მოიშვლიპა და ტეტითურად ჩამოუარა.

მომღერალმა ცეცხლი შეიკეთეს და ჯაყოსაც შეუკეთეს.

ბიჭმა გოგო გაიტყუა,

ჩიტის ბუდე ვიცი მეო:

ჩიტის ბუდე არსად იყო!

გოგო, ეგრე ვიცი მეო!

გუნდი დგრიალით მისდევს ნინიკას:

გოგო, ეგრე ვიცი მეო!

ჯაყომ ორჯერ ჩამოუარა და მარგო წრეში გაიწვია. ოდნავ შებ-
რუჟებულ მარგოს უცებ ძველის-ძველი ეშმაკები შეუხსდნენ. ხე-
ლები ფრთებივით გაშალა, თავი ოდნავ უკან გადიხარა, სახეზე
ბედნიერი ღიმილი აისახა და მარდად, კოხტად და ტანის რხევით
ჩამოუარა.

ოდესღაც მარგოს ძლიერ უყვარდა და უხდებოდა ცეკვა, როცა
დროს მოიხელთავდა, განზე არ გაიწევდა, მაგრამ ის ბედნიერი და
უდარდელი დრო დიდი ხანია გაჰქრა. აღარ ახსოვს მარგოს, სად
და როდის იცეკვა უკანასკნელად, ან რამდენი წელიწადი გავიდა
მას აქეთ - ხეთი თუ ათი? იქნება მეტიც, დაავიწყდა მარგოს ხანგ
მაგრამ იმისმა სისხლმა შორეული წარსული გაიხსენა და აჩუბ-

ჩუხდა.

გედივით მისცურავს მარგო განიერ მოედანზე. იმის ფეხებს
კვალ-და-კვალ მისდევს მქუხარე ტაშის და სიმღერის მკვეთრი
რიტმი:

ცანგლი ცანგლი გოგონავ!
გოგნი, გოგნი, გოგონავ!
ტაში-ტუში! ტუში-ტაში!
ტუში-ტაში! ტაში-ტუში!

მაჰქრის მარგო და ვერც კი ხედავს თავის ჯაყოს, რომელიც
გაგიჟებულ დათვივით დაჰხტის, მორგვის ხელებს მოშლილ ბორ-
ბლებივით იქნევს. კუნძის ფეხებით მიწას სთხრის, განიერ თე-
ძობებს ბურთებივით ახტუნავენს, ზღარბის თავს გოგრასავით აგორა-
ვენს, ღონის კბილებს თეთრად აელვებს და დროგამოშვებით ცხე-
ნივით ჭიხვინებს:

- ტაში ჯაყოს! ტუში მარგოს! ტაში ჯაყოს! ტუში მარგოს!
პეტრეს შვილი ნინიკა ჯაყოს და მარგოს მკაფიო და მკვეთრი
შაირებით მისდევს.

ეს ჯაყო კარგად თამაშობს,
თითის წვერებზე დგებაო:
ჯაყომ რომ ფეხი იტკინოს,
ეს მე ნუ დამბრალდებაო.

თეიმურაზიც გაცხარებითუკრავს ტაშს და ნახუცარ ივანეს ეუბნება:
- ს...სსაკვირველია! ს...სსაოცარია! აქამდე არ დაჰვიწყებია მარ-
გოს ახალგაზრდული შნო და მ...მმარდობა.
ნინიკა აღარ იღლება და მისი შაირიც აღარ იღევა. რიხით და
ფახით ამქრება:

ორი ცხენი, ერთი კვიცი!
ოციოდე კიდევ ვიცი!

გუნდიც კვლავ ჰქუხს და ჰგრგვინავს:

ცანგალა და გოგონა!
გოგნი, გოგნი, გოგონა!

ჯაყოც ისევ დაჰხტის და ჭიხვინებს:

ტაში ჯაყოს! ტუში მარგოს!
ტუში ჯაყოს! ტაში მარგოს!

ილამ ნიკას მეორე ხმა ჩამოართვა.

|

ნინიკამა ერთი გოგო
ორლობეში დაიჭირა,
ი გოგომა ვედარ იქნა,
სარტყელი ვერ მოიჭირა.

ნინი ჯაყოს და მარგოს შუაში შეუვარდა და დათვი წრიდან გაა-
ბევა. შველს ფოცხვერი დასდევს, დასდევს დაჟინებით, მარდად,
ოდნავი რხევით და მოქნილი ფოლადივით. -

თავდავიწყებული მარგო აღარავის ჰხედავს. მხრებიდან უცებ
თხუთმეტი წელიწადი ჩამოიგდო, გულიდან ლოდი ჩამოიხსნა, პი-
რიდან ქუში ჩამოირეცხა და ჟამის ჟანგიც ჩამოიფხიკა. გაჭაბუკდა,
გალაღდა, გაიფურჩქნა და ანაზდეულად დაიბრუნა დროის მიერ
შეჭმული სიმკვირცხლე, მოქნილობა, სიფიცხე, უდარდელობის
იერი და ახალგაზრდობის ცეცხლი.

ბოლოს, პირ-ალანძული და ბავშვური სიხარულით ალექილი
წრიდან გამოვარდა და სკამზე დაეშვა.

გახარებული თეიმურაზი ცქმუტავდა. ამაყი მასპინძელი იბე-
რებოდა, ისევ წრეში დარბოდა და დროგამოშვებით ისროდა:

- მაშ, მაშა! აგრე ვიცის მარგომა!

* * *

სიმღერა, ცეკვა და სმა კიდევ დიდხანს გაგრძელდა.

მარგო სუფრიდან ადგა. დანარჩენნი მხოლოდ საღამოზე
აიშალნენ.

ულონო თეიმურაზს ნაძალადევი ღვინო ადვილად მოერია. ფე-
ხებ-გახლართული ნაბატონევი ჯაყოს მკლავზე ჩამოეკიდა და ალულ-
ლულდა:

- შ...შშეგვინახე, ჯაყო... დრო მოვა და გადაგიხდი... მეც ვიმუ-
შავებ და გიშველი...

გოდრებთან მიწვა, უმაღ მიიძინა და ბავშვური ფშვინვა ამოუ-
შვა.

5 ი

შუალამემ მოატანა. მსუნაგი ჯაყო ჩოჩვით შემოცურდა, დაფე-
თებულ მარგოს გვერდით მიუწვა და ყურში ჩასჩურჩულა:

- ტსს... გაჩუმდებოდი, თორემა...

თეიმურაზი ისევ ფშვინავდა.

ათიოდე წუთის შემდეგ ჯაყო სიბნელეში უკანვე გაცოცდა და ერთი საათის შემდეგ ისევ შემოცოცდა. შიშნაჭამი მარგო წყვილიად-ში ბინდ-ბუნდად ჰხედავდა ჯაყოს, რომელიც ფოფხვით მომავალს ორანგუტანგს ჰგავდა.

მარგოს გული საგულედან ამოვარდნას ჰლამობდა. უნდოდა დაეყვირნა, თეიმურაზი გაელვიძეებინა, მაგრამ აუგით, შიშით და იდუმალ ბორკილებით იყო შებოჭვილი და განაბული. დაყვირების მაგიერ თვისი პირი თეიმურაზის პირსახეს მიუახლოვა და ყური მიუგდო.

თეიმურაზი კვლავ არხეინად ფშვინავდა.

მერმე მარგომ სიბნელეში მკლავები გაშალა და ფაშვნიერი ჯაყო ძალუმად ჩაიხუტა.

მარგოს შერყეულმა სულმა იმ ღამეს ვედარ მოისვენა. მარგომ თავის წარსულს ოვალი გადაავლო. თვალწინ დაუდგა თეიმურაზი, სხეულით მჩატე, წიგნებზე დალეული და სულით დაჭიავებული. ძალაუნებურად შეადარა თვისი ნაკაცარი ქმარი, მისი ნაცოხნევი და უნაყოფო სიყვარული გამხეცებულ ჯაყოს, - ნადირივით თავაგლე-ჯილს, კადნიერსა და რეგვენს, ხეპრეს და მოუხეშავს. სამაგიეროდ დათვივით ღონიერს, სულით და ხორციით ჭაბუკს, ბუნების შიშველ ნაყოფს, ზომიერად შეზავებულს, თანაბარს, გაუზზარელს, მთლიანსა და ურყევს.

თეიმურაზმა თითქმის ყველაფერი იცოდა. სამაგიეროდ არაფერი არ შეეძლო: ჯაყომ არაფერი არ იცოდა, სამაგიეროდ ბევრის შემძლე იყო: პირველი თვალხილული და სმენიანი იყო, ხოლო მეორე - თითქმის უთვალჩინო და სმენადახშული; სანაცვლოდ ჯაყოს დაგუბებული ჰქონდა სიცოცხლის ნიშატი, წყურვილი, უნარი და სამართებლივით გალესილი ცხოვრების ფხა, ხოლო ალლო-გარეულ ძალღივით განვითარებული და გატიფული.

არსებულ გარემოებაში ერთი ბალღივით უძლური იყო, ახალ ცხოვრებისგან მოტეხილი. წაქცეული, წყალწაღებული და უკვე მიმავალი, ხოლო მეორე - თავის კალაპოტში ჩავარდნილი, თავით-ფეხებამდე სადღეისო იარაღში ჩამჯდარი და სამშვიდობოს, გამორიყული, ფეხამდგარი და მომავალი.

თეიმურაზი დასრულებული ადამიანია! განათლებული, ტვინდი-და, ჭკვიანი, ჯიშიანი, ათიოდე საუკუნის განმავლობაში ბამბაფარჩა-ში ნაზარდი, ნატიფი, ნამუშავარი, ნათალი და დაფერილი: ხოლო წაყო მხოლოდ მეთათე თაობა თუ იქნებოდა მაიმუნისა, პიტეკანტ-ტროპოსის მინამგვანი, პირუტყვივით ბნელი და უმეცარი, მიუვალ მთებსა და უღრან ტყეში გაზრდილი. იგი ბნელ ხეობიდან გამო-

ვარდნილი ველურია, რომელმაც პირველად მხოლოდ ათი წლის წინათ დაინახა კრამიტი და დანა-ჩანგალი, საათი და სურათი, სა-

ყელო და ცხვირსახოცი. აი, ამისთანა ნადირ-კაცმა, რომელიც დღეს მინდორსა და ტყეში აღამებდა, ხოლო ღამეს ბოსელში ათენებდა, მარგოს ასე ხეპრულად, ასე უდიერად და მხეცურად აჰხადა პატივი.

მარგოსთვის ცხადი იყო, რომ გუშინდელ დღიდან ის გადაიქცა ჯაყოს ხასად. ამის გამო მარგო გუშინ სტიროდა და იმუქრებოდა, მაგრამ დღეს აღარც კი იცოდა, კარგი იყო ჯაყოს ხასობა თუ ავი, ბედნიერი იყო მარგო თუ უბედური. კეთილად დასრულდებოდა ეს ამბავი თუ მარგო უარეს დღეში ჩავარდებოდა და განათლებულ-პატიოსანთა სიიდან ამოიშლებოდა.

მარგო დედაკაცი იყო, ამიტომ იმის გულსაც უდიტინებდა იდუმალი წყურვილი საყვარლის აჩენისა აქამდე ადვილად შეემლო თუნდ ათიოდეს შოვნა, მაგრამ მან უჩინარი მაცდური დასძლია, გაუძლისს გაუძლო და ათი წელიწადი ჰზიდა მძიმე ტვირთი ძალით ალაგმულ ბუნებისა.

ეხლა კი პატიოსანი მარგო ასე ტუტუცურად და მოულოდნელად ჯაყოს საყვარლად გადაიქცა!

მერე როგორ! იქვე, თეიმურაზის გვერდით! ოოჰ, ღმერთო მაღალო! ?შენ ხარ მოწმე, რომ მარგოს აზრად არ ჰქონია ქმრის ღალატი, რომ რაც მოხდა, თავის-თავად მოხდა. რომ მარგო ფიცის გატეხაში უბრალოა. ან რა უნდა ექმნა დათვის მკლავებში ჩავარდნილს, უმწეო დედაკაცს?! მეორე დღესვე ყველაფერი ეამბნა თეიმურაზისთვის? ამას მოჰყვებოდა საშინელი დრამა, საქვეყნოდ თავის მოჭრა მარგოსთვის და სირცხვილი თეიმურაზისთვის. თეიმურაზი და მარგო სხვაფრივაც რომ კეთილად გადარჩენილიყვნენ, უმაღლესი ტფილისშივე უნდა დაბრუნებულიყვნენ, სადაც ხევისთავები თავს ვედარავის შეაფარებდნენ.

ახია თეიმურაზზე, ასი! რად ?იანო თავის ცოლი ნადირს? მაშ რა იგონა თეიმურაზს, რომ საქმე სასხვისოდ გაიხადა?! რომ თავი აიღო და სამადლოდ შეეკიდლა ჯაყოს, თავის ნამოჯამაგირევს, რომელმაც მასი სახლ-კარიც და ბაღ-ვენახიც საკუთარის მკლავათ, მუქარით და ოინბაზობით შეიძინა!

ვინ იყო მათთვის ჯაყო?

არც ნათესავი, არც ტოლ-ამხანაგი, არც ქველმომქმედი. მაშ რას უშველის მარგოს ან თეიმურაზს წინააღმდეგობა ბედის და დაცვა პატიოსნებისა, რომელიც ორივემ ერთ ლუკმა პურზე მიჰყიდეს ჯაყოს, მიჰყიდეს იმ დღეს, როცა გადასწყვიტეს თავიანთ ნასოფლარში და ნასახლარში ამოსვლა... სტუმრად! ჯაყოს სტუმრად!

მარგომ გაიგო და შეიგნო, რომ გვიან-ღა იყო თითზე კბენა და კბილთა ღრჭენანი, რომ ის მხოლოდ ვალს უხდიდა ჯაყოს, რომ აუცილებელი ისევ აუცილებელი იყო, რომ მოსასვლელი უნდა მოსულიყო.

ოოჰ, ნეტა გუშინვე ეთქვა მარგოს თავის ქმრისთვის! ვთქვა და გაეთავებინა! რაც მოსახდენი იყო, მომხდარიყო, ეხლა კი... გრძნობდა მარგო, რომ ეხლა გვიან-ლა იყო თქმაც და თითზე კბენანიც. თეიმურაზი რომ არ დამთვრალიყო, წუხელივე გაათავებდა ყოველივეს ერთგული მეუღლე, ეხლა კი... ეხლა რით იმართლოს თავი! რა უთხრას? როგორ უთხრას? ვითარ გაჰბედოს? ვერა, ველარ ეტყვის. მარგო უკვე ჯაყოს ხელდებულისა. მორჩა, გათავდა.

მარგომ ყოველივე ასწონა და გაზომა თითქოს ბედს შეურიგდა და გარდუვალს დაემორჩილა. რაც მოსახდენია- მოხდეს, ოღონდ არ გაიგონ, თეიმურაზს და მარგოს სირცხვილი. არ აჭამონ და საქვეყნოდ თავი არ მოსჭრან, თორემ...

ვილაცამ გულში ჩააწვეთა: -

- "რომ გაიგონ კიდეც... ვინ იცის, იქნება სჯობდეს კიდევაც, რომ სამუდამოდ შერჩე ჯაყოს... ჯაყო ყველაფერს მოგცემს, რაც შენ გინდა: სიყვარულის ცეცხლს, კეთილ ცხოვრებას, ახალგაზრდა ვაჟკაცის ჯან-ღონეს და... დღევანდელზე უკეთესს მომავალს... თეიმურაზი კი... მას აქვს წარსული, მიმავალთა შორის პატივი, საჭურისის ცოდნა და... ზანზიბარი! დაანებე თავი თეიმურაზს!"

არა, არა! მარგო ასე ადვილად ვერ დაანებებს თავს საწყალ თეიმურაზს! არასოდეს! არასოდეს! აბა, რა სათქმელია: ველური? აყო და განათლებული თეიმურაზი?! ტყის დათვი და საზოგადო მოღვაწე?! ყაჩაღი და პატიოსანი პატიოსანთა შორის?! ხა-ხა-ხა! რა შედარებაა! სადაური არჩევანია!

ის უხილავი და მარგო დიდხანს ებრძოდნენ ერთმანეთს.

ძალეები აღარ ჰყეფენ, აღარც ჭოტი გაჰკვივის. მხოლოდ ღიახვი ჰშხუის. ბაღში დილის სიო ჰფუსფუსებს და კუთხეში თავი ცოდვილობს. ბინდი შეთხელდა: ცამ ფერი შეიცვალა: ბაღში ჩიტებმა ჟივილ-ხივილი ასტეხეს: სადღაც კაკაბი კაკანებს: მარგო კი ისევ ვიღაც უჩინარს ებრძვის და თანდათან ბრძოლის ველს თითო ნაბი:ით უთმობს. მაგრამ გონების და უჩინარის ცხარე ბრძოლაში წილს არ იღებენ მარგოს გული და სისხლი. ისინი თითქოს უცხონი არიან, თითქო განაპირდნენ, განზე გადგნენ და თითქოს იმ უჩინარსაც კი ემხრობიან.

მარგოს გულს საამური ჟივილი გააქვს. სისხლი მძლავრად უჩქეფს და აქამდე მოდუნებული და გახევებული ტანი სასიცოცხლოდ

თითქოს ეხლა იღვიძებს და იფურჩქნება. კვირტს ხანგრძლივ და სუსხიან ზამთარში მძიმე ძილით ეძინა. მაგრამ ყინული უცებ გალხვა და სუსხიც აიკრიფა. ცხელმა მზემ გაათბო, ხოლო მიწამ იდუმალი წვენი მიაწოდა, გრძნეულმა ძალამ კვირტი გაშალა და გააცოცხლა.

ფეხშიშველი, თმაგაშლილი და გაღელილი მარგო აივანზე გა-

დის. უცნაური მშვიდობა და სიხარული სწერია იმის გაშლილ პირსახეზე. გაგანიერებული და მღელვარე მკერდი ამომავალ მზეს მიუშვია. თვალეხს ამოებით ჰჰუტავს, ორივე ხელით გაღებულ მკერდს იხელავს და ტკბილად იზმორება.

ზაფხულის ღამეს ხის ფოთოლსა და ბალახზე ნამი უთვალავ ბრწყინავ თვალმარგალიტად გაუბნევიან. ეზოში და ბაღში მოისმის ძროხების და ბოჩოლების ბღავილი, ღორების ჭყვილი, გოჭების ჭყვიტინი, ბატების ყიყინი, ასნაირ ფრინველთა ჭივილი, ჭიკჭიკი, ჭრინვა, ჟღურტული და ხივილი, და მათი ჟრიაშული, კამათი, სიხარული და ლოცვა ერთ გაუთავებელ სიმღერად იკონება. და იმ ფსალმუნ-გალობას არც თავი აქვს, არც დასასრული, არც ფორმა და არც კილო.

ქათმები და წიწილები მარგოს ჟივილ-ხივილითა და კაკანით ეხვევიან. აივნის მოაჯირზე ჩხიკვი შემოჯდა და გულგაღებულ დედაკაცს დაჟინებით გაუგებარსა და უცნაურ რამეს შესძახის.

უცებ მარგომ ჯაყოს მოჰკრა თვალი. ნამოურავალი ხის ჩრდილში იდგა, გულმოდგინედ იქექებოდა და თითქმის შიშველს, ქანდაკებულ მარგოს ხარბად სჭამდა მშიერი თვალეხით.

მარგო შეჰკრთა. მკერდი პერანგით დაიმალა. ჯერ გაყოს მორცხვი სიხარულით გაუღიმა, მერმე ჩაუკისკისა, მობრუნდა და ოთახში შევარდა.

- მაშ, მაშა! - მოესმა უკნიდან ჯაყოს მხიარული ჭიხვინი, - აგრე ვიცის ჯაყომა!

ნაწილი მეორე

I

- მარგო, - უთხრა თეიმურაზმა საღამო ჟამზე თავის ცოლს, - წამო, კოშკზე ავიდეთ და ძველ ქართლს ერთხელ კიდევ გადავხედოთ. მახსოვს, შენ ძალიან გიყვარდა ამ კოშკზე ჯდომა, აი, ჩვენი ივანეც წამოვა. წამოიღე ჭოგრი.

- რა სთქვი? ჭოგრი რა არის?

- ქართულად ჭოგრი დურბინდს ჰქვია. დურბინდი ჩვენებური სიტყვა არ არის, მე ჭოგრი მირჩევნია, შენ რას იტყვი, ივანე?

- ჭოგრი მოკვდა, თეიმურ, ვეღარ აღადგენ. დურბინდი კი ცოცხალია ხალხის თავში.

- კეთილი, ჩემო ივანე, მაგაზე მერმე ვილაპარაკოთ. აბა, წამოდი.

უკვე დაზიანებულ ქვიტკირის ხვეულ კიბეს შეუდგნენ და ხვნეშით და კანკალით კოშკის თავზე ძლივს ავიდნენ.

- აი, საქართველოს გული. - სთქვა თეიმურაზმა და მიდამოს

თითი შემოავლო. - აიღე ჭოგრი და გაიხედე.

თავად ხევსთავთა უწინდელი საბუდარი - დიდი სოფელი ნაშინდარი დაბალი სერის ფერდობზეა გაშენებული. თვითონ სოფელი ღიახვის ნაპირზე ვიწრო ზოლად გაჭიმულა, სოლო თეიმურაზის ნასახლარი იმ სოფლის ოავზე მაღალ ტახტივით აღმართულა. ძველს. ორსართულიან დარბაზს. ხუთიოდე სხვა შენობას და ვეებერთელა ეზოს მაღალი, ქვიტკირის გალავანი სარტყელივით არტყია. ამ გალავნის ამდლებულ კლდოვან კუთხეში ქართლ და ჟამით პირმოჭმული კომპი სდგას. ოდესღაც იმ ციხე-კომპზე ქართლისა და ხევსთავთა მტრები კბილებს იმტვრევდნენ და რკინის დუღაბით ნაშენ გალავანს სისხლით რწყავდნენ. ეხლა კი გალავნის კარები ყველასთვის გაღებულია, ხოლო კედლებს იმიტომ არ ანგრევდნენ მასალის წასადებად. რომ ძველს დუღაბზე რკინის წერაქვიც კი ჩლუნგდება და ილუნება.

ირგვლივ გადაჭიმულ მინდორს ოთხივე მხრიდან მაღალი მთები სდარაჯობენ. ჩრდილოეთით, მთელი ქართლის გაყოლებაზე, კავკასიონის უღელტეხილი აღმართულა. აღმოსავლეთით, ქსნისა და არაგვის სათავეებთან ბებერი დევი - მყინვარი წანომჯდარა. დასავლეთით ბრუტ-საბზელას ჭადარა თავი აწეულა. ხოლო მათ შორის როკისა და რაჭის მთებს სამ-ოთხ რიგად ჩაუბამო ფერხული. უკანა რიგში თეთრად შესუდრული ქედი ასვეტილა. მეორე რიგში თალხი მწვანე სამოვრები ჩალაგებულან. ხოლო წინა რიგში მუქი ტყით შემოსილი გორები ჩამწრივებულან. იმ მთებსა და გორებს აქა-იქ ღრმა ჭრილობებივით სერავენ დიდი და პატრა ღიახვის. ქსნისა და მრავალი სხვა ხეობები და ნაოჭები. ეს ნაოჭები და უბენი მთავარი ქედის გულამდე შეჭრილან და მის კალთებში ორმა ზოლებად ჩაწოლილან.

მზე ჩასავალს არის. სამხრეთით და დასავლეთით ცა უცნაურად დაიბურა და აჭრელდა. სურამის, ბორჯომისა და ჯავახეთის ქედების თავებზე ღრუბლები შეიკვრნენ და ერთმანეთს უთვალავ ფე-

ეებით ჩაექსოვნენ: ჩალა და ალი, აგური და სპილენძი, ფირუზი და ლალი, ია და ვარდი, ზაფრანა და იასამანი, ოქრო, თითბერი და ფოლადის საარაკო ფრთებივით გაიშალნენ და შემოეხვივნენ სისხლიან საზღაპრო ფრინველს, რომელსაც თავი უკვე სურამის ქედზე ჰქონდა დაბჯენილი. ჭალებით შეოსილი დიდი ღიახვი და შიშველი მტკვარი ალაგ-ალაგ ოქროთი და ალიო იწვოდნენ. უზარმაზარი ქართლის ხალიჩა ჭრელის სოფლებით, რუხის რიყებით, მუქის ჭალებით, მოტვლებილ გორაკებით და მწვანე ნათესებით იყო მოქარგული.

- გადაჰხედე, ივანე, ღღევანდელ ქართლს. უწინდელ ქართლისა მეოთხედიც აღარ არის მას ჩამოეცალნენ სამცხე და საა-

თაბ...ზაგო, არტაანი, ჯავახეთი. ტაშირი. მ...მმცირე სომხეთი, აზოცი, ბამბაკი. ბორჩალო, ყაზახი და ტფილისის მიდამოები. ეხლა ყველანი ცალ-ცალკე სცხოვრობენ.

- ისტორიამ დაანგრია ძველი ქართლი.

- ჰო, მეც მაგას ვამბობ. ვინ არ გადმოიარა იმის ზურგზე! საწყალი, მთელი ქვეყნისთვის შარა-გზად გადაიქცა. როცა ქართლი ძლიერი იყო, ს...საქართველოც ძლიერი იყო. ქართლი დაეცა და საქართველოც დასუსტდა.

- ქართლის პატრიოტობა გალაპარაკებს, თეიმურ.

- არრრა, ღმერთმანი, არა! ყური მიგდე, ჩემო ივანე. ყოველ ქვეყანას აქვს თავისი პრუსია და ჰყავს პრუსიელები, რომელნიც ხალხის ცხოვრებაში დულაბის მაგივრობას ასრულებენ. გერ...გერმანია პრუსიელებმა შეჰქმბეს, რუსეთი მოსკოველებმა მოაგროვეს, დიდი ბრიტანეთი უელსის საჰერცოგომ ააშენა, რომის იმპერიის ისტორია თვითონ რომისა და კაპუას ისტორიას უდრის, ხოლო ძველი საბერძნეთი ათინამ და ატტიკამ ააყვავეს. ასეთივე როლი დ...დდააკისრა ბედმა ქართლსაც. მისი ისტორია საქართველოს ისტორიის ნახევარს მაინც უდრის. ქართლი იყო საქართველოს პრუსია, ხოლო ქართლელნი ქართველთა ტომის პრ...რუსიელნი იყვნენ. მე იმას ვჩივი, რომ საქართველოს პრუსია აღარ აქვს და არც პრუსიელები ჰყავს.

- იყოლება. პრუსიელები არც სხვაგან გაჩენილან ათიოდე წელიწადში.

- არა სჩ...ჩჩანან.

- მე ვხედავ. პრუსიელები ხალხის გულიდან ამოდიან. ასობით და ათასობით მოდიან.

- შეიძლება, მაგრამ პრუსია მაინც არ მოსჩანს.

- ეგეც თავის-თავად გაპოჩნდება.

- საწ...წწყალი ქართლი! - ამოიოხრა თეიმურაზმა. - იგი მომაგონებს დაბერებულს, ქაჩალს, უკბილოს, ბრუტიანსა და დაყრუებულ ნაკაცარს, რომელსაც ჭამისა და განძრევის შნოც აღარ აქვს.

- გუშინდელი საფრთხობელა მომაგონდა. - სთქვა მარგომ და გაიციინა. - ივანე, ჯაყოს ბაღში რომ საფრთხობელა სდგას, ხომ არ გინახავთ?

- როგორ არა, ვნახე, მთელი სოფელი იცინის.

ის კი აღარა სთქვა ნახუცარმა, რომ სოფლის ხუმარებმა იმ საფრთხობელას თეიმურაზ ხევისთავი დაარქვეს და მასზე ენებს ილესავდნენ.

- წელში გასწყდა ქართლი. - კვლავ ამოიოხრა თეიმურაზმა.

- ნუ შეშინდი, **თეიმურ!** - გაამხნევა ივანემ. - მე აქა **ვსცხოვრობ** და აქაურობას შენზე უკეთ **ვხედავ**. ქართლიც იზრდება და მაგრდება. აბა, მოიგონე, უწინ რა იყო და **ეხლა** რა არის, ქართლი მხოლოდ **ეხლა** ამოდის მიწიდან, მრავლდება, ბაღებს აშენებს, თვალს იფშვნიტს და სკოლებს ამრავლებს. გახსოვს, მე და შენ რომ გვინდოდა თხუთმეტი წლის წინად **ნაშინდარში** სკოლის დაარსება. მაშინ შენ აქაურობას თავი გააშორე, მე კი კინაღამ ჩამაქვავეს - სკოლის გახსნაზე ხელი აიღეთო. რაც მაშინ **ვერ** მოხერხდა, **წრეულს** შესრულდება. **ნაშინდარს** შემოდგომიდან სკოლა ექნება.

- მართლა, თეიმურ, არ გინდა იმ სკოლაში **მასწავლებლად** შეხვიდე? -- ჰკითხა მარგომ.

- მართლა, მეც ეგ მინდოდა მეთქვა. -- გაუხარდა ივანეს - მაგაზე უკეთესი რაღა გინდა, თეიმურაზ? ჰა, რას იტყვი?

- არას...**სსოდეს!**

- მაინც, რატომ?

- მიზეზი თქვენც კარგად იცით. ოცი წელიწადი იმისთვის კი არ ვიმუშავე, რომ ბოლოს **სოფ...ფფლის** მასწავლებლობით დავასრულო ჩემი სიცოცხლე და **მ...მმოდვაწეობა**.

- მაშ **ჯაყოს** ხიზნობა გირჩევნია? - გესლით წამოიძახა მარგომ და კიბისკენ წავიდა. - წამო, ჩამიყვანე, თორემ ბნელა.

თეიმურაზმა დასავლეთისკენ გაიხედა. დიდხანს უცქერდა სურამის ქედს. იმ ქედის თავზე ფირუზის, ვარდის და ალის ზოლი გაწოლილიყო მტკვრის ხეობა უკვე ჩაბნელებულიყო. ჩრდილოეთიდან ყინულის სუსხი მოდიოდა.

- იქით გაიხედე, ივანე. - ხმის კანკალით სთქვა თეიმურაზმა დუმილის შემდეგ და თითი დასავლეთისკენ გაიშვირა. **დ** გაიხედე,

რა **მ...მშვენებით** არის შემოსილი დასავლეთი - მერმე ღრმად ამოიოხრა და თითქო თავისთვის წაიბუტბუტა: - **ყოველივე დასავლეთიდან** მოდის: სიმდიდრე, **გ...გგანათლება**, ზნეობა. **თ...** თავისუფლება და მშვიდ... **დდობა**.

- **თეიმურ**, მოდიხარ? - დაიძახა კიბიდან მარგომ

თეიმურაზმა მარგოს ხმა ვერ გაიგო და ვერც მარგოს და **ივანეს** წასვლა **შეამჩნია**. გულხელდაკრეფილი იდგა და ისე **გასცქეროდა** დასავლეთს, თითქო თავის საარაკო **საბედოს** და სიცოცხლის ნატვრას იქიდან მოელოდაო.

* *

თეიმურაზისა და მარგოს ამოსვლის მეორე დღიდან **ჯაყო** და მისი სტუმრები ახალ **ცხოვრებას** შეუდგნენ.

ჯაყო არც იმ დღემდის ითვლებოდა ბეჯით მუშაკად მძიმე და

ჭუჭყიან სამუშაოს **ერიდებოდა**, სამაგიეროო თავის ნათესავეებს - მამაკაცებს და დედაკაცებსაც ისე **ამუშავებდა**, რომ მუყაითი და **გულკეთილი** გლესა იმ რიგად თავის საქონელსაც არ გაიმეტებდა **ხოლო** იმ **დღიდან**, როცა მარგო **ჯაყოს** გულსა და **ოჯახში ჩასახ-**
ლდა. მან საბოლოოდ ხელი აიღო **შრომაზე**.

სამაგიეროდ თავის ცოლისა და ნათესავეების დატუქსვას და **დატვირთვას მოუმატა**. **რიჟრაჟიდან დადამებამდე მთელს** სოფელს მისი ომახიანი გრგვინვა ესმოდა

- ტურა, ჩქარა!.. **ქემელა, თახრაშუ!**.. გიბა. **ადამრაშუ!**.. აბა.

ხელი **გაანძრევდე!** წელი ნუ **გიწყდებოდეს!**

თვითონ კი, ზურგზე **ხელდაწყობილი**, ეზოსა და ბაღში **ბატი-**
ვით დაბაჯბაჯებდა, ან თავის **სამფლობელოს** მაღალ აივნიდან **ფა**
შასავით გადმოსცქეროდა და **იქიდან ბრძანებას** ბრძანებაზე **ჰგზავ-**
ნიდა ან კიდევ ხევსთავთა ჩუქურთმიან სავარძელში **გაიჭიმებო-**
და, მერალ ყალიონს აბოლებდა და ზანტად იქექებოდა.

მუშაობაში **ჯაყომ** სხვებზე უფრო მეტად თავის ცოლს დაადგა
თვალი - უენოს, მორჩილსა და დაშინებულ **ნინას**, რომელიც
უხილავ მიზეზით **აითვალისწინა** და შეიძულა. ისედაც გატეხილსა
და მილეულ დედაკაცს ხევსთავთა ამოსვლის დღიდან ტვირთი
ერთი ორად აჰკიდა და მუდამ, თითქო განგებ **სცდილობდა**, რომ
ის **უნჯი** დედაკაცი. უპატრონო და **ჭინჭველასავით** ფუსფუსა, **მარ-**
გოს ოვალში **გაელასნა** და **დაემცირებინა**.

ჯაყოს საქონელიც ბლომად **ჰყავდა** და დავაჟკაცებული **ნათე-**
სავებიც, მაგრამ წისქვილისთვის თითქო განგებ არავის **იმეტებდა:**

კოდიან საფქვავს თავის ცოლს აჰკიდებდა და დასჭყვივლებდა:

- აბა, **თახრაშუ!**

ის ორფეხა პირუტყვიც წელში სამად მოიკაკვებოდა და, თავ-
ჩალუნული, სანამ წისქვილში ჩალასლასდებოდა, დაღლილ ცხე-
ნივით ორი საათი მაინც **ჰხვნემოდა** და ოფლში იწურებოდა.

ნინო მუდმივ წელსა და ფეხებს იტკივებდა, მაგრამ ხმას აღარ
იღებდა, რადგან იცოდა, რომ ჯაყო **უდიერად** მიახლიდა:

- ძალლი **კოწლობით** არ მოკვდები!

ჯაყოს აღარაფერი მოსწონდა თავის ცოლისა: არც იმის ხელით
დაგვილი ოთახები, არც იმის ხელით დამზადებული **საჭმელი**, არც
მისი ხმა, არც დუმილი, არც კაბა და არც სიარული.

ერთხელ თეიმურაზმა უთხრა ჯაყოს:

-- ჯაყო, ეგრე რათა **სტანჯავ** შენს ცოლს? ძალიან ბევრი სა-
მუშაო აქვს.

- დედაკაცი **მუშაობისთვის** ხარ გაჩენილი, მაშა!

--- ყველანი **მუშაობისთვის** ვართ გაჩენილი, ჯაყო. მაგრამ დე-

დაკაცს უფრო ადვილი საქმე ერგო, რადგან მამაკაცზე სუსტია.

- დედაკაცი ხარ სუსტი? შენ რა გესმის, **ბრინკა!** ქალაქლებმა **გააფუწეთ დედაკაცი, თორემა** ჩვენ ჩვენი ძველი ადათი შეგინახეთ.

--- ცოდოა ნინო, ჯაყო, ცოდო!

- **ჯაყომ** ცოდო არ **ვიცის**.

-- **ჯაყო**, ახალი კანონით დედაკაცი და მამაკაცი თანასწორნი **არიან**.

- **ვიცის ჯაყომა, ვიცის!** დედაკაცი და **მამაკაცი** ლოგინში ხართ თანასწორი.

- დედაკაცის დაჩაგვრა მხოლოდ თათრებმა იციან.

- ეგეც **ვიცის** **ჯაყომა**. გენაცვალე **თათრებსა**, კარგი ვაჟკაცები ხართ თათრები.

- **ჯაყო** შენ ხომ ქრისტიანი ხარ?

- მაშ, მაშა! ქრისტიანი ხარ **ჯაყო**.

- მაშ ყური მიგდე. სახარებაში სწერია, რომ...

- **ვიცის ჯაყომა, ვიცის!** **ჯაყომ** სამჯერ დაიწერე ჯვარი და **ღვდელმა** სამჯერ **გითხრა** ეკლესიაში, რომ ქმარმა ცოლი უნდა და-გაშინოო **და**, აი, ასე უნდა შეინახოო, აი! მაშ, მაშა!

და **ჯაყომ ხუთგირვანქიანი** მუშტი **ისე** შეანძრია, თითქო **შიგ-ქვა** ედო და მისი გაჭყლეტა უნდოდაო.

თეიმურაზი მალე დარწმუნდა, რომ მგელს სისხლიანის ჭამას უკრძალავდა, ამიტომ ნინოს გამოსარჩლებას თავი დაანება.

ჯაყომ ნინო მარგოს მოსამსახურედ დაუყენა და **წარა-მარად** ბრძანებას აძლევდა:

- **ნინო**, ქალბატონს **პოლსაპოჩკები** გაგზადე!.. ნინო, კნეინას წყალი დაგისხი!.. ნინო, ნათლიას კაბა გაგიწმინდე!.. აბა, **რამუ!** ჩქარა! **თახრაშუ!**

მარგომაც რამდენჯერმე სცადა ჯაყოს მორბილება და ნინოს წასარჩლება, რადგან იმის მოსამსახურეობას ერიდებოდა და ისე-დაც დაბრწყვებული დედაკაციც ეცოდებოდა. მაგრამ ჯაყო უარესად გაკაპასდა: ყვირილს და ტვირთს მოუმატა და წვრილ-შვილის პატრონი დედაკაცი ფეხქვეშ გაიშალა.

ბოლოს, ცოლის ავადმყოფობა გაიხსენა და წამალიც თვითონვე დაუწერა: ერთხელ ქეშელა ცხენზე შესვა. ავადმყოფი დედაკაცი ფეხით უკან გააყოლა და ჰავის გამოსაცვლელად როკის მთებში გაისტუმრა.

ნინოს გასტუმრების შემდეგ პირი მოიხსნა და დღე-და-ღამ მარგოზე ლაპარაკობდა, მასზე ზრუნავდა და მისთვის უშოვნელს შოულობდა. აღარავის და აღარაფერს არ ერიდებოდა: თეიმურაზის ცოლი დედოფლად დაისვა და ყველანი ყმებად დაუყენა.

- შენი კნეინა ძალიან ფინთად გაცვია. --- ეუბნება ჯაყო თეიმურაზს - ჯაყო ფული გასესხებდე. ჩააცმევდე მარგოსა, თორემა შენი სირცხვილი ხარ.

თეიმურაზს ბავშვივით უხარიან:

- მადლობელი, ჯაყო, დიდი მადლობელი. ერთს ორად გუგადაგიხდი. შენს სიკეთეს არასოდეს არ დავივიწყებ. ოდესმე ბედი ჩ. . ჩემსკენაც მოიხედავს. შენ არხეინად იყავი, ჯაყო. ყური მიგდე, ჯაყო, ერთი ამბავი უნდა გითხრა. გუშინ ქალაქიდან ამბავი მომივიდა, რომ...

და თეიმურაზმა ჯაყოს ლამბაქის ყურში ქალაქიდან მოფრენილი ჭორჩიტი ჩაუფრინა. ჯაყომ ის ჩიტი მეორე ყურიდან გააფრინა და გულში სთქვა:

- "მამა გიცხონდება, კარგი ამბავი მოგიტანე ჯაყოსა! ვიცის ჯაყომ, ვაცის! ეგ საქმე რომ გაკეთდებოდე, ჯაყოს ეს სახლ-კარი და ბაღი ისევ ბრინკა-თეიმურაზს უნდა დაგიბრუნო. ვერ მოგართვი აპრუწუწუნ! ვაცის ჯაყომა, ვიცის!"

თეიმურაზს თვალეზზე მადლობის ცრემლი მოერია და მარგოც გაახარა:

- აი, რა კ... კვეთილშობილი ადამიანი ყოფილა ჯაყო. მაგის მადლს როგორ დავივიწყებთ! არა უშავს-რა, მოვა დრო და სიკეთეს ერთს სამად გად... დდავუხდი. მოდის ის დრო, მოდის!

- შენ სახლში დარჩებოდე და აქაურობას თვალი გადევნებდე. - ეუბნება თეიმურაზს ჯაყო. - მე ნათლია მარგო სტანციაში წაგიყვან და იქ მოგიცდი კნეინასა! ერთი დღე გინდა ქალაქში, მეტი ხომ არა!

და სანამ ჯაყო და მარგო ქალაქიდან დაბრუნდებიან, თეიმურაზი მეცამეტე გოჭივით ყველას ფეხებში ეღება და იხვეწება.

- ქეშელა, ს... საქონელს წყალი დააღვევინე... გიბა, გ... გგომური დაჰხვეტე... მართა, საქათმე დ... დდაასუფთავე.

- ვიცის, შენი წირი მე, მეც ვიცის. - უპასუხებენ თეიმურაზს ჯაყოს ჯალაბნი და ჩუმ-ჩუმად დასცინიან ახალ მოურავს, რომელმაც რამდენიმე დღით ძლივს იშოვნა ფუჭი საქმე.

სალამობით თეიმურაზი კვლავ კომკის თავზე ადიოდა და იქიდან დიდხანს გასცქეროდა დასავლეთს, სადაც სურამის ქედი გაწოლილიყო: ზოგჯერ ვარდის ფერი, ზოგჯერ მუქი ლილისა და ზოგჯერაც ათასნაირად შეღებილი, მაგრამ მუდმივ ბინდიანი, ნისლიანი და ლანდიანი.

ჯაყო და მარგო ხუთი დღის შემდეგ დაბრუნდნენ. თეიმურაზმა რომ მარგოს ნავაჭრი დაინახა, გაიხარა და გაიკვირვა:

- რ... რრამდენიმე წელიწადს გეყოფა ამოდენა საქონელი

ნეტა როდის უნდა ამოვიდეთ ჯაყოს ვალიდან?

- ამოვალთ, მალე ამოვალთ. - გაამხნევა თეიმურაზი გაცოცხლებულმა მარგომ და დაუმატა: -- ნიკო შივაშვილი შემხვდა.

- რა დ.. დდაგაბარა? სთქვი. მალე სთქვი!

და როცა დანაბარი მოისმინა, აცქმუტდა, აიშალა და ნახუცარ ივანესთან გაიქცა მოშლილ ენის დასაღლეულად და აქავებულ გულის მოსაფხანად.

თეიმურაზის ვალის გამო ჯაყომ გულში გაიცინა და როცა თეიმურაზი ოთახიდან გავარდა, მარგოს უთხრა:

--- ვიცის ჯაყომ მაგისი ვალი, ვიცის! ან რად გინდა ჯაყოს თეიმურაზის ვალი? ჯაყო თავის კნეინას ჩაგაცვა, მორჩი და გათავდი, მაშ, მაშა!

მარგომ მართლა კარგად ივაჭრა. ჯაყოს ნებართვით და მოთხოვნით ყველაფერი მრავლად იყიდა და მოიტანა: ჩითი და მიტკალი, ფარჩა და ხავერდი, საზაფხულო და საზამთრო, ფეხსაცმელი და ათასი წვრილმანი.

* * *

თეიმურაზმა ნახუცარ ივანესთან შეირბინა. ივანე და მისი მეუღლე ნაფოფოდიევი თინა თეიმურაზს ყოველთვის დიდის პატივით და სიხარულით უხვდებოდნენ.

- აქა მშვიდობა და სიყვარული! - მიესალმა ცოლ-ქმარს თეიმურაზი.

- მობრძანდით, ბატონო თეიმურაზ, მობრძანდით. - მიიპატიჟა თინამ.

- დაბრძანდი, ჩემო თეიმურ, დაბრძანდი. - მიიწვია ივანე-მაც.

-- ივანე, ახ... ხხალი ამბავი მომიტანა მარგომ. ნიკო შივაშვილს დაუბარებია, რომ

და თეიმურაზმა ივანეს ქალაქიდან მოფრენილი ჩიტი შეუფრინა ყურში.

- შენგან არ მიკვირს, ჩემო თეიმურ, რომ მაგისთანა ამბებს აპყოლიხარ!

ცხარე ბაასი გააბეს. თეიმურაზი სცდილობს, რომ ივანეს თვისი გულის ცეცხლი მოუკიდოს. ივანე კი თეიმურაზის აპრიალეებულ სულს ყინულს აყრის და ანელებს. ბოლოს, ივანემ სთქვა:

- მოდი, მაგას თავი დავანებოთ, თეიმურ. ჩვენში ვინ გამართლდება. მაგასაც მალე -ნახავთ. ეხლა კი, აბა, თინა, მოიტა არაყი, მწვანელი, ყველი, პური და კეთილი გლლი, - შეუკვეთა ივანემ თავის მეუღლეს.

- ოოჰ, გული, გული! - ამოიკვნესა თეიმურაზმა. - რკინის დროებაში ვცხოვრობო, ჩემო ივანე, რკინისა ამიტომ ეხლა ყვე-

ლაზე ძნელი საშ...შოვნელი გული ყოფ ..ფილა. სიყვარული მოკ-
ავდა, ჩემო ივანე, მოკვდა!

- რაო მოკვდა, თეიმურ? მართალია, ანაფორა გავიხადე,

მაგრამ ქრისტეს მოძღვრება ეხლაც ძვალ-რბილში მაქვს გამჯდარი.
საცა სიყვარული არ არის, იქ არც მეგობრობაა, არც ოჯახი, არც
საზოგადოება და არც სახელმწიფო.

- მ... მმართალია, მაგრამ ეხლა სიყვარულის ნაცვლად ქვეყა-
ნაზე და ხალხის გულშიც მხოლოდ შხამი, გესლი, ცოფი და ბალ-
ლამი დაგ... გგუბებულა. ვერ გამიგია, როგორ ცხოვრობენ ერთ
გულში ასეთი თავგანწირული სიყვარული და ასეთი საშ... შშინე-
ლი მძულვარება და ზიზღი? ცეცხლი და წყალი ერთმანერთში არე-
ულან და მშვიდობიანად შეწყობილან.

- ვისაც უყვარს, იმას სძულს კიდევაც, ჩემო თეიმურ.

- არ მეს... სსმის, როგორ უნდა აშენდეს სიყვარული მძულ-
ვარებაზე?

- მე კი ასე მესმის. სიყვარული უეჭველად ჰშობს შურს.

იჭვსა და სიძულვილს. ვისაც უყვარს მოძმე თვისი, იმას უძირო
სიძულვილით უნდა სძულდეს მტერი თავის მოძმესი.

- მაშ სიყვარული და სიძულვილი ერთმანეთის მშობლები
ყოფილან, არა?

- არა, სიყვარულია სიძულვილის მშობელი, ხოლო სიძულვი-
ლი სიყვარულს ვერ ჰშობავს. ქრისტიანული სიყვარული ლანდია,
მოჩვენებაა. იგი განყენებული რელიგია გახლავს და მიწის ხალხს
არ უდგება. კბილი კბილისა წილ და თვალი თვალისა წილ, - აი
ნამდვილი საამქვეყნო რელიგია. იქნება მე ჩემი პირადი მტერი
შევიყვარო, მაგრამ ჩემი მოყვასის მტერი უნდა გავსრისო და მოვ-
სპო, ვინაიდგან მოყვასი ჩემი მე უფრო მიყვარს, ვიდრე თავი ჩემი.

- მაშ შენ ანაფორა მარტო იმიტომ კი არ გ... გგაგიხდია, რომ
დღევანდელ ცხოვრებას შეჰგუებოდი, არამედ იმიტომაც, რომ
ქრისტეს მცნებასაც გადასცდენიხარ, წედან სთქვი, ქრისტიანი
ვარო, ეგ არის შენი ქრისტიანობა?

- შენ, თეიმურ, შენ კი ქრისტიანი ხარ?

თეიმურაზი დიდხანს სდუმდა. მერე სთქვა:

-- ღმერთი არა მწამს, მაგრამ ქრისტე მაინც ღმერთ-კაცი იყო.

ერთი მითხარი, ქ...ქქართველ ხალხზე რას იტყვი, ივანე? განა ქრის-
ტიანია იგი თავის სულითა და ხასიათით?

- არა, წარმართები ვართ.

- მაშ, ვინ გაავსო საქართველო ეკლესიებით და მონასტრე-
ბით?

- თავად-აზნაურებმა, მთავრებმა და მეფეებმა. მართალია,
ქრისტეს სჯულის დაცვას ქართველებმა მრავალი მილლიონი შეს-

წირეს, მაგრამ, ჩემის ღრმა რწმენით, ქართველთა ქრისტიანობა მხოლოდ ფარი იყო ეროვნულ პირსახის დასაცავად და შესანარჩუნებლად. ჩვენ სემიტები ვართ, მაშასადამე, ჩვენ უფრო მუსლიმანური ან ებრაული მატერიალისტური რელიგია გვიდგება, ვიდრე არიული ქრისტიანობა. ამიტომ გაცვალა ქართველთა მესამედმა ისე ადვილად ქრისტიანობა მუსლიმანობაზე. გაიხსენე იეზუიტების მოგზაურობა დასავლეთ საქართველოში. იქ ქრისტიანობა ისე არ ჰხარობდა, როგორც ვაშლზე დამყნული მუხა არ ჰხარობს. წარმართობის ატავიზმი ჩვენში ყოველთვის მძლავრად ჰფეთქავდა,

აი, მაგალითიც. მთელმა სამეგრელომ ორ კვირაში ყველა ეკლესიები დაჰკეტა და არც დანარჩენმა საქართველომ გამოიღო ეკლესიისათვის თავი.

- ხალხი მაინც ინათლება და ჯ... ჯვარს იწერს. -

- მართალია, მაგრამ ეგ ქრისტიანული რწმენით კი არ მოსდით, არამედ ადათის, ჩვეულებისა და ტრადიციის შესანახად სჩადიან. გარდა ამისა, ქართველს ვერ ნახავ, რომ წარმართული სახელი არ ჰქონდეს: კუროკი, ტოგო, ჭიპი, ჯვებე, პუპი, ცანგალა. ჩიკორა, დრუნჩა, დრუზა, ყბაჩა და სხვა ათასი. ევროპელებში ან რუსებში ამისთანა ამბავს თითქმის ვერ გაიგებ. ზოგს უკვირს, რატომ საქართველოში სექტანტობა არ იყო? იმიტომ არ იყო, ჩემო თეიმურ, რომ ქართველი ხალხი ყოველთვის ურწმუნო იყო, ხოლო სადაც რწმენა არ არის, იქ ჭეშმარიტი ღმერთის ძიებაც არ არის, ხოლო სადაც ძიება არ არის, იქ სექტაც არ იქმნის

- კეთილი, ვთქვათ შენ მართალი ხარ, მაგრამ რადაც სარწმუნოება არ არის, იქ ხომ არც სიყვარულია!

- მაგას ნუ იტყვი, ჩემო თეიმურ. დღევანდელი ქვეყანა ჩემთვის უცნაურია და გაუგებარი, მაგრამ ბოლოს-და-ბოლოს იგიც სიყვარულზე შენდება.

- ეგეც მესმის, მაგრამ ისიც ვიცი, რომ სიყვარული აი ამ ტომარას ჰგავს: თუ შიგ ჩაჰყარე რამე, ტომარა ზეზე დადგება, თუ არა და - წაიქცევა. მე არ მესმის ც... ცვალფეხა და ც... ცვალხელა სიყვარული. ცოცხალ ადამიანს მარჯვენა ხელ-ფეხს სჭრიან და ასე ანუგეშებენ: სამაგიეროდ მ...მმარცხენა ხელ-ფეხი გაგებრდებაო.

- შენ შენს ხელ-ფეხს მოუარე, თეიმურ, სხვის ხელ-ფეხს ნუ მისდევ, თორემ ისიც გეყოფა, რაც დაჰკარგე.

- მართალი ხარ, ჩემო ივანე. მეყო, რაც შევსწირე ჩვენს ხალხს. რა მივიღე სამაგიეროდ? მათხოვრის აბგა და ჯ.. ჯჯაყოს ხიზნობა.

- მწარე ხვედრი ჰქონია საზოგადო მოღვაწეს, ჩემო თეიმურ.

- შეუსმენლობა, უნდ... დღობლობა და უმადურობა, აი მისი

ხვედრი.

--- კეთილი, მაგრამ ზოგჯერ სხვისი წუნის დადება და უთავბოლო წუწუნის საკუთარი უსაქმობისა და ჟინის ფარია ხოლმე. ეს შენზე ვსტყვი, ჩემო თეიმურ. ერთი მითხარი, რატომ არაფერს არ აკეთებ?

- რატომ არ ვაკეთებ? რა უნდა გავაკეთოთ? ჩემს საქმეს არ მაძლევენ. სხვისას კი ხელს ვერ მუ მმოგვიდებ. თუმცა დღეს

ისეთი დროა, რომ პროვიზორს მატარებელი მიჰყავს, ხოლო მემანქანე აფთიაქში მუშაობს ერთი მატარებელს ამტვრევს, ხოლო მეორე ხალხსა სწამლავს. ასე სჩადიან სხვები. მე კი სხვის სკამზე ვერ დ... დდავჯდები.

- იწამე ახალი ქვეყანა და

- ესე იგი ქ... ქქელი მოვიდრიკო?

- ეს ქედის მოდრეკა არ არის. მხოლოდ გაჩუმდი და საცა არ გეკითხებიან, იქ ნუ ჩაერევი.

- გ... გგავჩუმდე? მე? მე ნუ ჩ... ჩჩავერევი? გაჩუმება ჩემთვის ხომ ს... სსულიერი სიკვდილია!

- თუ მეტი გზა არ არის, მოკვდი.

- მე თვითონვე მოკვდე? ეს ძალიან კარგი ფონია, მხოლოდ ერთ ალაგას ახრჩობსო. ხომ გ... გგაგიგია?

- გამიგია. სად ახრჩობს ეს ფონი?

- ერთგან მე თვითონ ჩემის ხელით თავს არ მოვიკლავ.

- ეხლა, თეიმურ, ეხლა არა ჰკვდები განა?

- ხორციტ ვკვდები, ივანე, ხორციტ! მაგრამ სული ისევ ჩემია, ჩემი!

- შენია?

- დიალ, ჩემია!

- მართლა შენია? - ერთხელ კიდევ ჰკითხა ივანემ და თეიმურაზს თვალი თვალში გაუყარა

- ჩემია მეტქი! - ერთხელ კიდევ წამოიძახა თეიმურაზმა, მაგრამ ივანეს თვალეხს რომ თვალი გაუსწორა. შეირყა და შედრკა: - შენ ალბათ სხვა რამეს მეკითხები, ივანე მშვიდად და დინჯად განისვენებს ჩემი სული, თუ...

- ჰო, თეიმურ, სწორედ მაგას გეკითხები.

აშლილი და აფორიაქებული თეიმურაზი უცებ მოსწყდა და მოეშვა

- მესმის. ძალიან კარგად მესმის. საიდან, ან როგორ უნდა ჰქონდეს მშვიდი გული და სული } აყოს ხიზანს? - მორჩილის კნავილით განაგრძო მწიგნობარმა, - მესმის, კარგად მესმის, მაგრამ..

- მაგრამ?

- მაგრამ ისა, რომ... მალე გ... გგადავუხდი.
- როგორ? საიდან?
- ცხინვალში ან გორში სამსახურს მომცემენ

- შე კაი კაცო, რაღა ცხინვალში ან გორში მირბიხარ? აკი გითხარი ამას წინათ, ნაშინდარში სკოლას გავხსნით მეთქი. აქვე დარჩი და შემოდგომაზე მასწავლებლობას შეუდექი.

- არა, ივანე, არ შ...შემიძლიან მეთქი. ქუჩის დამგველად წავალ, მაგრამ მ... მასწავლებლობას ვერ ვიკისრებ. მიზეზიც გ... გგითხარი: მე ბავშვს ისეთ რამეს ვერ ვასწავლი, რაც მე თვითონ არა მწამს

- ანგარიში და გეოგრაფია ასწავლე.

- ვნახოთ: მოვ .. ვვიფიქრებ, მოვ .. ვვისაზრებ. შემოდგომა ჯერ შორს არის. ეხლა კი აი რა უნდა გითხრა, ჩემო ივანე..

და თეიმურაზს ხელმეორედ აუვარდა ენის ქავილი და ლაყბობის მუნი, რომელიც შუალამემდე ძლივს მოიფხანა და ჩამოირეცხა.

II

მარგო ერთ თვეში ისე გამოიცვალა, რომ მოუცლელი თეიმურაზიც კი ამჩნევდა და ხანდახან გაკვირვებას ეძლეოდა:

- საკ ..კვირველია! საოც...ცცარია! ნეტა ვიცოდე. მარგო. რამ გარგო აგრე რიგად?

იღუმალ მიზეზის გამო მარგოს სპილოს ძვალი სისხლით გაიჟღინთა და მზისგან გაირუჯა. მიმქრალ თვალებს ნაკვერცხალის შუქი დაგდო. მალალ ყელზე ორკეცი ღაბაბი გამოუჩნდა. პირსახე აულაჟლაჟდა, მიმდნარი ტანი დაუსრულდა, დაშრეტილი მკერდი გაუფუვდა, თემოებიც გაეწია და მიხვრა-მოხვრას ჯიშინი კატის სილბილე და გველის მოქნილობა მიეცა

რამ არგო აგრე რიგად მარგოს? თეიმურაზი ამბობდა:

- აი. რა ძალა პქონია სოფლის სიმშვიდეს, ს.. სსუფთა ჰავას და ნოყიერ ჭამა-სმას!

ჯაყო კი გულში ილიმებოდა და გულშივე ამბობდა

- ვიცის ჯაყომა, რაც მოუხდა მარგოსა, ვიცის! ჰავა. წამა-სმა და... ჯაყოს მკლავები, მაშ, მაშა! ჯაყომ მარგოს ?ადო გავიკეთე, უკვდავების წყალი დაგაღვივინე და მარგოც იმიტომ გაცოცხლდი. მაშ, მაშა! აგრე ვიცის ჯაყომა!

ზოგჯერ კი ეშმაკური ღიმილით ხმამაღლა იტყოდა:

- დედაკაცი ბალი ხარ, თუ არ მორწყე, გახმები

და უბირი ჯაყო ხშირ-ხშირად და მოურიდებლად ეტანებოდა მარგოს: ხან ბნელ ოთახში შეუცოცდებოდა. ხან გოდრების უკან მიატანდა ხან ვენახში მიუსწრებდა და ხანაც ბოსელში შეიმწყვდევდა.

ჯაყოს თეიმურაზის ჩანჩალი და ხეტიალიც ხელს უწყობდა. თუ თეიმურაზი სახლიდან წასვლას დააგვიანებდა, ჯაყო თოფს ან ფაცერს გამოუტანდა და ეტყოდა:

- ნათლია, ჯაყოს ძალიან მოგინდა ახალი თევზი... კნეინას გულით გინდა მწყერი. აბა, მოგიტანე მარგოს ცოტა საჩუქარი.

თეიმურაზსაც უხაროდა:

- ეხლავე, ჯაყო, ეხლავე მივ...ვედივარ.

სახლში თეიმურაზი მოწყენით იყო, ჯაყო მას ერიდებოდა. მარგოც თითქმის ხმას არა სცემდა.

როცა დაქანცული თეიმურაზი უკან დაბრუნდებოდა, ხშირად გაიგონებდა ხოლმე ჯაყოს ღინცილს და მარგოს მოხდენილ სიცილს. მაგრამ როცა გალაღებული არშიყნი თეიმურაზს დაინახავდნენ, სიცილ-კისკისს დაუკლებდნენ და ერთმანერთს დაშორდებოდნენ.

* * *

ერთხელ ჯაყომ უთხრა მარგოს:

- შენისთანა კნეინა არ გიხდება ასეთი ფინთი ოთახი.

და იმავე დღეს დაკეტილიდან გამოიტანა ხალიჩები და ფარდაგები, ნაქსოვი ფარდები და ხავერდის ავეჯი, ლბილი სავარძლები და მოოქროვილი სარკეები, მარმარილოს პირსაბანი და ერთი განიერი ინგლისური ტახტი.

მარგო სიხარულით ფეხზე აღარ იდგა. გახარებული ბავშვივით სცქმუტავდა, კისკისებდა, ლალობდა.

ოთახის დალაგება რომ გაათავეს, გულაჩუყებული და მადლიერი მარგო ჯაყოს გაპოხილ კისერზე ჩამოეკიდა:

- ჯაყო, ჩემო კარგო!.. ჩემო ჯაყო! -

ჯაყომ მარგო ბავშვივით აიტაცა, დალოშნა და მიაძახა:

- მაშ. მაშა! აგრე ვიცის მარგოსთვის ჯაყომა!

თეიმურაზი თევზაობიდან დაბრუნდა. ოთახი ველარ იცნო, თვალეხს იფშენეტდა და ჰკვირობდა:

- საკ ..კვირველია! ს...საკვირველია!

მერმე იცნო თავისი ხალიჩები და ავეჯეულობა, სუზანები და პირსაბანი, რომელიც - ჯაყოს სიტყვით - რამდენიმე წლის წინად იქაურმა ხელისუფლებმა წაიღეს.

იცნო და ისევ გაიკვირვა:

- საკვირველია. სად იყო აქამდე ჩვენი ნივთები? ჯაყო ამბობდა: ზოგი მოიპარესო, ზოგიც ხელისუფლებამ წაიღო.

- კარგი, გაჩუმდი! - შეუტია მარგომ. - ხმა არ ამოიღო.
სირცხვილია. სტუმრები ვართ, უფასოდ გვასმევენ და გვაჭმევენ.
ესეც საკმარისია.

თეიმურაზმაც თავი მოიკატუნა, ჯაცოს მადლობა გადაუხადა და
არც ნივთიულობის დაკარგვა გაახსენა, არც მისი პოვნა გამოკ-
კითხა.

* * *

ამის შემდეგ ჯაცო თეიმურაზს და მარგოს აღარ ერიდებოდა.
და რომელიღაც ჯურღმულიდან თავისთვისაც ზედი-ზედ გამოკ-
ქონდა ოქროს ვარაყიანი სურათები, ატლასის სავარ-
ძლები, მოქარგული სუზანები, ფაიფურის ჭურჭელი, აბრეშუმის
საბნები და მრავალი ისეთი წვრილმანი, რომელიც აღარც თეიმურა-
ზაზს ახსოვდა, არც მარგოს.

უმთავრესი განძეულობა, რომელიც რკინით ნაჭედ უზარმაზარ
მუხის სკივრში იყო ჩაწყობილი, მაინც არსად არ სჩანდა. ბოლოს,
ჯაცომ ერთი ძვირფასი ნივთი კიდევ გამოაჩინა.

ერთხელ თეიმურაზი საღამო ჟამზე აივანზე იჯდა და მივიწყე-
ბულ ძველ წიგნს ჰკითხულობდა. ჯაცო წინა დღით ქორწილში წა-
სულიყო. უცებ ცხენისა და ჯაცოს ჭიხვინი მოისმა:

- მაშ, მაშა! აგრე ვიცის ჯაცომა!

და გაღეშილმა ჯაცომ გაქაფებული ბედაური ეზოში შემოაჭენა,
სარკმელში გადმომდგარ მარგოს თვალი მოჰკრა და დაიხვიხვინა:

- ჯაცო გენაცვალე ნათლია მარგოსა, მაშა!

მერმე თეიმურაზიც დაინახა და იმასაც საღამი მისცა:

- ჯაცო გენაცვალე ორივე ნათლიასა. როგორ ვიქნებოდე
ქეიფზედა?

და ცხენიდან მარდად გადმოგორდა. თეიმურაზმა თვალი მოჰ-
კრა ცხენის საუცხოვო რახტს და იცნო იგი. მთელი რახტი, საძუე
გულისპირი, ლაგამი, უნაგირის თავი და უზანგები მოქროვილ-
ვერცხლით იყო შექედილი, ხოლო ალაგ-ალაგ იმ რახტზე მსხვილი
ლალი, ფირუზი, მარგალიტი და ზურმუხტი იყო გაბნეული.

ჯაცო კიბეზე ამოგორდა, ხოლო მეშთამ ცხენი უმაღვე სახლს
მიაფარა. იცნო თეიმურაზმა მაშა-ჰაპეული განძი და მოიგონა გუშინ-
წინდელი დღე. ჯაცო ქორწილში უნდა წასულიყო. მას ალბათ არ
უნდოდა რახტის გამოჩენა, ამიტომ მარგოსთვის ახალი თევზი მოი-

მიზეზა და თეიმურაზი ლიახვზე გაჰგზავნა, ხოლო თვითონ, იმ
ძვირფას რახტზე გაჭიმული, ქორწილში გაემგზავრა.

იმავე საღამოს მარგომ ერთხელ კიდევ შეუტია თეიმურაზს.

- ხმა არ ამოიღო, სირცხვილია!

მარგოსაც რომ არაფერი ეთქვა, თეიმურაზიც კულტურულად გაჩუმდებოდა.

და გაჩუმდა კიდევაც.

* *

ერთი ხანია, რაც ჯაყოს ცვლილება დაეტყო. წინათ, სანამ მარგოს დაიახლოვებდა, თავით-ფეხებამდე ქონში იყო ამოვლებული. პირსახე და ხელებიც მუდმივ ზეთით გაპოხილი და ჭუჭყით ჩაშავებული ჰქონდა. მარგომ თანდათან ხელი მიჰყო ჯაყოს გასუფთავებას, გაკაცებას, გალამაზებას და გარეცხვას. ხშირად ეტყოდა ხოლმე:

- ჯაყო, თავი დაიბანე!.. ჯაყო, კბილები გამოიწმინდე!.. ჯაყო, საცვალი გამოიცვალე!.. ყურები გამოიჩიჩქნე!.. წვერი გაიპარსე!.. ცხვირს თითებით ნუ იხოცავ!..

და თვითონაც ჰშველოდა, ასწავლიდა და ნესესერის იარაღს ათხოვებდა.

ჯაყოც თანდათან შეეჩვია სისუფთავეს და მალე იერის გამოცვლაც დაიწყო.

ქალაქში რომ წავიდნენ, მარგომ ჯაყო კბილის ექიმთან წაიყვანა და ყავისფერი კბილები გაათეთრებინა. მერმე თითქმის ძალით აყიდვინა ახალი ჩოხა, თეთრეული, ხელის საპნები, კოხტა ჩექმები, თხელი წინდები, ბუხრის ქუდი, ცხვირსახოცები, წიგნები, რვეულები, ცარცი და კბილის საწმენდი.

იმ დღიდან სოფლის დალაქი ყოველდღე ჰპარსავდა ჯაყოს.

და ჯაყოც გამოიცვალა: ბანჯგვლიანი დათვი პირგაპარსულ მაიმუნს დაემსგავსა.

ჯაყომ მყრალი ყალიონიც გადააგდო და მარგოს ხელით ნაკეთები სოხუმის პაპიროსი ჩაიდო ლოქოს პირში. თანდათან ოფლის სუნიც მოიშორა და ტანის ქონიც ჩამოირეცხა.

მარგომ ჯაყოს ახალუხი და საცვლები თვითონვე შეუკერა, თავითფეხებამდე ჩააცვა, ხევისთავთა ხმალ-ხანჯალი ჩამოჰკიდა, და ჰკითხა:

- აბა შეადარე შენი თავი წინანდელ ჯაყოს, როგორ მოგწონს ახალი ჯაყო?

და სარკეში ჩაახედა.

ჯაყო მთვარესავით გაიბადრა:

- აი, ეხლა კი კაცი გახდი ჯაყოი! როგორ გიხდება ჯაყოსა ყველაფერი! ეხლა გაყოს მარტო ხევისთავის გვარი და შენისთანა. კნეინა გაკლია. მაშ, მაშა!

და იმ სარკეს ძლივს-ღა მოჰშორდა.

მერმე სოფელში გავიდა, მთელი დღე დოინჯ-შემოყრილი კარ-

და-კარ დადიოდა და თავის თავს ქვეყანას აჩვენებდა. თანაც წა-
რამარად ბაქიობდა:

- როგორი ბიწი ხარ ჯაყო?! მაშ, მაშა! აგრე ვიცის ჯაყომა!
დაიცადე, ჯერ წიგნიც ისწავლო ჯაყომა. მერე ნახეთ ჯაყო!

დედა-ენას ჩაუჯდა და გულმოდგინედ იწურებოდა:

--აი თითი... თათი... აი თათი... თუთა...

ერთი კვირის შემდეგ მარგოს შეგირდი რვეულში გოჯის ოდენა
ასოებით სჯდაბნიდა: „ჯაყო ხევსთავი ...გენაცვალე მარგოსაა.

მერმე თავის ოთახიდან ათიოდე სხვა-და-სხვა გვარი ჩხირი და
ჯოხი გამოიტანა, რომელზედაც თავისი დავთარი ჰქონდა დაჭდეულ,
და ორი დღე იმ ჯოხებიდან ცალკე რვეუტი აღებამიცემას ანგა-
რიში გადაჰქონდა: "გიბა ფუხაშვილი გმართებს ჯაყოსი ცხრა კოდო
სიმინდი... სოლო გელაშვილი გმართებს ხუთი ჩანახი ლობიო...
სანდრო თვაურსა რვა ფუთი მატყლია...

დასწერა და განაცხადა:

- მორჩი და გათავდი! ახლა ჯაყო ნასწავლი კაცი ხარ. ახლა.
ჯაყოსა ვერავინ მოგატყუებდე. ახლა ჯაყომ ბულატიერიაც ვი-
ცის, მაშ, მაშა!

და მარგოს შეეხვეწა:

- მარგოჯან, ერთი ქალაღი დაგწერე ქალაქში, რომ ჯაყოს
გაზეთი გამოგიგზავნეს. ჯაყოს ძალიან გინდა იცოდე ქვეყნის ამბე-
ბი და ახალი ზაკონები. თორემა ილაი და ნიკაი გჯობნიან. ისინი
სულ იციან ზრინები და საწყალ გაყოს გიბრიყვებენ და გიბრიყვე-
ბენ!

* * *

ჯაყოს ნათესავები თვალხილულნი იყვნენ, მაგრამ თავიანთ
მრისხანე ბატონს თვალს არიდებდნენ, ხოლო თეიმურაზს მარგოს-
თვის არც ეხლა ეცალა:

ან ღილიდანვე სათევზაოდ წავიდოდა, თან ყველსა და პურს
წაიღებდა, და სალამოზე ზეიმით და რიხით ორიოდე ჭიჭყინას
მოათრევდა, ან თოფს გაიდებდა მხარზე და ორიოდე მწყერს მო-
ჩანჩალებდა.

|

ხან მინდორში გაჰყვებოდა გლეხებს და თიბვა-მკაში ცოდვი-
ლობდა, ხან უსაქმოდ დატანტალებდა ჭალებსა, კალოებსა და მინ-
დვრებში, ხან ბუნების მეცნიერებას აიჩემებდა და ქაქანიით ათას-
ნაირ ჭიალუას, მწერსა და პეპელას დასდევდა, ხან კიდევ ყოველ-

გვარ ბალახ-ბულახს, ხავსს, ქარაგოზსა და მცენარეულობას აგრო-
ვებდა, ახმობდა და ამბობდა:

--- გერ ..რბარი უნდა შევადგინო. კარგ ფასში გავ...ვეყიდი.

სოფლის ბიჭები სიცილით იხოცებოდნენ:

- გამხმარ ჭიაყელაში და მატიტელაში ფული უნდა მოიგოს
ხვეისთავმა აბა, ბიჭებო, ჩვენც ვუშველოთ!

და ყოველდღე ახალ-ახალი ბუზები, ჭიები და ბალახ-ბულახი
მოჰქონდათ.

თეიმურაზი საათობით ძველ ლექსიკონს ჰქექავდა, საპოვნელს
იპოვნიდა. ნიმუშს თავის ალაგას დააბინავებდა და შესაფერ წარ-
წერას წაწერდა, - ლათინურს, რუსულსა და ქართულს.

როცა ლექსიკონის ჩხრეკა მოსწყინდებოდა, ცუდმავალი თე-
იმურაზი ისევ სოფელს და ბაღებს მოედებოდა.

ჭია-ლუების დევნა რომ მოჰბეზრდებოდა, ჯაყოს ბაღში ჩხირ-
კედელობით ოდნავ ოფლს მოიდენდა, ხან საზაფხულოდ ნაშინ-
დარში ამოსულ მასწავლებელს აუხირდებოდა. ხან გაკრეჭილ ივა-
ნეს ან სხვას ვინმეს შეებმეოდა და იქამდე არიგებდა და ეკამათე-
ბოდა, სანამ ენა არ დაებმეოდა და ყელის ძარღვები არ დაუწყდე-
ბოდა.

ჯაყოს ხიზანს ქალაქიდან ახალი ჩვეულება მოჰყვა, რომელიც
შეუმჩნევლად და თანდათანობით განუვითარდა და გაუძლიერდა:
საკუთარ თავთან საუბარი, მსჯელობა, კამათი და დავა. სოფლე-
ლები ხშირად ხედავდნენ ერთ ალაგზე გახევებულსა და გაშეტე-
რებულ ნაკაცარს, რომელიც ცხვირ-წინ თითებს იფათურებდა,
ხელებს იქნევდა და უცნაურსა და გაუგებარს რამეს ჰბოდავდა,
ზოგჯერ კი მათ ყურამდის ორიოდე სიტყვაც მიაღწევდა: "ს...
სსაკვირველია! ს...სსაოცარია!"

გლეხები ხმამაღლა იცინოდნენ და ოხუნჯობდნენ, მაგრამ
ორეულთან ბაასში გართობილ მწიგნობარს მათი სიცილი და მას-
ხრობა არ ესმოდა.

კვირა-დღეობით და საღამოობით თეიმურაზი სოფლის რომე-
ლიმე კუთხეში ან ერთ-ერთ გლეხის ეზოში ლექციებს ჰკითხუ-
ლობდა შესახებ ქვეყნის ტრიალისა, ცხოვრების კანონებისა, ჩვე-
ნის ჩამორჩენისა და ევროპის დაწინაურებისა, ხალისით უამბობდა
პირდაღებულ გლეხებს ნასმენს და ნახულს, უხვად აზნევდა დარი-

გებას და ჰქადაგებდა მშვიდობას, ძმობას, ერთობას და თავისუფ-
ლებას.

მადააშლილი გლეხები ყურს უგდებდნენ გაქადაგებულ თეი-
მურაზს და ხანგამოშვებით წამოიძახებდნენ:

- ეჰე, ერთი დახე ი ჩემა ნალეხსა! მაშ აგრე ადვილად და-
დიან ი ეშმაკები წყალქვეშა?

- ეგ კ...კვიდევ არაფერი. ჰაერშიც დაფრინავენ.

და აუწერდა ავიაციის დღევანდელ ვითარებას.

- ეჰე! ჩვენ არა გგვანებიან, ე ურმებით რომ ძლივს დავცოცავთ!

-- ამ... მძერიკაში რვა სულზე ერთი ავ...ვეტომობილი მოდის... იქ ერთ დღიურზე ოთხმოცი კოდი ხორბალი მოჰყავთ, ჩვენში კი თხუთმეტი კოდიც ძლივს მოვა.

- პა, პა, პა! ერთი დახე, რა ხალხი ყოფილა, და!

მერმე იმ გლეხებს წინ გადაუშლიდა საერთაშორისო ვითარების რთულ ნაქსოვს, სოფლურ ბნელ გონებას უარესად დაუბნელებდა და თვითონაც თავისივე დახლართულ ქსელში გაებმეოდა.

თეიმურაზმა არ იცოდა, რომ მან იმ დროს ბევრი აღარაფერი იცოდა, რომ იგი ძველსაც მოსწყდა და ახალსაც ვერ მიეკედლა, რომ მას ყველა გზები აერია და ახალ ქვეყანას განუზომელ მანძილზე ჩამორჩა, და რომ ეს უცნაური ცხოვრება და თეიმურაზი ერთმანერთს ვეღარ სცნობდნენ, ვერ ურიგდებოდნენ და ერთ კალაპოტში ვეღარ ეტეოდნენ. თევზივით ნაპირზე გარიყული ნაადამიანევი სულს ძლივსდა ჰღაფავდა და წყალწაღებულ თავს უიმედო იმედით ინუგეშებდა. თან სხვებსაც ანუგეშებდა:

- არა უშ...შშავს-რა, კიდეც წამოვდგები ფეხზე. თქვენ სიკეთეს არ დ...დდავივიწყებ და ერთს ათად გადაგიხდით.

და თვისი იმედი, უხვი დაპირება და უკეთესი მომავალი გულში თვითონაც აღარ სკეროდა.

როცა მოღლილი და მოქანცული თეიმურაზი ლაპარაკით გულის ჟანგს მოიფხეკდა, სულის ობს მოიბანდა და აქავებულ ინას მოიფხანდა, სახლისკენ გასწევდა. გლეხები კი ლასლასით მიმავალ ნაბატონევს თვალს გააყოლებდნენ და სიბრალულით იტყოდნენ:

- ჰაი დედასა! ეგეც კაცი იყო და სცხოვრობდა, ეხლა კი ჯაყოს სამადლოდ გაიხადა თავი.

- თვითონ არ გაიხდიდა. ცხოვრებამ მოზნიქა, თორემა ე სახლ-კარი და ბალ-ვენახი მაინც შერჩებოდა.

--- ერთი დახე, წინანდელს რომ მაინც არ ივიწყებს! იმედს არა ჰკარგავს, რომ ჯაყოი, ნანიკაი და თედოი ი ბაღებს და ნაფურებს ისევ დაუბრუნებენ.

-- ვერ მივართვი!

- ვინა, მენა?! სხვისი რა ვიცი და, მე კი იმ მიწაში მოვიკლავ თავსა და ცოცხალი თავით ი ნაფურებს არავის დავანებებ.

გლეხები თეიმურაზს ხშირად მიჰმართავდნენ ხოლმე რჩევისა და დარიგებისათვის.

- თეიმურაზ, ახალი კანონი გამოსულა მიწების გაყოფაზე. შენი ჭირი მე, გაგვაგებინე.

- ახალი კან...ნონებისა მე არაფერი არ ვიცი და არც მინდა ვიცოდე.

- რატომ?

- იმიტომ, რომ კანონი ქალაქში იწერება, ცხოვრება კი თავის გზით მიდის და წავა.

- თეიმურაზ, ერთი გვასწავლე, შენი ჭირი მე, როგორ უნდა გასუქდეს მიწა?

- დიდის სიამოვნებით გ...გვასწავლით.

და თეიმურაზი ისეთ რთულსა და განყენებულ ლექციას წაუკითხავდა, თითქო მეცნიერთა ყრილობაზე მოხსენებას კითხულობდაო.

- სასუქის ამ თეორიას ჰქვიან ლიბ...ბბიხის კანონი... მცენარეს უმთავრესად სჭირდება აზოტი, ფოსფორის სიმქავე. კალიი და კირი.

- ჩვენ მაგისი არაფერი გვესმის. გვითხარი, როგორ გავასუქოთ მიწა, ან რა დავაყაროთ? - ეკითხებოდა გლეხი.

- დააყარეთ გუანა, ნეხვი...

- ჩვენ არა გვაქვს გუანა თუ რაღაც ჯანდაბაა. ნეხვი გაგვაქვს მინდორზე, მაგრამ, ამბობენ, სხვანაირად უნდა შევინახოთო, თორემ ჩვენებური ნეხვი, ჰაერზე რომ ჰყრია, იფიტებაო. გვითხარი, როგორ შევინახოთ.

ეს კი თეიმურაზმა არ იცოდა. არც ის იცოდა მწიგნობარმა, რომ ქართლში რუსული ფურგონი და ცხენი ურმის და ხარ-კამეჩის მაგივრობას ვერ გასწევდნენ, რომ შვეიცარული ან ჰოლანდური ძროხები ქართლის მინდვრებში ვერ გასძლებდნენ, რომ ჩვენი გლეხი მსუბუქსა და იაფ ქალამანს არ გაიხდიდა და მძიმე ჩექმას არ ჩაიცვამდა, რომ ნაშინდარში მუსკატის ღვინო არ მოვიდოდა, რომ ქართლი ბელგია არ იყო, ხოლო ქართველი ინგლისელს არ ნააგავდა. მაინც მუდმივ თავისას გაიძახოდა და გამოცდილ გლეხებს ისეთს დარიგებას აძლევდა, რომ მისი გამოყენება ან არავის შეეძლო, ან კიდევ საზარალო და სახიფათო იყო. რაც გლეხს სჭირდებოდა, თეიმურაზმა არ იცოდა, რაც თეიმურაზმა იცოდა, გლეხს პო

არ სჭირდებოდა. გლეხებმა მალე გაიგეს თეიმურაზის უვარგისობა, და იმის დანარიგევს რომ ერთ ყურში შეიშვებდნენ, --- უმაღვე მეორე ყურიდან გაიფრენდნენ.

თეიმურაზის აზრი და სიტყვა ხშირად დასტრიალებდა მიწას, სახლ-კარსა და ციხე-დარბაზს. ნათავადარი ჯერ კიდევ იმედს არ ჰკარგავდა. სახნავ-სათესი გულიდან ამოიყარა, მაგრამ ქვეყნის გადაბრუნებას და სახლ-კარისა და ბაღ-ვენახის დაბრუნებას დღითიდღე ელოდებოდა. ჯერ-ჯერობით კი კვლავ ჩანჩალით დაეხეტ--

ზოდა და თავის დახაშმულ სიცოცხლეს ძლივს-და დაათრედა, რომელიც თავმოხეზრებულ ჯაყოს ხიზანს აყროლებულ ძაღლივით ისევ კისერზე ეკიდა.

III

ერთხელ ჯაყომ თეიმურაზს ჰკითხა:

- ბრინკა, სამსახური იშოვნე?
- მართლა, სამსახური, დ...დდამავიწყდა.

მეორე დღესვე თეიმურაზი სიცხე-პაპანაქებაში გორის გზას დაადგა და სადამოზე ლასლასით ძლივს ჩავიდა.

მესამე დღეს ნახუცარ ივანეს ურემს ჩამოეკონწიალა და უკანვე წამოვიდა.

ივანემ და თეიმურაზმა იმ გზასავით ორძელი ბაასი გააბეს. კვლავ ახალი მოიგონეს, ერთმანერთს შეადარეს და მომავალში შეიხედეს.

- ვილუპებით, - კვნესით სთქვა თეიმურაზმა.
 - ვშენდებით. - ნუგეშიანად უპასუხა ივანემ. - ქართული სული და კულტურა მხოლოდ ეხლა იღვიძებენ.
 - ხა-ხა! - .გესლით ჩაიხითხითა თეიმურაზმა. - ქართული სული! ქართული კულტურა! ქართული სული ზღაპარია, ქართული კულტურა ქორია! ერთი სული მხოლოდ ერთს მთლიან ერს აქვს, ქართველობა კი, როგორც ფსიქიური და ეროვნული ერთეული, არ არსებობს. აბა, დააკვირდი, რაა აქვთ საერთო ქართლელსა და მეგრელს, კახელსა და ქვემო იმერელს, ხევსურსა და გ...გგურულს? დომხალივით არეულან არიელი და სემიტი, აზია და ევროპა, სლავი თუ თურანი, სპარსელი თუ ურია, თურქმენი, ავღანელი, ლეკი და თათარი. ვისი სისხლი არ გვიდგა ძარღვებში, ვისი სული არ გვიტრიალებს სასულეში?!
21. მ. ჯავახიშვილი, ტ. II.

- მერე რაო? რომელმა ხალხმა შეინახა აურევნელად თვისი სისხლი და სული? დღევანდელ ბერძნებს სლავიური სისხლი უფრო მეტი აქვთ, ვიდრე ელინური.

- სწორედ იმიტომ ჰგვანან ძველს ელინებს, არა? ხა-ხა! თავით-ფეხებამდე ლევანტიელები არიან. ოდესღაც ჯიშიანი მერანი უჯიშო ჯორცხენად გადაიქცა. ათ სისხლიან მეტისს არც წარსული აქვს, არც მომავალი. ელლინთა გენიალობამ თვისი თავი მოიჭამა

და კაცობრიობისთვის უკვე დაიშრიტა. იგი მოკვდა.

- ერი უკვდავია.

- უკვდავია მხოლოდ მეტაფიზიკური ბოდვა, დრო და მისტიური ზღაპარი ეხლა უკვდავება შეყვარებულ სტუდენტსაც აღარ სჯერა. რაღა შორს წავიდეთ. აქვე, ჩვენივე გვერდით, წინა აზიის გულში სამუდამოდ აღიგავა დედამიწის ზურგიდან და კაცობრიობის ხსოვნიდან ასიოდე ერი, შეიძლება ორასიც და ხ...ხუთასიც. ისტორიამ მათი სახელებიც კი არ იცის. ან გაიხსენე განსვენებული ფინიკეთი, კართალენი, ეგვიპტე, აცტეკები, ინკები, ასურეთი, ბაბილონი, ამორეველნი და ქალდეველნი, თუნდ ურარტელნი ან ალაროდნი. ან სუმერიელნი, ხეტნი და ასნი და ათასნი მათნი ნათესავნი, წინაპარნი და მეზობელნი. ყველანი დრომ შ...შესჭამა და მოინელა, ხოლო დროს წინაშე უკვდავი არაფერია. მასთან შედარებით ღმერთიც კი უძლურია. ჩვენც იმ გადაშენებულთა ბედი მოგ...გველის.

- თუ აგრეა, მაგისტანა ბედი ყველას მოელის.

- მართალია, მაგრამ ჩვენ ხვალ ან ზეგ უკუნეთს უნდა ჩავბარდეთ, ზოგნი კი მხ...მხოლოდ გუმინ დაიბადნენ.

- თუნდ აგრეც იყოს. ჩვენ წავალთ, კაცობრიობა კი დარჩება.

- კაცობრიობა! კაცობრიობა! - წამოიძახა თეიმურაზმა. --

ისე ახირებულხარ, თითქო კაცობრიობა მართლა არსებობდეს! ერთი ამბავი მაგ...გგონდება. ოციოდე წლის წინათ გენერალმა ალიხანოვმა გურია დაანგრია და გადაჰბუგა. იმავე ხანებში საფრანგეთში ე?რთი მალარო ჩამოინგრა და ასიოდე კაცი გასჭყლიტა. გორელებმა წარმოდგენა გაჰმართეს და ორმოციოდე თუმანი იმ მუშების ქ...ქქვრივ-ობლებს გაუგზავნეს. გორელებს ვკითხე, გურულებს რამდენი გაუგზავნეთ მეთქი? არაფერიო. გურულებსაც იკითხე, ფრანგებმა რა დახმარება მოგცეს მეთქი? არაფერიო. იმ ფრანგებსაც რომ ჰკითხო, ჩვენი წვლილი რომ მიუვიდათ, ს...საქართველო სად არისო, ან სამხრეთ აფრიკას დაატაკებენ თითოს, ან კიდევ რომელიმე ტროპიკულ კუნძულს!.. არა, ჩემო ივანე, კაცობრიობა და ჩვენ ერთმანერთის ნათესავები არა ვართ. მილიარდერს

მორგანს, ან გენიოსს ედისონს ასი-ორასი მილიონი კაცი იცნობს, ისინი კი ათასსაც არ იცნობენ. ასე ვიცნობთ ერთმანერთს ჩვენც---ქართველები და კაცობრიობა.

- თეიმურ, განა ცხადი არ არის, რომ კაცობრიობის კეთილდღეობით ჩვენი ხალხიც მოიგებს?

- ცხადია, ცხადზედ ცხადია! მოვ...ვეიგებთ. უეჭველად მოვიგებთ, თუ ამერიკელებმა და ფრანგებმა თავიანთ გატენილ ჯიბეს ჩვენი გახვრეტილი ჯიბე შეუერთეს და მერმე ორივე ჯიბის ქონება შუაზე გაგვიყვეს. ოღონდაც, რომ ჩემთვის ხელსაყრელია მორგან-

თან გაამხანაგება, ჩვენი ქონების გაერთიანება და მერმე მისი განაწილება!

- ვინც კაცობრიობისთვის მუშაობს, ის თავის ქვეყნისთვისაც მუშაობს.

- არც ეგ არის მართალი. ყველანი თავისთვის ცხოვრობენ, მხოლოდ რუსები და ქართველები ზრუნავენ სხვებისთვის. მე რომ ჩემი სიყვარული და ენერჯია მთელ კაცობრიობას გავუნაწილო, ჩემს ძმას ერთი მემილიარდედიც არ ერგება. მე კი გეუბნები, ივანე, რომ ვინც თავის ძმისთვის მუშაობს, ის კაცობრიობისთვისაც მუშაობს მეთქი.

- ვთქვათ, შენ მართალი ხარ, მერმე, რატომ შენ აღარ მუშაობ ქართულ კულტურისთვის?

- ჰმ! ემსახურე ქართულ კულტურას! - გულაჩუყებულ ბავშვის კილოთი წამოიძახა თეიმურაზმა. - ისე ადვილად ლაპარაკობ, თითქო ჯაყოს ხიზანს კულტურის სამსახური შეეძლოს.

- ნუ მოიყვანდი საქმეს ჯაკომდე. თავიდანვე უნდა თადარიგი დაგეჭირა.

- ეჰ, შე დალოცვილო! დ... დაგიჟინია თადარიგის დაჭერა. რატომ შენ თვითონ არ დაიჭირე თადარიგი? რა გინდოდა, მღვდლად რომ შეხვედი? შენ მაინც დროზე უშველე შენს თავს, მე კი - დ...დდავიგვიანე. ეს არის განსხვავება, მეტი ხომ არაფერი?

- განსხვავება დიდია, ჩემო თეიმურ, ძალიან დიდი. მე ეკლესიის მსახურებას მოვწყდი და ხალხს დავუბრუნდი, შენ კი ძველსაც მოსწყდი და ახალსაც ვერ შეურიგდი.

- მცირე ხნით დუმილი ჩამოვარდა.

- ქართველ ერსა და ქართულ კულტურაზე ვლაპარაკობდით. -- გაიხსენა ბაასის სათავე თეიმურაზმა. - საიდან და როგორ უნდა შექმნილიყო ერთიანი ქართველი ერი და კულტურა?-ორი ათასი წელიწადი მაინც იქნება, რაც ამერეთ-იმერეთი ერთ ნაჭერ მიწაზე ვსცხოვრობთ. ერთად კი, ერთიან სახელმწიფოებ-

რივ და ეროვნულ შენობაში ორასი წელიწადიც არ გვიცხოვრნია. ერთმანერთს ჭირიანებივით გავურბოდით და ისე ვერიდებოდით, თითქო სხვადასხვა ტომისა და სისხლისანი ვყოფილიყავით. მუდმივ ცალ-ცალკე ვილუპებოდით და ცალ-ცალკე ვშენდებოდით. საქართველო ყოველთვის ორპირი ან სამპირი იყო. ერთი რომ აღმოსავლეთისკენ ჰქონდა მიღრეცილი, მეორე დასავლეთისკენ იხედებოდა, მესამე კი ან სამხრეთისკენ ჰქონდა მიბრუნებული, ან ჩრდილოეთისკენ. ეროვნული ნებისყოფაც და ენერჯიაც ასე დაგვეფანტა.

- ეხლა ხომ გაერთიანებული ვართ, შენც შეები საერთო უღელში და შენი წილი გასწიე. თუ სულიერ კულტურას ჩამორ-

ჩი, ქონებრივს მაინც დააწვებოდი.

- კაცო, ივანე, მე რა მოსატანი ვარ? მე დავიღუპე თუ ავ-
შენდები, ქართველ ხალხს არც ევნება, არც შეერგება.

- აბა მაგას როგორ ამბობ, თეიმურ? ხალხი შენისთანა უჯრე-
დებისგან შესდგება.

- მართალია, მაგრამ გავაფართოვოთ მსჯელობის ფარგალი.
ერთი მითხარი, თავის ხასიათით და სულიერ აგებულებით ქართ-
ველი ხალხი დემოკრატია თუ არისტოკრატია?

- ვისაც ვუცნივართ, არისტოკრატებში ჩაურციხვართ.

- გიშველა ღმერთმა! მაშ ცხადია, რომ ქართველი ხალხი სა-
შინელ ძალას ატანს და ამახინჯებს თავის თავს. ერთი გამაგებინე,
როგორ მოხდა ასეთი უცნაური სასწაული. ზნე-ჩვეულებით, სუ-
ლითა და სისხლით არისტოკრატმა ქართველმა როგორ მოახერხა
დამყარება უდემოკრატიულეს რესპუბლიკისა? ხომ გახსოვს, რამ-
დენიმე წლის წინათ მთელი ქვეყანა რომ შევსძარით რიხიან ყვი-
რილით და ბაქიობით: მოდით, გვნახეთ და ჩვენგან ისწავლეთ ნამ-
დვილი დ...დემოკრატიული რესპუბლიკის აშენება და ნამდვილი
ხალხოსნური წესრიგიო?! შუა აზიაში მეორე შვეიცარიის შექმნა
განვიზრახეთ. ხა-ხა! სასაცილოა. მაგრამ სატირალიც არის ეს ამბა-
ვი, ჩემო ივანე. იგი ცხადად ამტკიცებს ჩვენს ფლიდურს, ორპირ-
სა და ორგულ ბუნებას. ეს იყო ყირამალა დგომა და საკუთარ
ქერქიდან ამოხტომა. ჩვენ ჩვენს თავსაც ვატყუებდით და ქ...ქვე-
ყანასაც. ესეც ჩვენი კუდაბზიკურ-აზნაურული მაიმუნობა გახ-
ლავთ. ბოლოს-და-ბოლოს, საქ...ქართველოს ეს მაიმუნობა დაჰ-
ლუპავს, თუ დროზე არ ვუშველით ჩვენს თავს. წამბაძველობის
ნიჭი, ჩემო ივანე, უუდიდესი საჩუქარია, მაგრამ ღმერთმა გადაა-
ჭარბა: ჭკუა დაგვაკლო და წაბაძვის ნიჭი ნაჭ...ჭარბევად მოგვცა
ჩვენც ამიტომ დავემსგავსეთ მაიმუნს. სადაც არ გვყოფნის საკუ-

რი ჭკუა, მხნეობა, გამძლეობა და ნებისყოფა, იქ უცხოელთა
ბაძვით ვლამობთ ფონის გასვლას და ლელოს გატანას. უწინაც
რე იყო. ისტორიაში განმეორების მეტი არაფერია. დღევანდელი
დღე წარსულის მეთაე თუ მეთაე შენიშვნაა - არც მეტი, არც
ნაკლები.

ივანემ კვლავ გაიცინა.

- შენ იცინი, მე კი ცრემლი მომდის. - განაგრძო თეიმუ-
რაზმა. - ჩვენს აზნაურობაზედ მოგახსენებდი. ყველანი ბუნები-
თვე აზნაურები ვიყავით, ვართ და დავრჩით. ყველა შრომას
...გაგაურბის და მინისტრობას და კომისრობას ეტანება. მთელი
საქართველო სამსახურს ეძებს. მილიცია, კანცელარია, თვეში ხუთი
ან ათი თუმანი ჯამაგირი, ერთი სიტყვით - სამსახური, ისევე სამ-
სახური და მუდამ სამსახური, - აი ჩვენი საქმე და იდეალი.

- ვაიმე, ჩემო თეიმურ, - გააწყვეტინა ივანემ, - შენ ამ ქვეყნისა აღარ ჰყოფილხარ. შე კაი კაცო, თუ აქამდის არ იცნობდი ჩვენს მშრომელ ხალხს, ეხლა მაინც დააკვირდი. ამბობ, ჩვენი ხალხი შრომას გაურბისო. შენ რომ შუა ძილში ხარ შესული, მთელი სოფელი მინდორშია გაკრეფილი. ჩვენ დილის ოთხი საათიდან სალამოს ცხრა საათამდე ვმუშაობთ. მერმე როგორ! ძვლებს ვიმტვრევთ, მარღვებს ვიწყვეტავთ და სამად ვიკეცებით.

. - ,ზამთარში კი ისვენებთ.
ეგეც ტყუილია. ზამთარშიც კი კამიჩივით შევებმევით ხოლმე ურემში და ტყეში დავდივართ, სხვა ჩვენ მაგივრად იმ ყინვაში და თოვლში ერთ საათსაც ვერ გასძლებდა. ჩვენი გლეხისთვის ეს ცხოვრება მუშაობა კი არ არის, არამედ განუწყვეტელი წამებაა. შენ კი ამბობ, შრომა გვეჯავრებაო. ჩვენ შრომას კი არ გავურბით, უნაყოფო წამებას ვერიდებით, მართალია, სამსახურს ძალიან ვეტანებით, მაგრამ ამასაც აქვს მიზეზები.

- რა თქმა უნდა, ამასაც თვისი მ...მიზეზები აქვს. მაგრამ უბედურება ის არის, რომ ბედმა ჩვენს ბუნებას არ დააცალა, რათა ას თავისი გაეტანა, და ისეთი ქურქი ჩაგვაცვა, რომელიც ჩვენს ხასიათს არ უხდება. ამ მძიმე ქურქის ზიდვაში მალე დავიღვევით და დავვარდებით, ვ...ვინაიდან ეს ქურქი ჩვენს აზნაურულ მხარბეჭზე არ არის გ...გამოჭრილი.

- ვითომ აგრე ღრმად გვაქვს აზნაურობა გამჯდარი?

- ქეჩოდან მოყოლებული ფეხის ფრჩხილებამდე აზნაურები ვართ. შრომის სიძულვილზე ხომ მოგ...გახსენე. ორიოდესაც გეტყვი. სხვების მდიდარნი სიმდიდრეს ჰმაღავენ, ჩვენებური კუდაბზიკები კი ისე იცვამენ და იბერებიან, თითქო ქვეყნის ნახევარი

მათი იყოსო, ხოლო თუ მათი ავლადიდება გასჩხრიკე, ხელში შეგ...გგრჩება ორი დღის უჭმელობით გამხმარი კუჭი და სამგან გახვრეტილი ჯიბე. უკეთეს მაგალითსაც მ...მოგახსენებ. დააკვირდი: ჩვენში ყველანი მათხოვრობენ, გარდა ქართველებისა. ჩვენები შიმშილით იხოცებიან, მაგრამ იმდენად ამაყნი და ამპარტავნები არიან, რომ მათხოვრობას არ იკადრებენ და ქუჩაში ხელს აგაიშ...შვერენ. ამიტომ არის, რომ ქართველებმა ასე მოუხ...ხშირეს თავის მოკვლას, ცარცვა-გლეჯას და ასნაირ ოინბაზობას. კიდევ გინდა მაგალითი? მოგახსენებ: ქართველს სულივით უყვარს ფული მაგრამ უძირო სიძულვილით სძულს და ეზიზდება ფულიანი კაცი ესე იგი ფულის შოვნის ხერხი, ესე იგი ვაჭრობა და მრეწველობა. ხოლო ვაჭრობისთვის და მრეწველობისთვის საჭიროა დიდი თაოსნობა, გარჯა და მომჭირნეობა, ესე იგი ორის შოვნა და ერთის დახარჯვა, ესე იგი თავდაჭერილი, დინჯი და ანგარიშიანი ცხოვრება, სულისა და ხორცის დისციპლინა, ესე იგი შრომა და

ნებისყოფა.

- ისევ შრომა!

- ჰო, შრომა, ისევ შრომა და შრომა! შრომა ახალი დროის ახალი სარწმუნოებაა, ახალი რელიგია, ქრისტიანობაზე უფრო მძლავრი, უფრო საჭირო და სასარგებლო. ვინც ეს გაიგო და მას ხორცი შეასხა, გამარჯვებულია. ვინც ვერ მოერია, - დაღუპულია. ჩვენთვის კი შრომა მხოლოდ უუმძიმესი ტვირთია, ღვთის წყევლაა. აი, თურმე სად ყოფილა ჩამარხული ძ...ძაღლის თავი! აი, თურმე რა გვკლებია. - შრომა და ნების-ყო-ფა, ესე იგი კულტურა! ჩვენს მამა-პაპებსაც სძულდათ ფულიანი ხალხი. მეცხრამეტე საუკუნის მწერლობაც ასეთი ზიზღით და შხამით არის სავსე. გაიხსენე, როგორ გაამასხარეს ვაჭარი გიორგი ერისთავმა, ცაგარელმა, ანტონოვმა და ასმა სხვა მწერალმა. გინდა გაიგო ღრმა მიზეზი ასეთი სიძულვილისა? ინებე: ადამიანს სძულს ყოველივე, რაც არ ეხერხება და არ ძალუძს, ესე იგი, მას ეზიზღება საკუთარი თავის უძლურება, უმწეობა და ჩამორჩენა! მორჩა და გათავდა: ამიტომ მოხდა, რომ ფულიანების მახვილს ჩვენ დავუპირდაპირეთ ჩვენი აზნაურული ფარი, -- დენდობა და რაინდობა, ესე იგი ფუქსავატი ცხოვრება, მფლანგველობა, ყოყოჩობა, კუდაბზიკობა, ნებამოშლილ ადამიანის უძლური ამპარტავნება და ლატაკის ქექაქუხილი.

- აი,გიშველა ღმერთმა! - წამოიძახა ივანემ. - ძლივს არა სთქვი სიმართლე?! ჩვენც მანდა ვართ და სწორედ მაგას ვებრძობით: აღარ გვინდა ფუქსავატები, მფლანგველები, ყოყოჩები, კუ--

დაბზიკები და ამპარტავნები. ვინც მუშაობს, იმას არც კუდაბზიკობისთვის სცალიან, არც ქეიფისთვის.

- მერმე, რა გამოვიდა ამ ბრძოლიდან?

- თეიმურ, დროებითსა და მუდმივს ერთმანერთში ნუ აურევთ თუ ჯერ-ჯერობით ბევრი არაფერი გამოვიდა, ხვალ და ზევ გამოვა. ორ დღეში სოფელი არავის აუშენებია. დაე ყველამ ერთმანერთს მხარი მივცეთ, ცოტა კიდევ მოვითმინოთ, და როცა მთელ ქვეყანას გადავებმევით, ცვლილება ერთ წელიწადში დაგვეტყობა. შენ მოთმინება და გამძლეობა გაკლია, ჩემო თეიმურ, ამიტომ სტოკავ და შფოთავ.

- რა გაკეთდა მეთქი?

- ძალიან ბევრი. მიიხედ-მოიხედე. შარშან არხი გავიყვანეთ და ათასი დღიური მოვრწყეთ. ახლო-მახლო ათიოდე სკოლა გავხსენით, კოოპერატივები დავაარსეთ, ჩარჩები მოვიშორეთ, აგრონომები მოვიწვიეთ, ხალხს წერა-კითხვას ვასწავლით. ორი თვის შემდეგ ნაშინდარშიც გაიხსნება სკოლა და კოოპერატივი. ერთი სიტყვით, ჩვენი მოსისხლე მტრებიც კი აღიარებენ, რომ ყველგან

მუშაობა სდულს და გადმოდის.

- ეგ მართალია, ძალიან მუშაობთ, მაგრამ ეგ არის დანგრევის მუშაობა. ერთს რომ ააშენებთ, ორი ინგრევა. კოოპერატივი კი ქვეყანას ვერ ააშენებს.

- თეიმურაზ, ბრძანს რამდენიც უნდა ეჩიჩინო, თეთრს შავისგან მაინც ვერ გაარჩევს. ტყუილია ჩვენი ლაპარაკი.

- მეც აგრე მგონია. ორივეს ერთმანერთი ბრძმები გვგონია. მე მკაფიოდ ვხედავ ჩვენს დაქვეითებას, შენ კი მეუბნები, ოდესმე ყველაფერი გასწორდებაო. სანამ პავლე მოვიდა, პეტრეს ტყავი გაადრესო. ამიტომ გეუბნები, ჩემო ივანე, რომ ქართველ ხალხს მალე გაანახევრებს მეთქი სიღარიბე და მასზე ამოსული შიმშილი, ჭლეტი, ათაშანგი, სურავანდი და ათასი სხვა ჭირი და ვარამი.

- ინტელიგენცია იმისთვის არის გაჩენილი, რომ დაიცვას ხალხი სენისგან და უმეცრებისგან.

თეიმურაზი წამოვარდა და ჭალს დაეჭიდა:

- ნუ გამახსენებ ქართველ ინტელიგენტს, ნუ! - ბრაზით წამოიძახა ხევისთავმა. - თუ რამ ავი დაგვემართა, ისევ ინტელიგენციის წყალობით გვერგო. თევზი თავიდან აყროლდებაო, -- ასე დაგვემართა ჩვენც. ვისაც მეტი ერგო, მეტიც მოეთხოვება. ჩვენ სათავეში მოვექეცით ხალხს. ლხინში წინ მივუძღოდით, ჭირში კი კუდში ძლივს მივდევდით.

- მაგალითები?

- ათასი. თუნდ ერთს დავასახელებ. მეგობარი ჭირში გამოიცდებისო. ჭირი კი მრავალჯერ გვეწვია. სამ წელიწადში საქართველომ რამდენიმე ომი მოიხადა. რომ გამოჰკითხო, ოცი ათასი მაინც ჩაეწერება ინტელიგენციაში. ეხლა მითხარი, რამდენმა ინტელიგენტმა გასწირა თავი იმ ომებში, რამდენმა წინმავალმა უჩვენა მაგალითი უკანმავალს? სთქვი, მითხარი, რამდენმა მოიხადა მეთქი თვისი ვალი იმ ომებში?

- ასიოდემ?

- გიშველა ღმერთმა? ეგეც ბევრია. მე კი გეტყვი: მსოფლიო ომის დროს ფრანგებს მოუკლეს შვიდასი მწერალი. დანარჩენი შენი იანგარიშე და მითხარი: რა იმედი უნდა ჰქონდეს ხალხს ისეთი ბელადისა, რომელიც ყველაზე ადრე გარბის ბრძოლის ველიდან, ან სულაც არ გადის იმ ველზე?! ან რა უფლება აქვს ასეთ ბელადს თვისი ჯარი საყვედურით გაავსოს?! არავითარი. კანონი და სამართალი რომ იყოს, ხალხმა თავისი ბელადები სამართალში უნდა მისცეს.

- ისტორია გაასამართლებს.

-- ოღონდაც, ოღონდაც! მე მრწამს მისი პირუთვნელი განაჩენი. ისტორიის სიტყვა ცხელი შანთით დასდაღავს ჩვენს დამპალ

თაობას. ახიც იქნება ჩვენზე, ახი!

- შენზე რას იტყვი, თეიმურ, შენზე!

-- ჩემზე? სხვას რომ ათი მოხვდეს, მე ასიც არ მეყოფა, აი ამას ვიტყვი. თუ ვინმე ჩემზე პირნათელია, პირველი ქვა იმან მესროლოს. მე მზათა ვარ განაჩენისთვის.

- გამაგრდი, თეიმურ, თორემ ურწმუნოების და ეჭვის ჭია შეგჭამს.

- ოღონდაც! ოღონდაც, შემჭამს! ნეტარ არიან მორწმუნენი. რამეთუ მათ დაიმკვიდრონ ქვეყანა. მე კი ამ ჭ...ჭჭიებმა შემჭამეს და გამათავეს. მაგრამ კიდევ ერთი დიდი ჭია მიღრღნის სულსა და გულს.

- რომელი ჭია, თეიმურაზ?

- მოგ...გგახსენებ, ჩემო ივანე, ეს მარქსისტები სხვაგან რომ სცდებოდნენ, ერთგან მაინც ცამდე მ...მართალნი არიან. ამბობენ: სულიერი, ეროვნული და ყოველგვარი კულტურა ქონებრივ კულტურის ზედნაშენიაო. კეთილი და პატიოსანი. აბა, გავყვეთ ბოლომდის ამ ჭეშმარიტებას. გეკითხები, შეუძლიან თუ არა ქართველს ქონებრივ კულტურის შ...შეექმნა? შეუძლიან თუ არა ორი იშოვნოს და ერთი დახარჯოს, ის მეორე კი დაატრიალოს და კიდევ ერთი მოაგებინოს, ან შეინახოს? შეუძლიან თუ არა მიწის ნაყოფს

მ...მოუმატოს, ქვესკნელიდან სასარგებლო მასალა ამოიღოს, შრომით წელი მოიწყვიტოს და გამდიდრდეს? გეკითხები, შეუძლიან თუ არა მას გაამრავლოს თვისი ქონებრივი სიმდიდრე, რომელზედაც უნდა აშენდეს ჩვენი გონებრივი, სულიერი და ზნეობრივი კულტურა?

- რატომ არა. მიიხედ-მიიხედე და დაინახავ. ასი და ორასი წლის წინათ ხალხი უნიფხოდ დადიოდა, ეხლა კი ერეკლე მეფეზე უკეთესად საქართველოში ათასი ოჯახი მაინც სცხოვრობს.

- ვთქვათ მართალია, მაგრამ ისიც საკითხავია, შევედრებით. ან დავეწევით ოდესმე ჩვენ ევროპიელებს?! ვერასოდეს! მაშ ტყუილი ყოფილა ჩ...ჩვენი ჭინთვა და პრანჭიობა. ჯერ ხეირიანი ფეხისალაგი ვერ აგვიშენებია, ჯერ მკბენარი ვერ მოგვიშორებია, ჯერ ათას ჭირისთვის და სახადისთვის თავი ვერ მოგვირიდებია, და ამავე დროს ისეთს დიდრონს ვ...ვვეჭიდებით, რომ ჩემი აზრი მას ვერც მისწვდომია და ვერც გაუზომია.

იმიტომ ვერ მისწვდომია, რომ ცალი თვალი დახუჭული გაქვს და გულში ჩვენი ხალხის უნდობლობის შხამი დაგიგუბებია. ამდენს ჩვენი ხალხი არასოდეს არ მუშაობდა.

- მაროალია. მაგრამ მისი ნაოფლარი არსად არა სჩანს არც ამდენი მშიერი გვყოლია.

- იმიტომ, რომ ფული გვაკლია.

თუ ვმუშაობთ, ფულიც უნდა გვქონდეს. ფული კი იმას აკლია, ვინც არ მუშაობს.

- თეიმურაზ, მე შენისთანა ნასწავლი არა ვარ, მაგრამ ერთი ისეთი რამ ვიცი, რაც შენ არ იცი, ან იცი, მაგრამ არ გინდა გაიგო. სად გინახავს, რომ ხალხმა ასე ძირიან-ფესვიანად ამოაგდოს ძველი ქვეყანა და მეორე დღიდანვე გამდიდრდეს?

- ეგ საბუთი არ არის. მერვე წელიწადი მიდის.

- საფრანგეთის რევოლუცია ოცდახუთ წელიწადს გაგრძელდა.

- სამაგიეროდ ხალხმა ქონებრივად ხუთიოდე წელიწადს მოითქვა სული.

- საფრანგეთი მთელ ევროპას სცარცვავდა, ჩვენ კი მხოლოდ იმის ცდაში ვართ, რომ სხვებმა არ გაგვცარცვონ.

- მაგას თავი დავანებოთ. მე ისევ ჩვენი ხალხის შრომის უნარს ვუბრუნდები. ჩვენი ხალხი ორ ჯგუფად დავყავი. ერთნი დედ-მამას გაჰყიდნან განათლებისთვის და მძიმე მუშაობის თავიდან აცდენისთვის. მეორენიც ასე მოიქცევიან, ოღონდ მათ სკოლას და განათლებას ნუ გაახსენებ.

ცხელებამ გასწყვიტა წელში. ცივბ-ცხელებიანს კი იმდენი მუშაობა არ შეუძლიან, რამდენიც ჯანსაღს.

-- ეგ მართა

- რას დაიჩემე, შე კაი კაცო, ჩვენი ზარმაცობა? ჯერ ერთი, შრომას ყველა გაურბის, ვისაც კი შეუძლიან, მეორეც ისა, რომ ჩვენი ხალხი ციებ-ლი სთქვი, ჩემო ივანე, მაგრამ საკითხს მეორე მხრიდანაც მოვუაროო. გამაგებინე ასეთი მოვლენის მიზეზი: გ... გადაავლე თვალი ჩვენს მეურნეობას. იმერეთში ერთს ხეირიანად ნაშენებ მამულს ვერ იპოვნე. რაც არის, უცხოელების გაშენებულა. იმერეთში სამოცი წელიწადი სცხოვრობენ გერმანელები. ბაღებივით გაბზნულან უდაბნოში. გარშემო ქართველები ახვევიათ. მერმე რა შეიძინეს გერმანელებისგან? არაფერი. სდგანან პირისპირ, როგორც ევროპა და აზია, როგორც ედემის ბაღი და უდაბნო, ღმერთკაცი და ველური. ნახევარი საუკუნეა, რაც ერთმანერთს შესცქერიან, მაგრამ ქართველმა გერმანელისგან ვერაფერი ვერ შეიძინა. ან სად ნახავ ასეთ მაგალითს: ჩვენი მთიელები ევროპაში უმაღლეს სკოლებს ამთავრებენ, მერმე კი ცხვარს დასდევენ მწყემსად. შენ ამას წინათ სიტყვა ატავიზმი იხმარე. აი კიდევ ერთი მაგალითი ჩვენი დაბრუნებისა ევროპიდან აზიისკენ.

- სამაგიეროდ იმერლებს აქვთ დაუშრეტელი წყურვილი განათლებისა.

- მართალია, მაგრამ განათლება მათ მხოლოდ იმისთვის უნდათ, რომ მძიმე სამუშაოს გაეცნენ და თავი შეაფარონ ადვილს

ს...სსამსახურს - მილიციას, მოხელეობას და პოლიტიკას. მაშა-სადამე, არც ისინი ჰქმნიან ქონებრივ სიმდიდრეს. აი კიდევ ერთი პარადოქსი: განათლებული იმერეთი და... სიმინდის კულტურა! ერთხელ კიდევ გადაავლე თვალი ჩვენს ისტორიას. საქართველოს ისტორიის ეტლში ყოველთვის მხოლოდ ერთი მერანი იყო შებ-მული, მეორე კი განაპირებული იდგა. ესეც იმას ამტკიცებს, რომ ჩვენ ორნი ვართ და იმერ-ამერეთის გაერთიანებას ხუთიოდე საუკუნე მაინც დასჭირდება.

- ძალიან გაგშავებია ეგ სული, თეიმურ! ამოიგდე მეთქი გულიდან ეგ ნაღველი, თორემ შეგჭამს.

- აკი გითხარი, შემჭამა და გამათავა მეთქი. ჩემი განკურნება ძნელია. თვალეზე - შავი ბინდი, გულში - შავი ნაღველი და სულშიც -- შავი ბურუსი, აი დღევანდელი თეიმურაზ ხევისთავი. ოოჰ, ღმერთო დიდებულო! ნეტა როდის დამიბრუნდება სულიერი მშვიდობა და სიხარული?!

- მაშინ დაგიბრუნდება, როცა შენც ჩემსავით დაუბრუნდები ხალხს და ეზიარები იმის სულითა და გულით, იმის ჭირითა და

სიხარულით, იმედითა და რწმენით. მე შენსავით განათლებული არა ვარ, ამიტომ ისტორიას და მეცნიერებას ვერ წაწვდები, მაგრამ ეს ცხოვრება შენზე კარგად მესმის. ვინც იგი არ მიიღო, ცხოვრებამ არც ის მიიღო, შენც არ იცი, რა გინდა და რას ეპო-ტინები. ქართველ ხალხისთვის სიკეთე გინდა, მაგრამ იმავე დროს სწყევლი და ცილსა სწამებ. აღარაფერი გწამს: არც ღმერთი, არც ემმაკი, არც ხალხის შემოქმედების უნარი, არც მისი მომავალი და სიცოცხლე შენ ხალხს შენის ოთახიდან ჰხედავდი. ჩვენი ხალხი რომ გცნობოდა, ასეთს ცილს არ დასწამებდი. შენ იმასაც ვერ ჰხედავ, რომ ძველი ლეშის მაგიერ ათასობით ამოვიდა ხალხის გულიდან ახალი მუხნარი. ეს მუხები დღითი-დღე იფურჩქნებიან და ძველ ჯაგნარის ალაგს იჭერენ. შენ კი ეს ახალი ბალი უდაბნოდ მიგაჩნია. ნეტა ვიცოდე, რას იზამდი, რომ ხელისუფლება შენ ჩა-გივარდეს ხელში? ყველა კარებს გააღებდი და ქართველ ხალხს უცხოელებს ყმებად დაუყენებდი. ზოგს უცხო ერს ძალიან ემტე-რები, მაგრამ შენც ძალაუნებურად მათი ერთგული მონა გახდე-ბოდი.

- ეგ მართალი სთქვი.

-- თუ ესეც მართალია, შენ რაღა შეგრჩა? რად შფოთავ, რად ჰბორგავ, მაშ რისთვის-ღა სწვალობ, რისთვის-ღა იკლავ თავს და სხვასაც არ აძლევ მოსვენებას? შეირიგე ეს ქვეყანა და გაათავე!

თეიმურაზი ჯერ ჩაფიქრდა, მერმე გაბზარულის ხმით სთქვა:

- მეც ძალიან დამტანჯა მაგ საკითხმა, ჩემო ივანე.

- მერმე, რა გადასწყვიტე. ურიგდები თუ არა დღევანდელ

ცხოვრებას?

- შესწორებით და დამატებით.

ივანე კოფოზე მოტრიალდა. იმის ხმაში სიმტკიცე და ღრმა რწმენა მოისმა.

- არავითარი შესწორება, არავითარი დამატება, არც არავითარი გამონაკლისი! ან უნდა უარჰყო სავსებით, ან მიიღო და შეურიგდე ყველაფერს: ავსაც და კარგსაც, მზესაც და ჭუჭყსაც. ბნელსაც და ნათელსაც! უნდა მიიღო იგი უკლებლივ, მთლიანად, უექვოდ, გულლიად, გულწრფელად და სიყვარულით. დიალ, გულწრფელად და სიყვარულით, თორემ ერთი წვეთი ეჭვი ისევ მოგიწამლავს სიცოცხლეს და დღევანდელივით დაგაბნელებს. სთქვი, ურიგდები თუ არა დღევანდელ საქართველოს ამ პირობებით?

- ივანე, ეგრე არ შეიძლება...

- გეუბნები, თუ რამ შეიძლება, მხოლოდ ასე შეიძლება: უკლებლად, დაუმატებლად და შეუსწორებლად. შეგიძლიან თუ არა ირწმუნო მეტეჟი ეს ქვეყანა?

- არ შ...შემიძლიან.

- მაშ ისე მოკვდები, რომ მაგ შხამსა და გესლსაც საფლავში ჩაიტან.

- აგრე იყოს. ზოგზე იტყვიან, აღსრულდაო, ზოგზე - განისვენაო, ზოგზე - მოკვდაო. ჩემზე კი იტყვიან - ჩაძაღლდაო.

თეიმურაზი კიდევ დიდხანს დაჰხტოდა, ხელ-ფეხს იქნევდა, სჩიოდა, ჰბორგავდა და ყველას და ყოველივეს ჰგმობდა და სწყევლიდა: თავის გაჩენის დღეს და გამჩენსაც, აწმყოს და წარსულსაც, მომავალს და იმედსაც, ამ ქვეყანასაც, და ზეციურსაც: სწყევლიდა თეიმურაზი ყოველივეს, ჟინიან ბავშვივით ანჩხლობდა, ავადმყოფივით ჰკაპასობდა და ხრინწიანი ხმით გაჰკვიოდა:

- ახია ჩვენზე, ახი!.. აგრე უნდა გასრესილს, აგრე! ეს ერთი და სხვა ათასი! ეს ერთი და სხვა ათასი!

შორიდან საძნე ურემი თვლებზე შემდგარ დიდ გალიას ჰგავდა. ხოლო ხელ-ფეხ აშლილი და აყვირებული თეიმურაზ ხევისთავი იმ ვალიაში დამწყვდეულს, აჯანყებულ ტყვეს ემსგავსებოდა, რომელიც ძლივს დამშვიდდა, ურემზე მიწვა, თავი ჩაჰყო და მიიბნინდა.

უცებ იმ ტყვემ წამოიწია და დაიკნავლა:

- ერთი რამე კიდევ უნდა გითხრა, ივანე, წელან დამავიწყდა.

- რა უნდა გეთქვა, თეიმურ?

- ისა რომ... ჩემი უუდიდესი და უმთავრესი უბედურება ის არის, რომ საქ...ქართველოში დავიბადე.

- რაო? რა სთქვი?

- ღმერთმა თავიდანვე სასტიკად დამსაჯა მეტეჟი, როცა ქარ... რრთველად გამაჩინა.

სთქვა და მოშხამული თავი ისევ თივაში წაჰყო.
ივანემ პირი მიიბრუნა და პასუხის ნაცვლად დიდი დუჟი გა-
დააფურთხა.

57

თეიმურაზი სადამოზე დაბრუნდა და ამოიკვნესა:

- ვერაფერი ვ...ვეიშოვნე.

ჯაყო გესლით ახვიხინდა:

- ბრინკა, შენ ადგილი ვინ მოგცემდე?

- რატომ, ჯაყო, რატომ არ მ...მომცემენ? აი, ც...ცცხინვალ-
შიც მოვსძებნი. ზეგ წავალ. დავიღალე, თორემ ხვალვე წავიდოდი.
ნუ გეშინიან ჯაყო, შენს ვალს ადრე თუ გვიან გ...გგადაგიხდი.

- ვიცის ჯაყომ, რასაც გადაგიხდი, ვიცის! რა გაქვს ბრინკასა..
რა უნდა გადაგიხადო ჯაყოსა?

მარგომ სიბრალულით გადაჰხედა თეიმურაზს. მერმე წამოდგა
და, პირმოღუშული, ოთახიდან გავიდა, მოღრუბლული და გულ-
ადუღებული თეიმურაზიც გავიდა, კოშკზე აცოცდა და დასავლეთს
გაჰხედა. სურამის ქედი ისევ ნისლით იყო შემოსილი, მაგრამ ის
ნისლიც ადრინდელივით ვარდისა და ოქროს ფერით იყო შეღე-
ბილი.

ნახირი ღმუილით და ბღავილით შემოდის სოფელში. ნაჯაფევი
გლეხებიც მინდვრებიდან თავიანთ სახლებს უბრუნდებიან და ზოგ-
ჯერ ერთმანერთს ერთ ეზოდან მეორეს ორიოდე სიტყვას ესვ-
რიან. დედაკაცები ჰფუსფუსებენ, საქონელს სწველავენ და აღნა-
ვებულ ბავშვებს აჩუმებენ. დაქანებულმა მზემ ჩალის მიდამოები
ჯერ გააყვითლა, მერმე მოოქროვა, შესწითლა, შემდეგ თვითონაც
გასისხლიანდა და ჩრდილოეთის მყინვარების ჭაღარა თავებიც
სისხლში ამოავლო.

უკვე შუაღამემ მოატანა, როცა დასავლეთის ნისლით გაბრუე-
ბული თეიმურაზი კოშკიდან ოთხით ჩამოცოცდა, ეზო გადასჭრა
და კიბეს მიადგა. კიბის ძირში დაბმულმა ძაღლმა ანჩხლი ღრენით
და ავი ყეფით თეიმურაზს გზა გადაუღობა. უცებ მარგოს და თეი-
მურაზის ოთახის სარკმელი გაიღო და ზევიდან ჯაყოს ხვიხინი
მოისმა:

- თეიმურაზ, შენ ვიქნები?

- მე ვარ, ჯაყო, მე.

- ძაღლი არ გაგიშვებდე?

- არ მიშვებს, ჯაყო. მიშველე.
- კარგი ძალი გყავს ჯაყოსა, იმიტომ არ გიშვებდე. ყაჩაღი აღარ მოხვალ აგრე ადვილათა. ბოლრია, სუ! სუ, მეთქი, შე სამგლე, შენა!
თეიმურაზი კიბეზე ადიოდა და თავის თავს ეკითხებოდა:
-- "რა ვქნა, ეს ჯაყო ასე უცებ საიდან გაჩნდა მარგოს ოთახში? ან იქნება-აქამდე მარგოს ელაპარაკებოდა?"
ერთი წუთის შემდეგ თეიმურაზმა ეს ამბავი დაივიწყა ხოლო ხუთიოდე წუთის შემდეგ ტკბილი ხვრინვა ამოუშვა.
მარგომ ჩურჩულით იკითხა:
- თემურ, გძინავს?
პასუხი რომ არ მიიღო, ფრთხილად წამოდგა და ოთახიდან ფეხაკრეფით გავიდა.

* * *

თეიმურაზი ცხინვალიდანაც ხელცარიელი დაბრუნდა. შეშფოთებული და შერცხვენილი ხიზანი იმ დღიდან უგზო-უკვლოდ დასჩანჩალებს, მარგოს და ჯაყოსაც ერიდება და სადილ-ვახშმად პეტრესთან და ივანესთან დადის.
უკვე შუა ზაფხულმა მოაღწია.
სულ-შეგუბებულ სოფელში ბუდი სდგას.
დამწიფებულ და სიცხით დამსკდარ მინდვრებს აღმური ასდით.
ძნით დატვირთული ურმები ერთმანერთს მოსდევენ.
ქაფმორეული კამეჩები მძიმე ტვირთს ზღაზვნით და ტაატით მოაჭრიალებენ.
თავახვეული და პერანგის ამარა მეურმეები დასიცხულ ღიღინით ღიღინებენ, საქონელს ზოგჯერ ზანტად შოლტსა და სახრეს მოუქნევენ.
ზოგნი კალოს სთოხნიან, ზოგნი უკვე ჰლეწავენ.
გოგოები და დედაკაცები კევრებზე სხედან, დგანან, და დილით-სალამომდე კნაჭა ცხენებსა და ხარებს წისქვილის ქვასავით ატრიალებენ.
ქათამი ხორბალს ეტანება. ენა-გადმოგდებული ძალი ჩრდილში მოწოლილა და ჰქაქანებს.
ტალახ-შემხმარი ღორი კიტრის და საზამთროს ნაფცქვენებს ახრამუნებს და თანაც ტლაპოს ეძებს.
ღუბელა რუმი ბატ-იხვები ჰყიყინებენ და ტიტველი ბავშვები ჭყუპალობენ.
მინდვრებში ზოგან ჩალას სწვავენ, ზოგან კიდევ ჰხნავენ და ოროველას იძახიან.
ქალებში ქედანი ღულუნებს.
მეწველ საქონელს ლიახვის ნაპირებისთვის შეუფარებია თავი

და ფშან-ვერხვების ჩრდილში ჩაწოლილა.

სადამოობით, როცა ოდნავ ნიავი დაუბერავს, განიავებული ნალეწი აქა-იქ შადრევანივით სცემს.

ღამეს ნახევარი სოფელი კალოზე ატარებს, ხოლო მოზრდილი მამაკაცები კვლავ ძნას ეზიდებიან, ურმის ჭრიალით და შეძახილით სოფელს აღვიძებენ და მაღალის ხმით ურმულს ამბობენ.

პეტრეს შვილი ნინიკა შუადამეს წკრიალა ხმით სოფლის ბოლოში რომ დასძახებს, სოფლის თავიც იღვიძებს და, გარინდული, ყურს უგდებს მეურმისა და კამეჩის ბაასს:

კამეჩო, მუხრანელი ხარ,
გუთანი გეცოდი-ინებაა.

მე გუთნის არა ვიცი-რააა,
ულელიც მეჩოთი-ირებააა.

ფეხაკვეთილი თეიმურაზი ქაქანით და ხვნეშით დალასლასებს სოფელსა, მინდვრებსა, ჭალებსა და კალოებზე. ხან სამნე ურემს მოაჯდება, ხან კალოზე დაბორიალებს, ხან ნალეწს ანიავებს, ხან ზას აწოდებს და ხანაც მეხრეებს დასდევს, თან თავისას პლულ-ლულებს, დასიცხულ ენას იფხანს და იქარვებს.

შვება-მიცემული ჯაყოც დროს იმარჯვებს, დღისით და ღამითაც დასიცხულ ვნებას იქარვებს და ალ-მოდებულ ჟინს იფხანს.

* * *

- ვიცი, რა გითხრამ, თეიმურ? - უთხრა ერთ სადამოს ჯაყომ თეიმურაზს. - მუშაობა შენი საქმე არ ვიქნობოდე. მთავრობაც სამსახურს არ მოქცემდე. საცა თავი შეგიყავი, ყველგან გამოვაგდე. ქალაქშიც ვედარ წახვიდოდე და აქაც უსაქმოდ დაეხეტებოდე. ერთი გითხარი ჯაყოსა, ვაჭრობა როგორ მოგწონდე?

- ვ...ვვაჭრობა? ვაჭრობა ჩემი საქმეა. ძალიან კარგად მაქვს შ...შშესწავლილი. ბანკში და კოოპერატივში ვმუშაობდი.

- თავი დაგანებე კაპრატივი! "კჩორტუ" კაპრატივი! შენ ყური გიგდე ჯაყოსა. ჯაყომ კარგად ვიცის ვაჭრობაც და კაპრატივიც. მოდი, ამ სოფელში ერთი დუქანი გახსნა. რას იტყოდე?

- დ...დუქანი? მე?

- მაშ, მაშა! მე ხაზეინი და შენ დახლიდარი. ყური გიგდე ჯაყოსა.

და ჯაყომ თეიმურაზს თვისი გამოცდილება და ნასაზრი გაუშალა:

- ფული ჯაყომ ასე იშოვნე: გლეხი ტუტუცი ხარ, ძველი ფულისა არაფერი გესმის. ჯაყომ კი ადრე გაიგე, რომ წინანდელი ფული სულ ქვეით მიდიხარ და მიდიხარ, მიდიხარ და მიდიხარ! "კჩორტუ" ასეთი ფული, სთქვა ჯაყომ და ის ფული ერთი დღეც

არ შევინახე. ან რა ფული იყავი, შენი წირი მე, ის ფული?! დილაზე რომ ერთი არშინი ჩითი ერთი მილიონი ეღირებოდი, საღამოზე ორი მილიონი გახდებოდი. ჩვენი საწყალი გლეხები კი ის ფული ინახავდი და ინახავდი, გაკოტრდი და გაკოტრდი! ბოლოს ის ფული ისე გაფუჭდი, რომა წრეულს გაზაფხულზე ჯაყომ ერთ არშინ ჩითში შვიდი ათასი მილიონი მიეცი, მამა! ასეთი ფული ჯაყომ აღარ მიგიღე. ჯაყომ ეშმაკობა გაგიკეთე და მარტო საქონე-

ლით ივაწრე. ერთ გირვანქა ნავთში ნახევარი ჩანახი ლობიო აიღე, ან სამი გირვანქა მატყლი, ან ათი გირვანქა კარგი ხილი. გლეხები დათვლა აღარ ვიცის, ყველაფერი ისე აგერია თავში რომ ძალი პატრონს ვეღარ იცნობდი. ყველანი გაკოტრდი, ჯაყო კი გადარჩი და ბევრიც მოიგე. ახლა ყველაფერი გამოიცვალე, ახლა ნამდვილი ფული გაჩნდი. აი, გენაცვალე ამის მაძლსა!

ჯაყომ ჩერვონცების დასტა ამოიღო და ააშრიალა.

- ისეთი ძალა გაქვს ამ თუმანსა, როგორც ნიკოლოზის დროს გქონდა. ეხლა კარგი დრო გაქვს დუქანსა. დაჯექი, გაყიდე და ასეთი ჩერვონცები დაგაგროვე და დაგაგროვე, დაგაგროვე და დაგაგროვე, მაშ, მამა! გენაცვალე ჯაყოი ჩერვონცსა. ივანეი, ილაი და ნინიკაი კაპრატივი გინდა გახსნა ნაშინდარში, მაგრამ ჯაყოს არ გეშინიან კაპრატივისა.

კიდევ დიდხანს სწყევლიდა ჯაყო ძველს მილიარდებს და ჰლო--ცავდა თეთრ ჩერვონცებს. მერმე თეიმურაზს ჰკითხა:

- ჰა, რას იტყობდე? კარგი საქმე გითხრამს ჯაყოი თუ არა?

- მოვიფიქრებ, ჯაყო.

და იმავე დღეს თეიმურაზმა მარგოს ჰკითხა:

- შენ რას იტ...ტყვი, მარგო?

--- ცუდუბრალოდ ხეტიალს ისევ დახლიდარობა სჯობია, ჯაყოს მაძლს მაინც არ დაგაყვედრიან.

- მეც აგრე მგონია.

ჯაომ და თეიმურაზმა კიდევ იფიქრეს და ილაპარაკეს.

ჯაყოს კარგი შეძლება ჰქონდა და მრავალი ნაცნობი და ნათესავი ჰყავდა. როკელვები, ჯაველები და ბარის მეზობლები ჯაყოს ნისიად მისცემენ მატყლს, ერბოს, ყველს და სხვა საქონელს ამ საქონელს ჯაყო გორში ან ქალაქში გაჰყიდის, სამაგიეროდ იქიდან სოფლისთვის საჭირო ქსოვილებს, ნავთს, მარილს, საპონსა და წვრილმანს ამოიტანს. გარდა ამისა, ნაშინდარში დიდი გზა გადის და დუქანს მუშტარიც ბლომად მოჰხვდება. ღვინო და არაყიც ბევრი გასაღდება. ჯაყო ჩუმ-ჩუმად აქამდისაც ვაჭრობდა, მაგრამ ბნელ ღამეში მუშაობა და მუდამ შიშში ყოფნა მოსწყინდა.

- აბა, ნათლია, პასუხი მოგეცი ჯაყოსა.

თეიმურაზმაც მისცა:

- თთ...თანახმა ვარ, ჯაყო. საქმე დავიწყეთ. ჯერ ჯამაგირი არ მინდა, მაგრამ თუ საქმე კარგად წავიდა, ცოტა რამე დამინიშნე და ვალში გამომიბარე.

- ჯაყოც თანახმა ხარ. მაშ ღმერთი იყავი ჩვენი საქმის ამხანაგი, დავიწყებდეთ!

* * *

ორი კვირის შემდეგ ჯაყომ სოფლის ბოლოს ერთი ძველი ნასახლარი გააცოცხლა. მერმე ჯაყო და თეიმურაზა ქალაქში ჩავიდნენ და ორი ურემი საქონელი ამოიტანეს. გარდა ამისა, ჯაყომ თავის ოჯახიდან იმ დუქანში ზედმეტი საქონელი და სანოვაგე გადაიტანა: ღვინო და არაკი, ხილი და ჭურჭელი, ძველი იარაღი და ფალასფულასი.

ვაჭრობა გაჩაღდა. თეიმურაზმა ანგარიშის საქმე წესიერად დააყენა. რამდენიმე რვეული გაიჩინა და ორი საათი ჯაყოს ეჩიჩინა:

- ეს არის ს...სსალაროს წიგნი, ეს კიდევ ს...სსაქონლის დავთარია. ეს იქნება პ...პპირადი ანგარიშების წიგნი. ამას ჰქვიან ბ... ბბულჰალტერია.

- ვიცის, გაიგებდის ჯაყო. კარგი რამ ყოფილა ეგ ბულჰალტერია.

- ბულ... ჰალტერია?! ჯაყო, ეს ქვეყანა ბულჰალტერიაზე არის აშენებული! - ადულდა დახლიდარი. - სადაც ბულჰალტერია იციან, იქ ყველაფერი იციან: წესი, დის... სსციპლინა, შრომა და მომავალი; სადაც არ იციან, იქ უწესობა, ანარქია, არევ-დარევა და წყვდიადი მეფობს.

- ვიცის, ჯაყომა, ვიცის.

- ჯაყო! - არ სცხრებოდა თეიმურაზი. - კაცობრიობის ისტორიაში რამდენიმე სხივმოსილი თაბახია პოვნა ხორბლის მარცვლისა, ცეცხლისა, ურმის თვლისა და აღმოჩენანი გალილეის, კოპერნიკის, ნიუტონის, სტეფენსონისა და ლუკა პაჩიოლასი, რომელმაც 1494 წელს ბულჰალტერია მოიგონა!

--- ალბათ ძალიან ჰქვიანი ვიქნებოდი ის კაცი.

- რა თქმა უნდა! სტეფენსონმა მოიგონა ორთქლმავალი და პირველი რკინის გზა იმან ააშენა.

- მალადეც, სტეფანე, მალადეც!

- ეს კიდევ არაფერი: გალ ...ლილეიმ დაამტკიცა. რომ დედამიწა ბრუნავს.

ჯაყომ გადიხარხარა.

- ბრინკა, ხომ არ გაგიჟდი?!

- მაშ, ჯაყო, მაშ! განა აქამდე არ იცოდო. რომ მზე ერთ ალაგზე სდგას, დედამიწა კი თავის ღერძზე სტრიალებს და მზეს

გარშემო უვლის?

ჯაყომ ისე დაიხვიხვინა, რომ მისი ხმა ლიახვის ჭალას ჩასწვდა.
22. მ. ჯავახიშვილი, ტ. II.

-- მზე ერთ ალაგზე სდგებარ?! ხა-ხა-ხა! დედამიწას ღერძი გაქვს?! ხო-ხო-ხო!

თეიმურაზი დიდხანს ეჩიჩინებოდა ჯაყოს, გონებას უხსნიდა, მაგალითებით უმტკიცებდა და ცხარედ ედავებოდა, მაგრამ მისი საბუთები ჯაყოს სასაცილოდაც არ ჰყოფნიდა:

- დედამიწა ურემი ხომ არა ხარ, რომ ღერძი გქონდეს!

- ჭკუაში, ჯაყო, ჭკუაში წარმოიდგინე.

- ჭკუაში მე კი არა გაქვს ღერძი, შენა გაქვს, შენა, შე ბრინკავ, შენა! შენი თავი ტრიალებს, თორემ დედამიწა ვინ დაგძრავს ადგილიდან! აი, აგრე ვიცის ბევრი წიგნის კითხვამა.

- ჯაყო! გაიგე, რომ...

- კარგი, მორჩი და გაგათავე! შენც გაგიჟდებოდე და საწყალი ჯაყოც გინდა გაგაგიჟო?! არ გინდა ჯაყოს შენი სწავლაი! „კჰორტუ“ შენი ღერძიცა და ბულლატერიაც! „კჰორტუ“! მორჩი და გაგათავე!

ჯაყოს სიბნელით და კერპობით გულნატკენი თეიმურაზი დახლში ჩადგა და ყოჩაღად დატრიალდა. მუშტარს თავაზიანად უხვდება:

- რა გ...გგნებავთ? რამდენი? ნავთი ეღირება თ...თთერთმეტი კაპეიკი... მარლი ღირს ერთა მ...მმანეთი და შვიდი შაური.

ღვინოს და არაყს მუშტარი ბლომად მოაწყდა.

- დ...დაღლიეთ, თქვენ გენაცვალეთ, მ.. მიირთვით! ღმერთმა გ...გგადღეგრძელოთ. ალ...ლავერდი შენთან, თედო!

მსმელებს აჰყვა და აღიღინდა.

ავ... ვანთოთ შუშის ფაარნები,

ჰარიჰარალე-ე-ე-ე ,

მოვძებნოთ ღვიინის მარნები,

ჰარ...რიჰარალე-ე-ე-ე ...

* *

სადამო ჟამზე დუქანში ხუთიოდე გლეხი შემოვიდა.

- ნათლია, ჯაყოს დახლიდრად დაუდექი? - **ჰკითხა** ნინიკამ.

- მაშ რა **ვქნა**, **ნინ...ნნიკა**? უსაქმობას ისევ ეს **სჯობია**.

- რაღა ჯაყოს მიეშველე? -- იკითხა ილამ. --- განა ის კი არ ეყოფა ამ წურბელას, რაც სისხლი გამოგვწოვა?!

- შენი ოჯახიც მაგან შეჭამა და ეხლაც დახრილად დაგიყენა, განა! - დაუმატა თედომ.

--- მოვ...ვეისაზროთ, ყმაწვილებო, მოვ.. ვვიფიქროთ.

და ჯაყოს დახლიდარმა ახალგაზრდა გლეხებს თვისი მდგომარეობა განუმარტა.

- ვიციო, ჩვენც კარგად ვიციოთ. - უპასუხა ნინიკამ. - საცაა კაპერატივი უნდა გავხსნათ. ჩვენ კაცი არა გვყავს, შენ კი ჯაყოს მიემხრე.

- ჰაზირ ჩვენ გვიშველო, შე კაი კაცო!

- ალბათ ჯერ არ იცნობს ჯაყოსა, თორემ მხარს არ მისცემდა

- ჯაყო წინანდელ ჩარჩზე უარესია. - წამოაძახა ნინიკამ. -

რალა მე გაიმბო, შენც იცნობ მაგ ჰარამზადას. ჯერ იყო და შენი ტყე მუქთად ჩაიგდო ხელში.

- ვაცი, ნინიკა, ვიცი.

- გიშველა ღმერთმა, თუ იცი! მერმე იყო და, სოფელი აიკ-

ლო. შენ რომ ქალაქში იყავი და არაფერს **ჰხედავდი**, **ეგ კაცი** ჩვენ ტყავს გვაძრობდა. აღარაფერი შეგვარჩინა. საქონელს იტაცებდა, ღალას ორჯერ და სამჯერ გვახდევინებდა, ქალებს ნამუსს ჰხდიდა, გვცემდა და შენი შემოსავლის ნახევარს იჯიბავდა.

- ჩემი ბრალია, ძმებოჯან, ჩემი! თქვენს საჩივარს დროზე ყური ვერ დავუგდე და არ მოგ...გაგაშორეთ.

- გიშველა ღმერთმა. ეგეც გცოდნია. მერე იყო და, ყველაზე კარგი მიწები მაგან დაიჩემა. ბოლოს ხომ ისე წაიყვანა საქმე, რომ შენი სახლ-კარი და ბაღიც დაისაკუთრა.

ერთმანეთს აღარ აცლიდნენ, ჰაერში მუშტებს იქნევდნენ და ბრაზიან დორბლებს ჰყრიდნენ:

- მამა ჩემი იმ ვენახში დაბერდა და ჯაყო კი ზედ დააჯდა? სამართალი სად არის? - ჰღელავდა ნინიკა.

- ჩვენ ავაშენეთ შენობები და შიგ კი ჯაყო ჩასახლდა?! რათაო? რითვინაო?

- მაგას თავი დაანებე, თეიმურაზის სახლის მორთულობაც რომ დაიჩემა, ეს რალა არის?!

- მაშა, შენ ეგა თქვი, და! ისე იეშმაკა, ვითომ სახლი ყაჩაღებმა გაჰქურდეს, ნამდვილად კი თვითონ დაიტაცა ყველაფერი და შენი სიმდიდრე ისევ ჩვენს დაჩაგვრას მოახმარა.

- ჩვენ რომ ტიტვლები და მშივრები დავდიოდით, მაგას სახლი სავსე ჰქონდა ჩითით და საქონლით. ერთ არშინ ჩითში ერთ ფუთ ხორბალს გვართმევდა.

-- რალა გვართმევდა, ახლაც აგრე არა სჩადის?

- იმიტომ კი არ გავყარეთ თავადები და ბურჯულები, რომ ახალი ბატონი დაგვესვა კისერზედა?!

- მერმე, რატ...ტტომ აქამდის არ ალაგმეთ ეგ კაცი? ---
იკითხა თეიმურაზმა.
- იმიტომ, რომა მთელი სოფელი ხელში ჰყავს. გაიძახიან, ბევრი სიკეთე გვიყო. გაჭირვებაშიც ხელს გვიმართავსო.
- აღარ გვინდა მაგის სიკეთე! ქარისა არც მოტანილი გვინდა, არც გატანილი.
- ცოტა ხანიც მოიცადოს და ჰნახავს. იმ სახლს ჩამოვართ-
მევთ და სკოლას გავხსნით.
- ამ დუქანსაც დავუკეტავთ.
- ი სახლის მოწყობილებას და სიმდიდრესაც ადგილს ვუპოვნით.
- ი ბალ-ვენახსაც სხვები ჯაყოზე კარგად მოუვლიან.
ბოლოს, თეიმურაზს პირდაპირ ჰკითხეს:
- სკოლის და კაპერატივის საქმეში დაგვეხმარები?
თეიმურაზი შეეყოყმანდა:
- მოვ.. ვვიფიქრებ, მოვ... ვვიფიქრებ.
- რალა ფიქრი გინდა, შე კაი კაცო!
- უნდა მოვ... ვვიფიქრო, ნუ დამაჩქარებთ.
- მაშ კარგი, მოიფიქროს.
- მოიფიქრე, მაგრამ ე ჯაყოს თავი დაანებე, თორემა...
და ყაყანით, მუქარით და ქადილით წავიდნენ.

* * *

- ერთი საათის შემდეგ ჯაყომ თავისივე ზურგით ჩაუტანა თეიმურაზს ლოგინი, დაჟანგებული დამბაჩა, ხანჯალი, ძველი საეკლესიო წიგნები, ლექსიკონი, გერბარიუმი და ქინძისთავებზე მწერთა და ბუზთა კოლლექცია. ჩაუტანა და დარიგება მისცა:
- როცა მუშტარი არ ვიქნებოდე, ეს წიგნები წაიკითხებდე, არ მოგწყინდებოდეს.
 - თეიმურაზმა გაიკვირვა:
 - ლ... ლლოგინი რალათ მინდა?
 - მაშ, მაშა! - განუმარტა ჯაყომ. - მაშ დუქანი უპატრონოდ
ეს ამბავი თეიმურაზმა წინდაწინვე არ გაზომა. თეიმურაზი მთელი დღე დახლში უნდა მდგარიყო: ღამ-ღამობით კი მაინც

აპირებდა მარგოს ნახვას და... ზანზიბარზე ზრუნვას, მაგრამ საქმის ტრიალება გვიან-ლა იყო.

-- ეს დამბაჩა გატენილი ვიქნებოდი. თუ ყაჩაღი მოხვიდე, შენ ბანზე ავიდოდე და გაისროლებდე. ჯაყოც მაშინვე აქ გაჩნდები და იმ ყაჩაღებს დედას გიტირებ, მაშ, მაშა! დედას გიტირებ, დედასა!

თეიმურაზმა ამოიოხრა:

- კეთილი, მ...მმაგრამ... გიბამ ან ქეშელამ დაიძინონ დუქანში.

-- გიბას და ქეშელას თავისი საქმე გაქვს, დუქნისთვის არ ალიან. აბა, ეხლა ნავაჭრი გაჩვენე.

თეიმურაზმა დავთრები გადმოაღაგა.

- გ...გგავყიდე ათი გირვანქა ნავთი. ეს ექვსი აბაზი. ორი ფუთი მ...მმარილი. ეს ორი მანეთი და თოთხმეტი შაური... სულ იმ დღის ნავაჭრი სამ თუმნამდე შესდგა.

- ...გგავყიდე საქონელი აი ამ წიგნში ჩავწერე, ნავაჭრი ული კი დღიურ კვასაში ჩავიტანე. ამ წიგნში ჩაწერილია...

ჯაყოს მოთმინება გამოელოა:

- შენ ფული მოგეცი ჯაყოსა, თორემ საცა გინდებოდე, იქ ჩაგწერდე.

- კეთილი, მაგრამ ბ...ბბულჭალტერია?..

- ბულლატერია შენთვის შეინახე, მე რა ოხრად გინდა ბულლატერია!

ჯაყომ ფული ჯიბეში ჩაიდო და დაღონებული თეიმურაზი ერთხელ კიდევ დაარიგა:

- ბანზე ავიდოდე და დამბაჩას გესროდე. მეც მაშინვე აქ გაჩნდები და იმ ყაჩაღებს დედას გიტირებ, მაშა! ღამე ნუ წაიკითხებდი, ნავთი ტყვილად დაიწვებოდი და თვალებიც გეტკინებოდი. შენ ნუ შეგეშინებდების, ჯაყო ახლო ვიქნები, მაშ, მაშა!

დარიგებას ნუგეშიც დააყოლა:

- შენ კარგად ივაჭრებდე, დანარჩენი კი ჯაყომ ვიცის. კარგი გება მოგცემ ჯაყოი. როცა ქეშელა ან გიბა მოიცლი, დუქანში ადგები, შენ კი მარგოს სანახავად მოხვიდოდე. საწმელი ბრინკა მოგიტანდე. აბა, ყოჩაღათ იქნებოდე!

თეიმურაზი მარტოდ დარჩა. დუქნის დირეზე ჩამოჯდა და ჩაფიქრდა.

* *

ეს რა დაემართა თეიმურაზ ხევისთავს?! ეს რა ტუტუცური მასხრობაა ბედისა?! ეს რა უცნაური ნაროშვარი და ნაბოდვარია უკუღმა დატრიალებულ ცხოვრებისა?!

თეიმურაზმა უკან მიიხედა და გავლილი გზა გაზომა. საშინელი. თვალუწვდენი, უცნაური და გაუგებარი იყო იგი, თავი და ბოლო ერთმანერთს არ ებმებოდა, ერთმანერთს ვერ ხვდებოდა.

როგორ დაიწყო თეიმურაზის ცხოვრების გზა და როგორ თავდება! რამ მოიყვანა თავმოყვარე, განათლებული, ცნობილი და პატივცემული საზოგადო მოღვაწე თეიმურაზ ხევისთავი ამ დუქანში დახლიდარად? როდის და როგორ მოვიდა ფრიად პატივდებული

თეიმურაზი ამ ძველ ნასახლარში, მიყრუებულ სოფლის ბოლოში? რა უნდა მას ამ ბნელ ღამეში ამ მურდალ სამიკიტნოში? რად სვამდა ღღეს თეიმურაზი უცნობ-ნაცნობ გლეხებთან და გამვლელ-გამომვლელთან მყრალ არაკს?! მათი გღლის მოსაზიდად ნაძალადევადვე რად იპრანჭებოდა. რად იკრიჭებოდა, რად ლაზღანდარობდა?!

უკან მიიხედა თეიმურაზმა. მიიხედა და ნავალი გაზომა. გაზომა, და ვერ გაიგო, ვერ მიხვა, როდის და როგორ განვლო ასეთი დიდი მანძილი? რუსთაველის პროსპექტიდან ამ ორღობის ბოლომდე! საუცხოვოდ მორთულ ექვს ოთახიდან სოფლის ჭუჭყიან დუქნამდე! რედინგოტ-სმოკინგიდან სელის ხალათამდე! საზოგადო საქმის მეთაურიდან თავის ნამოჯამაგირევ ჯაყოს დახლიდრობამდე?!

გაზომა თეიმურაზმა ის განუზომელი და იგრძნო, რომ კისერზე ჩამოკიდებული ძაღლის ლეში იმ წუთში უფრო დამძიმდა და უარესად აყროღდა.

ძაღლის მძორის ჩამოსაგლეჯად და მისი მყრალი სუნის გასაქარწყლად თეიმურაზმა ჭრაქი აანთო, წიგნი აიღო, გადაჰფურცლა და წაიკითხა: .

სახარება მათესაგან. თავი 5.

"და ვითარცა იხილა იესო ერი იგი, აღვიდა მთასა და დაჰსჯდა იგი მუნ, და მოუხდეს მას მოწაფენი მისნი.

და აღაღო პირი თვისი, ასწავებდა მათ და ეტყოდა:

ნეტარ იყვნენ გღახაკნი სულითა, რამეთუ მათი არს სასუფეველი ცათა.

ნეტარ იყვნენ მგღოვარენი გულითა, რამეთუ იგინი ნუგეშინისცემულ იქმნენ.

ნეტარ იყვნენ მშვიდნი, რამეთუ მათ დაიმკვიდრონ ქეყანა".

თეიმურაზმა წიგნი დაჰკეცა.

- ვითომ? მშვიდთ დაიმკვიდრონ ქეყანა? თეიმურაზი მგღოვარეა. მაგრამ არავისგან ნუგეშინის ცემულ არ იქმნა. ჰო, მართლა; "მათი არს სასუფეველი ცათა". ცაზეა ლაპარაკი, მხოლოდ ცაზე, ხოლო ამ ქეყანამ და იესომ ერთმანერთი დაჰგმეს და უარჰყვეს.

თეიმურაზი რომ მარტო ყოფილიყო, ძაღლის მძორსაც და იმის სიმყრალესაც მოითმენდა, მაგრამ ის მარტო არ არის. მას თვისი ერთადერთი მეგობარი, ერთგული და განუყრელი მეუღლე ჰყავს, რომელიც დღეს გაჰყარეს და ჩამოაშორეს: თეიმურაზი ამ შმორიან დახლს მაგრად მიაბეს და ძველს ნასახლარში. ტალახიან ორღობის ბოლოში, მყრალ სამიკიტნოში ჩაჰკეტეს, რომელსაც სოფლის ხმაურობაც კი ძღივს მისწვდება.

ძაღლის მძორი თანდათან მძიმდება და მისი სუნი თეიმურაზს ჰგუდავს.

ჯაყოს ხიზანმა ისევ სახარებას დაავლო ხელი და ანაზდეულად ისევ მეხუთე თავი გადაშალა.

"ნეტარ იყვნენ, რომელთა ჰშიოდეს და სწყუროდეს სიმართლისათვის. რამეთუ იგინი განჰსძლენ.

ნეტარ იყვნენ მოწყალენა, რამეთუ იგინი შეიწყალნენ.

ნეტარ იყვნენ წმინდანი გულითა, რამეთუ მათ ღმერთი იხილონ.

ნეტარ იყვნენ მშვიდობის-მყოფელნი, რამეთუ იგინი ძედღვთისად იწოდნენ.

ნეტარ იყვნენ დევნულნი სიმართლისთვის, რამეთუ მათი არს სასუფეველი ცათაა".

წიგნი ისევ დაჰკეცა და წანაკითხს ჩაუკვირდა.

- განა ეს ჩვენთვის არის დაწერილი? განა ჩვენი მოშხამული სული მისწვდება ამ ღვთიურ ბოდვას? ვისთვის არის იგი ნათქვამი? მართლა ჩემისთანა ტანჯულთა და ღატაკათვის, თუ ბედნიერთა და მდიდართათვის? მაშ რატომ ვერ სწვდება მას ჩემი ჯვარცმული სული? ან იქნება ნახუცარმა ივანემ მართალი სთქვა, ვითომ ქართველები ბუნებითვე წარმართნი იყვნენ და ვითომ ჩვენში ყოველთვის მძლავრად სჩქეფდა წარმართობის ატავიზმი?

თეიმურაზს რელიგიური ძაფი გაუწყდა. მისი აზრი კვლავ ჯაყოს და მარგოს დაუბრუნდა.

ამიერიდან თეიმურაზი იშვიათად ავა ჯაყოს სახლში, იშვიათად დაენახვება თავის კანონიერ მეუღლეს, რომელიც ეხლა... იქნება... ვინ იცის... ეგების...

თეიმურაზი გველნაკბენივით წამოხტა.

რასა ჰბოდავს თეიმურაზი?! ეს რა წამოროშა იმის სულიერმა ორეულმა?! ეს რა გველი ჩაუძვრა გულში, რა შხამიანი აზრი გაინასკვა იმის გახურებულ თავში?!

შეუძლებელია! დაუჯერებელია! სულელური იქვია! მოშლილა ნერვების ამონახეთქია!

- ვითომ? ნერვების მეტი არაფერია? -- ხითხითებს თეიმურაზის ორეული. - მაშ მეტი არაფერია? აბა, დაფიქრდი.

თეიმურაზი ებრძვის დაავადებულ იქვიანობას და სცდილობს გულიდან გველი ამოიგდოს, მაგრამ იგი უფრო ღრმად უძვრება, ახრჩობს და ბირდაბირით ჰხერხავს იმის გულსა და სულს.

ვეღარ უძლებს თეიმურაზი მოურევნელ ტანჯვას. უნებურად წამოიჭრება, ჭრაქს გააქრობს. დუქანს დაჰკეტავს და ბნელ ორღობეს ბორძივით მისდევს. თითქმის მირბის და გულში ბუტბუტებს:

- ნერ...რვების ბოდვაა! ავი ლანდია! თუმცა .. მაინც .. ვინ

იცის, კაცნი ვართ, ვ..ვენახოთ.

თავის ნასახლარის კიბესთან ძალი დაუხვდა. ბოლრიამ ანჩხლი ყევა და ჯაჭვის ჩხარუნი ასტეხა.

მარგოს ოთახის ღია სარკმელიდან ჯაყომ გადმოიხედა და გადმოსძახა:

- ვინა ხარ მანდა?

თეიმურაზი შეერთა და აირია:

- მე ვარ, ჯაყო, თეიმ...მმურაზი ვარ.

- რა გინდოდეს ამ დროსა, ბრინკა? ყაჩაღები ხომ არ მოვიდოდეს?

- არა, ჯაყო, ჩემი სარკე-სავ...ვევარცხელი მინდა.

- ბრინკა, აქამდის ვერ დაგივიწყე კნიაზობას? - ზიზღით ჩამოუგდო ჯაყომ. - დუქანში ათი სარკე გექნებოდეს, რომელიც გინდოდეს, იმაში ჩაიხედე. დაიცადე მანდა.

ოთახში შებრუნდა და ისევ გამოვიდა.

- აჰა, დაიჭირე სავარცხელი. წადი ეხლავე, ნუ შეშინდების, შენი კნეინას არავინ მოიტაცებდე. ჯაყო აქა ხარ. ისეთი ყარაული ხარ ჯაყო, რომა ათი ყაჩაღიც ვერაფერს დაგაკლებს. ჩქარა წადი, თორემ დუქანი ყაჩაღები წაგიღებს.

თეიმორაზმა იმ ეზოში დიდხანს იცოცა მუხლისთავებზე, მაგრამ გადმოგდებული სავარცხელი ვერ იპოვა. ძალი მაინც არ სცხრებოდა, ისევ ძალზე იწევდა და ანჩხლად ჰყეფდა.

ჯაყოს მოთმინება დაეკარგა:

- გაანებე თავი მაგ ოხერ სავარცხელსა! წადი, დუქანი უკატრონე. თორემა თუ ქურდები გასტეხე და ყველაფერი წაიღე, მე ვიცის მაშინა!

- მივ...ვედივარ, ჯაყო, მივ... ვედივარ, არხეინად იყავი.

წელში უარესად მოიხარა, ფეხები ძლივს აითრია და ფეხდათათხულ ძალივით გამოტრიალდა.

დუქანში კვლავ ჭრაქი აინთო და დირეზე ჩამოჯდა.

ძალის მძორმა ისე ღრმად ჩასჭიდა ბასრი კლანჭები ყელში, რომ თეიმურაზი იხრჩობოდა და სიმწარისგან იკლავებოდა. მესამედ აიღო წიგნი და მესამედვე კვლავ იგივე ფურცელი გადაშალა: „ნეტარ იყვნეთ თქვენ, რაჟამს გყვედრიდენ და გდევნიდენ და სთქვან ყოველი სიტყვა ბოროტი თქვენდა მომართ სიცრუით ჩემთვის.“

გიხაროდენ და მხიარულ იყვენით, რამეთუ სასყიდელი თქვენი ფრიად არს ცათა შინა, რამეთუ ეგრეთვე ჰსდევნეს წინასწარმეტყველნი უწინარეს თქვენსა.

თქვენ ხართ მარილი ქვეყნისა: უკეთუ მარილი იგი განჰქარჟეს, რათამე დაიმარილოს? არღარა შემძლებულ არიან მერმე, არამედ განგებად გარე, და დათრგუნვად კაცთა მიერ.

თქვენ ხართ ნათელი სოფლისა: ვერ ხელეწიფების ქალაქსა

დაფარვად მთასა ზედა დაშენებულსაა.

თეიმურაზმა კვლავ დაჰკეცა სახარება.

- მაშ დევნილნი არიან მარილი ქვეყნისა და ნათელი სოფლისა! ჰოი, უფალო ძლიერო, მე არ მესმის სიტყვა ესე: ჰოი, დიდებულო, მასწავვე მე უღირსსა მონასა შენსა სიმართლენი შენნი! გუშინ სხვანი იდევენებოდნენ, დღეს კი მე ვარ დევნილი! მაშ რომელნი ვართ მარილი ქვეყნისა და ნათელი სოფლისა: რომელნი ვართ ღირსნი შენის სიყვარულისა ცათა შინა? ალბათ არც ერთნი, რამეთუ ჩვენ არ ვირწმუნეო წმინდა სახელი შენი. ჰოი, უფალო! უზღუდრბლო არს მადლი შენი ცათა შინა, გარნა რად გვტანჯვიდე ჩვენ, უღირსთა მონათა შენთა, წიაღსა ამა ქვეყნისასა?

სულმილიული თეიმურაზი დიდხანს ჰვედრებდა, ეძიებდა, ეკითხებოდა და ედავებოდა უფალსა ღმერთსა, გარნა ვერ იხილნა იგი უფალი სულსა თვისსა გვემულსა, ტანჯულსა და გოლგოთისა მთაზედ ამავეალსა.

* *

კალოდან მომავალმა ნახუცარმა ივანემ დუქანს ურემი მიაყენა და ერთი ხელადა ღვინო მოითხოვა.

ორივენი ღირეზე ჩამოსხდნენ, ღვინო წინ დაიდგეს და ნელნელა შეაყოლეს. ჯერ დიდხანს სდუმდნენ, მერმე ივანემ ნელი ხმით ჰკითხა თეიმურაზს:

- თეიმურაზ, რა შენი საქმეა დახლიდარობა?

-რა შენი საქმეა, ძმაო ივანე, შავი მუშაობა და მიწის ხვნა?

- აკი გითხარი, საქართველოში ატავიზმის კანონი მძლავრად მუშაობს მეთქი. ჩემი წინაპრები მიწის მუშები იყვნენ, ამიტომ მეც მიწას დავუბრუნდი.

თეიმურაზმა პასუსი არ გასცა ორივენი გაჩუმდნენ და თითო ჭიქა კიდეც დალიეს.

- რას ჩხირკედელაობდი ერთ დროს, თეიმურაზ? რას მოითხოვდი? რას ეძებდი და რას მოელოდი?

- აი, ამ დღეს მ...მმოველოდი, აი ამ დღეს ვეძებდი.

მახსოვს შენი წერილები. ნამდვილი ქართული კალამი გქონდა.

- ქაროული კ...კკალამი, რომელიც ორეულია გოლგოთის ჯვრისა, ხოლო მისი პატრონი ყოველთვის ჰგავდა იმ მთაზე აღმავალ მაცხოვარს. იმ კალმითაც ას, ინგრეოდა ძველი ქვეყანა, როგორც ჰინდენბურგის ზარბაზნებით.

- გეგონა, არც შამფურს დასწვავდი და არც მწვადსა? მგელსაც გააძღობდი და ბატკანსაც გადაარჩენდი?

- ჰო, ეგრე მ...მმეგონა. შენ რა გიშავს, შენ დროზე გამოიცვალე ქურქი.

- ჭკუამ გამიჭრა. სწორე გეზი ავიღე. შენც ხედავ, გავგლესდი

და ხვანა-თესვას დავადექ.

- გრიგალს გადარჩი და ცოლ-შვილიც გადარჩინე. ბედნიერი ხარ.

- რწმენა დავკარგე, ჩემო თეიმურ. გარდა ამისა, ძველადვე უთქვამთ ჭკვიანებს: საცა არა სჯობს, გაცლა სჯობს კარგისა მამაცისაგანო.

- ხოლო გიჟებს ასე უპასუხნიათ: სჯობს სიცოცხლესა ნამრახსა სიკვდილი სახელოვანიო.

- მერმე, თეიმურ, რომელს უთქვამს მართალი?

- ზოგჯერ თქმა სჯობს არა თქმასა, ზოგჯერ თქმითაც დაშავდების.

კვლავ იყუჩეს.

- ბატონო თეიმურაზ, არც ეხლა გწამს ღმერთი?

თეიმურაზი დიდხანს სდუმდა და ბნელ ცას გასცქეროდა. მერმე მწარე ოხვრით უპასუხა:

- არა, არც ეხლა მწამს. ბუნება სმენადახშულია, ხოლო ზეცა შორია და უჩინო დამრჩა მხოლოდ ჩემივე თავის გამასხარავება და უძირო მოთმინება.

- მაშე ეგ სახარებაც არაფერს აძლევს შენს სულს?

- აკი გითხარი, ქართველები სემიტები ვართ მეთქი. ქრისტიანობა ისე არ გვიდგება, როგორც ქალს წვერ-ულვაში. მაგრამ ჩვენც რომ სემიტების რწმენის ძალა გვქონდეს, უკვდავნი ვიქნებოდით. არც ერთ ერს არა სწამს ასეთი სიმძლავრით თვისი ღმერთი, როგორც სემიტ ებრაელს სწამს თვისი იეგოვა და სემიტ არაბს დ თვისი ალლაჰი. ნეტა წარმართები მაინც ვყოფილიყავით. წარმართებს კერპები ჰყავდათ. ისინი ლოცულობდნენ ზევებს, იუპატერს, ცეცხლს, ელვას და ათასს ცხადსა და უჩინარ ღმერთს. წარმართებს, ჩემო ივანე, ვილაც ან რაღაც სწამდათ, ჩვენ კი ურწმუნონი ვართ ქ.. ქართველ ხალხს აღარც ქრისტე სწამს, არც მაჰმადი, არც იეგოვა, არც ბუდდა, არც ზევესი, არც საერთოდ რომელიმე ღმერთი ან ეშმაკი.

- ეგეც კარგი ნუგეშია. თუ ეშმაკიც აღარა გვწამს.

- სცდები, ძალიან სცდები, ჩემო ივანო, ჩვენი უუდიესი უბედურებაც სწორედ ის არის, რომ ეშმაკიც აღარა გვწამს. ვისაც ეშმაკი სწამს, იმას რაღაც ან ვ...ვეილაც სწამს, ესე იგი - მას ჰქონია რწმენის წყურვილი და უნარი, ესე იგი დ მას ჰქონია ადამიანის სული, ესე იგი დ თვითონა უკვე ადა-მი-ა-ნი ყოფილა, ვინაიდგან მხოლოდ სულით და რწმენით განირჩევა ადამიანი პირუტყვისაგან. ჩვენ კი ეშმაკიც აღარა გვწამს, მაშასადამე, აღარც სული გვქონია. და აღარც ა-და-მი-ა-ნი ვყოფილვართ. ამიტომ გეუბნები, ჩემო ივანე, ვილუპებით მეთქი, ვ..ვი-ლუ-პე-ბით!

- ჩემო თეიმურ, ვინ გიშლის რწმენას? რატომ არ ირწმუნებ რომელიმე ღმერთს ან ეშმაკს?

- იმიტომ, ჩემო ივანე, რომ - რა მაქვს შენთან დასამალი! - ვეძებ და ვერ ვპოულობ

- ითხოვდით, და მოგეცეს თქვენ; ეძიებდით, და ჰპოოთ; ირეკდიო, და განგელოს თქვენ.

-- არც მომეცა, ვერც ვპოვე და არც განმელო. მ...მეც მაგას ვსტირი, ჩემო ურწმუნო მოძღვარო. დიდი ხანია. რაც რწმენის სულს მოვუწოდებ, მაგრამ უფალმან ჩვენმან არ ღირს მყო მოსვლად ჩემდა.

- თეიმურ, შენ თვითონ უნდა ამაღლდე უფლისადმე.

- ვერ ავიწიე მიწიდან, ჩემო ივანე. წიგნმა მომტაცა რწმენის სული და მეცნიერებამ დამწყვიტა უფლისადმდე ასაფრენი ფრთები. ცოდნასა და იჭვის ჭიამ ისე დამიღრღნა გონება და გამომფიტა სული, რომ ნივთიერ ქვეყანას ერთი გოჯითაც ვერ მოვსწყდი.

- ცოდნას და რწმენას ერთმანერთს ნუ შეახვედრებ, ნუ დაუპირდაპირებ, თორემ ერთმანერთს დაანგრევენ და დასწვავენ.

- მეც მაგ ქირის ქვაბში ვიხარებები, ჩემო ივანე. ცოდნა და რწმენა ვერ მოვარიგე, ერთად ვერ შევად...დულე და ვერც ვრთმანერთს დავაშორე. რწმენისა და ურწმუნოების ორღობეში გავიჩხირე და ვერც რწმენის სათავესთან გავედი, ვეღარც უკან დავბრუნდი.

- მაინც, საით უფრო მიგიწევს გონება?

- ურწმუნოებისკენ.

- გული?

- ღმერთისკენ.

- ბოლოს-და-ბოლოს, საით მიდიხარ? არსებობს თუ არა ღმერთი?

თეიმურაზმა დიდხანს იტორტმანა. მერმე უცებ წამოიძახა:

- ღმერთი რომ იყოს სადმე, განა ამ დღეში ჩავცვივ...ვვდე-ბოლით?

- შენც უმეცარ გლეხივით აზროვნებ: ღმერთი რომ იყოს სადმე განა ყანას დამისეტყვავდაო? ღმერთი რომ არც არსებობდეს, იგი ჩვენვე უნდა მოვიგონოთო, ასე უთქვამთ.

- ვიცი, მაგრამ ჩემს გულში ღმერთის მაგივრად ჯერ-ჯერობით გველებმა და ბაყაყებმა დაიბუდეს.

- მაშ არც სამოთხე გწამს და არც ჯოჯობხეთი?

- ჯ...ჯოჯობხეთი?! ჰმ! კიდევ ჯ...ჯოჯობხეთი, ამ ქვეყნის შემდეგ? თუ ჯოჯობხეთი მართლა არსებობს, მაშ შენი ღმერთი უუსასტიკესი არსება ყოფილა.

- არც საიქიო გწამს და არც ამ ქვეყანას ურიგდები? მაშ რა გაქვს გულში?

- რა მაქვს? აკი გითხარი: ბაყაყი, გველი, მორიელი, მაჯლაჯუნა, შავი ქვა და ნ...ნნაცარი ცხელი, აი, ესა მაქვს.

- მერმე, როგორ უძლებ, თეიმურ?

- მალე გ...გგავათავებ.

- თუ აღარაფერს ელი...

- აღარაფერს... მე ჩ...ჩჩემი შევასრულე, მ...მმეყოფა ეხლა სხვებმა ჰზიდონ ამ ქვეყნის ტვირთი.

სულთ-მობრძავის სასოწარკვეთილი უიმედობა მოისმა თეიმურაზის ხმაში.

- მალე გ...გგავათავებ ამ მასხრობას, ზოგნი რომ სიცოცხლეს ეძახიან. მე აღარაფერს არ ველი. წარსულმა მომატყუა, აწმყო მაწამებს, მყობადი მაშინებს.

- თქვენი თაობა უკვე მკვდარია, თეიმურ.

- დღეს ცოცხლები მკვდრები ვართ, მ...მმაგრამ მკვდრები უკვდავნი არიან და ცოცხლებზე ბატონობენ.

- თუ აგრეა, ისევ სჯობია, რომ გარემოებას შეურიგდე და დამშვიდდე.

- არრა-სო-დეს! გესმის? არრასოდეს-მეთქი!

ისევ დიდხანს იყუჩეს და ერთი ხელადა კიდევ დალიეს.

- ახლა შენ მითხარი, ივანე, შენ მარტო ანაფორა გაიხადე, თუ რწმენაც იმ ანაფორას გააყოლე?

ივანემ ღიმილით უპასუხა:

- რწმენა კი არ გავაყოლე ანაფორას, არამედ ანაფორა გავაყოლე რწმენას. თუმცა ისიც უნდა გითხრა, რომ მე შენსავით არ დავცალიერებულვარ. ღვთის რწმენა დავკარგე, სამაგიეროდ უფრო ძლიერი რწმენა შევიძინე.

- რომელი?

- მრწამს ჩვენი მშრომელი ხალხის ძალა და მისი მომავალი.

თეიმურაზმა ღრმად ამოიოხრა:

- რა ბედ...დღნიერი ადამიანი ჰყოფილხარ, ივანე!

- გშურს, განა!

--- არასოდეს არაფერი არ შემშურებია აგრე ძლიერ, როგორც შენი და შენისთანების რწმენა შემშურდა. ბედნიერი ხართ, ბედნიერი! მე კი, მე ჭიებმა შემჭამეს, დამაცარიელეს, დამღრღნეს.

- გამოტყდი, თეიმურაზ, დამარცხებული ხარ.

- მ...მმე? - თითქო გაცოცხლდა ხევისთავი და დუმილის შემდეგ გაბზარული ქვაბის ხმით განაცხადა: - დამარცხებული ის არის, ვინც თვითონვე აღიარა თვისი დამმარცხება. მე კი... მე... მე...

- მაინც არა სტყდები?! აკი გეუბნები, ახია მეთქი შენზე, ახი, ახი!

ნასროლი ისარი სწორედ იმ ალაგას მოჭხვდა, რომელიც იმ წუთს თეიმურაზს სტკიოდა და უკვნესოდა.

უცებ მუშტი წაიშინა და აღმუვდა:

- ოლ...ლლონდაც, ახია! ოლ...ლლონდაც! აგრე გვინდა ყველას, აგრე! მაგრამ შენ შენი თავი ნუ გაინაპირე, ივანე! შენც ჩვენი ს...

სსისხლი და ხორცის კაცი ხარ. შენც საერთო საფლავში გიდგია ფეხი, ამიტომ "თქვენის" მაგიერ უნდა სთქვა. "ახია ჩვენზე, ახი!" ტყუილად სცდილობ საერთო ს...სსაფლავიდან ამოხტომას, ტყუილად! რაც აქამდე დაგვემაროა, ეს კ... კვიდეც არაფერია, მ...მმეტის ღირსნი ვართ, მეტისა!

- ეგეც გეყოფათ. - დინჯად მოუჭრა ივანემ. - მართალი რომ ვთქვათ, თქვენ ადრევე იყავით გასაქრობი. ახლა სალაპარაკოდაც აღარ ჰღირხართ. მკვდარს მხოლოდ შესანდობარზე გაიხსენებენ. დავლიოთ. ღმერთი იყოს თქვენი გამკითხველი.

თეიმურაზმა ჩაიცინა:

- ისევ თქვენობით ლაპარაკობ! მაშ შენ რომელ ბანაკში სთვლი შენს თავს? ვინა ხარ, მიმავალი თუ მომავალი?

- მე არც მიმავალი ვარ და არც მომავალი! მე დიდი ხანია მოვედი და ჩემი ალაგი მოვნახე.

- მაშ მეორე ბანაკში ჰყოფილხარ.

- მე ჩემი ხალხის ბანაკში ვარ და ყოველთვის ამ ბანაკში დავრჩები.

- ღმერთმა ხელი მოგიმართოს. აკი გითხარი, შენი რწმენა და სულიერი მშვიდობა მშურს მეთქი.

- თქვენი მოდგმა დიდი ხანია მოკვდა, თეიმურ, გვიან გასაფლავებენ.

- იმიტომ ავყროლდით, ივანე, რომ გვიან გვმარხავენ.

- ბედის წინაშე მორჩილება დიდი ძალა ყოფილა, თეიმურაზ. მორჩილებას ათასი ხალხი გადაურჩენია. ბედთან ჭიდილი და ურჩობა სახიფათოა. ვინც მას შეეგუა, გადარჩა, ვინც არა - დაიღუპა. ვეფხი და კატა ერთის ჯიშისანი არიან, აგრეთვე ძაღლი და მგელიც. ვეფხი და მგელი თითქმის ამოწყდნენ. ძაღლისა და კატის ჯიშში კი გამრავლდა და გაძლიერდა.

- ბედის წინაშე მორჩილება და უძლურება ერთმანერთში ნუ აურიე. მორჩილება ზოგჯერ დასვენება და ძ...ძალების დაგროვება გახლავთ. ზოგჯერ კი სულიერ გამოფიტვის და დაქანცულობის ნიშანია, გარდა ამისა, ძაღლისა და კ...კატის ბედს იქნება გადაშენებული ვეფხი სჯობდეს. რაც უნდა იყოს, მკვდარს ვეფხს მაინც კ...კვატივით მოიხსენებენ, - ცოცხალ ძაღლს კი ორლობეში ამო-

უვა სული.

- მკვდარ ლომს ცოცხალი ძაღლი სჯობია მეთქი.

ისევ დიდხანს იყურეს. თეიმურაზი წყვილიად გასცქეროდა. მერმე წაიბუტბუტა:

- ჰმ! ს...სსაოცარია! ს...სსაკვირველია! ჩვენი დასაფლავება

ჩ ...ჩჩვენივე თვალწინ ხდება. ანდერძს გვიგებენ და ჩვენვე ვესწრებით ჩვენს ქ...ქქელებს.

. უცებ ხმა აიმაღლა:

- მაგრამ მე, თეიმურაზ ხევსთავი, ჯერ-ჯერობით სიკვდილს არ ვაპირებ! გესმის? მე არ მინდა მეთქი სიკვდილი!

--- მესმის, ნუ ჰყვირი. მაგრამ თქვენ რომ არავინ გეკითხება?-
დინჯად მოაგონა ივანემ.

თეიმურაზი თითქო გამოფხიზლდა, თითქოს უძლეველ ბედს დაემორჩილა:

- ჰო, მ...მმართლა. ჩვენ არ გ...გგვეკითხებიან.

--- გეუბნები, ახია მეთქი თქვენზე!

| თეიმურაზი ფეხზე წამოიჭრა და აფეთქდა:

. - ივანე, ერთი რამ დაიხსომე სამუდამოდ: მე მომღუნეს, შეიძლება მომტეხონ, მაგრამ ვერ...რრასოდეს ვერ დამიმორჩილებენ, ვე-რრრა-სოდეს: გესმის? ვერ-რრა-სოდეს მეთქი! როცა იქნე - ბა,მე ჩემს ნამდვილ სათქმელს ვიტყვი. ის დრო მოვა, მოვა მეთქი! ისე მჯერა ამ დღის მოსვლა, როგორც ხვალ ღილით აზას ამოსვლა. ჯერჯერობით კი ახ...ხხია ჩვენზე, ახ...ხხია! უძლური ყოველთვის ბ...ბბრალიანია! ხა-ხა! გაგიგონია, რომ გონიერი ადამიანი თვითონვე ითხრიდეს სამარეს? არ გაგიგია, განა! მაშ ეხლა გაიგონე: მე ვარ მაგისტანა გიჟი, მე! ჩვენ თვითონვე გავითხარეთ სა--ლავა. ახია მეთქი ჩვენზე, ახი! გვმარხავენ? აგრე გვინდა, აგრე!-და აბოდებული ნაკაცარი ფეხით მიწას სტკეპნიდა, თითქო თავისავე საფლავს მიწას აყრიდა, თან იმედ-დაკარგულ მორიელივით თავის თავს ჰკბენდა და, გაკაპასებული, კვლავ გაჰკიოდა:

- აგრე გვინდა!. აგრე!... აგრე!..

ივანემ ძალით დასვა თეიმურაზი.

- რა დაგემართა, შე კაი კაცო! დაჯექი, დამშვიდდი, თითო კიდე; დავლიოთ. აიღე თასი. ნუ ჰყვირი.

თეიმურაზი უცებ გამოფხიზლდა. გაოცებული შესცქეროდა ივანეს, თან ისე სცახცახებდა, თითქოს უძლიერესი ციება აუვარდაო. ნახევარი ჭიქა მუხლებზე გადმოეღვარა.

- რა სთქვი? მე ვ...ვეყვიროდი?.. როდის?.. ეხლა? არ მახსოვს.. რაო? დავლიო? კეთილი. მაშ ღმერთმა ადღეგრძელოს ჩ... ჩჩემსავით დამარცხებული გიჟი, რომელმაც თვითონ გ...გგავითხარა საფლავი, ადღეგრძელოს და...

- ადღეგრძელოს კი არა, განუსვენოს, განუსვენოს.
თეიმურაზს თითქო ჩაქუჩი ჩაჰკრეს თავში:

- ჰო, მ...მმართლა...გ...გგანუსვენოს! გ..გგანუსვენოს!.. სუ-
ლიერი მშვიდობა მისცეს მიმავლებს, რადგან... იმიტომ რომ .. -.-
ჩვენ! ვაი ჩვენი ბრალი!

უცებ ჭიქას ხელი გაუშვა და აქვითინდა. ივანე წამოხტა და
დუქანში შევიდა. ისევ გამოვიდა და წყალი გამოიტანა.

- აჰა, დალიე. პირიც მოისველე. რა დაგემართა, შე კაი კაცო?:
სირცხვილია. ვაჟკაცი ხარ.

თეიმურაზი მიყუჩდა. თვალეები მოიწმინდა, გასწორდა და გა-
მაგრდა.

- არა მიშავს-რა. დ...დდაივიწყე. წუთიერმა სისუსტემ დამ-
ძლია. დაჯე, დავლიოთ. მთვრალი ნუ გ...გგონივარ.

- ბრძენი მეგონე. თურმე შენც გცოდნია თავის მოგიჟიანება

- ნუ გ.. გგიკვირს. არავინ არ იცის, რა სჭარბობს ცხოვრე-
ბაში, სიბრძნე თუ სიგიჟე. მათი საზღვარი ჯერ ვერავის ვერ მოუ-
ძებნია. დ...დდამისხი, მომწყურდა.

კვლავ დიდხანს სდუმდნენ, ნელ-ნელა სვამდნენ და წყვიდადს
გასცქეროდნენ.

შორიდან ლიახვის შხუილი მოისმოდა. ჭოტი თავისას ჰკიოდა
ზევით, სოფელში ძაღლებს წკაფწკავი გაჰქონდათ.

ივანემ ბაასის ძაფი გამოსცვალა:

- ჯაყოსთანა ბატონი ამ სოფელს არა ჰყოლია, ვერც ახლო-
მახლო მოიძებნება. ერთი თვით ერთი კოდი ხორბალი ვთხოვე.
ერთი ორად დამისვა. სხვებსაც ასე უშვრება. აქაური ხალხი თან-
და-თან ხელში ჩაიგდო, ყველა ჯაყოს მოვალეა.

- ეტ... ტტყობა, დიდი შეძლება უნდა ჰქონდეს.

- ნახევარ სოფელს იყიდის. შენი ნივთეულობა ვითომ ყაჩა-
ღებმა და ქურდებმა წაიღეს.

- ვიცი, ეხლა აღარ მერიდება. თითქმის ყველაფერი გამოა-
ჩინა.

- შემოდგომაზე რამდენიმე ვაგონს გაავსებს ხორბლით,
მატყლით, ყველით და ერბოთი. ყველგან დიდი ძალა აქვს. ძალიან
მოხერხებული კაცია. სოფელს ტყავს აძრობს, მაგრამ ამავე დროს
ძალიან ესარჩლება, რადგან თვითონაც ხშირად სჭირდება ჩვენი
სოფელი.

- ამას წინათ ც...ცცოლი გააგდო.

- ერთი კი არა, ორი ცოლი გააგდო. ორივე სხვებს მოსტაცა.
ეხლა მეოთხეს ეძებს. ამბობენ, იშოვნა კიდეცაო.

- არ გ...გგამიგია. ვინ არის, ვის გადაეკიდა?

ივანემ კარგა ხანს პასუხი არ მისცა.

- არ ვიცი იკითხე აქეთ-იქით. იქნება გითხრან. ეს ღმერთმა ადღეგრძელოს... ესეც გახსოვდეს. მტერი მოყვრულად მოსული. მტერზედაც უარესიაო.

თეიმურაზი ივანეს ყურს უგდებს იმის ნაუბარს გაჰყვა, ჩაფიქრდა და გულში ჩაიხედა. იგი ისევ გველის წიწილებით გავსილიყო. ის წიწილები შავი გორგალივით დახლართულიყვნენ. ნელ-ნელა დაფუსფუსებდნენ. იკლავებოდნენ. თეიმურაზს შიგნეულობას ჰკბენდნენ და შხამით უვსებდნენ

- მეტის მეტად წუწკი და აბეზარი კაცია - თითქო თავისთვის განაგრძობდა ივანე - სოფელი აიკლო და წამურტლა. ვინ იცის, რამდენი ოჯახი წაჰბილწა! ზოგი იყიდა. ზოგიც ძალით ჩაიგდო ხელში მუდმივ იარაღზე და კომბალზე უჭირავს თვალი ზოგნი მოსაკლავადაც დასდევდნენ. მაგრამ დრო და ალაგი ვერ მოიმარჯვეს. ახლა ცარცვა-გლეჯის ხერხი შეიცვალა. ასეთი მევახშე ერ არ მინახავს. ვითომ ქვეყანას იმადლიერებს, ყველას ელაქუცება და ჰპატიჟობს, ნამდვილად კი..

რას ჩააცივდა ჯაყოს ნახუცარი ივანე?! ვინ ეკითხება, რომ ჯაყოს თავგადასავალს მოჰყოლია?! ნეტა ჯაყოს გარდა სხვა სალაპარაკო ველარ მოიგონა?!

- აქამდე თავისი ტოლები ჰყავდა ცოლად. სანამ მესამეს მოიყვანდა. ჩვენს თამარას დაადგა თვალი. მაგრამ დროზე მოვაშორე. გორში გავგზავნე ჯაყო დადიოდა და ყველგან ჰყვიროდა: "ეხლა ჯაყო ხარ აზნავირი! ჯაყო კნიაზის ან ღვდლის ქალი გინდა, მაშ. მაშა!" ხიფათს ძლივს ავცდი ეხლაც გაეხსნა წინანდელი მადა. ეხლაც გაჰკვივის წარამარად : „ჯაყომ ისეთი თავადის ქალი იშოვნე, რომა! -

-- ვინ იშოვნა? - ძლივს ამოიხრიალა თეიმურაზმა

- არ ვიცი... იქნება სხვებმა იციან.. გამოიკითხე თეიმურაზმა ვერც კი გაიგო ივანეს წასვლა

VI

რომელი თავადის ქალი მოსძებნა ჯაყომ? რატომ აქამდის არაფერი არ იცის თეიმურაზმა? ეს ამბავი რომ მართალი ყოფილიყო.

ჯაყო დღეში ათჯერ მაინც გაახარებდა თეიმურაზს და ამდენჯერვე დაიჭიხვინებდა:

- ჯაყომ კნიაზის ქალი შეირთე მაშ. მაშა! აგრე ვიცის ჯაყომა!

23. მ. ჯავახიშვილი, ტ. II.

ან იქნება ივანემ მოიგონა ეს ამბავი? არა, ივანე ჭორიკანა არ არის ან რად მოიგონებდა ასეთ უშნო ხუმრობას? რა აზრით? ვისთვის? თუ ივანემ გაიგო ჯაყოს მვითხეჯერ დაოჯახება, - ისიც თავადის ქალის დანიშვნა, - უეჭველად იმ ქალის ვინაობასაც გაიგებდა. ორჯერო ჰკითხა თეიმურაზმა ივანეს, მაგრამ ივანემ ორჯერვე პასუხი მოირიდა და ორჯერვე ყოყმანით მიუგო: "არ ვიცი, სხვებს გამოჰაკითხე, იქნება გაიგო".

თეიმურაზმა ეს სიტყვები გაშალა და ასეთი პასუხი მიიღო: "ვიცი, მაგრამ ვერ ვეტყვი. სხვებს ჰკითხე და გაიგებო. ისიც იცოდე, მტერი სამოყვროდ მოსული, მტერზედაც უარესიაო".

რატომ ვერ უთხრა თეიმურაზს ივანემ ჯაყოს მეოთხე საცოლეს დ თავადის ქალის სახელი?

თეიმურაზის გულში კვლავ იჭვმა გაიჩუჩუნა. მერმე იმ ნაეჭვმა თანდათან ცეცხლის ფრთები გაშალა.

ცხადია, ცხადია! ეხლა კი მართლა ყველაფერი ცხადია! ივანემ ყველაფერი სთქვა. მხოლოდ მარგოს სახელი არ ახსენა. თეიმურაზი აქამდე ბრმა იყო. ეხლა კი თვალის ბინდი გაეფანტა და თვალწინ მზაკვრობისა და ორპირობის, ვერაგობისა და ღალატის საზარელი სურათი გაეშალა.

გულმა ტჰხა დაუწყო და სისხლი შურვილით აენტო.

- ცხადია, ცხადი!

ღმერთო დიდებულო! ღმერთო ძლიერო! ნუთუ?! ნუთუ მართალია?! ვინ, მარგომ?.. ვის ჯაყოს?.. დაიჯეროს თეიმურაზმა? ხა-ხა-ხა! სასაცილოა! ოღონდაც, სასაცილოა! საარაკო სისულელეა! ავი სულის ბოდვას! ადუღებულ ოცნების როშვას! ეშმაკის ბოროტი ოხუნჯობას: - მეტი არაფერია!..

- ჰო, მეტი არაფერია; რა თქმა უნდა. მეტი არ ფერია! მაგრამ..

თეიმურაზმა თვალწინ ორი თვის წარსული გადაიშალა და ცოლქმრული ურთიერთობა მოიგონა.

ორ თვეში მარგო ისე გაიშალა და დასრულდა, რომ ასეთი ლამაზი და სანდომიანი არასოდეს არ ყოფილა. მარგოს დიდრონსა და შავ თვალეებში ეხლა პირუტყვის დამცხრალი ვნება და მძუვნობიდან დაბრუნებულის მამდრობა უღვივის.

--ეხლა კი ცხადია, ყველაფერი ცხადია! ჰოი, შე უნამუსო! უნამუსო!

ეს კიდევ არაფერი.

რაც მარგო ამ სოფელში ამოვიდა, თეიმურაზისთვის ერთი ტკბილი სიტყვა აღარ უთქვამს და თვალის თვალში ვეღარ გაუ-

ყრია. თეიმურაზი რომ ელაპარაკება, მარგო თვალეებს აქეთ-იქით აცეცებს. წინათ კი ხმას არ ამოიღებდა, რომ ის ოვალეები თეიმუ-

რაზისთვის ისარივით არ გაეყარნა. აქამდე თეიმურაზის გონება ყრუ იყო და გულისყური დახშული, ეხლა კი გონებაც გაუნათლდა და გულისყურიც გაეშალა. მაშ რად არიდებს მარგო თვალს თეიმურაზს?

- ცხადია, ცხადია! სინდისი ჰქენჯნის მარგოს. სინდისი! სცხვენია. სცხვენია!

ესეც არაფერი.

თეიმურაზი მარგოს ზოჯერ მოუაღერებს. მარგო კი პირსახეს გაიმრუდებს. განზე გაიწევს და თეიმურაზს ოდნავ აპრიალებულ ვნებას ჩაუქრობს:

- კარგი, გეყოფა... თავი დამანებე.

ხოლო ღამ-ღამობით საბანში გაეხვევა და თავს მოიმძინარებს, ან ნერვიულად წაიჭურჭულებს“

--თავი დამანებე! ავადა ვარ... რა დროს ეგ არის! მეძინება... არ შემძლია?

თუ თეიმურაზმა ნაჭარბევი ჟინი გამოიჩინა და მაშინვე არ დაწყნარდა, მარგოც ხმას აიმაღლებს:

-კარგი, გეყოფა! თავი დამანებე მეთქი!

თეიმურაზს ხმაურობისა ეშინიან, ამიტომ უმაღვე ბუზღუნით თავის ლოგინს უბრუნდ\დება.

წინათ თეიმურაზი ამას ყურადღებას არ აქცევდა. ეხლა კი. . ეხლა მისი გულთამხილავი თვალი ყველაფერს ხედავს.

- ეხლა ყველაფერი ცხადია, ცხადი!

თეიმურაზმა მოგონების ბასრი და სისხლიანი მახვილი უფრო ღრმად ჩაირჭო გულში და უღმობლად დაიტრიალა.

კიდევ მოიგონა:

- დედაკაცი ბალი ხარ. - ურცხვად იღრიჭება ხოლმე ჯაყო----
თუ არ მოირწყო, გახმები.

ამაზე მეტი ურცხვობა გაგონილა! კიდევ საჭიროა სხვა საბუთებიც?!

- ცხადია, ცხადი!

თეიმურაზმა ღამით რამდენჯერმე გაიღვიძა. მარგო ოთახში არ დაუხვდა. საიდგანლაც დაგვიანებით შემოვიდოდა და იტყოდა:

- არა გძინავს, თეიმურ? ვერც მე დავიძინე .. თავი მტკიოდა, როტა გავიარე.

ან კიდევ:

-- ძალიან ცხელა... ოდნავ გავგრილდი.

სად იყო იმ დროს მარგო?

მართლა ნიავეზე გავიდა, აივანზე გაგრილდა, თუ?..

ოოჰ, იცის ეხლა თეიმურაზმა. სადაც იყო მარგო, იცის! იცის!

- ოოჰ, მოღალატე! ჰოი, ჭუჭყიანო დედაკაცო! ჰოი, მრუშო.

ბილწო დედაკაცო!

კიდევ ბევრი რამ მოაგონდა თეიმურაზს.

გაახსენდა მარგოს ამოსვლის დღეც: კაბა - შემოხეული, მხარი-ნაკბენი, მკლავი-ნაღრმოები! სად იყვნენ იმ ღამეს ჯაყო და მარგო? იქ?ება ყველაფერი იმ ღამეს დაიწყო?

- ალბათ, ალბათ? რა თქმა უნდა, იმ დღიდან დაიწყო, რა თქმა უნდა, იმ დღიდან!

რა სთქვა მაშინ ჯაყომ?

"ლევანაშენში იყავი, თომასთან გეძინაო".

ვითომ? მართლა? დაიჯეროს ხევისთავმა? კეთილი და პატიოსანი. ამასაც გაიგებს თეიმურაზი.

ჯაყომ მარგო დედოფალივით მორთო. დიდი ფული დახარჯა... ხა-ხა! თეიმურაზს ასესხა! ორივემ ხუთი დღე გაატარეს ქალაქში... მარგომ ჯაყოს სუფთა საცვალი და ტანისამოსი . აყიდვინა, სუფთად თავის შენახვასაც შეაჩვია... ხა-ხა! წერა-კითხვაც ასწავლა!.. მუდმივ თავთ დასტრიალებს, ერთგულ ცოლივით დასტრიალებს!

"ცოლივით?"

- დიად, ცოლივით ცოლივით მეთქი!

უკანასკნელ დროს, თეიმურაზი რომ შეჩვეულს გაიმეორებდა ხოლმე, მარგო მოუთმენლად მხრებს შეიშმუშვნიდა:

- კარგი, გაათავე! რაც იყო. - წავიდა და აღარ დაბრუნდება! დაგიზებირებია მოცვეთილი სიტყვები და თუთიყუშივით იმეორებ. ყბედობას ისევ ის სჯობია, რომ ხელი გაანძრიო და ლუკმა პური იშოვნო!

მაშინაც კი, როცა თეიმურაზს მართლა ლუკმა პურიც არა ჰქონდა, მარგოსგან ასეთი დაშხამული სიტყვები არ. გაუგონია. ეხლა რაღა მოხდა? რად შეიძულა და შეიზიზღა მარგომ ასე მძაფრად თვისი ქმარი? სად არის ამის მიზეზი?

ესმის თეიმურაზს, ყველაფერი ესმის!

როცა სიტყვა მოიტანდა, და თეიმურაზი ერთმანერთს დაუპირდაპირებდა ცოდნას და ძალას, განათლებულის ჩამოქვეითებას და გაუნათლებლის დაწინაურებას, მწიგნობართა უძლურებას და უმეცრების წარმატებას, მაძღართა დამშევას და მშიერთა გაძღომას, როცა თეიმურაზი შეადარებდა ხოლმე ტყიდან გამოვარ-

დნილ ჯაყოს და თავის თავს. მარგო აიშლებოდა და თეიმურაზს პირში მიჰვარდებოდა.

- გეყოფა, გაათავე! ვნახე და გავიგე შენი წიგნების ძალაც და ნამდვილი ცხოვრებაც. ბუხარს შეუკეთე შენი წიგნებიც და ნაწერებიც!

ან კიდევ:

-რა ჭირად მინდა შენი ფულურო სიტყვები და ჭიანჭამი

ცოდნა? მჩატესა და უძვალო ჭიაყელას ბუზიც კი იბრიყვებს. ჯაყომ არაფერი არ იცის, მაგრამ ყველაფერი შეუძლია. შენ ყველაფერი იცი, მაგრამ სანაგვეზე გადასაგდები ჩვარი ხარ, რა კაცი . ხარ. ქათამიც ვერ დაგიკლავს!

. თუ ჯაყო იქ იყო. ისიც მაშინვე წამოხტებოდა, ხელ-ფეხს აიშლიდა და აჭიხვინდებოდა.

- კნეინა მართალი ბრძანებ, მართალი! ბრინკა ხარ, ბრინკა! მალე მართლა გადაგადებდე სანაგვეზე. კაცსა სისხლისა გემინოდე და ქათამიც ვერ დაგკლავდე?! ფუჰ, შენი ვაჟკაცობა! ჯაყო არ ვიცის წიგნი. მაგრამ ჯაყოს ყველანი აი ასე გყავდეს ხელში, აი ასე!

და ხუთგირვანქიან მჯილს ჰაერში მოსრესდა და, - სიტყვა რომ შემოაკლდებოდა, - წამოიძახებდა:

- მაშ, მაშა! აგრე ვიცის ჯაყომა!

მარგო თითქოს ოხუნჯობდა მაგრამ მისი ღიმილი გულის ბრაზს ვერ ჰფარავდა.

- ეხლა კი ცხადია ყოველივე, ცხადი!

მარგოს თვალში ჯაყო წასაბამ არსებად, ძალ-ღონის მაგალითად, ახალ ცხოვრების გმირად და დაუფლებულ ბატონად გადაიქცა. და ამ ბატონს უნდა დაეთმოს გზა და მოედანი, უნდა მიეცეს ფართე ასპარეზი მოქმედებისა და სრული უფლება ნავარდობისა, ვინაიდან მხოლოდ ჯაყო იყო ახლად შობილი ახალი ჯურის ადამიანი, მხოლოდ მას ჰქონდა დროს შესაფერი კუნთები, ბასრი კლანჭები და ფოლადის კბილები. ჯაყოები ამ კლანჭებით და კბილებით უძლურ ჭიაყელებს დაიპყრობენ. აღვირაწყვეტილ მხეცს დაიმორჩილებენ, მოშლილ უფლებას დაისაკუთრებენ. დაფანტულ ქონებას ხელახლად დააგროვებენ, ზარმაცებს აამუშავებენ, მოდუნებულ მარღვებს გააცოცხლებენ, ახალ წესრიგს შეჰქმნიან და ახალ თანასწორობას, სამუდამო მშვიდობას და კეთილ ცხოვრებას დაამყარებენ, თანაც ყველას გემრიელ ლუკმას გაუჩენენ, ყველას, -- ხევისთავსაც კი, რომელმაც ყველაფერი იცის, მაგრამ არაფერი არ ძალუძს!

აი, აკი გაუჩინეს კიდევაც თეიმურაზს დღიური ლუკმა! ტყუილად კი არ შესცქეროდა გაოცებულ მონასავით მარგო ანთებულ ჯაყოს, რომელიც ზოგჯერ გალიაში დამწყვდეულ მხეცივით დარბოდა და დორბლებს ჰყრიდა:

- ნეტა ჯაყოს გქონდეს ერთი წლით ნაჩალნიკობაი! ჯაყომ ვიცის მაშინა, როგორ გინდა კანონის გაკეთება! ისე მოგიგრიხო ნინიკასა. თომასა და ილასა კისერი, როგორც კარგი წნელი, მაშ მაშა! შენ კი. ბრინკავ, შენც კარგი ლუკმა პური გიშოვნებოდე მაშინა. შენ ჩემი ბრძანება დაგწერდეს მაშინა. გინდა ჩემი პისარი გაგხადო?

ხა-ხა-ხა! თეიმურაზმა აკი იპოვა ბოლოს შესაფერი საქმე და ლუკმა პურიც... ჯაყოს დუქანში! დახლიდრად! ჯაყოს დახლიდრად! როდის, როგორ და რად მოხდა ასეთი ამბავი?

ღმერთოდიდებულო! ძლიერო ღმერთო! ეს რა რისხვა დაატეხე თეიმურაზს? რა შეგცოდა კრავივით უმანკომ და მტრედივით უცოდველმა თეიმურაზმა ისეთი რამ შეუნდობარი, რომ იმის კნაჭა კისერზე ასეთი დიდი წისქვილის ქვა დაატრიალე?! როგორ გაუძლო თეიმურაზის მილეულმა გულმა ამოდენა დარდს და ვარამს?! როგორ უნდა ჰზიდოს იმისმა უძვალო და მოჭრეკილმა ხერხემალმა ესოდენი მოურევნელი ტვირთი?! როგორ უნდა განვლონ იმისმა გაძვალეზულმა ფეხებმა დაუღვევლი, თეიმურაზისთვის გაუგებარი, მიხვეულ-მოხვეული და ბნელი გვირაბი დღევანდელ ცხოვრებისა. დისიც მარტომ, ერთად-ერთმა, ეულმა და დაობლებულმა, ვინაიდან მისი ერთად-ერთი მეგობარი, სულიერი ძმა და ერთგული მეუღლე მარგო ეხლა... ამ საშინელ გაჭირვების ჟამს დოდეს თეიმურაზს ფეხქვეშ დედამიწა გაუსკდა და თავზე ცა ჩამოენგრა. დ ეხლა მარგო იქ არის... ჯაყოსთან... ცალკე ოთახში...

უცებ თეიმურაზის ტვინი ცხელის შანთით დასდალა ორმა მოგონებამ:

თეიმურაზმა ადრეც და ორი საათის წინათაც საკუთარი თვალით დაინახა მარგოს ფანჯრიდან გადმოყუდებული ჯაყო. რას აკეთებდა ჯაყო მარგოს ოთახში? ჰო, ჰო! მარგოს ოთახში იყო იმ წუთს ჯაყო, თორემ რატომ აივანზე არ გადმოდგა? ან როგორ მოასწრო ერთ წუთში თავის ოთახიდან მარგოს ოთახში გამოსვლა? ან რად გაჰბედა მარგოს ოთახში შესვლა და მძინარე დედაკაცის გაღვიძება? მაშ ორივენი ისე ურცხვად მაკინტლობენ და ჰყვარობენ ერთმანეთს, რომ ცოცხალ ქმარსაც კი აღარ ერიდებიან!

- ჰოი, უნამუსო დიაცო! ჰოი. ბილწო. სალახანავ! აღარც მორიდება, აღარც სინიღისი. აღარც სირცხვილი?!

ცხადად და ნათლად ხედავს თეიმურაზი: თმაგაშლილი და შიმველი მარგო ჯაყოს ბანჯგვლიან და ადლიან მკერდზეა მისვენებული. დათვის მორგვიან მკლავებში ვნებით და განცხრომით იწურება. ნადუმარი იჭვი ლანდად გადაეცა ხევისთავს და ლანდი თვალწინ მკაფიოდ გაეშალა.

თეიმურაზმა გულის კბენას ვულარ გაუძლო და იმ სურათისკენ ცეცხლ-ნაკრავივით გაიწია. გაიწია და ბავშვივით ამოიკვნესა:

- ოოჰ, დედილო!

როდის, ან რად ჩაქრა სანთელი დუქანში?

დახლზე რაღაც შავი წამომჯდარა და ორს მწვანე სანთელს თეიმურაზს შამფურივით თვალეზში უყრის. თეიმურაზმა მოშლილი მკლავები უნებურად აიქნია, უცნაური ხმით შეჰკვივლა და დაჭრილ პირუტყვივით შეჰბღავლა:

- ვაიმე!.. ჰეი, დაიკარგე აქედან!

დახლიდანშავმა კატამ ისკუპა და წყვილიადში შთაინთქა.

ეს რა დაემართა თეიმურაზს?! დათვრა თუ გაგიჟდა!? ისე ცხადად დაინახა ტიტველი და თმა-გაშლილი მარგო, რომელიც ჯაყოს მკლავებში იკლავებოდა,

თითქო თეიმურაზი ორივეს თავთ წაადგაო, თითქო საკუთარის თვალით დაჰყურებდა მათს ხვევნას და მოძრაობას, თითქო მათი სუნთქვა და ქოშინიც კი ესმოდა.

მაშ გაგიჟდა თეიმურაზი, თუ დათვრა? თვითონვე ესმის, ხედავს და გრძნობს, რომ ხელებს დაწყვეტილ ფრთებივით იქნევს და ხმამალა ჰბოდავს, ჰსურს ხმაც ჩაიკმოდოს და ხელებიც დაიმშვიდოს, მაგრამ აღარც ენა ემორჩილება და ვერც ხელები შეუმაგრებია.

ბოლოს, ოდნავ გონს მოვიდა.

ოფლში გაწურული თეიმურაზი ჩაბნელებულ დუქანში რეტიანივით იდგა, თვალეხს იფშვნიტავდა, შუბლს ისრესავდა, წნორის ფოთოლივით სთრთოდა და ჰკანკალებდა.

სიბნელეს და მარტოობას ვედარ გაუძლო და დუქნიდან ბარბაცით გამოჩანჩალდა.

ფეხებში პირუტყვი გაეხლართა.

შემინებული ძალლი წკმუტუნით შეერია სიბნელეს..

ელდანაკრავმა თეიმურაზმა ერთხელ კიდევ შეჰბლავლა პირუტყვივით და დუქნის დირეზე ჩაიკეცა, თან მთრთოლვარე ხელით შუბლიდან ცივს ოფლს იწმინდავდა და გაუგებარს რასმეს ჰლულლულეებდა.

დამე ხვეისთავის სულივით ჩაბნელებულა ყოველივე მყუდროებით არის გაჟღენთილი მხოლოდ ღიახვი შხუის და დუქნის უკან ხის თავზე ჭოტი გაჰკვივის.

თეიმურაზი ვერ უძლებს ჭოტის კვილს. ხელების ფათურით გზაზე რამდენიმე ქვა აჰკრიფა და კაკალს დაუშინა. ჭოტის ფრთების შრიალი ჰაერში დაიკარგა.

დიდხანს იჯდა დუქნის დირეზე მიბნედილი. მოშლილი, გაბრუებული და გულმკვნიესარი თეიმურაზი. ბოლოს. დაჭრილივით წამოიწია. მჩატე სხეული ძლივს აითრია, ლასლასით დუქნის უკანა ოთახში შეძურწდა და გახურებული ტანი გაუშლელ ლოგინზე დასდო.

რიჟრაჟზე ძლივს ჩაიძინა თეიმურაზმა. მაგრამ ძილშიც აგოდებულ გულზე ლოდივით ედო აყროლებული ლეში, თვისი ბედის ხვედრი, განუყრელი ძმა და მეგობარი. რომელიც თეიმურაზს ალბათ სამარემდე მიჰყვება. კუბოშიც ზედ დააწვება და იქაურ სიცოცხლესაც მოუშხამავს. გაუმწარებს და აუყროლებს.

ასე ჰფიქრობს ბურანში წასული თეიმურაზი, რომელმაც ძილის, ბურახისა და სიცხადის გარჩევის უნარიც დაჰკარგა.

ავზნიანმა სიზმრებმა ცივს ოფლში გასწურეს მაჯლაჯუნამ სულთქმა შეუკრა. ჯაყო და მარგო თვალიდან არ ჰშორდებიან: სტლინკაობენ, ლაღობენ, ხარხარებენ, კუნტრუმობენ ურცხვად აღერსობენ და მაიმუნებივით მაკინტლობენ.

ერთ უჯმაჯურ ლანდს მეორე მოსდევს, მეორეს - მესამე, და მეოთხეს - მეხუთე, ერთ-ერთმანეთზე უფრო ჭუჭყიანი, ბილწი და მურღალი.

დუქანი დაუკეტავი დარჩა

ოთახში უპატრონო ძაღლი და კატა შემოვიდნენ და მიმკვდარებულ თეიმურაზის თავზე ბღარბუნნი, ღრენა, კნავილი და ფრუტუნი ასტეხეს.

თეიმურაზს ერთ ხანს თითქო გამოეღვიძა. თითქო გონება დაუბრუნდა თვალეზია გახილვა მოინდომა, მაგრამ ვერ გაახილა: გადატრიალება უნდოთა. მაგრამ ვერ გადაბრუნდა: ხსოვნაში მარგოს სურათი გამოიწვია. მაგრამ ვერც ეს მოახერხა. თავისი ცოლის სახეც კი დაავიწყდა!

მიზნედილსა და მოთენთილს, იმდენი ხალისი და ძალაც აღარ შესწევდა, რომ ხელი გაენძრია, ან დაეყვირნა, ძაღლი და კატა გაეგდო და დუქანი დაეკეტნა.

VII

დილით თეიმურაზი ერთმა გლეხმა გააღვიძა.

ხევისთავმა თვისი დაბეგვილი, მიხრწნილი და დაოსებული ტანი ძლივს აიტანა. ჯაყოც მალე ჩამოვიდა.

- როგორა ხარ, ბრინკა? ყაჩაღები ხომ არ მოხვიდოდე წუხელი? ხომ არ შეგაშინე ჩემ ნათლიასა?

- ავ... ვვად ვარ, ჯაყო, - უპასუხა პირქუმმა თეიმურაზმა. - ექიმს უნდა გეჩვენო. გ...გგორში მივდივარ. .

ჯაყომ ეს ამბავი არც მოიწონა, არც დაიწუნა

ერთი საათის შემდეგ ზევიდან გიბა ჩამოვიდა და თეიმურაზის მაგივრად დახლში ჩადგა. იმავ დილით თავის ნასახლარში ასული თეიმურაზი მარგოს ეუბნებოდა:

- ახ.. ხხირებულ მდგომარეობაში ჩ...ჩჩავცვივდით, ცოლ-ქმარი ვართ. ერთ სოფელში ვცხოვრობთ და ვრთმანერთი ველარ გვინახავს. ს...სსტუმრობა მეტის-მეტად გაგვიგრძელდა. დროა წ...წწავიდეთ.

- სად? საით უნდა წავიდეთ? - ჰკითხა მარგომ ოდნავ შესამჩნევი ღიმილით.

- ს..სსადმე წავალთ. ჯერ არ ვიცი, დღეს გორში მივდივარ. ადგილს ვიშოვნო და...

მარგომ ცივად უპასუხა:

-- წადი, როცა იშოვნო, მერმე ვილაპარაკოთ

- უხ...ხხერხულია, მარტო ხარ ამ ოჯახში, მარგო...

მარგომ ნამალადევიად გაიღიმა:

- ეხლა მოგაგონდი? ან იქნება იჭვიანობ? ვისი გეშინიან? ჰა-ჰა-ჰა! ჯაყოსი გეშინიან მართლა?

-- არა, მარგოჯან, ჯაყო ღირსი არ არის. რომ იმისი მეშინოდეს. მაგრამ .

მარგო უნებურად აინთო:

-- ჯაყო შენი შიშის ღირსი არ არის? ვით:ამ რას უწუნებ?

- არ მ...მმესმის. განა ამას ლაპარაკი სჭირდება! არ მესმის მე-
თქი .. ეგ რა საკითხავია?

მარგო თავის უტაქტობას მიჰხვდა. უმაღლესად უგულვლოდ გაიცინა და თეიმურაზს მკლავი მოჰხვია.

- კარგი, გენაცვა, კარგი... ვხუმრობ. წადი, იქნება მართლა რად?ე ფეხი მოიკიდო.

თეიმურაზი უგულვლოდ გამოეთხოვა და წამოვიდა.

ჯაყომ აივნიდან გადმოსძახა:

- ბრინკა, ღმერთმა ხელი მოგიმართე! არხეინად იქნებოდე.

მარგოს დარდი ნუ გექნებოდეს. ისე მოგივლი ჯაყო ნათლიდედასა, რომ შენი მოწონებული.

* *

თეიმურაზმა საურმე გზას ოდნავ გვერდი აუქცია და ლევანა-
შენში შეუხვია.

შუადღე გადასული იყო, როცა თეიმურაზი ლევანაშენს მიად-
გა. ერთმა მოხუცმა თეიმურაზს ჯაყოს ნათესავის - თომას სახლი
მიასწავლა.

ბებერმა თომამ თეიმურაზი მოწიწებით მიიწვია. ფეხთ დაჰბა-
ნეს და ამბავი გამოჰკითხეს.

- ჯაყომ მ...მმოგიკითხა, თომა. კარგა ხანია თომასთან არ ვვ...
ვვყოფილვარო. - შორიდან მოუარა გულის იარას თეიმურაზმა

- მადლობელი, შენი წირი მე, მოკითხვისთვის. დიდი მად-
ლობელი ხარ. ჯაყო ერთი წელიწადი არ ყოფილხარ ლევანაშენში.

- ჯაყო ამბობს, დიდი ხანია თომა არ მინახავსო. - მახეს
აგებს თეიმურაზი.

- დიდი ხანია არც მე გინახავს ჯაყოი. ეხლა ჯაყო დიდი კაცი
ხარ. აღარ გკადრულობ ღარიბი ნათესავები. - შესჩივლა თომამ.

მერმე თეიმურაზს შეხედა. სიტყვა შესწყვიტა და წამოიწია:

- ჰენი წირი მე, ბატონო, რა დაგემართა? ავად ხომ არა
ხარ?.. დედაკაცო, წყალი!

თეიმურაზმა მიბლეთილი თვალები ძლივს გაახილა, შე შეკრული
კრიჭა ძლივს გაიხსნა და მილეული გული ძლივს მოიბრუნა. ზაფ-
რანის ფერი ილო. ვეღარ ინძრეოდა და ძლივს-და ლულულდებდა:

- მ...მმადლობელი... წყალმა მიშველა... მზემ დამსიცხა... ნუ
სწუხდები, ჩემო თომა, ეხლა კარგათ ვარ... მმ...მმადლობელი.

- მოისვენე, შენი წირი მე. თორემა უარესი მოგივა.

თეიმურაზი მუთაქაზე მიწვა. დიდხანს ეგდო გულადმა --
თვალდახუჭული და უძრავი. სადღაც ძარღვი ჩასწყდა გული
თითქოს აღარ უცემს. სისხლის დენა შეუჩერდა, კუნთები მოე-
შალა და თავი სკათ გადაექცა. იმ სკაში ფუტკარის ხროვა ფუს-
ფუსებს, ბზუის და თეიმურაზის ტვინს შხამიანი ისრებით ჰკბენს
და ის ტვინიც ისე გახევდა და მიიბურა, რომ ერთ აზრსაც ვეღარ
იკარებდა.

- აზრებიც ამ ფუტკარივით გამრავლდნენ, აირივნენ. ნაკუწ-
ნაკუწად დასწყდნენ და ერთ უთავბოლო კორიანტელივით დატ-
რიალდნენ.

თეიმურაზმა კრაზანების ბუდე ვერ დაიმორჩილა, ფიქრს თავი
და ბოლო ვერ. უპოვნა, აზრის მთლიანი ძაფი ვერ გააბა და
გონებას ბილიკი ვერ გაუკვლია. ხევსთავი მხოლოდ გრძნობს კრაზა-
ნების უთვალავ ნაკბენს, მას ესმის მათი შხამიანი, კაპასი და მწვა-
ვე ბზუილი: ესმის და ეშინიან გამწარებულ კრაზანების უარესად
გალიზიანების, დაფრთხობისა და აფორიაქების. გაშეშებული წევს
და გულისცემის შეწყვეტას ელოდება.

მერმე თვალებს ძლივს ახელს და თომას ჩურჩულით ეკითხება:

- მამ რამდენი ხ...ხანია, რაც ჯაყო აქ არ ყოფილა?

- ერთი წელიწადიც ვიქნები, შენი წირი მე.

- მამ ჯაყოს ორი თვის წინად ურმით არ შ...შემოუვლია შენ-
თან? .

- არა, შენი წირი მე; არ შემომივლია. მე სულ სახლში
იყავი.

- კარგა... ძალიან კარგი, ცოტა წყალი კიდევ მ...მომაწოდე...
ჩქარა!

კეთილი და პატიოსანი! თეიმურაზმა ეხლა ყველაფერი იცის.

ძალიან კარგი! გუშინ თეიმურაზი ეჭვიანობდა, დღეს კი ყველა..
ფერი ცხადია.

გუშინ მიმქრალ გულში ოდნავ კიდევ უღვიოდა იმედის ჭრაქი,
ეხლა კი ისიც ჩაჰქრა და ხევსთავის გულში მოწამლული წყვდიადი
ჩაწვა.

ოოჰ, ნეტა, ნეტამც ის სანთელი მაინც არ ჩამქრალიყო და თეი
მურაზის გული ასე უღვთოდ არ ჩაბნელებულიყო! მაგრამ რაც
მოხდა, მოხდა! ეხლა ეჭვის ნატამალიც გაჰქრა და უძირო ბნელეთ-
მა შავი და საზარელი პირი დაალო.

მამ ასე! მამ მარგომ თეიმურაზი ჯაყოზე გასცვალა! ხა-ხა-ხა!
ჯაყოზე!

-- ვისზე გასცვალა?

--- ჯაყოზე, ჯაყო ჯივაშვილზე!

მაშ დაიჯეროს თეიმურაზმა? -
თუ უნდა, ნუ დააჯერებს...
მაშ როგორ უთხრა მაშინ ჯაყომ თეიმურაზს?
-- ურემი გაფუწდებოდე... დამე ლევანაშენში გაგატარე, ჩვენ
თომასთანა.
ესეც ლევანაშენი... აი, თომაც აქა ზის...

მაშ დაიჯეროს თეიმურაზმა?
მაშ გასცვალეს თეიმურაზი?
- ვინ, მარგომ?... ვისზე, ჯაყოზე?!
- დიად, ჯაყოზე, ჯაყო ჯივაშვილზე! იმ ჯაყოზე, რომელიც
ეხლა ალბათ დოინჯემოყრილი სდგას და ჭიხვინებს:
- მაშ, მაშა! აგრე ვიცის ჯაყომა!
- ხა-ხა! - როგორ არ გაიცინოს თეიმურაზმა! - ხი-ხი-ხი!
თომამ თეიმურაზს შუბლზე ხელი დაადო და გამოაფხიზლა:
- რას ვიცინი, შენი წირი მე?
თეიმურაზი წამოჯდა:
- მე? მე ვ...ვვიცინი? რად ვ...ვიცინი?
- მეც. მაგას გეკითხები, შენი წირი მე, რათ ვიცინის მეთქი
ბატონი?

რად იცინის თეიმურაზი? როგორ არ გაიცინოს! განა სასაცილო
არ არის?! ჯაყომ თეიმურაზს ცოლი წაართვა! დიად, წაართვა!

მაშ ვინ წაართვა ცოლი თეიმურაზ ხევისთავს?

ტყიდან გამოვარდნილმა ნადირმა, უგუნურმა პირუტყვმა, გუ-
შინდელმა მოჯამაგირემ, რეგვენმა, ბრიყვმა, და ბნელმა ჯაყო ჯივა-
შვილმა! იმ ჯაყომ, რომელიც გუშინ თეიმურაზის ნახირს დასდევ-
და, მუდმივ ნეხვით იყო შეთხუპნილი და ჭუჭყისაგან იყო შექმუ-
ლი! რომელიც არასოდეს საპონს არ იკარებდა და არც პერანგს
იცვლიდა! ჯაყომ წაართვა, ჯაყომ! ჯაყომ, რომელიც ისე იყო აყ-
როლებული, რომ მისი სუნი, - როცა ჯაყო თეიმურაზის სახლში
შევიდოდა ხოლმე, - სამი დღე მაინც სტრიალებდა იმ ოთახებში!
და ის სუნი, ის თავბრუდამხვევი სიმყრალე ეხლაც თან დაჰქონდა
გამდიდრებულ ჯაყოს!

მერმე, ვის წაართვა ცოლი ჯაყომ?!

განთქმულ საზოგადო მოღვაწეს. ცნობილ მწერალს, პატიო-
სანთა შორის პატივდებულს, ამაყსა და ქედუდრეკ თავადიშვილს-
თეიმდრაზ ხევისთავს! ჯაყომ არ იმყოფინა წართმეული სახლ-
კარი, ბალი და ვენახი, ეზო და ნაფუზრები, ავეჯი და წიგნები

- რათ ვიცინის, შენი წირი მე? - კვლავ ეკითხება თომა.

თეიმურაზს მისი ხმა აღარ ესმის

თეიმურაზმა პატიოსნების და ცოლის გარდა ყველაფერი დაჰ-

კარგა. ეხლა კი მათი ჯერიც მოვიდა ცოლიც ჯაყომ მოსტაცა და პატივიც იმან აჰხადა! განა ასეთი ამბავი სასაცილო არ არის?! მაშ არ უნდა გაიცინოს თეიმურაზ ხევისთავმა?!

ისევ თომას ალერსიანი ხმა ესმის:

- ალბათ კარგათა ხარ, შენი წირი მე, რომ აგრე ვიცინის, ღმერთმა მშვიდობა მოგცეს. მხიარული კაცი ყოფილხარ.

ჰო, რა თქმა უნდა, თეიმურაზი მხიარული ადამიანია! წელან მზემ დაჰსიცხა და ოდნავ უქეიფოდ გახდა, თორემ ბუნებით თეიმურაზი ძალიან მხიარული ადამიანია!

- ეხლა როგორ ბრძანდები, შენი წირი მე?

ეხლა? ეხლა არაუშავს-რა თეიმურაზს. ეხლა ძალიან ყოჩაღად არის

მაშ თეიმურაზს ცუდი ფერი ადევს? ეს არაფერია, მალე გაივლის ..

ვითომ ფეხზედაც ძლივსა სდგას? ეს კი ტყუილია! აბა შეხედოს თომამ, რა მარდად გაივლის თეიმურაზი...

რა სთქვა თომამ? მაწონი მაინც შესჭამოს თეიმურაზმა?

- მ...მმადლობელი, თომა)ან, მ...მმადლობელი, არა მშინ . მ...მმშვიდობით და გამარჯვებით! გამაცილებ? არა, გენაცვა, არა!.. საჭირო არ არის გაცილება, ნუ სწუხდები.

თეიმურაზმა ძალ-ღონე მოიკრიბა, წელში გასწორდა, ფეხები მოიმაგრა და ეზო ყოჩაღად გადასჭრა. ღობეს რომ გადასცდა, უცებ ხელახლად მოიშალა. კისერი ისევ მოსწყდა, კვლავ ორად მოიკაკვა. ფეხები ერთმანერთში გაეხლართა და ყელში რაღაც ბურთი მოაწვა. საჩქაროდ გზას გადაუხვია, დადამბლებული და ნაგვემი ტანი გატეხილ ღობეზე ძლივს გადაითრია, ვაზებში შეერია, ბალახებში პირქვე დაეცა, მძაფრად დაჭიმული ნერვების სიმები მოუშვა და დაგუბებულ დარდს პირი მოურღვია.

ბავშვივით ატირდა თეიმურაზი. .

სლუკ-სლუკით ქვითინებდა და გამხდარ მხრებს ისე ახტუნავებდა, თითქო ბნედა დაემართაო.

მხოლოდ ბავშვობაში სტიროდა პაწაწა თეიმური ასეთი შვეებით და ასე გულიანად. როცა თხუთმეტი წლისას დედ-მამა დაეხოცა, პატარა გული ასე მძაფრად მაშინაც არ ამოსჯდომია. ეხლა კი, როცა მუგუზი გული აუპრიალდა, ჯავრით ნაგვემი თეიმურაზი სიმწარისაგან ვაზის ყლორტებს ამტვრევდა და ბალახს ფესვიანად ჰგლეჯდა.

დიდ ხანს ეგდო ბალახებში გაბრუებული, გონება-გაფრენილი, გარინდული და განაბული თეიმურაზი. შხამიანი კოლოები თავში აღარ უბზუოდნენ და ტვინსაც აღარ ჰკვებდნენ.

გაათავა, წელმოწყვეტილი ნაკაცარი ძლივს წამოდგა და ზღაპრით გზას გაუდგა.

გადაწყვეტილი არ ჰქონდა, ნაშინდარში დაბრუნებულიყო თუ ისევ თავის გზით წასულიყო. გორში ფეხი მოეკიდნა და მერმე, მარგოს წასაყვანად, ისევ ნაშინდარში ამოსულიყო.

თეიმურაზმა ოდნავ პირშეკრულ იარაში კვლავ ჩაირჭო მახვილი და დაიტრიალა. ურჩი მაჯლაჯუნა ისევ ჩაუძვრა მინელებულ სულში და ცეცხლი მოუკიდა.

რაო, რა სთქვა თეიმურაზმა? ნაშინდარში უნდა ავიდეს მარგოს წამოსაყვანად? ვინ ჰბოდავს თეიმურაზის გულში ასეთს უკადრის სისულელეს? ალბათ ვიღაც უჩინარი ჰროშავს ასეთს ტუტუცურს, თორემ თეიმურაზი ამას როგორ იტყვის!

მარგოს წასაყვანად?... კეთილი, მაგრამ მარგოც რომ გაჰყვეს თეიმურაზს, განა ისე უნდა დაიმციროს თეიმურაზ ხევისთავმა თავი, რომ კვლავ მარგოს ხმა გასცეს? განა ისე უნდა გაილახოს სახელი და დასთმოს ნათავადური თავმოყვარეობა, რომ ჯაყოს ნახასარს შეუწარჩუნოს ხევისთავის სახელი? ჭუჭყიან ნამრუშალს და ნამძუნვარს განა ისევ უნდა მოუალეროს და ისევ გვერდით მოუწვეს! ? შებილწულ მკერდზე ისევ თავი მიადოს და ჯაყოს დალოშნილ ტუჩებს მიეკაროს?!

- ჰოი. უწმინდურო, ჰოი, მურდალო დედაკაცო! ჰოი, გარყვნილო პირუტყვო! როგორ ატარებდი ამდენ ხანს თეიმურაზ ხევისთავის სახელს და ანგელოზის ნიღაბს?! რამდენი ტალახი და შხამი გქონია დაგროვილი მარმარილოს მკერდის ქვეშ?! როგორ ვერ გაარჩია აქამდე თეიმურაზმა გველი კრავისგან, ლენცოფა სუნნელ ყვავილისგან და სალოცავი ხატი ქუჩის სალახანა გომბიოსგან, რომელიც პირველივე დამეს გაჰყვა ტყის კაცს ჯაყოს, რადგან იმ ნადირს თეიმურაზზე უფრო განიერი მხარ-ბეჭი ჰქონდა, უფრო სქელი ბარძაყები, ძლიერი მკლავები და... ალბათ მეტი ცეცხლია!

უეჭველია, ცხადია! ცხადია, რომ ასეთი ფეხსუსტი მაწანწალა აქამდესაც დაეთრეოდა კართ-კარ და ყოველ ულაყს, თუნდ მეეზოვეს ან მეჩექმესაც ადვილად მისდევდა. მხოლოდ ეხლა აგონდება თეიმურაზს მრავალი შორეული, საეჭვო ამბავი, მარგოს ორპირი ღიმილი და ნაჭარბევი პრანჭიაობა... თეიმურაზს მარგოს შორეული ნაცნობი და ნათესავებიც აგონდებიან, რომელნიც ვითომ... აი, თუნდ მიხა ზედაუბნელი, ან ნიკო ჩუხიშვილი, ან კოტე შიქარაძე...

ცხადზე ცხადია, რომ მარგო ყველას სწყალობდა, ემორჩილებოდა, ჰყვარობდა!

- ჰოი, ბიწიერო! ჰოი, ჭრელო გველო! გაუმადლარო, მსუნაგო გომბიო! ხომ იპოვნე ბოლოს შენი ღირსეული ტოლ-ამხანაგი! თუ ჯაყო არ გვყოს. მიიშველე ქემელაც, ტურაც, გიბაც, ტელაც, მემ-თაც და ყველა ნაშინდრელი გლეხიც! ორასი კაკი მაინც მოგროვდება! ყველანი ჯერში ჩაიყენე და აქავებული ავი ვნება მოიფხანე! ფუჰ, შენს ნამუსსა და ქალობას!

და თეიმურაზმა მტვერში შხამი და გესლი გადააფურთხა.

აშლილი თეიმურაზი მარდად მიაბიჯებდა გორისკენ, თან ოფლს იწმენდავდა, ხანგამოშვებით გულ-ღვიძლით ოხრავდა და გზის ჩაყოლებაზე ჩარიგებულ წნორის ფოთოლსა და ყლორტებს შინდის ჯოხით სხეპავდა. ირგვლივ არც კი იხედებოდა და გამვლელ მგზავრებსაც ვერ ამჩნეოდა. შორიდან მხოლოდ ატენის მთებს და გორის ციხეს პხედავდა, რომელნიც თან-და-თან თეიმურაზისაკენ მოდიოდნენ.

გორის ბაღებს და ციხეს რომ გასცდა და მთავარ ქუჩაზე გავიდა. თეიმურაზმა ნამალადევად გული გაიმაგრა და პირსახე გაიშალა

თეიმურაზი ერთ კვირას დარჩა გორში, ხან ძველ მეგობარს მიადგებოდა კარზე, ხან კიდევ შორეულ ნათესავს მოიკითხავდა. მაგრამ ფეხი ვერსად მოიმაგრა და თავ-მისადები კუთხე ვერ იპოვნა.

ხევისთავის ნაცნობნი, მეგობრები და ნათესავებიც შრომით წელებზე ფეხს იდგამდნენ და ერთი ლუკმის გულისთვის ერთ თასს ოფლსა ჰღვრიდნენ. თეიმურაზი გაფაციცებით ეძებდა სამსახურს და თუნდ შავ საქმეს, თუნდ გადამწერის, დარაჯის ან გზირის ადგილსაც დიდის მადლობით მიიღებდა. უცნობსა და ნაცნობს დილით საღამომდე კუდად დასდევდა, ან, ქედმოხრილი, სამ საათს ერთს "არას" უცდიდა, ხან კიდევ უცნობ ადამიანს ბინის კარებს უკაკუნებდა, ცრემლიანი ხმით ეხვეწებოდა, შვიდ საფიცავს ფიცულობდა და ყველა თავის წარსულს აცნობდა.

ტყუილად ირჯებოდა თეიმურაზ ხევისთავი და ტყუილად უამბობდა ახალ ხელისუფლებას თავის ვინაობას. მას მაინც ეგონა, ვითომ ცხვირწინ კარებს იმიტომ უკეტავდნენ, რომ თეიმურაზს არ იცნობდნენ. მხოლოდ მერმე მიხვდა ლუკმა პურის მაძიებელი, რომ მას არ ენდობოდნენ, რადგან იმის წარსულს ზედმიწევნით იცნობდნენ.

ბოლოს, როცა საბოლოოდ დარწმუნდა, რომ ვერსად ვერაფერს გააწყობდა, რომ ქვის გულს ვერ გასტეხავდა, ყინულს ვერ

გააღბობდა და ერთ დაკეტილ კარებსაც ვერსად ვერ შეაღებდა. სულშეღონებული მწიგნობარი წინანდელზე უარესად მოიბუზა დაბნელდა და უიმედობის სევდით და შავის ნალველით გაიგუდა

VIII

კვირა დღე იყო. თავჩალუნული თეიმურაზი რიჟრაჟიდან გორის ბაღების გარშემო დახეტიალობდა, - უგზო-უკვლოდ, უაზროდ და უმიზნოდ. მერმე, მინგრეულ ხუთკარიან ციხეში ქაქანით ავიდა, გალავანზე აცოცდა და ჩაფიქრდა.

მარგოზე აყრილი გული იმ ხეტიალსა და მარტოობაში თავის-თავად მოუბრუნდა. გუშინდელი დარდი დღევანდელმა ვარაძმა და-ჩრდილა

სადღა წავიდეს თეიმურაზი? ვის მიადგეს კარზე? ვის აეკიდოს სამადლოდ? კიდეც ვის შეახიზნოს მოძულეებული თავი? არსად და არავის. ყველა გზები გადაჭრილია და მშველელი ხელიც არსაიდან არ მოსჩანს.

ოოჰ, ნეტა შეეძლოს თეიმურაზს ქვის ზიდვა, აგურის ზელვა, შალაშინის, ან ჩაქუჩის მოხმარება! ისიც ხალისით და სიხარულით ჩაერეოდა მაშინ აგერ იმ მუშებში, რომელნიც მიწისძვრისგან დანგრეულ გორის სახლებზე მუშაობენ. ჩაერეოდა და შავს ლუკმას თავის ოფლით გააგემრიელებდა.

თეიმურაზმა ითხოვა კიდეც შავი მუშაობა, მაგრამ ზედ რომ შეჰხედეს და სათვალეები დაუნახეს, მასხრად აიგდეს და ცივად გააბრუნეს.

ცოლის ღალატის შხამიც თითქმის დაავიწყდა. გული წინანდელივით აღარ უბორგავს. იქ დაბუდებული გველის წიწილები,- გაიძურწნენ და შხამიანი ნალველიც თავის-თავად დაიწურა. დარჩა მხოლოდ შავი სევდა, - ისიც დალექილი და დაწრეტილი.

თეიმურაზის ფეხქვეშ მინგრეული გორი ფუსფუსებს. ციხის მარცხნივ და უკან ბაღები გადაჭიმულან. მარჯვნივ მტკვარი და ლიახვი ერთმანერთს ეხუტებიან. გაღმა რკინის გზისა და ნავთის სადგურები მოსჩანან. უფრო ქვეით მატარებელი შავი გველივით ოხვრით და ქშენით მოსცოცავს. გამოღმა ნაცრისფერ კლდეში უფლის ციხეს მესამე თუ მეოთხე ათასეულით სძინავს. მტკვარი თვალუწვდენ სიგრძეზე ვერცხლის ქამარივით ჩაწოლილა ქაჩალ მალეებსა და უდაბურ კალაპოტში. აღმოსავლეთით მტრედის-ფერ

ნისლში ოდნავ მოსჩანან ქსნის ქედი და ზედაზინი. დასავლეთით და ჩრდილოეთით ქართლის მინდორი დილის ბურუსში და მთების კალთებში იკარგება. ხოლო სამხრეთით, იქვე, სადგურის თავზე, ტყით შემოსილი თრიალეთის ტოტი აღმართულა.

თეიმურაზი გორში რომ მარტო დარჩებოდა, სადმე კუთხეში მიწოლილი, ლუკმა პურის დევნით მოქანცულ-მოშხამული, ან როცა „არას“ მოლოდინში ორ-სამ საათს იჯლა გახევებული, აზრით ისევ ნაშინდარში გადაფრინდებოდა ხოლმე, ისევ მარგოსკენ მიილტვოდა, ისევ თავის ერთად-ერთზე ჰფიქრობდა და ზრუნავდა, ისევ თავის მეუღლეს ევლებოდა, მაინც მას დაჰტოვებოდა და დაჰკანკალებდა.

მისი მოღლილი გული ეხლაც ჰკვნესის და წუწუნებს:

-- იქნება მოსტყუვდი? იქნება ბებერ თომას დაავიწყდა ორი თვის ამბავი? ან ეგებ მაშინ ჯაყომ ხუმრობით დაასახელა თომა, ან მატარებელმა დაიგვიანა, ან კიდეც... ვინ იცის, რა იყო და როგორ იყო? რათ დაიჯერე ასე ადვილად მარგოს ღალატი? რაო აფორიაქდი და აფეთქდი თოფის წამალივით? ვსთქვათ, ასეც მოხდა: ჯაყომ მარგო დაიმორჩილა. მისი სუსტი ნებისყოფა დაიმონა. მერმე? რა მიზეზია? რათ გაგცვალა მარგომ ჯაყოზე? რათ გამოდგა უგეში ჯაყო იმ ბრძოლაში ჯადოსანი და დაუჯაბნელი? სად არის ფესვი ასეთ უცნაურ არჩევანისა? ცხადზე ცხადია მხოლოდ ერთი რამე: მარგოს რომ ჯაყოს მაგიერ სხვა ვინმე შეჰხვედროდა, - შენზე შეძლებული და ჯანიანი, - ისევ ეს ამბავი დაგემართებოდა: მარგო თავს დაგანებებდა და იმ უცნობს მიეკედლებოდა. მაშ ჯაყო რა შუაშია? ცხადია, ჯაყო უბრალო შემთხვევაა და თეიმურაზის უბედურებაში ბრალი არ მიუძღვის.

უცებ რასპუტინი გაახსენდა, - ბნელი, მურდალი და რეგვენი ციმბირელი მუჟიკი. გაიხსენა და ჯაყოს დაუპირისპირა. ხევისთავი კარგად იცნობდა შავი რუსეთის შავს ბედს დ ჭუჭყიანსა და სალოს გრიშკას. ალღო არ ატყუებდა თეიმურაზს: ცხადია, ცხადზედ ცხადია, რომ რასპუტინიადის რელიგიურსა და მისტიურ ბოდვას სარჩულად ედო ბნელი და მძლეოთა-მძლე სქესი, რომელმაც იმ ქადაგს სეფე ქალებიც კი დაუმორჩილა, ტახტამდე ააგდო და უგვირგვინო მეფედ აქცია. რამდენი ათასი ყოფილა ასეთი მაგალითი! რამდენ ათას წარჩინებულ დედაკაცს აუყვანია საყვარლად მეჯინიბე ან მზარეული. მეზალე ან შოფერი! აი თუნდ მარგოს ნათესავი კნეინა "გიჟი ბაბალე". მთელ ქალაქს ეხლაც ახსოვს უმაგალითო სკანდალი: ბაბალე თავის მეჯინიბეს ჰყვარობდა, მეჯინიბეს! ერთი რომ არ იმყოფინა. თავისი მოურავი ნაზარიანციც კუროდ 24. მ. ჯავახიშვილი, ტ. II.

დაისვა და თავისი ჭუჭყიანი ნაჩუმარი არც კი დაჰმალა. ხოლო მისი ქმარი - მეფის გენერალი, კეთილშობილი, განათლებული და პატივდებული ელიზბარ ყაფლანიშვილი მხოლოდ განზე გადგა და თავის გამეძავებულ მეუღლეს თვისი გვარიც არ ჩამოართვა. უფრო მეტიც - ფულსაც კი აძლევდა და ეტლებსა და სასახლეს

უნახავდა!

კნენა ელისაბედ ტაშისკარელი, ათიოდე წარჩინებული საქმრო რომ დაიწუნა, შარშან ყასაბს გაჰყვა ცოლად, ყასაბს - სისხლიანს, ქონიანსა და ტურტლიან სალახს!

კიდევ მრავალი მაგალითი აგონდება თეიმურაზს. აგონდება და თავის თავს ეკითხება:

- რით სჯობიან ჯაყო ჯივაშვილს ბნელი გრიშკა რასკუტინი, ქონიანი სალახი და ნეხვიანი მეჯინიბე?

- არაფრით, არაფრით!

რა თქმა უნდა, არაფრით! ხევისთავი გამწარებულია, მაგრამ სამართლიანობის უნარი ჯერ კიდევ შენარჩუნებული აქვს.

- ოღონდაც არაფრით, ოღონდაც!

მაშ ვინ, რამ დაატება თეიმურაზს ასეთი უმაგალითო სირცხვილი, ასეთი გაუძლისი უბედურება? ისევ თავის თავს უნდა უჩიოდეს და ემდუროდეს თეიმურაზი, ისევ თვითონ არის ბრალიანი და დამნაშავე. ის მეტის-მეტად გადაჰყვა მწიგნობრობას, საზოგადო საქმეს და ქვეყნის ცხოვრებას, ზანზიბარსა და ეშმაკის კუნძულს, ლლოიდ ჯორჯსა და მაროკოს, კლემანსოს და ლიბერიის რესპუბლიკას. გადაჰყვა თეიმურაზი და დაივიწყა, რომ გვერდით ცოლი ჰყავდა, რომ მარგოც დედაკაცი იყო, რომ იმასაც უნდოდა მოვლა და პატრონობა. მზრუნველობა და სიყვარული, რაც მარგოს თეიმურაზმა დააკლო, ჯაყომ შეუღესო. - აი უბრალო, მარტივი და ბუნებრივი ამბავი, რომელიც გაცხარებულმა თეიმურაზმა მეტის-მეტად გაჰბერა და გასჭიმა.

კიდევ აგონდება თეიმურაზს:

მარგო სხვებისთვის გულცივი, ალაგმული, მშრალი და მიუკარებელი დედაკაცი იყო. ამიტომ ერიდებოდნენ მამაკაცები და სიყვარულის ნაცვლად პატივს სთავაზობდნენ. ხოლო სისხლჭარბიანმა ჯაყომ მეორე მხრიდან მოუარა და პატივსა და შორი გზას ძალა ამჯობინა.

თეიმურაზს ისიც ახსენდება, რომ ქალი დაუმთავრებელი ბავშვია, - სუსტი, უღონო, გულჩვილი, მორცხვი და ლბილი; რომ მას აქვს თავისებური თვალი და ყური, აზროვნება და გრძნობა. ქალური ალლო და ზნეობა, მდებარეული შეგნება ამ ქვეყნის, მისი

ხმის, ფერის, წეს-რიგისა და კანონების - ყოველივე მამაკაცისთვის უცხო, უხილავი და მიუგნებელი.

გაიხსენა თეიმურაზმა ის მოურევნელი გაჭირვებაც, რომელიც ქმრის დაუდევრობით თავთ დაატყდა მარგოს: ავეჯეულობისა და მორთულობის თანდათანობითი დაღევა, ბნელსა და ნესტიან ოთახში სულის შეხუთვა, დაკერებული ორიოდე კაბა, დაგლეჯილი ფეხსაცმელი, დაძონძილ-დაკონკილი საცვალი, უხეირო საქმელი.

ზოგჯერ შიმშილიც, ჭუჭყი, სიცივე, დაკნინება და გაველურება.

- ღმერთო ჩემო! - წამოიძახა გულში თეიმურაზმა. - რამდენი უბედურება აიტანა საბრალო მარგომ, რამდენი! დაიტანჯა და ჯვარს ეცვა საწყალი დედაკაცი! არა, მარგო უბრალოა: მას არა აქვს ნებისყოფა, სიმტკიცე და გამძლეობა. დაიტანჯა საწყალი მარგო! დაიტანჯა და დაილია, დადნა და ჯვარს ეცვა! უბედური მარგო! საბრალო დედაკაცი!

ბოლოს, თეიმურაზმა გულის ნაუბარს დაუჯერა და მარგოს ბრალი სავსებით თავის კისერზე გადიჭდია. კვლავ ციხის კედელზე იჯდა, ისევ შუბლში მჯიღს იცემდა და ზოგჯერ გულში, ზოგჯერ კიდევ ხმამალა გაჰკიოდა:

- ახია ჩემზე, ახი! ეგრე მინდა, ეგრე! ეს ერთი და სხვა ათასი!

გაახსენდა თეიმურაზს ლევანაშენის წამებაც და ის საზარელი ღამეც, რომელიც ჯაყოს დუქანში გაატარა: გაახსენდა ჩირქი და ტალახი. რომელიც იმ ღამეს და იმ დღეს მარგოს შეასხა: მოიგონა თვისი დაჩაგრული მეუღლის შებღალვა და შებილწვა; მოიგონა და თვითონვე შერცხვა თვისი სიფიცხისა და აპრიალებისა. მაშინდელ რომვას დღეს გულში ჰნანობდა და უდანაშაულო მარგოს წინაშე ბოდიშს იხდიდა:

- ჩემო საბრალო მარგო! ჩემო უშანკო მარგოში! ჩემო საწყალი მარგალიტო! ჩემო ერთად-ერთო მეგობარო! მიუტევე შენს თეიმურაზს, თუ მან შეურაცჰყო და წაჰბილწა შენი წმინდა სული და უმწიკვლო სახელი!

ვიღაც უჩინარი, ავი და ბოროტი სული გვერდით მოუჯდა უკვე განსპეტაკებულ თეიმურაზს. გამმაგებით ებრძვის იმის გულს და ხანგამოშვებით მოაგონებს მამაკაცის თავმოყვარეობას: შენი გამასხარა-ვება? ყველანი ზურგის უკან დაგცინიან, ხევისთავის სახელს სთელავენ, პატივს აღარ გაძლევენ, კარებს გიკეტავენ და ზურგს გიჩვენებენ.

ხანგრძლივსა და მწარე ბრძოლაში, ბოლოს, გულმა ამპარტავნობას დასჯაბნა და საბოლოოდ დაიმორჩილა.

* * *

თეიმურაზი იმ დღეს პირველად გრძნობს მარტოობის სიმწვავეს, ეულობის ტკივილსა და უპატრონობის გაუძლისობას. არც წინად და არც ეხლა თეიმურაზს თურმე მარგოს მეტი ამ ქვეყნად არავინ ჰყოლია. მისი თანაზიარნი და მიმყოლნი თურმე მხოლოდ ქუჩაში, კრებებსა და ჭამა-სმაში ყოფილან თეიმურაზის მეგობრები. ეხლა კი როცა მას ლხინი ჭირად შეეცვალა. როცა მიშველება, გამხნევება და ნუგეში დასჭირდა, - ყველანი გაიფანტნენ და ცხოვრების უღმობელ მოედანზე თეიმურაზი მარტოდ-მარტო

დასტოვებს მხოლოდ ერთგული მარგო ედგა გვერდით, მხოლოდ მან გასწია თეიმურაზის ავბედითი უღელი, მან გაიზიარა მისი ჭირი და ვარამი, შიმშილი და უძილო ღამე, შავი სევდა და მწარე ცრემლი.

განა მარგომ ცხადად არ დაუმტკიცა თავის ქმარს ცოლის ერთგულება, მეგობრის მოვალეობა, უსაზღვრო მოთმინება და საარაკო გამძლეობა? ეხლა კი თეიმურაზს ეს ერთად-ერთი მეგობარიც უნდა ჩამოაშორონ?! და თეიმურაზმა ანაზღაურებად იგრძნო თავზარდამცემი შიში ბავშვისა, რომელიც დედამ უცხო და ბნელ ქვეყანაში თავის კაბის კალთას ჩამოაშორა და მარტოდ-მარტო დასტოვა. იგრძნო ასეთი შიში თეიმურაზმა და აჟრჟოლდა, დაიბნა და აჩუყდა. და როგორც უპატრონოდ მიგდებული ბავშვი დარბის ჩაბნელებულ ქალაქში და მთრთოლვარე ხმით გაჰკვივის: "დედა! დედილო! სადა ხარ, დედილო!", თეიმურაზიც ასე ეულად იჯდა გორის ციხის კედელზე და იძახდა:

- მარგო! ჩემო მარგოში! .. ჩემო მარგარიტავ! ჩემო მარგალიტო! მომწყინდა უშენობა... დავიტანჯე უშენოდ. ალბათ უჩემოდ შენც გიკვნესის გული ალბათ შენც დაგელია თვალი ჩემს მოლოდინში.

ვერა, თეიმური ვერ გაუძლებს ობლობას! ვერ დარჩება თავის დახაშმულ ბედის ანაბარად, მარტო ვერ გასწევს ცხოვრების უღელს! იგი რკინასავით დამძიმდა და კლდესავით დააწვა თეიმურაზის ჩამტვრეულ ხერხემალს.

-წავალ ნაშინდარში, ხელს ჩავავლებ ჩემს ცოლს და წამოვიყვან. ქვეყანა დიდია. შიმშილით არ დავიხოცებით. დღე და ღამეს გავასწორებ, თუნდ მოჯამაგირედ დავდგები... ჩემს მარგოს კი დედოფლად დავისვამ და ერთგულად ვემსახურები. ალბათ თავი და ხელი ვერ გავანძრე წესიერად, თორემ ჩემისთანა კაცი მართლა როგორ მოკვდება შიმშილით! ვიშოვნე ერთ ლუკმა პურს. ყოველთვის ვიშოვნე! ვიშოვნე და ამიერიდან მხოლოდ მარგოსთვის ვიც-

ხოვრებ და მხოლოდ იმას შევსწირავ დანარჩენ ჯან-ღონეს და სიცოცხლის დღეებს. კმარა! გათავდა ჩემი საზოგადო მოღვაწეობა! ეხლა ჩემთვის და მარგოსთვის უნდა ვიცხოვრო. თუნდ ერთ საათში დაღუპულან და წყალსაც წაუღია ზანზიბარიც, ლიბერიაც, რურიც, მოსსულიც, სუდანიც, ბესსარაბიაც, ეშმაკის კუნძულიც და ბოტოკუდებიც, ლოიდ ჯორჯიც და ერრიოც, პუანკარეც და კერზონიც, მაკდონალდიც და მუსოლინაც, წიგნიცა და.. ქართული საქმეც! დიახ, ქართული საქმეც! მორჩა და გათავდა!

დიახ. მორჩა და გათავდა!

მაგრამ... თეიმურაზის გული გონებას არ ემორჩილება. ცარიელია იგი. შიგ ბნელი ღამე ჩაწოლილა.

რწმენას ეძებს თეიმურაზ ხევისთავი; ეძებს ღმერთს ან სატანას, ზეციურს ან ქვეყნიურს. სულის სიბნელეს ისევ ის სჯობია, რომ გულში შავი ქვა ედოს, ურწმუნო სულის ტარება და ცარიელის გულით სიარული აღარ შეუძლიან, არა!

იმ საშინელ ღამის შემდეგ, როცა ივანემ თვალი აუხილა, თეიმურაზს პატარა სახარება თან დააქვს ჯიბით, მალვით კითხულობს ღვთის სიტყვას თეიმურაზ ხევისთავი, თითქო სასირცხვილო საქმეს სჩადის და დღის ნათელს ერიდება. ეხლაც ამოიღო და გადაშალა. ქალაქის არშიაზე ორ წარწერას წააწყდა:

"განიყვეს სამოსელი ჩემი და კვართსა ზედა იყარეს წილია.

თეიმურაზმა თავის მამის ხელი იცნო. როდის წააწერა, როდის იწინასწარმეტყველა ავთანდილმა? სულ ერთია. ცხადია მხოლოდ, რომ ბაგრატიონთა დევიზი უკვე გამართლდა თეიმურაზის კისერზე. უკვე განიყვეს სამოსელი მისი და კვართსა ზედა იყარეს წილი. ავმა ბედმა ცოლიც კი წაართვა ხევისთავს, ხოლო მისი თავი ნახიზნევ ჯაყოს შეუგდო ხიზნადვე.

- უცნობელ არიან გზანი შენნი, ჰოი უფალო!

"ჰსაჯენ, უფალო, მავნებელნი ჩემნი და ჰბრძოდე მებრძოლთა მათ ჩემთაა - წაიკითხა მეორე მინაწერიც და გაახსენდა საფლავის წარწერა ტრაპიზონში დამარხულ ქართველთა მეფის სოლომონისა.

გაიხსენა სამშობლოდან განდევნილ მეფის ხვედრი და თავის თავს შეადარა.

- მეც, ემიგრანტი ვარ, - გაიფიქრა, - ემიგრანტი ჩემივე ქვეყაში, უცხოელი ჩემივე მოძმეთა შორის. ღმერთო, მიშველე!

მერმე გადაშალა მეექვსე თავი მათესაგან. ჯერ გულმოდგინებით, სასოებით და პირჯვრის წერით წაიკითხა "მამაო ჩვენო", მერმე მეშვიდე თავი გადაფურცლა და ასეთივე სასოებით ჩაიკითხა:

"ნუ განიკითხავთ, რათა არა განიკითხნეთ.

რამეთუ რომლითა განკითხვითა განიკითხვიდეთ, - განიკითხნეთ, და რომლითა საწყაულითა მიუწყოთ, - მოგეწყოს თქვენ.

ანუ რასა ჰხედავ წველსა თვალსა შინა ძმისა შენისასა, და დვირესა თვალსა შინა შენსა არა განიცდი?

ანუ, ვითარ ჰქვა ძმასა შენსა: მაცადე და აღმოგიღო წველი თვალისაგან შენისა: და აჰა ეგერა დვირე თვალსა შინა შენსა.

ორგულო! აღმოიღე პირველად დვირე თვალისაგან შენისა, და მაშინ იხილო აღმოღებად წველი თვალისაგან ძმისა შენისა.

ნუ მიჰსცემთ სიწმინდესა ძალთა, ნუცა დაუფენთ მარგალიტსა თქვენსა წინაშე ღოროთა, ნუ უკვე დაჰტორგუნონ იგი ფერხითა მათითა, და მოიქცენ და განგხეთქნენ თქვენ.

სთხოვდით და მოგეცეს თქვენ: ეძიებდეთ, და ჰპოოთ, ირეკდით, და განგელოს თქვენ”.

ამ დროს ქვემოდან ზარის რეკვა მოისმა. თეიმურაზი ციხის კედლიდან ჩამოცოცდა და ნელის ნაბიჯით თავქვე დაეშვა.

ურწმუნო თეიმურაზი თავის ჯვრისწერის დღიდან ეკლესიაში არ შესულა. თუ ქვაშვეთს ან სიონში ოდესმე საზეიმო პანაშვიდი გამოცხადდებოდა, საზოგადო მოღვაწე ეკლესიის ეზოში გამოჩნდებოდა და დროს ლაყბობაში გაატარებდა. ეხლა კი ისე მიაბიჯებდა ღვთის ტაძრისკენ, როგორც ოცდახუთის ან ოცდაათი წლის წინათ თავის დედასთან ერთად მიდიოდა აღდგომის ღამეს ნაშინდარის ეკლესიაში, - სასოებით, გულის ფანცქალით, სიხარულით და რწმენით.

თეიმურაზ ხვეისთავი ჰგრძნობდა, რომ იმის ნაგვემ გულში სული წმინდა ჩაფრინდა, ან თვითონ თეიმურაზი მოსწყდა ცოდვილ ქვეყანას და მისწვდა ზეციერ მამას, რომელსაც კარგა ხანს ეძებდა და მოუწოდებდა.

იმ ეკლესიის ფართე გზა ჯერ გაბილიკებულიყო, მერმე ისიც წაშლილიყო, აბალახებულიყო და ნარ-ეკლით მოდებულიყო.

ეკლესიაში ოციოდე მოხუცი იდგა. თეიმურაზი ბნელ კუთხეში დადგა. ძველი, მივიწყებული, უბრალო ლოცვები მოიგონა და უჩინარს მთრთოლვარე ჩურჩულით შეჰლაღადა:

- წმიდაო მამაო, წმიდაო ძლიერო, წმიდაო უკვდაო, შეგვიწყალებ ჩვენ! დიდება მამასა, და ძესა, და სულსა წმიდასა, ამინ-დიაკონმა სამოციქულო გაათავა. მღვდელმა სახარება ჩურჩულით და სასოებით წაიკითხა. თეიმურაზი სულგანაბული უგდებდა მრუში დედაკაცის იგავს.

მწიგნობართა მათ და ფარისეველთა მოუყვანეს იესოს მრუში დედაკაცი, რომელიც, მოსეს კანონით, უნდა ჩაექვავებინათ, და ჰკითხეს იესოს:

- შენ უკვე რასა იტყვი?

"ხოლო იესო აღემართა ზე და ჰრქვა მათ:

- ვინ უცოდველ არს თქვენგან, პირველად მან დაუტევენ ქვა მაგას ზედა.

ხოლო მათ, ვითარცა ესმა, მხილებულნი სვინდისისაგან, განვიდოდეს თითო, იწყეს მოხუცებულთაგან, ვიდრემდის დაჰშთა თავადი მარტო დედაკაცი ჰსდგა შორის, ხოლო იესო აღემართა და არავინ იხილა, გარდა დედაკაცი იგი, და ჰრქვა მას:

- სადა არიან შესასმენელნი შენნი? არავინ განგიკითხა შენ?

ხოლო მან ჰრქვა:

- არავინ, უფალო!

ხოლო იესო ჰრქვა მას:

- არცა მე განგიკითხავ შენ. წარვედ, ამიერიდან ნულარა ჰსცოდავ".

ამ იგავის გაგონებაზე თეიმურაზს გული აუჩუყდა. გამხმარ მუხლისთავეებით ცივ ქვაზე დაემხო და მეტანიით ჩურჩულებდა

- ჩემო მარგო!.. მარგუში! არც მე განგიკითხავ შენ. ოღონდ ნურღარა ჰსცოდავ, ოღონდ ხელი ჰკარ ჯაყოს, დაივიწყე ყოველივე და გაჰყე შენს ერთგულ თეიმურაზს. ის თვითონაც დაივიწყებს ყოველივეს და ამიერიდგან იცხოვრებს მხოლოდ შენით და შენთვის. წმიდაო მამაო, წმიდაო ძლიერო, წმიდაო უკვდაო, შეგვიწყალებ ჩვენ ცოდვილთა და უღირსთა, რამეთუ დღემდის არა მრწმენიან შენი, ხოლო ამიერიდგან ვარ მლოცველი შენის წმიდა სახელისა და წმიდა ტაძრისა. ამინ!

თეიმურაზს სული შვებით აღევსო. მხურვალე ლოცვამ და რწმენის დაბრუნებამ გული აუდულა და თვალები ცრემლით გაუვსო. ექვის ჭიებიც გულიდან ამოფუსფუსდნენ და გაჰქრნენ.

წირვა რომ გათავდა, მხოლოდ ერთი ჭია-ლა შერჩა სულის ჯურღმულში. ეკლესიიდან რომ გავიდნენ, ხელახლა მონათლული ძმა ქრისტესი თეიმურაზი მიუახლოვდა მოხუც მღვდელს და უთხრა:

- მამაო სვიმონ! აი, სახარება მათესაგან, თავი მეშვიდე, მუხლი თხუთმეტიდან ოცდაერთამდე. ამიხსენ და განმიმარტე იგი, რამეთუ ვერა გავიგე.

და თეიმურაზმა წაუკითხა:

"ეკრძალენით ცრუ წინასწარმეტყველთაგან, რომელნი მოვიდოდნენ თქვენდა სამოსლითა ცხოვართაჲთა. ხოლო შინაგან იყვნენ მგელ მტაცებელ.

ნაყოფთა მათთაგან იცნეთ იგინი. ნუ უკვე შეჰკრიბიან ეკალთაგან ყურძენი, ანუ კუროსთავთაგან ლელვი?"

ესრეთ ყოველმან, ხემან კეთილმან ნაყოფი კეთილი გამოიღოს, ხოლო ხემან ხენეშმა, ნაყოფი გამოიღოს.

ვერ ხელეწიფების ხესა კეთილსა ნაყოფისა ხენეშისა გამოღებად, და არცა ხესა ხენეშსა ნაყოფი კეთილი ყოფად.

ყოველმან ხემან, რომელმან არა ჰყოს ნაყოფი კეთილი, მოეკვეთოს და ცეცხლსა დაედვას. ნაყოფთა სამე მათთაგან იცნეთ იგინი.

არა ყოველმან, რომელმან მჰრქვას მე: უფალო! უფალო! შევიდეს იგი სასუფეველსა ცათასა; არამედ რომელმან ჰყოს ნებაჲ მამისა ჩემისა ზეცათაჲსა".

გაათავა თეიმურაზმა კითხვა და ჰკითხა მღვდელს.

- მითხარ, მამაო, ვითარ შევუფარდო ეს სიტყვა იესოსი დღევანდელ ცხოვრებას?

მღვდელმა გახსნილი სახარების ერთი ფურცელი გადმოფურ-

ცლა, გამხმარი და მთრთოლვარე თითი ერთ ალაჟს დაადო და უთხრა:

. - წაიკითხე პასუხი, შვილო თეიმურაზ!

უთხრა, მოტრიალდა და ლასლასით წავიდა. ხოლო თეიმურაზმა ნაჩვენები წაიკითხა: თავი შვიდი, მუხლი პირველი:

ნუ განიკითხავთ, რათა არა განიკითხნეთ”.

თეიმურაზმა იმ დღეს სულის სიცხე გაინელა, ოდესღაც მორღვეული რწმენა გაიმთელა, ნაგვემ კისრიდან ძაღლის მძორი ჩამოიხსნა და წაბილწულ გულიდან ყარტლი ამოირეცხა.

ადარც მყრალი ლემის სუნი ესმის თეიმურაზს. ის დღეც თითქო განათლდა და ქვეყანაც გამხიარულდა.

ხვალ თეიმურაზი ნაშინდარში ავა, მარგოს თავის გარდაქმნას უამბობს, წამოიყვანს, ფეხმოსხლეტილ მეუღლესაც გარდაქმნის, და ბედნიერებით, რწმენით, შრომით, მშვიდობით და სიყვარულით აღსავსე ცხოვრებას შეუდგება.

* * *

თეიმურაზი არხეინად და ყოჩაღად მოძუნძულებს ნაშინდარისკენ, თან ჩახლეჩილი ხმით ღიღინებს:

შაბათი რომ დაღამდება,
კვირა გათენდეება-ა...

მოდის თეიმურაზი და ჰქარგავს გულისამჩყებელ სიტყვას, რომელსაც მარგოს ეტყვის.

დაიწყო, დახატა და მოჰქარგა.

თუ მარგო მართლა დამალებულია, თუ ჯაყოც ახირდა და მარგო არ გამოუშვა, თეიმურაზი ეტყვის ჯაყოს:

- ამხანაგო ჯაყო! ახალმა ცხოვრებამ გარგუნა ჩემი სახლკარი, ბალი და ნაფუზრები. ღმერთმაც შეგარგოს. იმუშავე და მოიხმარე. მაგრამ ჩემ: ცოლი ჩემია. მარგო ჩემთვის არავის არ წაურთმევია და შენთვის არ მოუცია. ჯაყო! შენი ძალა უსაზღვრო არ არის. ჩვენ მთავრობაც გგყავსდა კანონიც გვაქვს, - აგონდება ხევისთავს ერთიც და მეორეც. - ნუ აუხირდები ხელისუფლებას, თორემ ინანებ. ინებე ჩემი გულწრფელი და უუღრმესი მადლობა უხვი მასპინძლობისთვის. სამაგიეროდ ერთს ხუთად გადაგიხდი... დღეს თუ არა, ხვალ მაინც გადაგიხდი... მარგო, წავიდეთ!

მარგოც მადლობას გადაუხდის ჯაყოს, ხელს ჩაავლებს თეიმურაზს და ორივენი წამოვლენ...

- საით წავლენ ხევისთავეები?

ამას მერმე მოისაზრებს თეიმურაზი.

შეიძლება ჯაყომ სთქვას:

- მარგოს ჩემთან გინდა დარჩენა.

- ვისთან? შენთან? ჯაყოსთან?! ხა-ხა-ხა! მარგო, გაიგე ჯაყოს ნაბოდვარი? "მარგოს ჩემთან გინდა დარჩენაო!" რა მასხარა რამ არის ჯაყო! მაგრამ მაინც შენ რას იტყვი, მარგო?

მარგო წინ წამოდგება და იტყვის:

- ჯაყო! მე დღემდე პატრონი არა მყავდა. ჩემი თეიმურაზი წიგნებმა, საზოგადო მოღვაწეობამ და საქვეყნო ზრუნვამ დააბრმავეს. თეიმურაზი ოცი წელიწადი იბრძოდა, შენ კი არხეინად იჯექი ჩვენს მამულში, გლეხებს ტყავს აძრობდი და სუქდებოდი. პოლოს, თეიმურის თავგანწირულმა ბრძოლამ ნაყოფი გამოიღო, რომელიც შენ მიითვისე. ჩვენ კი სამათხოვროდ გაგვიხადე საქმე. შენც კარგად იცი, რაც მოხდა. შენ უხეშად ისარგებლე ჩვენის დროებითი უძლურებით და დამიმონე. ეხლა თეიმურმა თვალები აახილა, ყველაფერი დაინახა და გაიგო. რაც მოხდა - მოხდა! ეხლა ყოველივე დაივიწყე. გაყო! მე შენი ტოლი არა ვარ. მე ვუბრუნდები ჩემს ერთგულს, ნაცად მეგობარს, ჩემს თეიმურს, რომელიც დღეს ხელახლად დაიბადა ახალ ცხოვრებისთვის, ბრძოლისთვის და ჩემი სიყვარულისთვის. ჯაყო! ჩემი ქმარი ეხლა ძლიერია და ახალგაზრდა! თეიმური უძლეველ და დაუშრეტელ ჯანღონით არის სავსე. ამიტომ დღევანდელ დღიდან სამუდამოდ ვუბრუნდები მას. მშვიდობით, ჯაყო!

ამაყი მარგო მოტრიალდება, თეიმურაზს ხელს ჩაავლებს და ორივენი წავლენ...

- მაინც, სად წავლენ ორივენი?.

- ქვეყანა დიდია. - კვლავ ჰფიქრობს თეიმურაზი. --- სამსახურის კარები ყველგან დამიკეტეს. მე სხვა კარებს მოვძებნი: სამრეწველო ან სავაჭრო ამხანაგობას შევადგენ და პრაქტიკულ საქმეს შევუდგები. მართალია, კერძო ვაჭრებიც დღითი-დღე ილევიან, მაგრამ ვაჭრობის გარდა სხვა ხელობასაც ვიპოვნი. ან ხარაზობას შევისწავლი, ან გაკვეთილებით ვიცხოვრებ, ან კიდევ, თუ მეტის-მეტად გამიჭირდა, ქუჩაში გავალ და პაპიროსს გავყიდი, ან ფეხსაცმელის მწმენდავად დავდგები. ბევრი კეთილშობილი და ნასწავლი ცხოვრობს ეხლა ამ ხელობით. ერთი სიტყვით, კმარა ესოდენი ფუტურო სიტყვა და ავი ოცნება, კმარა! ხალხი დავახრჩეთ სიტყვების ზღვაში. ერთი წყვილი ქალამნის მოქსოვით უფრო მეტს ვარგებდი ჩემს თავსაც და ხალხსაც, ვიდრე თხუთმეტი წლის "მოღვაწეობით".

და თეიმურაზმა "მოღვაწეობა" ფრჩხილებში ჩასვა. მერმე კვლავ განაგრძო თავის თავთან საუბარი:

- კმარა! ჩემმა ნამოურავალმა პეტრემ წერა-კითხვაც არ იცის, მაგრამ ჩემზე ხუთჯერ მეტი ჭკუა ჰქონია. ადრევე მეუბნებოდა: თავგმა თხარა, თხარაო, და კატა გამოთხარაო. ამას წინათ კი თავის-

თვის ჩაიბურტყუნა: რაც მოგივა დავითაო, ყველა შენი თავითაო. ივანემაც სწორედ მომიჭრა: ურემი რომ გადაბრუნდებაო, გზაც მაშინ გამოჩნდებაო. ჩემი ურემიც გადაბრუნდა, დაიმსხვრა და გზაც ეხლად გამოჩნდა. ვხედავ ახალ გზას, ვხედავ! კმარა, კმარა! ეხლა კი ჭკუა ვისწავლე და თვალიც გავახილე.

- მაშ რომელ საქმეს შეუდგება თეიმურაზი?

- საქმე ათასია: საკომისიო მაღაზია... ან ბაყლეულის დუქანი... ლიმონადის ან საპნის ქარხანა... ან ერბოთი და ყველით ვაჭრობა... ან გაკვეთილები, ან პაპიროსის გაყიდვა. ერთი სიტყვით, საქმე უთვალავია... ყველაფერი ადვილად მოეწყობა, ოღონდ...

ოღონდ - დღესვე წამოიყვანოს თეიმურაზმა მარგო, ოღონდ დღესვე დაიბრუნოს ერთგული, შეუცვლელი მეგობარი და... სულიერი მშვიდობა.

ოჰ! სულიერი მშვიდობა! სულიერი მშვიდობა! როგორ მოსწყურდა საწყალ თეიმურაზს სულის მშვიდობა! რამდენი წელიწადი ეძებს მას მშვიერი თეიმურაზი, მაგრამ ვერ იქმნა, ვერ იპოვნა და ვერ დაისვენა. ეხლა კი...

დღეს თუ დაიგვიანა თეიმურაზმა, ხვალ დილით მაინც... ხვალ დილით უეჭველად... უეჭველად!

* * *

თეიმურაზი დაიღალა. ვერხვის ჩრდილში მიწვა და მიიძინა. გრილმა სიომ გამოაღვიძა, ბინდი ჩამოწოლილიყო. ნაშინდრელ ურემს წამოეწია და შეახტა.

სოფლის თავს რომ მიაღწიეს, ათი საათი იქნებოდა.

დუქანში შუქი მოსჩანს. თეიმურაზი ჩამოხტა და დუქანში შევიდა. შიგ ქეშელა და ბრინკა ფუსფუსებენ. ქეშელა დასადინებლად ემზადება, ბრინკამ კი ჯაყოს სახლში მარილი უნდა აიტანოს.

- მაშ ერთად წ...წწავიდეთ, ბრინკა!

- წახვიდეთ, შენი წირი მე, რატომ არ უნდა წახვიდეთ!

ერთად წამოვიდნენ. თეიმურაზი ჰფიქრობს- „ჯაყომ ბრინკა დამარქვა, მასხარად ამიგდო. ჯაყოს ბრინკასავით ნაცარქექია და ბედოვლათი ვგონივარ. მაგრამ ჯაყო სასტიკად მოსტყუვდება, სასტიკად! ვნახოთ... ხვალ ვნახოთ“.

თეიმურაზი ცუნცულთით მიმავალ ბრინკას მისდევს. გულში კი თან-და-თან უმიზეზო შიშს, უცნაურ მორიდებას და მოკრძალებას ჰგრძნობს. ისე ეჩოთირება ჯაყოს სახლში შესვლა, თითქო მრისხანე ბატონთან მიდის სახვეწნელად და თავის შესაბრალებლად.

ხუთი წუთის შემდეგ თეიმურაზი ჯაყოს და მარგოს ნახავს. მერმე? რას ეტყვის თეიმურაზი? იშოვნა სამსახური?

- ვერ ვიშოვნე.

მერმე რად მიჰყავს მოულოდნელად მარგო?

- იმიტომ რომ... თავი მოგაბეზრე, ჯაყო... სტუმრობა გაგვიგ-
რძელდა...

ეხლა სად მიდიან? ვის მიადგებიან კარზე?

თეიმურაზმა არა იცის, ვის შეეკედლებიან და ხვალინდელ ლუკ-
მას როგორ იშოვნიან. ის კი იცის, რომ წედანდელი მოქარგული
სიტყვები აპრიალეზულ ტვინის ნაბოდვარი იყო, ხოლო ეხლანდე-
ლი, უცბად შეთითხნილი გეგმა მარგოს გააცინებდა, ჯაყოს აახვი-
ხვინებდა და თეიმურაზსაც გააწითლებდა.

მაგრამ არა უშავს-რა: თეიმურაზი დასაჯერებელ მიზეზს ამა-
ლამ მოისაზრებს და დილით მარგოს წაიყვანს. ეხლა კი ასეთი
რთული საქმის გადაჭრა ძალიან ძნელია და დაგვიანებულიც, რად-
გან ბრინკა და თეიმურაზი უკვე კიბეს მიადგნენ.

ბრინკამ ძაღლს დაუყვავა. ბოლრიამ თეიმურაზი დაუყვავად
გვერდით გაიტარა.

გვიანდაა ფიქრი, გეგმის შემუშავება და შესრულება.

სახლი ჩაბნელებულია... ალბათ ჯაყოსაც სძინავს და მარგოსაც. .
ყველაფერს ამაღამ მოისაზრებს თეიმურაზი.

ბრინკა სადღაც გასხლტა. თეიმურაზმა პირველი ოთახი ფეხა-
კრეფით გაიარა და თავის ოთახში შევიდა.

ეს ოთახი თეიმურაზის ახალგაზრდობაშიც მისი საწოლი იყო.
ეხლაც ორივენი იმ ოთახში იყვნენ დაბინავებულნი.

მარგოს ალბათ სძინავს... სძინავს ათიოდე წლის წინათ ნაყიდ
ინგლისურ საწოლზე, რომელიც მარჯვნივ... დიდი სარკის პირდა-
პირ... აი აქვე ფანჯრის ძირში... აი ამ კუთხეში, საიდანაც...

იმ კუთხიდან თეიმურაზს გოლიათური ფშვინვა ესმის. თეიმუ-
რაზმა სათვალეები შეისწორა, რამდენიმე ნაბიჯი კიდევ გადასდგა
და განიერს, ინგლისურ ტახტს დააცქერდა.

დააცქერდა და მთვარის შუქზე ბეცის თვალებით ძლივს გაარ-
ჩია იმ ტახტზე გაშოტილი ორი ადამიანი. დააკვირდა თეიმურაზი
და სიგრძე-სიგანეზე იცნო გულადმა გაშლართული ჯაყო, მისი
მტკავლის სიგრძე უღვაშები, პეშვის ოდენა ღია პირი, ცხენის დაკ-
რეჭილი კბილები და ბალიშივით ამოგდებული მკერდი.

ორივენი წელამდე შიშვლები არიან, ხოლო წელქვევით თეთრი
ზეწარი ახურავთ. მარგოს ჯაყოს მარცხენა მკლავზე მიუდვია თავი
და მამღრად სძინავს. პირსახეც მშვიდი, უმანკო და მამღარი აქვს.
გაფუებული ძუძუები მთვარესთვის ამოუგდია. მკრთალი, თითბე-
რის მკერდი გაუღელნია და ხშირი თმა უდარდელ ღიმილით მო-
სილ პირსახეზე შავი გველივით შემოუვლია. თეთრი, გატიკული
და თლილი მარმაროს მკლავი ჯაყოს ბანჯგვლიან მკერდზე უდევს.

თეიმურაზი უცებ თავით-ფეხებამდე ჭიანჭველების ბუდეში
ჩაჯდა.

თავში ალი აუვარდა. გულზე ცეცხლის სალტე მოუჭირეს და შიგნეულობას მარწუხებით დასწვდნენ. მისი ტვინი ხანმარმოდებულ საგიჟეთს დაემსგავსა. თვალთ დაუბნელდა, თავბრუ დაესხა და მუხლები დასწყდა. მაინც თავს ძალა დაატანა, ორივე ხელით ტახტს დაებჯინა, კისერი წინ გაიწვდინა, თვითონაც გაიჭიმა და ორივეს ჩაციებით დააცქერდა.

ორივეს ავის თვალთ ათვალთიერებს თეიმურაზი და ხარბის დაკვირვებით სინჯავს. თითქო ხანგრძლივ უსმელ-უჭმელობის შემდეგ გემრიელ სანოვარს წააწყდა და ავხორციანი სურათით სძლებოდაო, - შხამიან წყურვილს იქრობდა, რაღაც უცნაურ ჟინს იკლავდა და ავზნიან სასმელით იწამლებოდა.

როდის, ან სად ნახა თეიმურაზმა ასეთი სურათი? ჰო, მართლა! დუქანში, დუქანში ნახა წარსულ კვირას! ეძინა თუ ეღვიმა მაშინ

თეიმურაზს? აღარ ახსოვს. ან ავზნიანი სიზმარი იყო, ან ცხადი უჭმური.

- ნეტა ეხლაც ხომ ლანდი არ არის?

ოვალეები მოიფშვნიტა და ჯაყოს მკერდს აკანკალებული თითი დაადო.

არც ლანდია, არც უჭმური.

- ცოცხალი ჯაყოა, ცოცხალი!

მიიხედ-მოიხედა. კედელზე ჯაყოს იარაღი ჰკიდია.

- მოჰკალ, მოჰკალი!

რა თქმა უნდა, მოპალავს, უეჭველად მოჰკლავს!

მხოლოდ არ იცის ხვეისთავმა, ხმლით მოჰკვეთოს თავი, ხანჯლით გაჰგმიროს თუ მაუზერით გახვრიტოს.

ხელი თავის-თავად წაეტანა ადლიან ხანჯალს. ამოწვდილი ფოლადი იდუმალი ანარეკლებით ლაპლაპებს.

- მოჰკალ, მოჰკალ ეგ ვერაგი, ეგ ჰარამზადა, მხეცი, საზიზღარი პირუტყვი!

მოჰკლავს, ეხლავე მოჰკლავს!

მაგრამ რათ უკანკალებს მარჯვენა? რათ უთრთის ფეხები? რათ უკვნესის შიშით მოცული გული?

- მოჰკალ. თეიმურაზ ხვეისთავო, მოჰკალ!

ეხლავე, ეხლავე მოჰკლავს!

ღმერთო, აპატიე ხვეისთავს! ადამიანის სისხლი უნდა დაჰღვაროს... კაცი უნდა მოჰკლას, კაცი!

- კაცი კი არა, მხეცია, მხეცი!.. აბა, ასწიე ხელი!.. ასწიე და დაჰკა!.. დაჰკა!

თეიმურაზის ხელი მაღლა იწევს, გული კი თავის-თავად ჩურჩულვებს:

- ღმერთო დიდებულო!.. უფალო ძლიერო! შემინდვე მე შეცოდებანი ჩემნი და მომეც მე ძალა რათა... რადგან... მეც ადამიანი ვარ, ადამიანი!

უცებ თავში ყინულის ჟრუანტელმა დაჰკრა და ქუსლებამდე ჩაურბინა. თვალეზე ბინდი გადაეფარა, მკლავი მოუდუნდა, ფეხები უკან წაუცურდა, თვითონაც შავ ბურანში შთაინთქა და მოსხლტა.

იმავე წუთს თითქოს იმ იატაკზე ვიღაცამ ნაფოტით გატენილი ტომარა დააგდო. მახვილმა ბზრიალი გაიღო.

* * *

თეიმურაზმა იმავე ლოგინში გაახილა თვალები, სადაც ერთი საათის წინ ჯაყო და მარგო ჩახუტულები იწვნენ. გაახილა და თავი საგონებელს მისცა.

იქაურობას ათვალიერებს, რაღაცას იგონებს, რაღაც ლანდს ებლაუჭება. ის ლანდი კი თეიმურაზის დაღლილს და დასუსტებულ მებსიერებას გაურბის.

ჩაცმული მარგო ქმრის თავთან ზის და კაკლის ტოტებში ჩაწოლილ მთვარეს ჩაციებით გასცქერის. თეიმურაზი არ ინძრევს, კვლავ ოთახსა და მარგოს ათვალიერებს და დავიწყებულს იგონებს.

უცებ წელანდელმა სურათმა თეიმურაზს თვალწინ ელვასავით ჩაურბინა. ოდნავ წამოიწია, ერთი დაიგმინა, დაიკვნესა და თითქოს იმ გმინვას თვისი მიღებული სულიც ამოაყოლა.

მარგომ თეიმურაზს ხელი შუბლზე დაადო, მაგრამ არ მოიხედა და კაკლის ფოთლებში მიღულულ მთვარეს თვალი არ მოაშორა.

თეიმურაზი მარგოს ხელს ორივე ხელით დასწვდა და მიიზიდა. მარგო მაინც არ შეინძრა, კისერი უარესად მიიღრცა და სულთმობრძავ ქმარს უფრო მეტად აარიდა თვალი.

თეიმურაზმა ხმა ძლივს იპოვნა:

- მარგო, ჩემო მ...მმარგუში! ეს რა ამბავია? ეს რა დ...დდა-მემართა? - მარგოს ხმა ჩაუწყდა.

- ეს რა ღვთის რრრისხვა დამატყდა?! ეს რრროგორ მოხდა, რომ შენ, ჩემმა ერთგულმა მ...მმეგობარმა ?აყოზე გამცვალე?! მ...მმარგუში, ჩემო მარგუში! ხმა ამოიღე! სთქვი, როგორ მოხდა მეთქი?

მარგო კვლავ სდუმდა.

- ჩემო მ...მმარგუში! პასუხი მაინც მომეცი, დ...დდამამშვიდე... რათ მოხდა? როგორ მოხდა ეს ამბავი?

მარგომ უძირო ოხვრით ამოიოხრა და ოდნავ გასაგები ჩურჩულით ორი სიტყვა ძლივს ამოისუნთქა.

- არ ვიცი...

-

-- მესმის, მ...მმესმის. გეძნელება ლაპარაკი . მ...მმესმის. იმ მხეცმა შენზე ძალა იხმარა. რა თქმა უნდა...

- მართალია. - ამოიბგერა მარგომ.

- რა თქმა უნდა, ძალით დ...დდაგიმორჩილა. შენც დამიმა-
ლე, რადგან შ...შშეგეშინდა ულუკმა-პუროდ დარჩენისა და ს...
სსირცხვილისა არა? აგრე მოხდა ეს ამბავი, არა?

- ჰო... აგრე მოხდა.

- ეხლა კი ყველაფერი მესმის... ძალიან კ...კკარგად მესმის.
მართალს ვამბობ თუ არა?

და ერთხელ კიდევ გაიმეორა:

- მ...მმართალს ვამბობ თუ არა?

მარგომ ერთხელ კიდევ ამოიოხრა და ძლივს ამოისუნთქა:

-- ჰო, მართალია.

- პირველად ეს ამბავი მაშინ მოხდა, ტ...ტტფილისიდან რომ
მოდიოდით, არა?

მარგომ პირსახე ხელებში ჩაიმალა.

- იმ დამეს ლევანაშენში არ ჰყოფილხართ... არც თომა გინა-
რავთ. ესეც ხომ მართალია?

ისვე დუმილი.

- რაკი ჯაყოს ერთი მ...ძძალადობა შერჩა, მერმე შ...შშეგეჩ-
ვია, არა? შენ, რა თქმა უნდა, უძალიანდებოდი, იტ...ტტანჯებოდი,
მაგრამ იმ მხეცს ტყვედ ჩაუვარდი. ს...სსირცხვილით ველარ გამიმ-
ქდავნი, სისხლისა გ...გგეშინოდა. რა თქმა უნდა, ასე მოხდებოდა.
უეჭველად ასე მ...მმოხდებოდა. ამიტომ გაჩუმდი, არა?.. მართალს
ვამბობ თუ არა?

მარგო კვლავ სდუმდა.

- მითხარი, გ...გგენაცვალე, მითხარი, მართალს ვამბობ თუ
არა? მარგოს ხმამ სიოსავით გაიფუჩუნა:

- მართალს ამბობ.

თეიმურაზს თითქო გულს მოეშვა, თითქო რაღაც გაუხარდა.
წამოიწია და ნიდაყვზე დაეყრდნო. დაეყრდნო და აბუტბუტდა:

- მ...მძაღლობა უფალსა! მ...მძაღლობა უფალსა!.. ეხლა კი
ყველაფერი ცხადია... ეხლა ყველაფერი მესმის... გულმა არ მიმ-
ტყუნა, მე უარესი მეგონა. ვ...ვვიფიქრე: იქნება ჩემმა მ...მმარგუ-
შამ ჯაყო მამჯობინა? იქნება ხორციულ კავშირის გარდა გრძნო-
რათა კავშირიც დამყარდა მეთქი? ვინ იცის, როგორ არის მ...მმო-
მართული ქალის გული! მაპატიე, ჩემო მარგუში, ჩემო ერთგულო
მ...მმეგობარო... მაპატიე, რომ ასეთმა უმსგავსმა აზრმა გამიარა
თავში... შიშის ბრალია, შიშისა! შიშის და სიყვარულისა... მ...მად-
ლობა უფალსა! მადლობა უფალსა, რომ შევცდი. ჯაყოს კი ამ მ...
მხეცობას არ შევარჩენ, არასოდეს არ შევარჩენ! წავიდეთ აქედან,

მარგუში! დ...დდილითვე წავიდეთ. არა, დილით კი არა, ეხლავე
წავიდეთ, ეხლავე!

და დაფაცურდა:

- ეხლავე მეთქი, ეხლავე, ეხლავე! შორს ამ ბუნაგიდან,
შორსს. ადექი, ჩ...ჩჩაიცვი... ჩქარა! ჩქარა!..

თვითონაც წამოდგა და გამოცოცხლდა:

- მარგუში! ჩემო მარგუში! ოღონდ ეხლავე წავიდეო ამ ბილწ
ოჯახიდან და ყველაფერი თავისთავად მოეწყობა: ყველაფერს გა-
პატიებ, დ...დდაავივიწყებ. მე უკვე ნაპატიევი და დავიწყებული
მაქვს... მე არაფერი არ ვ..ვვიცი, არც არაფერი მინახავს. ყ...ყვე-
ლაფერი ამოვიგდე თვალიდან და ხსოვნიდან. მეტსაც გეტყვი:
ყ...ყველაფერი ჩემი ბრალია, ჩემი! მარტო მე ვარ დამნაშავე;
მარტო მე ვარ ბრალიანი! ახ...ახია ჩემზე, ახი! .. მაგრამ დღეს წი-
ნანდელი თეიმურაზი მ...მმოკვდა და ახალი დაიბადა. რაც მოხდა -
მოხდა! მორჩა და გ.. გგათავდა! მე არაფერი არ მახსოვს მეთქი.
ყ.. ყყალაფერი გაპატიე და დავივიწყ... მარგო! მარგუში! შენც
მაპატიე და დაივიწყე. დავიწყოთ ახალი ცხოვრება, მარგუში, და-
ვიწყოთ. ჯაყოს კი.. არ შევარჩენ ჩემს შერცხვენას. არ შევარჩენ
მეთქი!

და მუქართ თითს უქნევდა

- არ შევარჩენ! არ შევარჩენ მეთქი!

- ვის არ შევარჩენ შენა?! - დაიჭიხვინა ამ დრობ ჯაყომ და
ოთახში შემოგორდა. შემოგორდა და მთვარის შუქზე ადლიანი
ხანჯალი ააპრიალა. ის ხანჯალი, რომელიც წელან თეიმურაზს გაუ-
ვარდა ხელიდან.

ჯაყო თითქო სალაშქროდ მიდიოდა. თხემით-ტერფამდე იარაღ-
ში იყო ჩამჯდარი ზურგზე თოფი პქონდა გადაგდებული, თემო-
ზე - თეიმურაზის პაპისეული ხმალი, მკერდზე - სამი სავაზნე,
ხოლო მარცხენა ხელში - მაუზერის რევოლვერი.

- ვის არ შევარჩენ-მეთქი, ბრინკა, ვისა?! ჯაყოს არ შევარჩენ?
ჯაყოსა?!

მარგომ შეჰკივლა. უმაღ წამოხტა, ჯაყოს გადაელობა და მკლავ-
ზე ჩამოეკიდა.

- ჯაყო!.. ჯაყო, დამშვიდდი, დამშვიდდი!

- ჯაყოს არ შევარჩენ მეთქი, ჯაყოსა?! - კვლავ გაჰკიოდა ნახი-
ზნარი. ----დედას გიტირებ ჯაყოი, დედასა!.. გაგიშგი ჯაყოი! გაგიშ-
მეთქი, რო ღორივით დაგკლა ეს ბრინკაი, ესა!

აპრიალეზულ ხანჯლის დანახვაზე თეიმურაზს სისხლი გაეყინა
უმაღ კუთხეში აიტუზა და კბილების წკაპუნით ალულლულდა:

მე... მი არ...რრაფერი... დამშვიდდი, ჯაყო, დამ...მშვიდდი!
იარაღით როგორ შეიძლება... გ...გგაუგებრობა მოხდა, ჯაყო, გაუ-

გებრობა. გამ...მმოვარკვიოთ. შე კაი კაცო, მ.. მმოვისაზროთ, მოვ...
ვვიფიქროთ... ვიმ...მმსჯელოთ.

ჯაყო მაინც არ სცხრებოდა კვლავ შფოთავდა და თეიმურაზის-
კენ იწევდა.

- გამიშვი ჯაყოი! გამიშვი მეთქი ჯაყოი!

- ჯაყო, გეყოფა, იკმარე. - ამშვიდებდა მარგო.

- ჯაყოს გემუქრება ბრინკაი? ჯაყოსა?! დედას გიტირებ ჯაყო.
ზედასა!

ბოლოს, როცა ჯაყომ კუთხეში აბუზულ და აცახცახებულ თეიმუ-
რაზისგან უვნებლობა იგრძნო, ხანჯალი ქარქაშში ჩააგო. დოინჯი
შემოიყარა და გადიხარხარა, -ისე გადიხარხარა. რომ სასლში
ყვლანი გამოაღვიძა.

- ხა-ხა-ხა! ბრინკაი ჯაყოს სამაგიეროს გადაგიხდი? ხო-ხო-ხო!

ბრინკაი ჯაყოს არ შევარჩენ?! ხი-ხი-ხი!

მერმე უცებ ხარხარიშესწყვიტა, თეიმურაზისკისერში ორი თითი
დაავლო და წინ წამოაყენა:

- რა გინდოდეს შენა? ჰა? რა გინდოდეს მეთქი? მარგოი? მარ-
გო გინდოდეს?

- მარგო ჩემი ც.. ცოლია, ჯაყო უნდა წავიყვანო.

- მარგო უნდა წავიყვანო?! მერე, რათ გინდებოდეს? ჰა, რად
გინდებოდეს მეთქი მარგოი? რა შენი საქმე იქნებოდე ასეთი ცო-
ლი? ვერ აჭმევდე და ვერ შეინახვებდე. აქამდის შენთან იყავი მარ-
გოი. როგორ გახდი მერე? მარტო ძვალი-და დაგრჩა. შენ ხელში კა-
ლოს ცხენივით გახდი მარგოი. აბა ახლა გიყურე! ამასავით ინდაუ-
რიც ვერ გასუქდები. მაშა! აგრე ვიცის კარგი ცხოვრებამა! მაშ.
მაშა! აგრე ვიცის ჯაყომა! შენ კი ი-ი-იჰ, შე ბრინკავ, შენა! შენც
კაცი იქნებოდე, რაღა! ფუჰ!

და ისეთი ზიზლით გადააფურთხა. თითქო თეიმურაზის მაგივრად
იმ ალაგას უწმინდური რამ ეგდო.

-- არც მ...ძალით შეიძლება, ჯაყო - უსაყვედურა თეიმუ-
რაზმა და ბორძიკიო სცადა დარიგების მიცემა შესახებ თავის ოჯა-
ხურ უფლებისა.

ჯაყომ ისევ დაცინვით და ზიზლით მოუჭრა.

- რომელი პრავა ლაპარაკობდა შენა?! რის ზაკონი?! აი შენი
პრავა და ზაკონი: ფუჰ!

და იატაკზე დანაფურთხი ფეხით გაგლისა.

- აი ჯაყოს ზაკონი. - და ოდნავ ხანჯალი ამოსწია -- შენა.

გააღვიძებდე და გაიგებდე, რომა ზაკონის დრო აღარა ხარ მეთქი!
წინათ თქვენა სწერდებოდეთ ზაკონებსა, ახლა კი მორჩებოდით და
ჩაძალდებოდით! ეხლა მე გწერ კანონებსა, შენა! ჯაყო გწერს კა-
ნონსა, ჯაყოი! მაშ, მაშა! გაიგებდეს ამასაც, გაიგებდეს მეთქი!

და, ბოლოს, დავა ასე გადასჭრა:

- ნულარ ლაპარაკობდე მეთქი! გაათავებდე! მარგო ჯაყოსია და -
ჯაყო აღარ მოგცემდი: აღარა! ეხლა წახვიდოდე და საცა გინდებოდე, -
იქ გიჩვილებდე ჯაყოსა, მორჩი და გათავდი!

თეიმურაზმა უკანასკნელი ხერხი სცადა:

-- მარგოს მაინც ვ...ვეკითხოთ, ჯაყო.

ჯაყო ამას არ მოელოდა. ჯერ მარგოს დააცქერდა, ოდნავ შეეყოყ-
მანდა, მერმე განზე გადაგა და დაიმკლავა:

თეიმურაზი მარგოს მიუბრუნდა.

მარგო, დავა შენ უნდა გ...გგადასჭრა.

-- აბა მარგო, გითხარი, ვინ გინდოდე, მე თუ ბრინკაი?
და ორივენი მარგოს მიაჩერდნენ.

ჯაყომ ნახევრამდე ამოსწია ხანჯალი და მარგოს დაუბღვირა.

მარგომ ხელები პირსახეზე აიფარა.

- მარგუში, რას გ...გგაჩუმებულხარ?
და თეიმურაზის ხმაში თრთოლვა და შიში მოისმა.

ჯაყომ მარგოს პირსახიდან ხელები ააგლიჯა და უბრძანა:

-- გითხარი! გითხარი, ეხლავე, ვინ გინდოდე, მე თუ ბრინკაი?
-- თავი დამანებეთ... გრცხვენოდეთ... - დაიკვნესა მარგომ.

--- მარგუში!. ჩემო მ...მმეგობარო!. ხომ ხედავ, რომ სხვანაი-
რად დავა ვერ გ...გგადასწყდება. სთქვი და გაათავე. --- მერმე ჯაყოს
მიუბრუნდა: - ჯაყო, მე პ...პპროტესტს ვაცხადებ მაგ ხანჯლის გამო.

სადაც იარაღია, იქ ნ...ნნებისყოფა თავისუფალი არ არის.

- ვიცის ჯაყომა შენი თავისუფლებათ, ვიცის გაჩუმდებოდე
ბრინკაი, თორემა...

ხანჯალი კიდევ ამოსწია და ერთი ნაბიჯი თეიმურაზისკენ გადადგა.

თეიმურაზი მიყუჩდა და კუთხეში აიბუზა. ჯაყომ ისევ მარგოს
შეუტია:

- ჰა, იტყოდე თუ არა ჯაყოსკენა?
მარგომ ისევ საცოდავად დაიკვნესა:

- თავი დამანებეთ მეთქი. გრცხვენოდეთ... გრცხვენოდეთ! -
და კარებისკენ გაიწია, მაგრამ ჯაყომ გზა მოუჭრა:

- სად წახვიდოდე! ეხლავე იტყოდე მეთქი ყველაფერი, ეხლავე!

თეიმურაზი მარგოს მიეშველა:

- მ...მმარგუში, მე მივდივარ ამ სახლიდან... მოდიხარ თუ რრრჩები?
ქუდი დაიხურა, კარებს მიადგა და მოტრიალდა:

- მარგო, მე მ...მმივდივარ მეთქი. მოდიხარ თუ რჩები?
ჯაყომ მარგოს გზა მისცა:

--- ჯაყო ძალა არ დაგატან... თუ გინდებოდე, წახვიდოდე! ეს შენა და ესეც თეიმურაზი. აბა, გაგათავე! - და ხანჯალი წვერამდე ამოსწია.

მარგო პირქვე დაეცა ლოგინზე და პირსახე ბალიშში ჩაიმალა, თეიმურაზმა ძლივს გაუძლო ერთი წუთის დუმილს. ბოლოს, ერთხელ კიდევ ჰკითხა აჩუყებული ხმით:

- მარგო, უკანასკნელად გ...გგეკითხები, მოდიხარ, თუ რჩები?

მარგო კვლავ სდუმდა.

ჯაყომ გამარჯვებული ცხენით კბილები გააელვა.

ხანგრძლივი დუმილის შემდეგ თეიმურაზმა ძლივს ამოიკნავლა:

- მაშ რ...რჩები?... დავა გ...გგათავებულა...

- მაშ, მაშა, - შეაზანზარა ფანჯრის მინები ჯაყოს ჭიხვინმა: ---

გათავებული ხარ, ბრინკა, გათავებული! მარგო აქ დარჩი, აქა! მაშ, მაშა აგრე ვიცის ჯაყომა! -

ხევისთავის ნახიზნარმა რიხიანი დოინჯი შემოიყარა და ორად მოხრილ თეიმურაზს ძლევამოსილის თვალით გადახედა:

-გათავებული ხარ, ბრინკა გათავებული! დროა აქედან წახვიდოდე! აბა, ჩქარა. გაგათორიე ამ სახლიდან.

თეიმურაზმა მოწამლულის ხმით წაილულლულა:

- მაშ მ...მმშვიდობით მარგო! მ...მმშლდობით, მ...მმარგუში!..

პასუხად ბალიშიდან მარგოს ქვითინმა ამოხეთქა.

---. მარგო!... მ...მმარგუში!

და თეიმურაზმა უმაღლეს ტახტის წინ ჩაიჩოქა, მარგოს ფეხებს ხელები მოხვია, ზედ დააკვდა. აქვითინდა და აყმუვდა:

- მარგო!.. მარგუში!. ჩემო მარგუში!..- უშენოდ ვერ წწავალ...

ვერსად ვერ წავალ... გაიხსენე ყველაფერი... მოიგონე ჩემი წარსული. ყოველივე დავივიწყოთ... ახალი ცხოვრება დავიწყოთ... დამიჯერე, ჩემო მარგო, დამიჯერე, მე ხელ-ახლად დავიბადე... გონს მოდი, ჩემო ძვირფასო! ვისზე მცვლი? ვინ ამჯობინე ჩემს თავს? მარგო! მ...მმარგუში!

ჯაყო ჯერ შედრკა. მერმე ცალი ხელით თეიმურაზს დასწვდა და მარგოს ფეხებს ააგლიჯა:

- კარგი, გეყოფოდეს! ჩქარა წახვიდოდე აქედანა! - და კარებისკენ მიატრიალა.

თეიმურაზი უცებ აინთო. ჯაყოს ხელიდან გაუსხლტა და ისტერიული კივილით აკივდა:

- მხეცო!.. ველურო!. ეს რა მიყავი?!. რას მმმიშვრები?!

პირუტყვო! ჰარამზადავ! ტყიდან გამოვარდნილო დათვო!

და უცებ ჯაყოს ხანჯალს ეცა.

ჯაყომ თეიმურაზი კუნძვით მხარზე აიგდო და კარებისკენ წაიღო, თან დათვივით ბურტყუნებდა:

- არ წახვიდოდე ჩემი სახლიდანა? არ წახვიდოდე? გაჩუმდებოდე მეთქი, თორემა, ღმერთმანი, ისე სცემდი, ისე სცემდი, როგორც ძაღლსა!

ჯაყომ ის ორი ოთახი გაირბინა, აფართხალებული თეიმურაზი კიბეზე ჩაუშვა და თანაც მიაყოლა:

- ესეც შენა! არც ეხლა წახვიდოდე? ,
ისევე სახლში შებრუნდა და კარები გადარაზა.

IX

კიბის ძირში დაბმული ძაღლი თეიმურაზს თავზე დასდგომოდა და გააფთრებით პირსახეში ჰყეფდა. ნაბეგვი და დამტვრეული ნაქმრევი ზღაზვნით, კლაკვნით და კვნესით წამოდგა და ნაღრძობთ მკლავი ძლივს აითრია.

ჯაყომ აივნიდან გადმოიხედა და გადმოიძახა:

--- ბოღრია, სუ!

ძაღლი მაშინვე გაინაბა.

- ბრინკა, აბა, ჩქარა დაიკარგებოდე აქედანა. ჩქარა გაგათრიე ჯაყოს სახლიდანა, თორემ ჯაყო მოხვიდოდე და ვაი შენი ბრალი მაშინა!

თეიმურაზს აღარ მოაგონდა კიბეზე დაკარგული ქუდი და სათვალეები.

ბოღრიას გაუსხლტა, ეზო გადაირბინა და ბნელ ორღობეს შეერია. ფერწასული მთვარე მთის თავზე შემდგარა. ზემო ხეობიდან ნიავე მოჰქრის. სოფელს ღრმა ძილით სძინავს. ბოღრია-ძაღლი მოუსვენრად იღრინება და ჯაჭვს აჩხარუნებს.

ბორძიკით მირბის ცეცხლ-მოკიდებული თეიმურაზი. მირბის და ვეღარაფერს ვერ ჰხედავს. მხოლოდ ლიახვის შხუილი, საკუთარი ფეხის ხმა, თავისივე გულის ცემა და ხვნეშა ესმის. მირბის და ხან მაღალ ხორხს წამოჰკრავს მოდუნებულ ფეხს, ხან ქვას აწყდება და ხან კიდევე ეკლიან ღობეს ეხეთქება.

უცებ ფეხებში ღბილი რამ მოედო. შიშისგან შეჰკვივლა, გვერდით გასხლქა და სირბილს მოუმატა.

მირბის თეიმურაზი და უკან კნავილით ჯაყოს შავი კატა მისდევს.

წინ ბაყაყების ყიყინი ისმის. კატამ თეიმურაზს გაუსწრო, მერმე შემობრუნდა, თვალეებში ორი მწვანე სანთელი შემოანათა და ჩვილი . ბავშვივით შეჰკნავლა.

- მიაუ-უ-უ...

თეიმურაზმა ჯაყოს კატა იცნო. იცნო, მაგრამ უნებურად შეჰკვივლა და კოჭებამდე მყრალ გუბეში შესტოპა.

ბაყაყებმა ყიყინი შესწყვიტეს და ტყაპა-ტყუპით ტლაპოში მიიმალნენ.

ისევ მირბის უსინათლო თეიმურაზი. ორღობეს გასცდა და პეტრეს კალოს ჩაურბინა. კალოდან გამოვარდნილი ძაღლი თეიმურაზს ყეფით მოსდევს. საბზლიდან ვიღაც ხმას აძლევს:

- რომელი ხარ?

თეიმურაზმა პასუხი არ გასცა და ისევ გაიქცა. ხორხს ფეხი წამოჰკრა, წაიქცა და ისე შეჰბლავლა, რომ საკბენად მინაწვედენი ძაღლი შეშინდა და გაოცდა. მერმე მოტრიალდა, კუდი ამოიძუა, უკანვე გაიქცა, შორი-ახლოს ჩაცუცქდა და აყმუვდა.

- რომელი ხარ მეტეი ბანდა? - მეორეჯერ ისმის კალოდან საით მირბის სულადუღებულ თეიმურაზი?!

- ლიახვისკენ!... ლიახვისკენ!

რად მირბის თეიმურაზი ლიახვისკენ?

- იმიტომ რომ... კმარა! კმარა! დროა ყველაფერი გათავდეს.

დროა!

თეიმურაზს ყველაფერი გაუთავდა, ყველაფერი დაენგრა და დაეღუპა.

გორში აშენებულს ქრისტიანულ ხუხულასაც უჩინარმა ბედმა თითი წაჰკრა და ისე დააბნია, რომ გუშინდელ მორწმუნე თეიმურაზს იმ ნაცოდვილარ რწმენისა ეხლა ერთი ნაპერწკალიც აღარ ახსოვს.

აღარაფერი შერჩა ოდესღაც უდარდელ თეიმურაზს: არც ცოტაოდენი ქონება, არც ამოდენა ჯაფით ნაშოვნის სახელი, არც მამაპაპეული სახლ-კარი, აღარც ორიოდე დღით განახლებული სული, აღარც ოდესღაც ერთგული ცოლი და აღარც ხალხის პატივი - აღარაფერი, აღარაფერი!

ერთგული მეგობრის ნუგეშით და უმწიკვლო სახელით კიდევ შეეძლო თეიმურაზს უგემური სიცოცხლის თრევა. ეხლა კი როცა მარგოც წაართვეს და პატივიც აჰყარეს, თეიმურაზს მხოლოდ ძაღლის მყრალი მძორი-ლა შერჩა კისერზე, რომელიც სიკვდილამდე უნდა ათრიოს.

აღარ შეუძლიან თეიმურაზს ასოთი მძიმე და მყრალი ბარგის ზიდვა, აღარ!

- კმარან მეყოფა, მეყოფა!

ორმოც არ არის უძირო, ხოლო თეიმურაზის წამების ორმოს ძირიც აღარ უჩანს.

კმარა! აღარ ძალუძს თეიმურაზს მარად ამ ბნელ ორმოში ჩასვლა და ჩაძირვა. სჯობს ორიოდე წუთში გათავდეს ყველაფერი: უაზრო წარსულიც, შხამიანი აწმყოც, ბნელი მომავალიც და... ძაღლის ლეშიც. მყრალი ძაღლის მძორიც, რომელმაც ლამის გაჰგუდოს ხევსთავიც და ის ხეობაც.

რას იტყვიან თეიმურაზის ნათესავები და მიმდევარი, მეგობრები?

- რომელი მეგობრები? ვინ ნათესავები?

აღარა ჰყავს თეიმურაზს არც მეგობრები, აღარც ნათესავები. თანაზიარნიც ისე დაილივნენ და გაიფანტნენ, რომ მათი კვალიც კი აღარსად მოსჩანს მხოლოდ ზოგი გაიხსენებენ თეიმურაზის ღვაწლს, ფლიდურად მოიგონებენ იმის დათესილ მადლს და გაკვრით იტყვიან:

"საწყალი თეიმურაზი! რა უბედურად დატრიალდა მისი ცხოვრება! როგორ დაიღუპა ასეთი ადამიანი! ღმერთმა საიქიოს მაინც მისცეს შვება და მოსვენებაა.

და ერთი საათის შემდეგ სამუდამოდ დაივიწყებენ თეიმურაზი: მადლსაც და სახელსაც.

- კმარა! კმარა!

ეყოფა თეიმურაზს გოლგოთის აღმართი, ეყოფა!

იქნებ ვინმემ თეიმურაზის სიტყვები გაიმეოროს. რომელსაც თვითონ თეიმურაზი ხშირად იტყოდა ხოლმე, როცა უკანასკნელ ხანებში ვინმეს სიკვდილს გაიგებდა:

--- ეხლა მივუხვდი აზრს ჩინელების ერთს ადათს: როცა ვინმე დაებადებათ, წინდაწინვე სტირიან იმის მწარე ბედს: ხოლო როცა მოუკვდებათ. იმის ტანჯვა-წამების დასრულებას მოილხებენ. ამირომ არც მე ვსტირი ვინმეს სიკვდილს, მშურს კიდევაც.

ოღონდაც! ოღონდაც! ჰმურს თეიმურაზს მიცვალებულთა ბედი! იცხოვრეს, თავისი ხვედრი მიიღოს და წავიდნენ. წავიდნენ და ამ ჯოჯოხეთს აღარ დაუბრუნდებიან.

ეხლა თეიმურაზის წამების დასასრულიც მოვიდა. გათავდა ყველაფერი! ხუთიოდე წუთში გათავდება ყოველივე! ეყოფა თეიმურაზს საამქვეყნო ურვა და ძვინვა, ეყო!

- მარგო? მართლა, რას იზამს მარგო. როცა თეიმურაზის სიკვდილს გაიგებს?

რა თქმა უნდა, მწარედ იტირებს და შავად იგლოვებს. მაგრამ... ოოჰ, შავგულო ფარისეველო! ოოჰ, ორპირო, ფლიდო, ავზნიანო

დედაკაცო! ჭრელო გველო! მრუშო, ბილწო, ჭუჭყიანო ორმოვ! წყეულიმც იყავ, ჰოი, უმადურო მეძავო! იყავ წყეული უკუნითი უკუნისამდე. ამინ ამინ! შხამად ამოგივა ერთ დროს ეგ ვერაგობა და მზაკვრობა, შხამად! შხამად!

თეიმურაზს ერთ წუთში თვალწინ ათასმა წვრილმანმა აზრმა, სურათმა და მოგონებამ გაურბინა.

კიდევ რაღაც სათქმელი მოაგონდა, მაგრამ ამ დროს იმ მორევს მიადგა, სადაც წინათ ნემს-კავით თევზაობდა.

"აბა, ერთი!.. ორი!..

მიადგა და შესდგა. ოდნავ სული მოითქვა. ადუღებული სისხლი პირსახეში აუვარდა. გული საგულედან ამოვარდნას ჰლამობს. ქვა-ბივით გახურებული თავი საცაა უნდა გასკდეს.

- ერთი!.. ორის.

სიცოცხლის უჩინარმა სიმებმა უკან დასწიეს თავგანწირული თეიმურაზი. იდუმალმა ლანდებმა ფეხები შეუკრეს და მიწას მიაბეს. ვიღაცამ გულში ჩაუწვეთა.

- იქნება აჩქარდი... იქნება შეიძლებოდეს მარგოს მობრუნება...

მეორემ შხამიანად ჩაიხითხითა:

- ნუ ფლიდობ!.. ყველაფერი დაილუპა, დაინგრა, გათავდა!..

მომავალში მხოლოდ სირცხვილი, შიმშილი და ათასი დამცირება მოგელის. მოიგლიჯე კისრიდან ძაღლის მძორი, მოიგლიჯე!.. მხოლოდ ერთი წუთი, ერთად-ერთი! ყველაფერი უცებ გათავდება.., აბა, გაკბედე!

-- ერთი!.. ორი!..

თეიმურაზს ესმის უხილავის კვილი -- "ჩამოიგლიჯე, ჩამოიგლიჯე!"

- და გულმკერდს ისე იხოკავს და იკაწრავს. თითქო იმ მძორის ჩამოგლეჯას ჰლამობსო.

წელან თეიმურაზს ღმერთიც და პირჯვრის წერაც დავიწყებული პქონდა, მაგრამ ეხლა, შავის უკუნეთის წინაშე, ვიღაც უჩინარმა მოაგონა, მარჯვენა ხელი ააწვეინა და ფართე პირჯვარი გადააწერინა, გადააწერინა და ხელი წაჰკრა:

-- სამი!

თეიმურაზმა თვალები დახუჭა და ისკუპა. წყალმა პირი დაალო და უმაღვე შეჰკრა.

იმავე წუთს სიბნელეში სასოწარკვეთილი გმინვა მოისმა, თეიმურაზი ფრჩხილებით და კბილებით ებლაუჭება სიცოცხლეს:

- მიშველე-ე-ე-ეთ!.. მიშველე-ეთ!..

ფართხალობს თეიმურაზი წყლის პირზე და ბლავის; ბლავის და კლდის წვეტიან ნაგლეჯებს ებლაუჭება, მაგრამ ძლიერი ტალღა სუსტ

თითებს ჰგლეჯს და მჩატე სხეულს მიათრევს. ცეცხლის ქარიშხალი ტრიალებს ხევისთავის სულში. იდუმალი და უძლეველი ძალა აყვირებს წყალწადებულს.

- მიშველეთ! მიშველე-ე-ეთ!..

მისი კვილი ღამის დუმილს აფრთხობს.

შავ კატას თითქოს ესმის თეიმურაზის უიმედო მოწოდება. მდინარეს ნაპირ-ნაპირ მისდევს და სჩხავის. კალოდან ძაღლიც უკან გამოჰყოლია, ბექობზე ჩაცუცქებულა და გაბმული ყმულით ჰყმუის.

თეიმურაზის ბლავილი პეტრეს შვილს ნინიკასაც მისწვდა კალოზე. მორბის ნინიკა და ჰყვირის:

- რომელი ხარ?.. ვინა ხარ?

- მიშვე-ლე-ე-ეთ!

- სადა ხარ?.. სადა ხარ?..

- მიშვე-ლე-ე-ეთ!

. - მოვდივარ! ნუ შეშინდები, მოვდივარ!

თეიმურაზმა ნაპირის ქვას ხელი წაავლო და ამოტივტივდა. ტალღა პირსახეში სცემს და სცდილობს თავისი კერძი კლდეს ჩამოჰგლიჯოს და ჩაიხუტოს.

ნინიკა მოვარდა და თავთ წაადგა:

--- რომელი ხარ? სადა ხარ?

თეიმურაზი ძლივს-და ხრიალებს:

- თ.. თთეიმურაზი... თ...თთთეიმურაზი ვარ. მიშველე, ნინიკა, მიშველ-ე-ე!

ნინიკა წყლის ნაპირზე ჩაცოცდა, თეიმურაზს ხელში ხელი წაავლო და გაამხნევა:

- გამაგრდი... არ შეშინდე... აქა ვარ...

* * *

რიჟრაჟმა მოატანა.

ოდნავ მოსულიერებული და გონმოსული თეიმურაზი ნინიკას საბზელში გაშოტილა. მისი ნამოურავალი პეტრე, ნინიკა, ჯაყო, მარგო, ნახუცარი ივანე და ხუთიოდე გლეხი წყალში გაწურულ თეიმურაზს თავთ დასტრიალებენ.

დოინჯ-შემოყრილი ჯაყო იქვე სდგას და იღიმება.

- აკი გითხარი, ძაღლი კოწლობით არ მოკვდები მეთქი!

ნინიკამ ტუჩები მოიკვნიტა და ჯაყოსკენ ერთი ნაბიჯი გადასდგა.

დაჩოქილმა მარგომ თეიმურაზის სველი თავი მუხლებზე დაიდო და მოუალერსა:

-- თეიმურაზ!.. თემურ!.. არა გრცხვენიან?!.. რას იფიქრებენ?

თეიმურაზი იკლანკება, ხელებს ძლივს ალივლივებს, შოშიასავით ალებს და წყალს ალებინებს. ბოლოს, თევზის თვალები მარგოს შეანათა, სახე უარესად დაიღრიჯა და ძლივს წაილულლულა:

--- დაიკარგე... დამეკარგე აქედან, შე უნამუსოვ!.. უსინდისო!

მარგო გველნაკბენივით წამოხტა.

ჯაყომ მარგოს შეუტია:

- აკი გითხარი, ნუ წახვიდოდე მეთქი! თეიმურაზი, არ გინდა მეთქი შენი ნახვა, არა! გაიგებდე, ადამიანო, გაიგებდე, რომ ბრინკას აღარ გინდა მეთქი შენი ნახვა, აღარ!

მერმე თეიმურაზს ზიზღით დაჰხედა:

- მამ ეგდებოდე მაგრე! მოკვდებოდე ძაღლივითა! ლობიო! ქალაჩუნა! ქალაბიწა, ფუჰ, შენი ვაჟკაცობა!

- გაეთრიეთ... დამეკარგეთ... მხეცებო! ნადირებო! - ლულულულებს თეიმურაზი.

--- ჯაყო! - ადუღებული ხმით წამოიხრიალა ნინიკამ და ცეცხლ-

მოკიდებული თვალები ჯაყოს მიანათა. - გეყო! გეყოფა მეტქი თორემ... თორემ...

ჯაყო ჯერ აღრინდა და ნინიკას ეშვი აჩვენა. მაგრამ იმის თვალებს რომ წააწყდა, უცებ მოლბა, მოიდრიკა, თვალი მოარიდა, გაბრუნდა და ატირებული მარგო ძალით გაიყვანა. მერმე კარებიდან ისევ შემოიხედა, მიბნედილ თეიმურაზს კბილები გაუელვა და ნეკი გაუშვირა:

- ალუ-უ! ნეკზე არ გიკპინო! შე ბრინკა, შე ნაცარქექია, შენა!

ალუ-უ, ალუ-უ თეიმურაზსა, ალუ-უ-უ! აკი გითხრამდა ჯაყოი, რომა...

ნინიკამ ჯაყოსკენ გაიწია. ჯაყომ სიტყვა შუაზე გასწყვიტა და კარები გაიჯახუნა.

ნაწილი მესამე

I

ერთი კვირის შემდეგ ჯაყო ნახუცარ ივანეს ეუბნებოდა:

- ეს საქმე თუ გაგიკეთე ჯაყოსა, სამოცი ჩანახი პური მოგცემ.

- კარგი, ჯაყო, ვნახავ, ვცდი.

- კიდევ ერთი რამე უნდა გითხრამდე: თუ ნაშინდარს სკოლა გაგიკეთე, მეც ერთი ურემი და ერთი კაცი მოგცემ სამუშაოთა. მაგრამ კაპრატივი არ გინდა ჯაყოსა!

- ვიცი.

- კჩორტუ კაპრატივი! არ გინდა კაპრატივი ნაშინდარსა! ვიცის ჯაყომა, რათ გინდა აქ კაპრატივი. ვიცის! ხალხი ტყავი გინდა გაგამრო, განა! ვიცის ჯაყომა, ვიცის!

- ჯაყო, კოოპერატივის საქმეში მე ვერ დაგეხმარები, თეიმურაზის საქმეში კი მოგეშველები.

-- კარგი მაშა! კაპრატივი მერე იყავი. შენ ჯერ თეიმურაზის საქმე გაგიკეთე. აბა, ხელი მოგეცი.

ერთმანერთს ხელი მისცეს და დაშორდნენ.

იმავე საღამოს ივანემ ნიადაგი გასინჯა: თავის ოჯახში შეკედლებულ თეიმურაზს გვერდით მოუჯდა და ტკბილად უთხრა:

- ძმაო თეიმურაზ! თავი რომ აგიღია და მიდიხარ, სად მიდიხარ? ფული შენ არა გაქვს, სახლი და კარი. სამსახურსაც ვერსად იშოვნის. შენი დრო წავიდა.

- წავიდა. - უმაღ დაეთანხმა მოსულიერებული თეიმურაზი.

--- ახლოს არავინ გიკარებს.

- მ...მმართალს ამბობ, არ მიკარებენ.

- ამ სოფელს რომ მოსწყდე, მშიერი მოკვდები.

- ეგეც მართალია, მშიერი მოვ...ვკვდები. მაგრამ...

- თუ ესეც მართალია, მაშ რაღად ახირებულხარ, უნდა წავიდეო?

თეიმურაზი უცებ აფიცხდა და აღელდა:

- ივანე, ჩემი გადაწყვეტილება ურყევია. ძალიან გთხოვ და გეხვეწები, რომ...

-- კარგი, თეიმურ, კარგი. -- გააწყვეტინა ივანემ და ბაასს კვალი გადაუგდო. - კარგი, მაგაზე ნულარ ვილაპარაკებთ. - მერმე მოიფიქრა და შორიდან მოუარა! - დიდი სიკეთე გაქვს დათესილი, თეიმურაზ, მაგრამ...

- ჩემი დათესილი სიკეთის მეთ...თეთდიც რომ დამბრუნებოდა, ამ დღეში არ ჩავ...ვვარდებოდი და გულმშვიდად ვიცხოვრებდი. ეხლა კი სინანულის მეტი აღ...ლარაფერი დამრჩენია. ჰმ! საკ...კვირველია, ღმერთმანი: ადამიანმა რომ თავისი ბოროტი საქმენიც ისე, ხშირად მოინანოს, როგორც სიკ...კეთეს ნანობს ხოლმე, მისი სიცოცხლე განუწყვეტელ სინანულად გადაიქცეოდა.

--- მარტო ჯაყომ შენგან იმდენი სიკეთე ნახა, რომ დღე-და-ღამე შენი ღმერთი უნდა ილოცოს.

- ჯაყო? ჰმ! ჰოი, ჯაყო? რა უნდა მ...მმოვსთხოვო უსუსურ ბავშვს, ტყის დათვს, ველურს?! ივანე, დააკვირდი ცხოვრებას და ხალხს. ზოგის ხელში ღმ...ღმერთი გატიკინდება. ზოგის ხელში კი.

ტიკინაც გაღ...ღმერთდება. გაყოს ხელში ღმერთიც უმაღ ტიკინად გადაიქცა. წარა-მარა გაიძახის: "ღმერთმა რევალცია ადღეგრძელოსო" და... "ძირს კაპრატივიო!"

-- ამას წინათ თხა გაუხდა ავად. გაღმა სოფლიდან მღვდელი გამოიყვანა და უთხრა: „ჯაყოს თხა ავად გახდი: გაზიარე, ღვდელიო, ჯაყოს თხაი“.

ორივემ გულიანად გაიცინეს.

- ძალიან უდივრად კი მოიქცა. - სთქვა მერმე ივანემ.

- ნუ გგონია, ივანე, ვითომ ჯაყოს ს... საქციელი მ...ძალიან მწყენოდეს. გახსოვდეს, ძმაო ივანე, რომ პატიოსანის წკიპურტი უფრო მწვავეა, ვიდრე ხეპრეს კომბალი.

- ეგეც მართალია.

- ესეც იცოდე: შეუგნებულთან პურის ქამას შეგნებულთან ომი გერჩივნოს. თუ შენ პატიოსანი და ჭ...ჭკვიანი ადამიანი ხარ, და ბედმა გაგიჟებულ ავაზაკთა ბრბოში ჩაგაგდო, ასეთ ხალხში ცხოვრება შენთვის უუდიდესი სასჯელი იქნება. პირადად მე ჭკვიანთა და პატიოსანთა შორის გ...გგიჟობა მირჩევნიან, ვიდრე ჭკვიანობა და პატიოსნება გაგიჟებულ ავაზაკთა შორის. გაყოს ოჯახში კი ყველაზე პატიოსანი და ჭკვიანი ისევ ის ჭკუათხელი და უბზადრუკი ბრინკა ყოფილა.

- ძალიან ნუ დაემდურები ბედს, თეიმურ, თორემ...
- რატომ არ უნდა დ...დდავემდურო? ვითომ ამაზე მეტს რას მიზამს? რალა დამრჩა, რალა უნდა წამართვას! თავში ყინული, გულში შხამი და სულში ხანძარი, - აი რა შეჭრჩა თეიმურაზ ხევს-თავს!

-- სიცოცხლე? ესეც ერთ რამედ ჰღირს, თეიმურ.

- ხა-ხა! სიცოცხლე! სიცოცხლე ძაღლის მძორივით მკიდია კისერზე და ის მ...მძორი, ვერ იქმნა, ვერ ჩამოვიგლიჯე კისრიდან, აი ჩემი სიცოცხლე!

და თეიმურაზმა ორივე ხელის თითებით ისე ჩამოიფხანა გულმკერდი, თითქო მართლა მძორი ეკიდა და იმის ჩამოგლეჯას სცდილობდაო.

- ისიც ნუგეშია, ჩემო თეიმურ, რომ სანთელ-საკმელი თავის გზას არ დაჰკარგავსო. შენი დათესილი სიკეთე ადრე თუ გვიან ამოვა, ან უკვე ამოვიდა.

-- შეიძლება, მაგრამ... ჰმ! ესეც საოც...ცცარია! ზოგი თავის ნათესს თავის დროზე მოიმკის, ისიც ერთს ათად: ზოგი მოსამკალს ზამთარში იმკის, ზოგი კი - არასოდეს. მეც იმოდენა ნათესიდან ერთი მარცვალიც არ მერგო.

-ყველაფერს ბედი უნდა, ჩემო თეიმურ, ბედი.

--- ოღონდაც, ჩემო ივანე, ოღონდაც! აი მაგალითიც: გარეთ გაიხედე, შენი ძაღლი ეხლა სალ...ლაფავს სჭამს. გუშინაც სჭამდა და. ალბათ, ხვალაც და ზეგაც შესჭამს. მშიერი არ მოკვდება, რადგან კ...კარგი პატრონი ჰყავს. აგერ, შექნი ღორები და კამეჩებიც არხეინად და უდარდელად მიირთმევენ. იმათაც მზრუნველი ჰყავთ. აგერ, ღობეზე და ბაღში მთელი დღე და მთელი თავიანთი სიცოცხლე ჩხიკვი, ყვ... ვვავი და ბელურები დაჰბტიან, ჰგალობენ, იმღერიან, სიხარულით ლოცულობენ და მხიარულად ჰლალობენ. არც იმათ იციან დარდი, ვარამი, ურვა და ჭმუნვა. ნეტა იმათ! ეს ჩიტები, ეს ძაღლი, კამეჩი და ღორიც ჩემზე და შენზე ათწილ და ასწილ ბედნიერი არიან.

- მეტის-მეტად შეგიტოპნია შავ ნალველში, ჩემო თეიმურ. იქნება იმ ძაღლს და იმ ღორს შენზე ნაკლები დარდი ჰქონდეთ, მაგრამ რაც უნდა იყოს, ძაღლი მაინც ძაღლია და ღორი-ღორია.

--- მხოლოდ ადამიანს მიაჩნია ღორი და ძაღლი, ღორობა და ძაღლობა უწმინდურებად, საზიზღარ ქმნილებად და უუდიდეს უბედურებად, თორემ აბა იმ ღორს და ძაღლს გააგებინე ადამიანის ნ...ნნამდვილი ბედი და მერმე ჰკითხე, რა ურჩევნიათ, ღორობა თუ ადამიანობა? შენ თვითონ რადა სჭრი ღორის მაგივრად ღორის აკვარგიანობას?

-

- ეგ რომ. ეგრეც იყოს, მარტო ადამიანის ენა, შეგნება და

ცოდნაც ხომ რადმე ჰღირს!

თეიმურაზი ზეზე წამოვარდა:

- ოოჰ, ღმერთო დიდებულო! ნეტა როდის განიზნევა კაცთა შორის ეს უუდიდესი ცრუმორწმუნეობა და მარადიული ლანდი?! ცოდნა!.. ენა!.. შეგნება!.. შემეცნება!.. ხუთი წლის ბავშვს თავის გასართობად ტიკინას ჩასჩრიან ხ...ხხოლმე ხელში და თავს მიანებებენ. არც კაცობრიობა გასცდენია ბავშვის ხნოვანებას. ღმერთმა რომ ადამიანი გააჩინა, პროგრესის, ცოდნისა და ჭეშმარიტების ლანდი ჩასჩარა ტიკინასავით, მერმე არხეინად განისვენა და სთქვა: ეხლა კი ეს ცუდლუტი და მოუსვენარი სულიერი თავს აღარ მომაბეზრებსო. დასჩოჩავს მას აქეთ ხუთი წლის კაცობრიობა ხუთ მილ... ლლიონ წელიწადს და ამაყად გაიძახის: „ცოდნა! ჭეშმარიტება! შეგნება! მეტყველება! გაიძახის თუთიყუშივით ამ სიტყვებს, თვისი თავი ქვეყნის ბატონი ჰგონია და სამყაროსაც ისე ეპოტინება, როგორც პ... პპატარა ბავშვი მთვარეს.

- თუ ცოდნასაც არ წაეტანა ადამიანი, მაშ რილას მაქნისია?
- ადამიანი არაფრის მაქნისი არ არის. ამ ქვეყნად მისი მიზანი და დანიშნულება ცოდნა კი არ არის, არამედ ბედნიერება,

ბედნიერება და ისევ ბედნიერება! იმიტომ გითხარი წელან, რომ აგერ ის ძალლიც და ის ღ...ღღორიც ჩემზე ბედნიერები არიან მეთქი.

- მე კი მგონია, რომ ცოდნა ბედნიერებაა და ბედნიერება ცოდნაა.

- ტყუილია! ტყუილია მეთქი! უუდიდესი და უუსაშინელესი სიყალბეა, რომელსაც უთვალავი უბედურება მოსდევს. ცოდნა რაც არის, ეს ხომ მეც ვიცი და შენც იცი. ბედნიერება კი ადამიანის ყოველივე სურვილის შესრულებას ჰქვია, მაშასადამე...

- მაშასადამე, ეს ღორიც, ძალლიც და აფრიკელი ველურიც შენზე ბედნიერები არიან. რადგან შენზე ნაკლები სურვილი და მოთხოვნილება აქვთ, არა?

- დიაღ, და ჩემზე მეტი საშუალებაც აქვთ სურვილის მიღწევისა. დიაღ, დიაღ! ყველანი ჩემზე ბედნიერები არიან: ღორიც, ძალლიც, ზულუსიც და... ჯაყოც, დიაღ ჯაყოც!

- მესმის... გამიგია. მაგრამ ეს ქვეყანა მაგ გზით არ მიდის.

- მართალია, მაგრამ შენ ეს მითხარი, ჩემზე. ბედ...დდნიერია თუ არა ჩვენი ჯაყო, - ხეპრე, უგუნური, ავ... ვვაზაკი, ტყიდან გამოვარდნილი დათვი, რეგ... გგვენი და ბრიყვი?... სთქვი, სიმართლე სთქვი... ნუ მერიდები. შორიდან, ობიექტურად და მიუდგომლად რომ გავზომოთ, ჩემზე ბ... ბბედნიერია თუ არა ჯაყო? ივანემ კარგა ხანს. იფიქრა და მორჩილებით წაიბუტბუტა:

- ჰო... მართალი ხარ... შენზე ბედნიერია.

--- მეც მაგას მოგახსენებდი. მაშ რა ოხრად ბინდოდა ცოდნა, განათლება და ესოდენი წ...წწამება ცოდნის შესაძენად? ივანემ დრო იხელთა და ბაასი კვლავ ძველ კალაპოტი ჩააგ-
დო.

- რაკი ჯაყოზე ჩამოაგდე ლაპარაკი, უნდა მოგახსენო, რომ ჯაყო ზოგს კერპად ჰყავს გადაქცეული. .

- იმიტომ, რომ ჯაყო მუდმივ იმარჯვებს და წინ მიიწევს. მოგ...გგეხსენება გამარჯვებულის და ბრბოს ფსიქოლოგია. კაენს და იუდას რომ გაემარჯვნათ, ხალხი ორივეს კაენობას და იუდობას აპატიებდა. ჯაყოს საქმეც აგრეა. ჯაყომ გ... გგაიმარჯვა, მე კი დავმარცხდი, მორჩა და გათავდა!

- ჰო, იმას გეუბნებოდი: ნუ კი გამიწყრები. ხომ იცი, სიკეთე მინდა შენთვის, თორემ შენს საქმეში როგორ ჩავერეოდი!

- მჯერა, ჩემო ივანე, მ...მმჯერა, სთქვი.

- ჰო და, ჩემო თეიმურ, აი რა უნდა მეთქვა: შენ თუნდ წადი, თუნდ დარჩი. როგორც გნებავდეს, ისე მოიქეცი, მაგრამ...

-- მაგრამ?

- მაგრამ მარგოს ბედი უნდა გამოარკვიო, თორემ ისევ შენი სირცხვილი იქნება, თუ... დღევანდელივით გამოურკვეველ დღეში დასტოვე.

--- მესმის... ვიცი... მესმის... --- ჩაიკნავლა თეიმურაზმა, თავი ხელებში ჩაიგდო და გახევდა.

რა იცის ივანემ, რა ჯოჯოხეთი ტრიალებს თეიმურაზის სულში! რა იცის ივანემ, რომ თეიმურაზის ენა წასვლაზე ჰყბედობს, გული კი უკვნესის, ნაშინდარს ებლაუჭება და გაჰკვივის:

- "არა, არა! აქედან ვერსად წავალ! მარგოს ვერ მოვშორდები! თუნდ ფეხქვეშ გამიგდოს, თუნდ ფურთხივით გამგლისოს და მონად გამიხადოს, მაინც ვერ მოვშორდები ჩემს მარგოს... ჩემს მარგუშის... ჩემს მარგალიტს, ჩემს ერთადერთ ღმერთსა და ბატონსა.

- ჰო და, იმასაც გეტყვი, რომ უფულოდ წასვლა არ შეიძლება, - ჩასჩურჩულებს ივანე. - ესეც რომ არ იყოს, აგრე ადვილად ცოლს თავს როგორ ანებებ?

თეიმურაზი გამოცოცხლდა და ანთებული თვალებით ივანეს მიაჩერდა:

- მაშ... რა ვქნა? ხომ არ... რრაფერი არ გაიგე? მარგომ ხომ არ...რრაფერი არ გითხრა?

- არა, მარგომ... რაც მოხდა, მოხდა! სირცხვილია, კნენა მარგო რომ ჯაყოს ხასად დაუსვა, შენს გვარს მაინც ნუ შეარჩენ, გაეყარე.

თეიმურაზი ისევ ჩაფიქრდა და წუთიერი იმედიც გაჰქრა.
- ძმურად გირჩევ, ძმაო თეიმურ, ჯერ ასწონე და მერმე გადასჭერი.
თეიმურაზმა სათვალეები შეისწორა, თითი მაღლა ასწია და წაილულლულა.
- მ...მმოვიფიქრებ... მ...მმოვისაზრებ.

II

მეორე დღეა ჯაყო და ნაროო ივანემ სტუმრად მიიწვია, თეიმურაზი მათს მოსვლას არ მოელოდა. როცა ჯაყოდა მარგო თავთ წაადგნენ, ნაავადმყოფარი თეიმურაზი ტახტზე ისვენებდა.
- გამარჯობა, ბრინკა! დ მიახალა ჯაყომ. დ როგორა ხარ? მადლობა ღმერთსა, რომ აგრე გადარჩებოდე.

თეიმურაზმა ძლივს წამოიწია. შერცხვა, გაწითლდა და ენა კბილებში გაეჩხირა:

--- მ... მმადლობელი, ჯაყო, მადლობელი.

მარგო გვერდით მიუჯდა. მილეული ხელი გამოართვა და თვალებზე ხელსახოცი მიიღო.

ივანემ ჯაყო მაშინვე აივანზე გაიყვანა.

ნაცოლქმარნი დიდხანს სდუმდნენ და უხმო, უსიტყვო ტირილით სტიროდნენ. ბოლოს, თეიმურაზმა აჩქროლებული ხმით ჰკითხა:

--- მარგუმი! მაშ ყველაფერი გ...გგათავებულია?... იმედთ აღარ არის?

მარგომ ჩალუნული თავი უფრო დაბლა ჩასწია.

თეიმურაზმა მარგოს ფაფუკსა და თბილ ხელს ოდნავ ხელი მოუჭირა. მარგომ პასუხი არ გასცა, ხელი გამოართვა და პირსახე მიიბრუნა. თეიმურაზის გულის ალღომ მარგოს პასუხი უმაღვე გაიგო. გაიგო და აჩვილდა, აფორიაქდა და აკვნესდა.

უცებ თეიმურაზი მარგოს მუხლებზე პირქვე დაემხო, პირსახე კაბის ნაოჭებში ჩაუმალა და აბუტბუტდა:

--- მარგო. ჩემო მარგუმი! ჩემო ერთადერთო მეგობარო!.

შენ, გ...გენაცვალოს თეიმურაზი... შენი ჭირი მე, მარგუმ! თავს შემოგ...გვევლოს შენი თეიმური... მაპატიე ხეპრული და ბრიყვული საქ...ქეციელი... ამას წინად იქ, საბზელში უდიერად მოგიხსენე, წაუშლელი შეურაცხყოფა მოგაყენე... შენც ხომ იცი, რომ ის სიბ...ბრიყვე მეტის სიმწარით და სიყ...ყვარულით მომივიდა. უსაზღვრო დარდმა და გულის ტკივილმა დამაყრუეს, დამაბრმავეს, გამაგიჟეს, იმიტომ წამოო...ვეროშე ის ბილწი სიტყვები, იმიტომ მოგცხე ტალახი და ჩირქი, თორემ შენ როგორ გაგიბედავდი, როგორ გაგიმ...მეტებდი, როგორ გაკადრებდი იმისთანა უმსგავსს გმობას და შერცხვენას!

მარგო აირია, და სულით აიწეწა.

თეიმურაზის ქვითინი და მუდარა მოულოდნელი მეხივით დაეცა. წელან რომ გულის ფანცქალით მოდიოდა ნაქმრევის სანახავად, გულში ჰფიქრობდა: "მუხლებში ჩავუვარდები თეიმურაზს და ცრემლით მოვინანიებ ჩემს ცოდვასო". თუმცა ჯაყოს ძლიერ მკლავებიდან მარგოს გამოსხლეტა აღარ შეეძლო, მაგრამ იმ ორ თვეში წარსული ვერ დაივიწყა, ვერ წაიშალა და ვერ ამოიგდო გულიდან ათი წლის ცოლ-ქმრობა, -- ხორციტ მსუბუქი, ბაცი, უღონო და უხალისო - მაგრამ მაინც ერთგული, მყუდრო და უდარდელი. ერთ ჭერ-ქვეშ და ერთ საწოლში ათი წლის ცხოვრებამ ორივენი ათას უხილავს სიმით და ფესვით შეჰკრა და შეჰბოჭა, და როცა მარ-

გომ ეს ფესვები ამოსაგლეჯად ამოსწია და ძაფები დასაწყვეტად დასჭიმა, თავისს ტანისა და სულის ყოველ წერტილში გაუძლისი ტკივილი და გოლგოთური კვნესა იგრძნო.

სულით ნაცემი და დატანჯული მარგო ეხლაც იმისთვის მოვიდა თეიმურაზთან, რომ როგორმე გაეადვილებინა ამ ძაფების დაწყვეტა, თუმცა ჯერ არც კი იცოდა, როგორ და რანაირი ხერხით დაიხსნიდა მარგო თავს შეჩვევის, შეთვისებისა და სულიერ მეგობრობის ტყვეობისგან, რომელსაც თითქმის ისეთივე ძალა და გამალებობა ჰქონდა, როგორც ჯაყოს ბრმა ჟინსა და ველურ სიყვარულს. .

თვითონ მარგო აპირებდა ფეხქვეშ ჩავარდნას და ხვეწნა-მუდარას. ეხლა კი თვითონ თეიმურაზი უღობობდა მარგოს მუხლებს და ისეთი სასოებით ნანობდა ქინძისთავის-ოდენა ცოდვას, ვითარცა ნაავაზაკარი წმინდანი ნანობდეს უფლის წინაშე განუზომელ ბოროტებას. გაცეცხლებული და დაბნეული მარგო თეიმურაზის შეთხელებულს, ჭადარა თმას მთრთოლვარე ხელს უსვამდა და იმის გახურებულ ბოდვას გულის ფანცქალით უგდებდა ყურს.

თეიმურაზმა მარგოს მეორე ხელიც ჩაიბღუჯა.

--- ხომ აპატიე, მარგოში, ხომ შეუნიდე შენს ძველსა და ერთადერთ მ...მეგობარს გაგიჟების დროს წამოსროლილი. რომვა?..
ოოჰ, გმადლობთ! გმადლობ, ჩემო ანგელოზო, ჩემო დაუვიწყარო დაო, დედავ და მეუღლე!

მარგომ თეიმურაზს ოდნავ თავი აუწია:

--- ადე, ადექი... გეყოფა, დავივიწყოთ ყველაფერი.

- არა, არა! დაიცა... დამაცა... ცოტა ხანს კიდევ დამაცადე.

და ჟინიან ბავშვივით თავი უფრო ღრმად ჩაუხუტა მუხლებში და ორივე ხელით უფრო მაგრად დაებლაუჭა კალთებში.

- ცოტა კიდევ დამაცა... ეს არის ჩემი უკანასკნელი წილი.

უკანასკნელი ალერსი... მერმე ყველაფერი გათავდება... სამუდამოდ გათავდება. აღარ შეგაწუხებ, აღარც შენ მოინდომებ, აღარც

{აყო დამანებებს შენს თავს... მალე ყველაფერი გათავდება... გა-
თავდება!.. გა-თავ-დე-ბა... მაგრამ... ჯერ მითხარი. გამაგებინე.
რას მიპირებ, რა ბედს მიუძღვნი შენს თეიმურაზს, შენს წინანდელ
თეიმურს, შენს ჯვარცმულსა და იმ ქვეყნისკენ მიმავალ თეიმუ-
რაზს?

და ხანგრძლივი სიჩუმის შემდეგ კიდევ შეეკითხა:

- სთქვი, მარგუში, სთქვი! ნუ მომერიდები, მე წინდაწინვე
დავემზადა და უკვე შევეჩვიე ჩემს ხვედრს, ჩემს ავს ბედს, რო-
მელმაც ასე უღვთოდ თამრია ხელი და გამთელა, გამსრისა და აღმ-

გავა ცოცხალთა ასპარეზიდან. მე ამ ქვეყნისა აღარა ვარ. აღარც
ის არსებობს ჩემთვის. ორთავენი ერთმანერთისთვის მკვდრები
ვართ. დამრჩა მხოლოდ შენი თავი და პატიოსნება. ეხლა ესეც და-
მეკარგა. ამიერიდან შენ ჩემი აღარ იქნები, მაგრამ მე?.. რა ვარ-
მე შენთვის? ვინა ვარ? ოოჰ, მარგო, სთქვი?.. სთქვი .. სთქვი,
ჩემო ერთო. ჩემო ჯვარცმულო ანგელოზო!

-ჯერ შენ მითხარი, ჩემო თემურ, რას აპირებ, რა გაქვს
გულში? რა გინდა?

- მე?.. მე რა მინდა? მე?..

თეიმურაზმა თავი გადაიწია, მომაკვდავის სასოწარკვეთილი
თვალები შეანათა მარგოს და ნაცემი ძაღლის მუდართით შეემუდარა:

- მე რა მინდა? შენთან ყოფნა და შენს გვერდით სიცოცხ-
ლე. მეტი არაფერი... ჰო, მეტი არაფერი...

მარგო თითქო შეშინდა:

- ჩემთან ყოფნა? თეიმურაზ!..

- ნუ, ნუ შეგეშინდება. ჯერ ყური დამიგდე. მე მხოლოდ ის
მინდა, რომ შენთან ახლოს ვიყო სადმე: რომ ზოგჯერ შორიდან
მაინც დაგინახო; რომ ათასში ერთხელ ორიოდე სიტყვა მაინც
გითხრა. მეტი არაფერი.

მაგრამ პასუხი ვეღარ იპოვნა. ენადაბმულივით ძლივს ლულ-
ლულეზდა:

- მე... მე არ ვიცი... არ მეზმის... ჩემთან როგორ უნდა იყო?
არ მესმის... რათ გინდა .. რათ გინდივარ?.. ჯაყო რას იტყვის?
ქვეყანა რას იფიქრებს?..

თეიმურაზი ძაღლის თვალებს არ აშორებდა მოულოდნელო-
ბით შემკრთალ მარგოს:

- მე ისევ შენი სულიერი ქმარი ვიქნები, არა. ქმარი კი არა,
შენი ერთგული სულიერი ძმა და მ...მმეგობარი ვიქნები... მეტი
არაფერი არ მინდა, მეტს არაფერს არ გთხოვ. ეს არის ჩემი უკვ...
კანასკნელი მუდარა. მეტი არაფერი. ეხლა შენ იცი. ჩემი სიცოცხ-
ლე შენს ხელშია: თუნდა მომკალი, თუნდა მაცოცხლე. მეტი არა-
ფერი.

უცებ ჯაყო შემოვიდა. თეიმურაზი რომ მარგოს მუხლებზე დაინახა, ორივენი თვალებით დაჰღრღნა და შემუსრა:

- ვერ გაათავებდეთ აქამდის?

ოეიმურაზი წამოდგა. მელიას ღიმილით შეჰხვდა და კატის კნავილით შეჰკნავლა:

- ნუ გაჯჯ...ჯავრდები, ჯაყო!.. ნუ შეშინდები. მე ძმურის ალერსით მოვუალერსე მარგოს. თუ შენი თანხმობაც იქნება, ამას 26. მ. ჯავახიშვილი, II.

იქით მე და მარგო და-ძმები ვიქე-ქნებით, შენ ნუ გეშინიან, ჯაყო, ნუ გეშინიან.

აყომ დოინჯი შემოიყარა და ბალიშის ოდენა მკერდი გადმოიგდო:

გეშინიან! ყველას დედას გიტირებს ჯაყო, დედასა! მაშ, მაშა!

- არც უნდა გეშ-შინოდეს, ჯაყო! მე შენთვის ს ს...საშიში აღარა ვარ.

- გინდებოდეს თუ არა, რომა მარგოს გაეყრებოდე? - მიახალა ჯაყომ. - გინდებოდეს თუ არა? ჯაყო ფული მოგცემდე, ბევრი ფული მოგცემდე.

- ჯაყო, მარგოს გულისთვის თთ...თუნდ კლდეზე გადავვარდები, მაგრამ ფ...ფფულზე ხმა აღარ ამოიღო, კრინტიც არ დასძრა.

ჯაყოს გაუხარდა:

-მაშ, მაშა! უნდა გადავარდე, მაშა! არც ფული უნდა აიღებდე, ეჟეც მართალი ხარ, მაშ საქმე გაათავებული ხარ. ხვალვე გაეყრებოდე და საღამოზე აქედან წახვიდოდე.

- არა. ჯაყო, არა! მე აქედან არსად არ წწ...წავალ, მარგოს ვერ მოვშორდები.

- მაშ რა გააკეთებდე აქა? როგორ იცხოვრებდე?

- ისევ დუქანში ვვ...ვიმუშავებ... ვივაჭრებ, მაგრამ ერთის პირობით: მარგო ყოველ დღე უნდა ვვ...ვნახო, ნუ გეშინიან, ჯაყო, ნუ გეშინიან. ჩვენში მხოლოდ დაჰ-ძმობა იქნება... მეტი არრრაფერი... მეტი არრრაფერი, მარგოს გვერდით მივუჯდები, ორიოდე სიტყვას ვეტყვი, ან, თუ გინდა, ხმასაც არ ამოვიღებ, ოღონდ ამის გვერდით მამყოფინე და მაცქერინე... მხოლოდ მაცქერინე. მეტი არაფერი.

-- მაშ ჯაყო მარგოს ქმარი იქნები. შენ კი ძმა იქნებოდე, არა?

- ჰო. ჯაყო, ჰო! შენ ქმარი და მე ძ..ძმა.

- კარგი. ჯაყო ყაბული ხარ. მაგრამ შენ როცა მარგოსთან დაჯდებოდე. ან მეც იქ ვიჯდებოდი, ან ერთი პატარა ბიწი დაგსვამდე.

- თ. თთანახმა ვარ. ჯაყო.

- მეც ყაბული ხარ ხელი მოგეცი. ივანე. შენ გადაგწერი ხელი!
ჯაყომ და თეიმურაზმა ერთმანერთს ხელები მისცეს.

უცებ მარგოს უცნაური რამ დაემართა. თითქოს უსაზღვრო
შეურაცხყოფა მიაყენეს და წაუშლელი ჩირქი მისცხესო წელში
გასწორდა, ნაკვეთი თავი მაღლა აიგდო და ალექსილ პირსახეზე

მიუკარებელი ამაყოზა, ნაკბენ თავმოყვარეობის ნისლი და აზღარ-
ბეული ამპარტავნება აისახა: თვალეში რისხვის ნაპერწკლებმა გა-
უელვეს და ტუჩების ნაოჭებში მძულვარებისა და ზიზღის ზოლები
ჩაუწვინენ თეიმურაზს ზურგი შეაქცია, ჯაყოს მკლავში ხელი
გაუყარა და უბრძანა:

- ჯაყო, წავიდეთ!

და ორივენი მეფე-დედოფალივით გამობრძანდნენ.

დაბნეული და გაშტერებული თეიმურაზი დიდხანს გაუნძრევ-
ლად სდგას იმავე ალაგზე, სათვალეებს ისწორებს, თითებს ჰაერში
ათამაშებს და ბუტბუტებს:

- ს...სსაკვირველია!. ს...სსაოცარია! არ მესმის... არაფერი
მ...მმესმის.

III

ერთი კვირის შემდეგ მარგომ დასთმო: სამივენი გორში ჩავიდ-
ნენ და ათი წლის ჯაჭვები დაიწყვიტეს, ღრმად გამჯდარი მუხის
ფესვები ამოიგლიჯეს, დასისხლიანებული გულებით ისევ ნაშინ-
დარში დაბრუნდნენ და ქორწილის სამზადისს შეუდგნენ.

ჯაყო მეოთხე ცოლს - თავად თეიმურაზ ხევისთავის გაყრილ
მეუღლეს, თავად ელიზბარ ყაფლანიშვილის ასულს - მარგოს
ირთავდა.

ორი წლის წინათ, როცა საქართველოში ეკლესიებს ჰკეტავდ-
ნენ ჯაყო სხვებზე გულმოდგინედ გაჰკვიოდა:

- აღარ გინდა ეკლესია! კქორტუ ეკლესია! ...ეკლესია დაძვე-
ლდი. მორჩი და გათავდი!

და ხევისთავთა ათი საუკუნის ეკლესია დააკეტინა და დააბეჭ-
დვინა. ეხლა კი, რომ გადასწყვიტა დიდის რიხით, ზავით და ზე-
ით თავადის ასულის შერთვა, სოფლის ყრილობაზე უცებ ყა-
ყანი ასტეხა:

-- ჯაყოს ეკლესია გინდა! ჯაყოს ღმერთი არ გინდა, მაგრამ
მღვდელი ძალიან გინდა!

და ხუთიოდე დღეში ეკლესიის კარებს ბეჭედი აახსნევინა.

მთელ ნაშინდარს ხევისთავების საგვარეულო ეკლესიაში მო-
უყრია თავი წირვა თავდება, მაგრამ ხალხი მხოლოდ ეხლა შემო-
დის მეფე-დედოფლის სანახავად მინგრეულ ეკლესიას. კარგა ხა-
ნია, ამოდენა ხალხი აღარ უნახავს. ხალხის ნახევარი ეზოში

ირევა.

ერთი ჯგუფი ღელავს და ყაყანებს:

- მეტის-მეტად თავს გავიდა თქვენი ჯაყო. - იძახის ნინიკა.
- ჩვენი რათ არის ვითომა?- ეკითხება ვრთი ხნიერი გლეხი.
- იმიტომ არის თქვენი, რომა ყველაფერში ზურგს უმაგრებთ.
- ეგ მართალია, - ჩაურთო მეორე გლეხმა. - მაგრამ ე მე-

ოთხე ცოლს რომ ირთავს, ეს კი მეტის-მეტი მოუვიდა.

--- ჰო და, თუ მეტის-მეტი მოუვიდა, უკან უნდა დავწიოთ და პირში ლაგამი ამოვდოთ. - სთქვა ილამ.

--- ეკლესიის კანონით მეოთხე ცოლის შერთვა არ შეიძლება.

- ეჰ, შვილოსან, ვიღა დაგიდევს ეხლა ეკლესიის კანონებს?

- მესამე ცოლი ჯერ ცოცხალა ჰყავს. მოატყუებით გაეყარა.

ათიოდე თუმანი გადაუგდო და გაისტუმრა.

--- ისევ ჩვენ თუ ამოვალთ მაგის ოხტიდან, თორემ თქვენ მაგას ვერაფერსაც ვერ დააკლებო. - სთქვა ბოლოს ნინიკამ და თავის ამხანაგებს მიუბრუნდა. - ილა, წამოდი! თანდილა, თედო, წავიდეთ! აქ ჩვენ საქმე არა გვაქვს.

და ათიოდე ახალგაზრდა ლანძღვით და მუქარით გაგილა ეკლესიის გალავნიდან.

ეკლესიას ერთის გვერდით ბუჩქნარი და ხნარცვი აქვს აკრული. ჯვრის წერა რომ დაიწყო, იმ ბუჩქნარიდან თეიმურაზი ქურდით გამოძვრა და ჩქარი ნაბიჯით ეკლესიაში შევიდა, თითქმის შევარდა. თავჩალუნული ნაქმრევი ხალხში შეერია, გამძვრა, გამომძვრა და სვეტის უკან ძლივს მოითქვა აღელვებული სული.

შორეულ სოფლიდან მოყვანილმა, გაცვეთილმა და გაცრეცილმა მღვდელმა დაბალის ხმით პკითხა ჯაყოს:

- გსურს თუ არა შეუღლება?

ჯაყომ შეკითხვა ვერ გაიგო.

- გინდა თუ არა მარგარიტაზე ჯვრის დაწერა? - განუმეორა მღვდელმა.

- გინდა, მაშ! - ისე წამოიძახა ჯაყომ, რომ მისი ხმა ეზოშიც კი გაიგეს.

ეკლესიაში ჩუმი სიცილი ასტყდა.

- გსურს თუ არა შეუღლება? - მიუბრუნდა მღვდელი :არგოს.

მარგოს პასუხი, ნიავევით ჩუმი, მღვდელმაც ძლივს გაიგო.

- იქორწინების მონა ღვთისა ჯაყო. - სამჯერ სთქვა მღვდელმა და სამჯერვე განიმეორა: - იქორწინების მხევალი ღვთისა მარგარიტა სახელითა მამისათა, და ძისათა, და სულისა წმინდისათა ამინ!

მხოლოდ ეხლა აიხედა მაღლა თეიმურაზმა. აიხედა და მეფე-დედოფალს შეჰხედა. შეჰხედა და თვალი აუჭრელდა.

მარგო და ჯაყო ძლივს იცნო თეიმურაზმა. ჯაყო სუფთად იყო გაკრეფილ-გაპარსული. მოკლე და შავი თმა ზღარბივით ჰქონდა აყრილი. გოლიათის ტანზე მუქი ლილის-ფერი ძველებური კაბა, ვერცხლით ნაქარგი აბრეშუმის ახალუხი, განიერი ხავერდის შალვარი და ლაკის ახალი ჩექმები. ნიდაყვამდე გაჭრილი ცისფერი ყურთმაჯები მხრებზე ჰქონდა გადაადებული. წელზე ოქროს ძაფით ნაჭედი ქამარი და ხმალ-ხანჯალი ერტყა, რომელიც ჯაყოს ახოვან ტანზე ზედგამოჭრილი იყო.

მარგო სწორედ ისე იყო გამოწყობილი და მორთული, როგორც ათი წლის წინად, როცა ჯაყოს მაგივრად თეიმურაზს ედგა გვერდით: ტანთ ეცვა თეთრი ატლასის ქართული კაბა: განიერ მკერდს უმშვენებდა ოქროს ზონრით გადახლართული და მარგალიტებით შეკრული პირისფერი გულისპირი: განიერი, იასამნის ფერი სარტყელი, თავით-ბოლომდე ოქროთი და აბრეშუმით ნაქარგი, კოჭებამდე სწვდებოდა. შუბლზე გვირგვინის მსგავსი იალქანი ერტყა, მარგალიტებით და ალმასებით მოჭედილი, ხოლო თავზე და ბხრებზე თხელი თეთრი მანდილი ედო, ისიც ოქროს ფოთლებით მოქარგული: თავსაკრავის შუაგულს აღმართული ჰქონდა საუცხოო ჯიდა ძვირფასი თვლების თაიგული. ამ თაიგულს მსხლის მსგავსი ნეკის ოდენა მარგალიტი დასცქეროდა, რომელიც ნისლოვან ვარსკვლავივით უცნაურისა და იდუმალი შექით ციმციმებდა.

თეიმურაზმა იცნო ჯაყოს კაბაც. მარგოს სარტყელიც, ჩიხტიც, მანდილიც და ჯიდაც: იარაღიც და ჯიდაც ხევსთავთა საგვარეულო განძი იყო, მამით-შვილამდე გადმონავალი, ძვირფასი ნახელოვნევი და ნატიფი ნამუშევარი, რომელსაც ნაშინდარის ბატონები და ქალბატონები თავიანთ საგანძურთან - რკინით შეჭედილ მუხის სკივრიდან - მხოლოდ საზეიმოდ ამოიღებნენ ხოლმე.

ეს საგანძურიც და მრავალი საგვარეულო ოქრო-ვერცხლეულობაც იმ სკივრში ინახებოდა, რომელიც ერთ დროს "ყაჩაღებმა მოიტაცეს".

- და გამრავლდით ვითარცა აბრამ და ისაკ, სარა და რებეკკა, და შვილი თქვენი ვითარცა ახალი ხილი ზეთისხილისანი. -- ჩურჩულებდა მღვდელი, სანამ გაშტერებული თეიმურაზი ჯაყოს და მარგოს ათვალიერებდა.

მაშ აი, როდის და სად აღმოჩნდა იმ განძეულობის ნაწილი! აი, ვინ ყოფილა ნამდვილი ყაჩაღი! აი, ვინ მოსტაცა თეიმურაზს და

ქართულ კულტურას დაუფასებელი განძი! ესმის თეიმურაზს, ეხ-

ლა ესმის ყველაფერი! ესმის თეიმურაზს, მაგრამ ამის გამო გულ-ლის ტკივილს არა ჰგრძნობს. იმის თვალწინ მარგო სდგას, ჯაყოსაგან ხელდებული მარგო!

და თეიმურაზს უმაღ დაავიწყდა ძველი ამბავიც და დაკარგული განძეულობაც. იმისთვის ეხლა სულ ერთი იყო, რა დაიკარგა ოდესღაც. ან ვინ მოიტაცა დანაკარგი, ჯაყომ თუ ქემელამ, ტურამ თუ გიბამ.

ეხლა მისი თვალიც, სმენაც და აზრიც მარგომ მიიზიდა, მიიჯაჭვა და ჩაიწურა.

ხელიხელ-ჩაკიდებული მეფე-დედოფალი ლიტანიას უვლიან. თავთ ქართული გვირგვინები ადგით გვირგვინების ოქრო-ვერცხლის ტოტები და ფოჩები ოდნავ ირხევნიან და ბრწყინავენ. მღვდელი და დიაკვანი გალობენ:

- ისაია მხიარული...

ხარბად შესცქერის თეიმურაზი თავის ნაცოლარს და უნებურად ადარებს იმდროინდელ მარგოს, როცა ახალგაზრდა ქალი, ათი წლის წინად, ფერმკრთალი და აგზნებული, წელ-წვრილი და ხმელ-ხმელი, პირველად შესდგა გვირგვინის ქვეშ: როცა მორცხვად ილიმებოდა, ღელვით სთრთოდა და თვალებს იატაკს ვერ აშორებდა. აგონდება ხევისთავს შორეული წარსული და გულში ნაადრევ სიბერის ჟრჟოლას გრძნობს.

ეხლანდელი მარგო უკვე დედაკაცია, ნამდვილი დედაკაცი. დასრულებული და დამწიფებული, ფერწითური და ატლასოვანი, ღონიერი და ჩაფუთქნული, ამაყი და თავმომწონე.

მარგომ ხალხს ქურდულად გადაავლო თვალი და ერთის წამით თვალი თვალში გაუყარა თეიმურაზს, რომელიც ისე შეჰყურებს ნაცოლარს, როგორც დაჭრილი შველი შესცქერის მოღერებულ ხანჯალს: შიშით, უიმედოთ და სასოწარკვეთილი მუდარით.

მარგო ჯერ ოდნავ შეჰკრთა, მერმე შუბლი შეიკრა, წარბები აიკრიფა და ტუჩებზე თითქო ტანჯვა და ზიზღი აისახა. და იმავ წამს თვალეი ისევ დაიბურა, თავი დაჰკლუნა და თეიმურაზს საჩქაროდ ისევ ზურგი შეაქცია.

მესამედ რომ უვლიდნენ ლიტანიას, მარგომ თვალი იატაკს ველარ მოსწყვიტა. ხოლო ტუჩებზე კვლავ იგივე გაუგებარი გრძნობა ჰქონდა ალბეჭდილი, რომელიც თეიმურაზმა ვერ გახსნა და ვერ გაიგო, რადგან ერთსა და იმავე დროს იგი გრძნობა ტანჯვასაც

ჰგავდა და ზიზღსაც, სირცხვილსაც და მძულვარებასაც, სინანულსაც და სიბრაღულსაც.

თეიმურაზმა ვერ გაარჩია, ვერ წაიკითხა მარგოს პირსახეზე ანასახის ნამდვილი აზრი და გულისთქმა. მაგრამ მას ის დანაწერი უფრო ზიზღად და სიძულვილად მოეჩვენა. ვიდრე სინანულად

ან სიბრალულად და თეიმურაზს ძალაუნებურად გაახსენდა მარგოს იმ დროინდელი იერი, როცა მარგო ნახუცარ ივანეს სახლში თეიმურაზის სანახავად მოვიდა და უცებ უცნაურად გარდიქმნა და გადადულდა.

- რა მაქვს საზიზღო? რად ამიძულა მარგომ? - ერთხელ კიდევ ჰკითხა თეიმურაზმა თავის თავს.

- იმიტომ შეგიძულა და შეგიზიზღა, - მიუგო უჩინარმა ორეულმა, - რომ წარმავალი ხარ, საბრალო, სუსტი და მომაკვდავი: იმიტომ შეგიზიზღა, რომ ბრძოლა წააგე: იმიტომ. რომ უბრძოლველად დაუთმე შენი ცოლი და პატიოსნება აგერ იმ პირუტყვს, ახმახს, ველურ ჯაყოს, რომელსაც შენზე უფრო ღონიანი აქვს მკლავებიც და ყბებიც, წვივებიც და ხმაც, გულიც და სულიც.

- ვითომ?.. ვითომ ამიტომ? - ჰკითხა თეიმურაზმა. -

- დიად, ამიტომ, მხოლოდ ამიტომ. ეს კიდევ არაფერი. შენც მარგოს მზითვად მისდევ და ჯაყოს ყმად უდგები, ისიც მხოლოდ იმისთვის, რომ ათასში ერთხელ შენს მარგოს გომია-ძალღვივით შეხედო. ვის?! მარგოს! შენს მარგოს, რომელმაც...

- ოოოჰ, დიდებულო ღმერთო!

და თეიმურაზმა ისე მძლავრად ამოიოხრა, რომ გვერდით მდგომმა გლეხებმა გაოცებით გადმოჰხედეს. გადმოჰხედეს და თვითონაც ამოიოხრეს, თან გაკვირვებით და თანაგრძნობით თავები გააქნიეს და გამოაქნიეს.

- ცოტაოდენი პატივი მაინც დასდე შენს თავს, სახელსა და წარსულს.-ბრაზით ჰკორტნის თეიმურაზის გულს ორეული. - ნუ იბრძავებ თვალებს. თავს ნუ იტყუებ, ნურც მარგოს ამართლებ. მთელმა ქვეყანამ იცის, რომ ცოლმა გიღალატა.

- ო-ო-ო-ჰ! - ერთხელ კიდევ ამოიკვნესა თეიმურაზმა. და მისი კვნესა მთელს ეკლესიას მოედო.

აქეთ-იქიდან ნაქმრევ თეიმურაზს ისევ სიბრალულით გადმოჰხედეს.

- საწყალი! -- წაიჩურჩულა თეიმურაზის გვერდით ერთმა . დედაკაცმა და იმანაც ამოიოხრა.

ორეული არ სცხრება:

--- ღალატს თავი დავანებოთ: მარგოს ეზიზღები.

- - ვაი მე! - ხმა-მაღლა დაიკვნესა თეიმურაზმა და ორივე ხელი გულზე მიიკრა, რომელიც ამოვარდნას ჰლამობდა.

ეკლესიაში ჩურჩული ასტყდა. თეიმურაზს ხალხი შემოეხვია, მაგრამ ხვეისთავი ყურს არავის არ უგდებს და ვერც ვინმეს ჰხედავს.

- ეზიზღები, რადგან ქალაჩუნა ხარ. - ჩაჰკვივის ორადი.

- მართალია! - ხმამაღლა ეთანხმება თეიმურაზი.

- არ მესმის, რა დაგემართა? - განაგრძობს ორეული. -

შენა წინაპარნი რკინას სჭამდნენ, დათვებს ხანჯლით ჰხოცავდნენ და ყინულზე იძინებდნენ. წინ დაიხედე. ისე სდგებარ შენი მამის საფლავზე, როგორც წიწილა დევის მკერდზე.

- წიწილა! ხა-ხა! - გესლიო იცინის თეიმურაზი.

- საბრალო... საწყალი... - ისმის აქეთ-იქიდან ჩურჩული.

- მამა შენი და შენი წინაპარნიც სულითაც და ხორციტაც ფოლადისგან იყვნენ - ჩამოსხმული. შენ კი გაქალდი და გაფუვდი. წყალსაც ძლივს ჰყლაპავ და ბუმბულიც მძიმე ლოდად მიგაჩნია, არც კბილები გაქვს საგლეჯად, არც მკლავი მოსაქნევად, არც ხმა შესატევად. საგულეს გულის მაგივრად დამპალი ძონძი ჩაგიგდია, სასულეს სულის ნაცვლად სიმყრალე დაგიგუბებია, ხოლო ძარღვებში ცხელი სისხლის მაგივრად ჭაობის დუბელა ჩაგისხავს, ისე დაკნინდი და დაილიე, რომ ვაჟკაცობისა აღარაფერი არ გაცხია.

- ეგეც მართალია! - ხმამაღლა უდასტურებს თეიმურაზი.

- მაშ ახი ყოფილა შენზე, რომ ასე გაგსრისეს და გაგათრიეს.

- ახია, ახი! - ისევ ხმამაღლა ეთანხმება თეიმურაზი.

- მაშ დაანებე თავი შენს მარგოს და დაიწყე ახალი ცხოვრება.

--- ღმერთო, მიშველე!

--- თეიმურაზ! - ჩასჩურჩულებს ყურში ივანე აბოდებულ ხევისთავს. მაგრამ თეიმურაზს ივანესთვის აღარ სცალიან.

- დაიწყე ბრძოლა, გაიკაფე საკუთარი გზა და დასდექ საკუთარ ფეხზე!

- ეგრე... ეგრე... მართალია, მართალია! - თანახმაა ხევისთავი.

- რათა ცოლსა ამას ეშინოდეს ქმრისა... -- არიგებს მღვდელი მარგოს.

- მაგრამ თავდაპირველად დღესვე უნდა წახვიდე აქედან და სამუდამოდ დაივიწყო მარგო.

- ვაი მე, დედა! - ვერ უძლებს თეიმურაზი.

- თეიმურაზ, რა დაგემართა? --- ეკითხება ივანე.

- ეხლავე გადი ეკლესიიდან. - უბრძანებს თეიმურაზს ორეული.

- ცოტას კიდევ მოვიცდი... მერმე, მერმე გავალ, - ეუბნება ორეულს ნაკაცარი და გამძვინებულ სულს ორეულის ტყვეობიდან ვერ ინთავისუფლებს.

ნახუცარი ივანე და რამდენიმე გლეხი ჩურჩულით ელაპარაკებიან თეიმურაზს და ეკლესიიდან გასვლას ურჩევენ. მღვდელმა წირვა შესწყვიტა და მოთმინებით მოელის სიჩუმეს. ჯაყო მოტ-

რიალდა და ხარის თვალებს აბრიალებს. მარგოს ღრმად დაუხრია თავი და თვალებზე ხელსაბოცი აუფარებია.

თეიმურაზი მაინც არავის არ ჰხედავს, არც ვისიმე ლაპარაკი ესმის. ცალის ხელათ სათვალეებს ისწორებს, მეორე ხელს ცხვირწინ იქნევს და ცხარედ ებრძვის ჟინიან ორეულს.

ივანემ ყურში ჩასძახა:

- ძმაო თეიმურაზ! ვერ მიცანი? ვერა მცნობ?

როგორ არა, როგორ არა! თეიმურაზმა იცნო ნახუცარი ივანი! ივანეს როგორ არ იცნობს თეიმურაზი!

- რაო, აქედან წწ..წავიდეთო?.. რათ უნდა წავიდეთ? მე

ეკ...კვლესიაში არ ვ...ვვლოცულობ... რა სთქვი? წ...წირვა გათავდა? კეთილი ...:მაშ წავიდეთ! -

და უცებ ძლიერი ხმით შესძახა.

- კმარა! კმარა მეთქი!

რა სთქვა ივანემ? ნუ ჰყვირის თეიმურაზი? განა თეიმურაზი ჰყვირის? იქნება სხვამ შესძახა?

--- ს...სსაკვირველია! საოცარია!

თეიმურაზს არ გაუგია თვისი ყვირილი.

- კარგი, კარგი... მოვდივარ, მო!

გეყო, ივანე, გეყო! თეიმურაზი გაჩუმდებო... აი, გაჩუმდა კიდევაც. მოდის თეიმურაზი, ეხლავე მოდის.

და ერთხელ კიდევ შემოსძახა:

- კმარა! კმარა მეთქი!

ისევ უკვირს თეიმურაზს. თვისი ყვირილი ყრუდ მოესმა, მაგრამ განა ის ხმა თეიმურაზისა იყო? მაშ ის ყვირილი მართლა თეიმურაზისა იყო? მართლა თეიმურაზმა დაიყვირა?!

- საკვირველია! ს..საოცარია!

არა, თეიმურაზს ხმაც არ ამოუღია... სტყუის ივანე! პეტრეც სტყუის! ყველანი სტყუიან! რად ჩააცივდნენ თეიმურაზს?! რა უნდათ იმისგან?!. კარგი, მოდის თეიმურაზი, მოდის...

- ხა-ხა! საკუთარ პანაშვიდს დავესწარი! ჩემივე თავის დასაფლავება ვნახე! ხა-ხა-ხა! - ჩაიხითხითა თეიმურაზმა.

- დაანებე თავი თეიმურაზს, ივანე! რად ჩააცივდი მაგ ადამიანს?! თეიმურაზს ხმაც არ ამოუღია... თეიმურაზმაც იცის, რომ ეკლესიაში პანაშვიდი კი არ არის, არამედ ჯვრის წერაა. ქორწილია... ისიც იცის თეიმურაზმა. რომ ჯაყო ჯივანევილი ჯვარს იწერს მარგო ხვეისთავზე... მარგარიტა ყაფლანიშვილის ასულზე! იცის. იცის! მაგრამ ისიც მართალია, რომ ეს ქორწილი თეიმურაზის პანაშვიდია... დიალ! პანაშვიდია, პანაშვიდი!

მაგრამ თეიმურაზი ჯერ არ მომკვდარა! არც მოკვდება ასე ადვილად! დიალ, არ მოკვდება მეთქი! თუმცა... რაო? იქ ვინა სთქვა-

"საწყალიო"?! აქეთ ვინ წამოიძახა - "უბედურო?"!

- წამო, თეიმურ. წავიდეთ.

- ივანე, დამანებე თავი, მე თვითონ წამოვალ!.. ?არც საწ...
წწყალი ვარ და არც უბედური. თუმცა მე... მე.. სნეული ვარ...
მართლა უბედური და საწყალი ვარ... ვიყავი, დღემდის ვიყავი...
დღეს კი... ეხლა კი... ვაიმე, დედავ!

ტვინში ცივი გრიგალი აუვარდა. თვალები გაუთეთრდა და
გადმოუბრუნდა. ტუჩები აუტოკდა და აუცახცახდა. პირსახეზე
ზაფრანამ გადაჰკრა. თავი გვერდით გადმოიგდო, თითქო კისრის
მარღვეები დაუწყდა. ხელები გაასავსავა, მუხლები მოიკეცა და
ეკლესიის კარებში ცარიელ ტომარასავით ჩაიჩოქა და გაიშალა.

და ეკლესიიდანაც, იმავე წამს. ერთმანერთში უცნაურად არე-
ულმა დედაკაცის კვიილმა, ქვითინმა და კისკისმა გამოჰხეთქა.

IV

მეორე დღეს, შუალამემ რომ მოატანა, ჯაყოს ქორწილიც მი-
იწურა. მთვრალი სტუმრები სოფელს მოედვნენ. ყოველ მხრიდან
მათი თავაშვებული კიჟინი, აბეზარი ყვირილი, მხიარული შემა-
ხება, სიმღერის ამონახეთქი და ენადაბმული ღიღინი მოისმის.

ნიგვზის ხეების ქვეშ. ღრმა წყვდიადში, რამდენიმე სანთელი
ძლივს-ლა ბჟუტავს, ლურჯ სუფრას კიდევ შერჩენია ოციოდე მო-
ქეიფე. ტორტმანით, ქანაობით და ლასლასით ერთი-მეორეს ეჭი-
დებიან, ეხვევიან და ბლუ ენებით გაუგებარს რამეს ლულლულებენ.

ნაყომ მრავალი დაათრო და კაკლის ქვეშ წააქცია. ეხლაც იქ
ჰყრიან გამოტილნი და მძიმედ ხვრინავენ, ოხრავენ და ჰბორგავენ.
თვალეზ-გადმოყრილი და გაღელილი ჯაყო მაინც არ სტყდება. ნა-

ხევართუნგიანი შევერცხლილი ჯიხვი უჭირავს და დაკლულ ხარი-
ვით ხრიალებს:

- აბა, ეს ღმერთმა გადღეგრძელოს ისა, რომელიცა რომა...

ვინც სამ ცოლს გაუძლებდე და მეოთხესაც მოიყვანდე. - და ერთი
თათი თავის გვერდით მჯდომ მარგოს ალერსით დაჰკრა, ხოლო
მეორეთი ჯიხვი მოიყუდა.

ჭრაქმა ოდნავ გაანათა მტკიცე ნაბიჯით მომავალი ადამიანი,
რომელიც ჯვარდაწერილებს ლანდივით წინ აეტუზათ. ღამის
ლანდს შორი-ახლოს ფეხ-აკრეფით ნახუცარი ივანე მოსდევდა

მარგო მაშინვე წამოდგა და, თავჩაღუნული, სახლისკენ წა-
ვიდა ჯაყომ პირიდან ჯიხვი მოიშორა:

- ოოჰ, ბრინკა, შენა?

თეიმურაზმა მარგოს გზა გადაუღობა:

- მოიცადე, ორიოდე სს...სიტყვა მაქვს სათქმელი. შენც ყუ-

რი დამიგდე... მერმე წადი.

სხვებმაც გაიკვირვეს თეიმურაზის მოსვლა. ჯაყო დაფაცურდა:

- აბა ალაგი ბრინკას! აბა, ქეშელა, საჭმელს მოართმევდე ბრინკასა!. დაგლოცე, ნათლია, დაგლოცე ახალი ქორწილი.

და ღვინით სავსე ადლიანი ჯიხვი თეიმურაზს გადულოცა.

თეიმურაზმა ჯაყოს ორივე ხელით ჩამოართვა მძიმე ჯიხვი და მკერდზე მიიყუდა. მერმე სათვალეები შეისწორა და სიჩუმის შემდეგ დინჯი ხმით ჯაყოს მიჰმართა:

- ჯაყო! ხვალ დილით აქედან მ...მმვიდვიარ. მაგრამ სანამ წავიდოდე, ორიოდე სიტყვა უნდა მოგახსენოთ შენც და მმ...მარგოსაც... შენ და ქალბატონ მარგალიტა ჯივაშვილისას.

და მარგოს გვარი გაჭიანურებით და ხაზგასმით წარმოსთქვა - ჯი-ვა-შვი-ლი-სას!

- ნეტა ვიცოდე, რა საჭიროა ეს კომედია? - შეაწყვეტინა მარგომ.

- კომედია საჭიროა, უეჭველად საჭიროა, - განაგრძო თეიმურაზმა.-ჩემს ცხოვრებაში ისე აირია კომედია და ტრადედია. რომ ერთი მეორესგან ველარ გამირჩევია. და რაც შენ კომედიად გე ვენება, ჩემთვის ტრადედია გახლავს. მაშ ესე: სიტყვას არ გავაგრძელებ. არც ბევრ დროს წაგართმევთ. თუ ქალბატონმა მარგარიტამ ათი წელიწადი გაუძლო ჩემს ყბედობას, იქნება ხუთი წ. წწუთიც გაუძლოს ტრადი-კომედიის უკანასკნელ მოქმედებას. ნუ შეშინდებით, ქალბატონო, კომედია სისხლით არ გათავდება.

სისხლის ხსენებაზე ჯაყომ ხელი ხან ჯალზე დაიდო და თვალეები დააჭყიტა.

- არც თქვენს გგგ-გალანძლვას ვაპირებ, არც საყვედურს, ამიტომ გთხოვთ ნუ შეშინდებით.

ჯაყომ თეიმურაზის ნათქვამი იტკიცა - "ნუ შეშინდებითო".

- ჯაყოს არც ბრინკასი გეშინიან, არც ყაჩაღებისა! მაშ. მაშა!

- არც გაშინებ, ჯაყო! მე პატარა კაცი ვარ, სუსტი და უძლური, გულჩვილი და უწყინარი. ქათამს ვერ დავკლავ და ბუზს ვერ ავაფრენ, მაშ შენისთანა დევ-კაცს აბა რა უნდა დავაკლო?!

- აგრე! - დაკმაყოფილდა ჯაყო.

- ჯაყო, - შესძახა თეიმურაზმა დუმილის შემდეგ და ოდნავ კილოს აუწია, - შენ ჩემი მოჯამაგირე იყავი.

- მართალი ხარ.

- მთიდან ჩამოსული უცხო ვინმე ხარ.

- ეგეც მართალი ხარ. მაგრამ ამ სოფელში ჯაყო უცხო არა ხარ.

- სანამ ეს ქვეყანა გადატრიალდებოდა, ჩემი გულკეთილობით და დაუდევრობით ისარგებლე და გასუქდი.

- ჯაყო მუშაობით გასუქდი.

- მე ყველაფერს ვხედავდი, მაგრამ ვსდუმდი, რადგან ნა-ჭარბევად კეთილი გული მქონდა.

-- ვითომ ამიტომ? - თავისთვის ჩაიღიმა მარგომ.

- მაშ რ...რატომ, - გაიკვირვა თეიმურაზმა. - სთქვი. რა-ტომ ვსდუმდი?

- იქნება იმიტომ სდუმდი, რომ ნებისყოფა და გამბედაობა არა გყოფნიდა.

თეიმურაზი ჩაფიქრდა, მერმე თავი ჩაიქნია და სთქვა:

- მ...მართალი ბრძანეთ, ქალბატონო, სუსტი ნებისყოფა, გა-უბედაობა და გულკეთილობა ერთი და იგივე ყოფილა. სამივენი ტოლნი ყოფილან. ეგრე იყოს. სულ ერთია, ახ...ახია ჩემზე! რაც მაშინ დავთესე, დღეს მოვიმკე, მაშ ასე, ჯაყო, ჩემის გულკეთი-ლობით ან ჩემის ბეჩაობით ისარგებლე და ჩემს მამულზე გაკეთ-დი, მერმე, როცა ქვეყანა აირია დანარჩენებსაც ხელი დაჰრიე და ისიც კი მიითვისე, რაც არ გერგებოდა.

- ჯაყო ამ მამულში მუშაობდი, ჯაყომ აქ ოფლი დაღვარე, მაშ!

- ქვეყანამაც იცის იმ ოფლის ფასი. ის ოფლი ჩემი ჯიბიდან და გლეხების ზურგიდან ერთ-ათასად აინაზღაურე. მათ დაივიწყეს შენი... შენი "ოფლი". ამან გიშველა. გარდა სახლკარისა, შენ და-ისაკუთრე ჩემი ავეჯეულობა, საქონელი და ხევისთავთა საგვარე-ულო განძეულობა, რაც ეხლა შენს კ...კნეინას ტანთ აცვია, და

ეგ იარაღიც, ზედ რომ აგისხამს, ეს ძვირფასი ჭურჭელი და ეს ჯიხვიც, ხელში რომ მიჭირავს, - ყველაფერი ჩემია, მამა-პაპე-ულია.

- არც ჯაყოს გაწყენს.

- ვიცი, რომ არ გაწყენს.

- მარგოსაც მოგიხდება. დ მოუჭრა ჯაყომ.

- ძალიანაც მ...მმოუხდება. მაგრამ თითო ნივთს ასი და ხუთასი წლის ისტორია აქვს.

- თუნდ ხუთასისა იყავი, თუნდ ათასისა, ჯაყოსთვის სულ ერთი ხარ.

- ეგეც მართალია. ჯაყო, მაგრამ ეს განძეულობა ან. მე მეკუთვნის, ან ქართველ ხალხს. შენ მეცამეტე გ...გგოჭივით გა-მოსტყვერი და სხვის ქონებას დაეპატრონე.

- ჩემია! ჩემია! - თვალების ბრიალით გააწყვეტინა ჯაყომ და ხაჯალზე ხელი დაიდო.

- ვიცი რომ შენია. ეხლა გვიანდაა ამაზე ლაპარაკი, რაც წავი-და, წავილა! ეს კიდევ არაფერი. ჩემი ნაფუძრებიც დაისა-კუთრე.

- ნაფუძრები ჯაყოს რევალციამ მოგცა!
- ეს ნაფუძრები ეკუთვნოდა ჩემს მეზობლებს, გლეხებს, რომელნიც ათას წელიწადს ამუშავებდნენ ამ მიწებს. რაც აქ ოფლი ჩაუღვრიათ იმ უჩინარ და უხმო მუშაკებს, ერთი ტბა დადგებოდა.
- ჯაყომაც იმუშავე იმ ნაფუძრებში.
- ერთხელაც არ გაგივლია გუთანი იმ მიწებში. თუმცა ამასაც თავი დავანებოთ, ესეც არაფერი. შენ დაისაკუთრე ჩემი ბალი, ვენახები და სახლ-კარი.
- ეგეც რევალციამ მოგცა ჯაყოსა!
- ჯაყო, დაანებე თავი რევოლუციას! თქვენ ერთმანერთს არც კი იცნობთ. რევოლუცია შენთვის მღვრიე წყალია, ხელსაყრელი ნიღაბია. მეწველი ფურია. შენ კი, შენ რევოლუციის მუნი ხარ. მისი წურბელა ხარ, მისი ტკიპი, მისი ბაღლინჯო და ტილი!
- ჯაყომ დაიღრინა:
- გაჩუმდებოდე, თორემა! ტილიცა ხარ და ბაღლინჯოცა!
- ნუ ცხარობ, ჯაყო! დაანებე თავი რევოლუციას. შენ არც კი მუშაობ, ჯაყო!
- ჯაყოს ნათესავეები ხომ მუშაობ?! - გააწყვეტინა ჯაყომ.
- ვიცი, მაგრამ ყველაფერი შენ დაისაკუთრე. შენი ნათესავეებიც და მთელი სოფელიც დაიბრიყვე, დაიმორჩილე და რკინის

ულელში შეაბი. თვითონ შენ კი არ მუშაობ. შენ მხოლოდ ბრძანებლობ, ვაქრობ, სუქდები და წარამარად გაიძახი: "ნინიკა კონტრევალცია ხარ... თეიმურაზიცა, ილაცა, დათაცა!"- შენი კი ამ დროს ჩარჩობ და ვაქრობ.

- მაგასაც მუშაობა გინდა!
- რა თქმა უნდა! მევახშენი, ჩარჩები და ავაზაკებიც მუშაობენ.
- ჯაყოს თეიმურაზის ნათქვამის ნახევარიც არ ესმის. თვალებს ბულასავით ატრიალებს, მარგოს შესცქერის და მისგან მოელის დახმარებას.
- მარგომ ერთხელ კიდევ გასწია წასასვლელად და წაიბუტბუტა.
- არ მესმის, რა გაროშვინებს ამოდენა სისულელეს!
- მომითმინეთ, ე...ქალბატონო, მომითმინეთ!..
- თეიმურაზი ერთი წუთით ჩაფიქრდა. მერმე შუბლი მოისრისა, ტუჩებზე მწარე ღიმილი დაიგრიხა და მორჩილებით დაეთანხმა:
- მართალია... სრული სიმმართლეა. სისულელეა, ყველაფერი სისულელეა, რაც გითხარით... ჩემი აქ ყოფნაც სისულელეა, არც მე მესმის, რა მრჯის და რა მალაპარაკებს!
- თავიდანვე აგრე უნდა გეთქვა. - სიტყვა ჩამოართვა მარგომ.

ჯაყომაც სიხარულით დაიხვიხვინა:

- მაშ, მაშა! აგრე იტყოდე თავიდანვე რაღა. შე ბრინკავ, შენა! დალიე, დალიე ე ღვინო, შე ქალბიწავ, შენა!

თეიმურაზი შხამიან ღიმილს არ იშორებს პირსახიდან:

- ჭეშმარიტად, ჯაყო, ჭეშმარიტად! ბრინკაც ვარ და ქალა-ჩუნაც ჯაყო! ბოდიშს ვიხდი შენს წინაშე. mea culpa. მარგუში, mea culpa! ჩემი ბრალია, ყველაფერი ჩემი ბრალია! ჯაყო თავით ბოლომდე მართალია, ყველაფერში მართალია!

- მაშ, მაშა! ჯაყო ყოველთვის მართალი ხარ, მაშ! მაშა!

- მართალია მეთევზე, რომელმაც მღვრიე წყლით ისარგებლა. ბრალიანი არც მგელია, რომელიც უპატრონო ბატკანს წააწყდა. განგებას ერთისთვის ბადე მიუცია, მეორისთვის კი ბასრი კბილები. კისრებიც მოუტეხნიათ თევზებსაც და ცხვრებსაც! თვითონვე იტირონ თავიანთი უგუნურება და უღონობა! ქვეყანას იმათთვის არა სცალიან. ის თავისთვის ტრიალებს და შეჭმულ ბატკნებს და თევზებს არც ამჩნევს და არცა სთვლის.

- მაშ, მაშა! სადა გცალიან ღმერთს ბატკნებისათვის და თევზებისათვის!

- სრული ჭეშმარიტებაა, ჯაყო! ღმერთს სუსტებისთვის არ სცალიან. ღმერთი მხოლოდ ძლიერთათვის სცდილობს და მხოლოდ მათთვის ჰზრუნავს.

- მაშ, მაშა! მართალი ხარ, ბრინკა, მართალი!

- მაგრამ... ჯაყო! კიდევ ვიღაც არის ამ ქვეყნად ღმერთის გარდა. ის "ვიღაცა" ურმით დასდევს ფეხმარდ მგლებს.

- ურმითა?

ჰო, ჯაყო, ურმით დასდევს, დიდხანს დასდევს. ბოლოს, რაც უნდა მარდად ირბინოს მგელმა, სადაც უნდა გადაიკარგოს, ურმით მდევარი "ვიღაც" იმ მგელს მაინც დაეწევა და კბილებს დააგლეჯს. ასეა მომართული ეს ქვეყანა, ჯაყო!

მარგომ გესლიანად ჩაიღიმა.

- ესეც ახალი სარწმუნოება! ბატკნების და თევზების სარწმუნოება! შენ კი მათი ღმერთის წინასწარმეტყველად მოგვევლინე არა?

თეიმურაზი მათრახნაკრავ კვიცივით ატორტმანდა.

- რას იკრიჭებით, ქალბატონო ძალუს?!

- უჰ! - ოდნავ შეჰკვივლა გველნაკბენმა მარგომ და ორივე ხელი პირსახეზე აიფარა.

თეიმურაზმა ლაგამი აიწყვიტა, თითქოს ადუღებულმა ქვაბმა ხუფი აიგლიჯაო:

- თქვენ რა უფლება გაქვთ. რომ მაგოდენა გესლს ანთხევთ, მაღამ ძალუს?! ბატკნების და თევზების რელიგია მამღარ ჯაყოს

რელიგიაზე გასცვალეთ და მასხარადაც ამიგდეთ?! თქვენი ერთადერთი ღმერთი ფალუსია, თქვენ მხოლოდ მასზე უნდა ილოცოთ, იზრუნოთ და იმსჯელოთ. თქვენ კი ბატონებისა და თევზების ღმერთს ურცხვად ჰგმობთ და საქვეყნოდ გამოგაქვთ თქვენი სასირცხო იცოდეთ ამიერიდან, ქალბატონო ქალუს, რომ მე . მე ღირსეულ მოპირდაპირედ მიმაჩნია თქვენი ღმერთი ჯაყო, მაგრამ თქვენისთანა გოშიას.. რომელმაც... რომელიც... ოოჰ, ღმერთო დიდებულო!

ორივე ხელი გულზე მიიკრა და, მიბნედილი, სუფრის ნაპირას ჩაიკეცა.

იმავე წამს მარგო სიბნელეს შეერია.

თითქმის გულწასული თეიმურაზი დიდხანს ეგდო ხეების ქვეშ. ნახუცარი ივანე წყლით აბრუნებდა. ჯაყოს სტუმრები აიშალნენ და აირივნენ. ზოგნი წავიდნენ, ზოგნი კი თეიმურაზს ბარბაცით თავთ დასტრიალებდნენ, ერთმანერთს ეხეთქებოდნენ და ფუსფუსებდნენ.

ჯაყო ჯერ დაიბნა. უაზროდ დაბორიალებდა და ჰყვიროდა:

- ტურა, ადამრაშუ!.. ჩქარა, ურემი შეგაბამდე!.. გიბა, წყალი მოიტანებდე! აბა, რაშუ!.. მეშთა, მკითხავი კეკელა მოიყვანებდე, ჩქარა!.. ტელა, შენ. დალაქი დაუძახებდე!.. ქეშელა, თავრობის კაციც მოიყვანებდე, თორემ შარი არ გიყოს! აბა, თახრაშუ!

მერმე, თვალ-ახილული თეიმურაზი რომ დაინახა, უცებ გამხიარულდა:

- ბრინკა, გაცოცხლებოდე? ხა-ხა-ხა! მე-კი მეგონა, ბრინკა ჩაძალდი მეთქი! ხო-ხო-ხო! ქეშელა! ჰაი, ქეშელა, არ გინდოდეს არავინა, არა! დაუძახებდე ყველასა, ნუ წახვიდოდნენ, ნურც ურემი შეაბამდე. აბა რაშუ!

და ისევ თეიმურაზს დაუბრუნდა:

- ნუ შეგეშინდებოდეს, ბრინკა! მე სულ იმას გითხრამ, რომა ძალდი კოწლობით არ მოკვდებოდე მეთქი. მე ვიცის მაგის წამალი. აბა, ერთი ეს ყანწი დასცალეებდე და ეხლავე ლეკურს ითამაშებდე, მამა! აბა დალიე, დალიე... სად მიდიოდე, ბრინკა? ერთხელ მაინც დალოცავდე ჩვენ სუფრასა.

თეიმურაზმა ლასლასით რამდენიმე ნაბიჯი გადასდგა. ილიაში ივანე ჰყავდა შემჯდარი. მერმე ძლივს მოტრიალდა და .ჩურჩულით, მაგრამ მკაფიოდ უთხრა ჯაყოს:

- ამ ქვეყნად მაინც არსებობს სამართალი, ჯაყო! ის ურმით დასდევს მეთქი ბოროტებას... ბოლოს უეჭველად წამოეწევა და ღღ...ღირსეულს მიუძღვნის.. დაიხსომე ჩემი უკანასკნელი სიტყვა. მე მმ...მივდივარ, ჯაყო! წავალ და, ან აღარ დავბრუნდები, ან გამარჯვებული დავბრუნდები. მაგრამ შენ ამიერიდგან ღლე-და-

დამ იმ სამართალს მოელოდე. ჩემს მაგივრად იგი მოვა და ანგარიშს გგ...გაგისწორებს. ბედმა მდედარმა შენ თუ არ მოგისწრო. შენს შვილებს მაინც წამოეწევა და კბილებით დაჰგლეჯს, შამფურზე შესწვავს, ნელ ცეცხლზე მოჰხრაკავს, ბნელ ორმოში ჩაჰყრის და თან გველის წიწილებს ჩააყოლებს... იყავ წყეული უკუნითი უკუნისამდე. ჯაყო! იყავ წყეული და შეჩვენებული!

სთქვა, მიბრუნდა და ფორთხილით წყვდიადში შთაინთქა.

- აპრუწუწუნ! პრასა და ნიახური! მამა გიცხონდა, ყურებზე ხახვი არ დაგაჭრებოდე! - მიაყარა უკნიდან ჯაყომ. - ფეხებზე გკიდია ჯაყოსა შენი წყევლა, მაშ, მაშა! ხომ გაგისტუმრე ჯაყომა! თუ ბევრი ილაპარაკებდე, კარგებსაც მოგცხებდე, მაშ, მაშა! აგრე ვიცის ჯაყომა!

თეიმურაზის ფეხის ხმაც აღარ ისმის. ჯაყო კი ისევ ჰბორგავს, ილანძღება, იფურთხება, იმუქრება და წამდაუწუმ ჭიხვინით გაჰკვივის:

- მაშ, მაშა! აგრე ვიცის ჯაყომა!. ფეხებზე გკიდია ჯაყოსა შენი კნიაზობაცა და სწავლაცა!.. რევალცია ჯაყომ გაგიკეთა, მაშა! ჯაყოს ყველაფერი რევალციამ მისცა, მაშას. ორი წიგნი წაგიკითხავს ბრინჯსა და ისევ ბატონი გგონია თავისი თავი! ის კი არ ვიცის, რომა იმისი წიგნები ბუხარში წახვედი.

და წყრომის გრიგალი, ბოლოს, ასე დაიმშვიდა:

- სმენა და გაგონება!

- მუშტი და გაგორება! - მიაძახა ერთმა.

- სმენა და გაგონება! ეს ღმერთი და წმინდა ჯივარგი შეგეწიოს რევალციასა, რომელიცა რომა საწყალ ხალხს მისცემდე მიწა, სახლი და კეთილი ცხოვრება. ღმერთი, წმინდა ჯივარგი და არბოს ხატი გწყალობდე ჩუენსა მთავრობასა, რომელიცა რომა ყარაულია რევალციისა და ჩვენისთანა საწყალი ხალხისა. საცა სამართალია, არბოს ხატს ერთი კურატი უნდა დაგიკლა, რომ ის ხატი და წმინდა ჯივარგი ყარაულად დაუდგე ჩვენს რევალციასა, თორემა, თუ ბრინკა დაბრუნდებოდე ამ სოფელში და მიწა წაიღებდე, ჩვენისთანა საწყალი ხალხი აქ აღარ დადგებოდე.

და მეორე დღესვე ჯაყომ ერთი მოზვერი ამოარჩია და არბოს ხატს შესწირა.

V

მესამე დღეს დილით თეიმურაზმა ივანეს უთხრა:

- დიდი მადლობელი დახ... ხხმარებისთვის და მასპინძლობისთვის, ივანე, ისე არ მოკვდება თეიმურაზი, რომ სიკეთე ერთი ასად არ გადაგიხადოს. მივდივარ... არ ვიცი, როდის ან სად შეგ-

ხვდები. არც ის ვიცი, გნახავ ოდესმე თუ არა, რაც უნდა მოხდეს, ჩემი მემკვიდრე შენა ხარ. ამბობენ: შენს სახლს რომ ცეცხლი მოეკიდოს, ხელი მაინც გაითბეო, ეგ მაინც შეგრჩებაო.

- შენც გამოგადგა შენი ცეცხლი, თეიმურ, არა?

--- შენს მტერს, მე რომ ცეცხლი ვნახე! ყ... ყველაფერი გადამებუგა. აი ეს ჯოხი-ლა შემრჩა, ხელში რომ მიქირავს. სამაგიეროდ ჭკუა ვისწავლე და ხელიც ისე გავითბე, რომ საფლავში ვერ მოვიშორებ იმის სიმწვავეს. ეხლა მივდივარ ახალი გზების გასაყვანად, ახალი ბედის საძებნელად და ახალი ცხოვრების მ...მმოსა-27. მ. ჯავახიშვილი, ტ. II.

წყობად. რაც მოხდა - მოხდა! რაც იყო ---- წავიდა და აღარ დაბრუნდება!

- მადლობა ღმერთსა!

- ან სულ ვეღარ მნახავთ, ან გამარჯვებული დავბრუნდები.

ჯაყოსავით უნდა გავძლიერდე, ჩემი სიბრძნის გამო ცხოვრებამ გამჭყლიტა. ეხლა წელი უნდა ავიწიო და ცხოვრება მე თვითონ უნდა დავსტრგუნო.

- მადლობა ღმერთსა! ჩემი ნათქვამი ჭკუაში დაგჯდომია. - გაიღიმა ივანემ.

- შენი ნათქვამიც, ჩემი გამოცდილებაც და დაკვირვებაც ამას მეუბნებიან, რომ უძვალო სხეულში უნდა ფოლადის ხერხემალი ჩავიდგა და უძლურ საგულეში რკინის ნაერი უნდა ჩავიდო.

--- აი, ეგ მომწონს! - დაუდასტურა ივანემ.

- კმარა ესოდენი მცონარეობა, ყბედობა, ლანდების დევნა, უნიადაგო გატაცება, სრული უცოდინარობა ამ ქვეყნის გარდუვალ კანონებისა და მუდმივი ფრენა ვარდისფერ ღრუბლებში, რომელნიც სინამდვილეს დაეტაკნენ და უმაღვე გაიფანტნენ. იმ ღრუბლებში აშენებული კომპეტი თავზე ჩამომენგრნენ და უკანასკნელი იმედა და რწმენა დამიმსხვრიეს. ძალა, მ...მმხნეობა, გამარჯვება, ბასრი კბილები და ძლიერი მკლავი, უნდობლობა და დაუნდობლობა, -- აი ამიერიდან რა ეწერება ჩემი ცხოვრების სახელმძღვანელო წიგნაკში.

- გასასტიკებულხარ, თეიმურ.

- ვინც თავის მტერს იბრალებს, ის თავისივე თავს ჰლუპავს.

გულჩვილნი და გულკეთილნი ამ ქვეყნად ვეღარ გასძლებენ. მეც ცხოვრების წიგნაკში ასეთი სადღეისო ათი მცნება ჩავიწერე.

მაგალითად: მგლებთან მგლობა და ცხვრებთანაც მგლობა.

--- კარგად არის ნათქვამი.

---- ცხვარი ღმერთს მოსაწველად, გასაკრეჭად და შესაჭმელად გაუჩენია.

- ეგეც კარგია.
- ვინც ღილი მოგწყვიტოს, ის თავით-ფეხებამდე გაატიტვლე, ხოლო ვინც არაფერი დაგიშავოს, ის გაატყავე.
- აი, გიშველა ღმერთმა!
-- ცხოვრების მდინარეში პირაღმა ცურაობა გიჟების საქმეა. წყალს გაჰყევი, სამშვიდობოს გაიყვანს.
-რაც მართალია, მართალია!

- ვისაც ერთი ტყავი აქვს, ორი გააძერი; ვისაც ორი აქვს, ხუთი ააგლიჯე; ვისაც არაფერი არა აქვს, ათი წააძრე.
-- ხა-ხა-ხა!
- მადლს ნურავის უზამ, თორემ. დამადლებულ მადლს არ გაპატიებს და სამაგიეროს შხამით გადაგიხდის.
- მაგას კი არაფერი არ სჯობია! ეგ ჭემმარიტება მეც ათჯერ და ასჯერ გამომიციდია.

--- სიკეთეს ნუ დასთესავ, თორემ ლენცოფა ამოვა.
- ხა-ხა! - ჩაიღიმა ივანემ. --- არა მჯერა, ჩემო თეიმურ, რომ შენ შენივე ხასიათის ყირამალა გადაბრუნება შესძლო. ქრისტიანობაც ძირიან-ფესვიანად ამოგიგდია გულიდან. მაინც ღმერთმა ხელი მოგიმართოს. წადი და ბედი სცადე, მაგრამ არ დაივიწყო დღევანდელი შენი ანდაზები და დევიზები, შენთვის საზოგადო საქმე მოკვდა და აღარც შენ არსებობ იმისთვის, დაივიწყე ყოველივე და დაიხსომე მხოლოდ საკუთარი თავი და სარგებლობა, ხომ არ გადაუხვევ ამ გზას?

- არ გადაუხვევ თუმცა...
- როგორ თუ "თუმცა"?! ისევ რყევაში ხარ?
- არა, ივანე, არა! აღარც რყევა, აღარც ეჭვი. მტკიცე რწმენით და ერთის გულით მივდივარ.

ივანემ თეიმურაზის გეზის გამოცვლა არ დაიჯერა, მაგრამ აღარ შეედავა და ხელი გაწოდა:

-- მან ღმერთმა ხელი მოგიმართოს. მშვიდობით იყავი, ჩემო თეიმურ!

- ჩვენს დროში, ძმაო ივანე, მოკეთე ასე უნდა დაჰლოცო: ღმერთმა მ... მმომინება და სულიერი მშვიდობა მოგცეს-თქო. მეც მომინებას და სულიერ მშვიდობას გისურვებ.

გადაეხვივნენ და ერთმანერთი დაჰკოცნეს.

თეიმურაზი მობრუნდა და გზას გაუდგა. ზურგზე პატარა ბოხჩა ეკიდა და ხელში ჯოხი ეჭირა.

* *

მზემ თავი ამოჰყო, მიდამო გაანათა, გაათბო და გაცოცხლდა. დილის ნისლით შემოსილი სოფელი და კაშკაშა მზე ერთმანერთს

უცინოდნენ. დიდი არხის წყალი ღიღინებდა, მოუსვენარი ლიახვი დილის ზღაპარს მღეროდა.

ერთმა ფეხშიშველმა გოგონამ თეიმურაზს ასკინკილით გზა გადაუჭრა და თვალეში გაუღიმა. პატარა ბიჭმა გამოსროლილი

ჩილიკა ფეხებში მოახვედრა და გადიკისკისა. ბატი სისინით დაედევნა, ხოლო შინაური ჯაფარა ღობის მარგილზე ხტუნაობით მისდევდა და ჩხაოდა:

- გიჟო! გიჟო! ნუ მიხვალ! ნუ მიხვალ! დაბრუნდი! დაბრუნდი!

- დავბრუნდები, თუ... თუ გავიმარჯვე, - უპასუხა ჯაფარას თეიმურაზმა და სივრცეს გაუცინა.

ორღობის ბოლოში პეტრეს ნინიკა ისევ სევდიან ურმულს ღიღინებდა.

კამეჩო მუხრანელი ხაარ,
გუთანი გეცოდიინება;
მე გუთნის არა ვიცირააა,
უღელიც მეჩოთირებაა.

სოფლისა და ბუნების ლალობა და მხნეობა თეიმურაზსაც გაუჯდა სულში. ისიც გამხნევდა, გალალდა და გამტკიცდა. გამტკიცდა და დავიწყებულ ჰანგზე აღიღირა.

წყალსა ნაფოტი მოპქო-ო-ონდა,
ჩამონათალი ხისა-ა-აო.

აღაღინდა და თვითონაც გაიკვირვა თვისი ღიღინი.

ათი წელიწადი მაინც იქნება, რაც თეიმურაზს აღარ გაუგია თვისი ხმა, რომელსაც ხრინწი და ჟანგი მოსდებოდა. ჯაყოს დუქანში რომ იყო, მაშინ სცადა ხმის ამოღება მუშტრის გასართობად, მაგრამ ის ნაძალადევი სიმღერა იყო. ეხლა კი მისი დაობებული ხმა გულის სიღრმიდან ამოდიოდა.

ხვეისთავმა თანდათან ხმას და ნაბიჯს მოუმატა. ჩახლეჩილი ხმით მხიარულად მღერის და მიბაკუნობს. მაგრამ იქ, თეიმურაზის სულის და - გულის სიღრმეში ძველებურად ისევ ჩამი-ჩუმი და ფუსფუსი გააქვთ ეჭვისა და რყევის განუყრელსა და უკვდავ ჭიებს, მარადიულ გულის კვნესას, განუკურნებელ სიდამბლესა და უცნაურ ჭიაყელას, ვინ იცის, ვისგან და რისგან დაშინებულს, უნიათს, უძლურს, მორიდებულს, მოკრძალებულს, თანაც ბაყაყივით სველსა და ცივს, --- რომელსაც თავისი კუდი ბრძნულად თვისავე შუბლზე მიედო და მუდმივ თავისავე თავს ეკითხებოდა:

- რა არს ჭემმარიტება?

სად არს სამართალი?

რა არს ცხოვრება ესე?

იმ ჭიაყელას არც ძვალი ჰქონდა, არც კუნთი და არც ხერხე-

მალი, თვითონაც არ ჰქონდა, და შეუსვენებლივ თეიმურაზის ძვალ

ხერხემალსაც ჰღრღნიდა და ანგრევდა. ჭიანჭამი, გამოხრილი, დაფუტუროებული და ხერხემალ-მოშლილი თეიმურაზი მაინც გულს არ იტეხდა: თვალდახუჭული, ღიმილით და ღილინით, უგზო-უკვლოდ მიდიოდა უცნობ მომავლისკენ ბედის მოსაძებნად, ახლისა და უცნაური ქვეყნის საპოვნელად. მიდიოდა და იმედოვნებდა, ვითომ მოდუნებული მკლავებით, მჩატე გულით, მწიგნობრული ცოდნით, მიღებული სულითა და გატეხილი ხერხემლით დღევანდელ ცხოვრებას ფოლადის კბილებს დააძრობდა, დამდნარი რკინის მდინარეს პირალმა მიატრიალებდა, ახალ გზას გაიკვლევდა და ცხარე ბრძოლით ოქროს სავარძელს მიაგნებდა, რომელიც მან, თეიმურაზმა, ესოდენი შრომით, ოფლით, ცოდნით, პატიოსნებითა და საქვეყნო მზრუნველობით შექველად დაიმსახურა.

მიდიოდა თეიმურაზი და თან მიჰქონდა განუყრელი, საკუთარი, მარად ერთგული ჭიაცყელა, - კუდზე შუბლ-დაბჯენილი ბრძენი, უძვალო და უკუნთო, ცივი და ლორწოიანი, მუდმივ მზოდავი და საკითხავი თავისავე თავისა:

“რა არს ჭემმარიტება?..

სად არს სამართალი?...

რა არს ცხოვრება ესე?”

უცებ შესდგა, ორივე ხელი მკერდზე მოისვა და ზედ დაიხედა. დაიხედა, გაიღიმა და გაიხარა: აყროლებული ძაღლის მძორი აღარსად იყო, და მწიგნობარს აღარც ლეშის სუნი მოსდიოდა.

ახალი გზით წავიდა თეიმურაზ ხევისთავი და კვლავ ახალი ლანდების ნისლში შთაინთქა.

* * *

ხევისთავის ნასახლარი პატარა ტბასავით აიფურთნა. ეზო სავსეა გლეხური თავებით, მოძრავი ხელებით და ყაყანით.

- ხალხო, სამართალი სადა ხარ! - ჭიხვინებს ჯაყო აივანზე. --- სადა ხარ მეთქი სამართალი?

- აქ არის აქა! - სჭექავს მოაჯირთან მოვარდნილი ნინიკა და ქვის მუშტს რვალის მკერდზე ირახუნებს - აქ არის სამართალი, აქა!

- აგრეა! მაგრეა! --- უბეჭდავენ იქვე მდგომი ილა და თედო.

- მანდ არის, მანდა!

- აგრე, გენაცვალოს პავლეი, აგრე!

- აქ არის, აქა! - შესძახიან ქვეიდან პირტიტველა ჭაბუკები.

- ხალხო, ათქმევინეთ ჯაყოსა!
- მე მინდა ორი სიტყვა გითხრამდე, - იძახის ჯაყო, ქუდს იშვლევს და ზღარბის თავზე ხელს ისვამს.
- ათქმევინეთ, ათქმევინეთ!
- სთქვი!.. გაჩუმდით! ილაპარაკოს!
- ხალხო! რევალციამ ყველას მიწა და სამართალი მისცა -- იწყებს ჯაყო.

- მე სამი დღიური და შენ ასი? - უცებ ჩაურთო ნინიკამ. ჯაყო გაოცდა, აირია მერე გაბზარული ხმით
- მე მეტი შეგიძლიან მოხნა.
- ჩვენც შეგიძლიან. ეს ხელები რითვინა გვაქვს!
- ჯაყო მუშაობდი, ეხლაც მუშაობ...
- ვიცით, ვიცით როგორ მუშაობდი! - აწყვეტინებენ აქეთ-იქიდან.

"მგელი რომ მოგესევა, ერთი ბატკანი მიუგდე, თუ გინდა მთელი ფარა გადაარჩინო" - ფიქრობს ხაფანგში გაბმული დათვი, ხმამაღლა კი ეზოში ისვრის:

- რას ჩაგაცივდი ამ ოხერ მიწასა! ნახევარი წაიღეთ და შეხეთქეთ!

- ნახევარსაც წავიღებთ და სულაც! - ჩასძახის ნინიკა.

- სულ ჩვენია, სულა!

- ჩამოართვით!

- წაართვით!

"ერთი ბატკანიც მიუგდე, თუ გასურს ფარა გადაარჩინო", ხმამაღლა კი -

--- კარგი, ხალხო, კარგი! სულ მიჩუქებია, სულა!

- აგრე! - მოჰკვეთა ნინიკამ და მოაჭირს მნილი დაჰკრა.

- ოხო-ხო! ახა-ხა! -- ხარხარით გაივსო ეზო - უჩუქებია, უჩუქებია!

- მადლობელი საჩუქრისათვის, მადლობელი!

ჯაყოს თითქო არ ესმის, ორივე ხელს ეზოსკენ იქნევს, თითქო პეშვებით ოქროს უყრისო, და თავისას იძახის:

- ჩვენ სოფელში ბევრი ხარ საწყალი. წაიღეთ! შეხეთქეთ! მიჩუქებია! წადით, მომშორდით! - და წასასვლელად მიბრუნდა.

- სად მიხვალ, მობრუნდი! - ნინიკას ხელი კისერში დასწვდა და ისევ მოაჯირთან მიიყვანა. - აქ იდექი და ყური გვიგდე.

- კიდევ რა გინდათ ჩემიგან? -- შიშნარევი ხმით წამოიხრიალა ჯაყომ.

- მიწა არაფერია. კიდევა გვაქვს საანგარიშო.

“ვიღუპები!” ხმამაღლა კი -
- ჯაყოს თქვენთან საქმე აღარა გაქვს.
- შენ არა გაქვს, ჩვენ კი გვაქვს, - და ეზოს მიუბრუნდა, -
ხალხო და ჯამათნო, ამ სასახლეში რა უნდა ჯაყოს?! ვინ მისცა
ამოდენა შენობები ამ წურბელას!
- არავინ! დაიჩემა! ძალით წაიღო! წაართვით! გააგდეთ!
- ხალხო! - უიმედოდ ბლუს გაფითრებულა ნამოურავა-
ლი. - ხალხო! ხმა ამოიღეთ! რას გაჩუმებულხართ! დღეს მე
გართმევენ, ხვალ თქვენ წაგართმევენ.
- ვინ მოგცა მეთქი, ვინა?! - დაჟინებით ეკითხება ნინიკას
მუშტი, რომელიც ბულა კისერს ანჯღრევს და სწეწავს.
- ვინა და რევალიციამ. - ბუტბუტებს ჯაყო.
- ოხო-ხო! - ახა-ხა! - და ხარხარი თანდათან მატულობს.
- ხალხო, სმენა! - აცხადებს ნინიკა. - აქ სკოლა იქნება,
ქვეით კი კოოპერატივი. მართალს ვამბობ თუ არა?
- მართალია! აგრეა! აგრე იყოს, აგრე!
- სად შეგვიძლიან სკოლითვინ ახალი სახლის აშენება! -
გაჰკვივის ვიღაცა. - ჩამოერთვას!
- გათავებულია.
- ჩამორთმეულია!
- აქვე იქნება აღმასკომიც. ჯაყო კი ან თავის დუქანში გადა-
სახლდეს, ან დროებით აგერ იმ კოშკში შებრძანდეს. - განკარ-
გულებას იძლევა ნინიკა და კითხულობს - გინდათ თუ არა,
ხალხო?
- გვინდა! გვინდა!
"ერთი ბატკანიც მიუგდე, ჯაყო," ხმამაღლა კი -
- ხალხო, ესეც. შენი ჭირის სანაცვლო იყოს! შეხეთქეთ!
გასკდით! მე კი თავი დამანებეთ! - და ისევ გაბრუნდა. მაგრამ
ნინიკას ტორი ხელახლად დასწვდა და მოაბრუნა
- დაიცა. ჯერ არ გამითავებია!
- რაღა გინდა საწყალ ჯაყოსგან, რას ჩააცივდი! - უკვე
ბღავის ნაბატონევი.
- ხალხო! ამ კაცს სახნავ ნორმას დავუტოვებთ, სამაგიეროდ
ეს დიდი ბაღ-ვენახი სკოლას უნდა დაულოცოს. სკოლისათვის
უფრო უპრიანია. თქვენი შვილები ბაღ-ვენახის მოვლა-მოშენებას
ისწავლიან. მართალია თუ არა?
- აგრეა! მართალია!
- სკოლას მიეცით, სკოლას!
- ხალხო! - გმინარ ჯაყო. - ნინიკას მადა მატულობს.

- მადაც მატულობს და სამართალიც! - აწყვეტინებს
ულმობელი მსაჯული.

- დღეს მე გართმევენ, ხვალ კი თქვენი ჯერი დადგება!
 ჯაყოს ხერხი არა სჭრის. არავინ არ იცის, ვისი ჯერი დადგება,
 ჯაყოს ჯერი კი ცხადზედ უცხადესია.

- ხალხო, მგელს ნუ ჰგეცხართ, მგელსა! - თავგანწირვით
 იძახის უკვე განწირული დუმილის შემდეგ. --- მგლებმა ვიცით:
 თუ ერთი დაიჭერი და წაიქეცი, სხვებიც მოგესევინ და შეგწამენ.
 ამოიღეთ ხმა! თქვით რამე! --- და მძიმე დუმილის შემდეგ: --
 მაშ აგრე გინდათ? მაშ ყველაფერს ართმევთ ჯაყოსა? მაშ აგრე
 მალე დაივიწყეთ ჯაყოს მადლი?

- გვახსოვს, გვახსოვს შენი მადლი! - ქვეიდან შესძახა
 პავლემ.

- ვიცით! ვნახეთ! ვიგემეთ!

-- მაშ საწყალი ჯაყო უნდა დადუპოთ? მაშ აღარ გენანებით?
 მაშ კარგი. მე სხვაგან წახვალ და იქ იპოვნე სამართალსა.

- მამა გიცხონდა!

- როგორ არა!

- ქალაქში ეგ ჩოხაც არ გაგხადონ!

- იქ იპოვი ჯაყო სამართალსა, იქა! --- და ისევ გატრიალდა.
 ნინიკას ტორმა ერთხელ კიდევ მოატრიალა და მოაჯირს მიაყენა.

-დაიცა, აქ იდექი! ჯერ არ გათავებულა! ხალხო, ამ კაცმა
 ჩვენი ნაბატონევი გაქურდა. თქვენც იცით რამდენი ავეჯი და
 სიმდიდრე დაიჩემა.

- ვიცით! ვიცით!

- ჩამოართვით! წაართვით!

- რაც ჩვენთვის გამოსადეგია, აქ დარჩეს. დანარჩენი კი,
 მამა-პაპეული განძი და ხაზინა, ქალაქში გავგზავნოთ. რას იტყვი,
 ხალხო?

- აგრე, გენაცვალე, აგრე!

- მიღებულია!

- გათავებულია!

- შენც გათაეზული ხარ, ჯაყო!

- ჯაყოც გათავდა, ჯაყოც!

- მორჩა!

- წავიდა!

ჯაყო ტორტმანობს, თრთის, პირს ალებს, მაგრამ ხმა ვეღარ
 უპოვნია.

--- რაც ამ სახლში აშკარად აწვია, ვერსად წაგვივა, - გა-

ნაჩენსავით აცხადებს ნინიკა, --- მაგრამ რაც გადამალული აქვს, ის
 უნდა გამოიტანოს. აბა, ჯაყო, დრო დაგიდგა. მოიტა თეიმურაზის
 უნაგირი, ჭურჭელი, სამკაული, ვერცხლეული.

ჯაყო სდუმს და ირგვლივაც დუმლია.

- ჯაყო, დრო დაგიდგა მეთქი. სანამ ხალხი აქ არის. გამოიტა. დავთვლით და ჩავწერთ.

ჩაყო ისევ ჩუმათა სდგას და ძირს იხედება.

- ჯაყო, შენ გეუბნები! - და შეანჯღრია.

ჯაყო დამუნჯდა. აღარა ესმის რა.

-- მოიტა მეთქი, თორემ მე თვითონ გამოვიტან.

ჯაყო დაყრუვდა. აივნის ბიძად გადაიქცა.

- მაშ კარგი. ჰეი, ილა, თედო, დათა! მოიტათ ლომი და წერაქვი! იქ, ქვეით, მარცხნივ... კედელში!

- აქა ვართ! მზათ არის! - და ოთხივენი ბრაგუნით ჩამოცვივდნენ კიბეზე.

ჯაყო თითქო გამოფხიზლდა. თვალეები მოიფშვნიტა, შუბლზე თითი გადაისვა, მერე გატრიალდა, გაიქცა და ნახევარი წუთის შემდეგ დათვივით ჩამოგორდა კიბეზე, თან ბლაოდა:

- არ მოგცემთ! ვერ წაიღებთ! ნუ ღუპავთ ჯაყოსა! ქეშელა! გიბა! ტურა! თახრაშუ! აბა ჩქარა!

ბიძეები და ბიძაშვილები უმაღლ შემოეხვივნენ თავიანთ ბელადს, რომელიც გაგიჟებული ხარივით დარბოდა ეზოში, უაზროდ იქნევდა მორგვის მკლავებს და ბურტყუნებდა:

--- სადა გაქვთ თოფები? რა უყავით მაუზერები? რასა დგებხართ ჩუმათა! გასწით! მოიტათ! რაშუ! თახრაშუ! --- და უცებ, ლომწერაქვის რახუნი და მუხის კარის ჭრაჭუნის რომ გაიგო, გატრიალდა, მოიღუნა და ნინიკასკენ წავიდა. თვალეები სისხლით ჰქონდა სავსე, ლოჯები - დაკრეჭილი, მკლავები - მომართული, და ისე პარვით მიდიოდა, როგორც მონადირე მხეცი ეპარება ხოლმე სანადიროს.

- ნინიკა, ფრთხილად!

და იმავე წამს ჯაყომაც ისკუპა და ნინიკამაც მოიხედა. მოიხედა და ერთი ნაბიჯით გვერდზე გასხლტა. მოქნეულმა ტორმა მხარზე გაჰკრა, თვითონ ჯაყო კი ბოძს დაეტაკა და იმავე წამს ყურის ძირში ნინიკას მუშტი იგრძნო, თითქო ის რკინა, მუხის კარს რომ სცემდნენ, ჯაყოს მოხვდაო. თავმა კვილი გაიღო, თვალთ დაუბნელდა, წატორტმანდა, მაგრამ გასწორდა და მიწაზე სახრე დაინახა. დასწვდა, მოტრიალდა, ჰაერი შეაზულია და ნინიკას ბეჭებზე გადაუჭირა. ნინიკა შეიკლაკნა და - დასწყევლოს ღმერთმა!

ვინ მიაჩნია ასე უცებ კომბალი. ან აქ სად იპოვა! --- და თავგახეთქილი ჯაყო ბოძის ძირთან დაეცა. მერე-ღა მოასწრეს ჩოჩქოლი, მიშველება, შემახილები. გვიანდა იყო. ან რა საჭიროა.

- თავი დაანებეთ! ეგეც ეყოფა! - ბრძანებს წინამძღოლი.

- გეტკინა? სად მოგხვდა? დედას ვუტირებთ, დედასა!

- თავი დაანებეთ მეთქი! - და წუთის შემდეგ --- აბა, დავიწყოთ.

სარდაფის კარი გაღებულია. კედელი გამოშიგნულია. თვალმარგალიტით შემოსილი ვერცხლის რახტი მზეზე კრიალებს. სთვლიან და სწერენ ძვირფას ჭურჭელს, სამკაულს, ფაიფურს, ბრინჯაოს, ოქრო-ვერცხლით ნაჭედ წვრილმანს და ხვეისთავთა საგვარეულო განძეულს. ხოლო ერთი საათის შემდეგ თავშეხვეული, მოთვინიერებული ჯაყო კოშკის კართან ზის, ჩიბუხს აბოლებს და სევდიანად შესცქერის გიბას, ქეშელას და მთელ თავის საგვარეულოს, რომელიც სასახლიდან კოშკსა და გომურში ეზიდება ნაყარ-ნუყარს - ვარცლებს, გოდრებს, ძველ ლოგინს, მატყლსა და ასნაირ გლეხურ წვრილმანს.

ხოლო ნინიკა მთავარსარდალივით დადის დარბაზებში და ილას, თედოს და თანდილას ეუბნება:

- ეს მიეცით... ეს დარჩეს... ეს გაატანეთ... ის არ მისცეთ, და როცა მისაცემი მისცეს, დანარჩენი ჩაკეტეს, დარაჯი მიუყენეს და ეზო გამოიარეს, ნინიკა კოშკის კართან შესდგა და გაკრავებულ დათვს მიუბრუნდა:

- ჯაყო, ეხლა რას იტყვი?
- არაფერს, შენი წირი მე. - და ისე წამოუდგა ფეხზე, როგორც უწინ ავთანდილ ხვეისთავს გაეჭიმებოდა ხოლმე.
- მაშ ჭკუით იყავი, თორემ სულაც გადაგასახლებთ აქედან.
- ჯაყო ჭკუით იქნები, შენი წირი მე.
- ამ სახრეს კი არ შეგარჩენ. ესეც იცოდე.
-- ვიცის ჯაყომა, შენი წირი მე.
- აგრე. დანარჩენი მერე იყოს.
და გატრიალდა, თან ჯაყოს უკანასკნელი სიტყვა წამოიღო:
- მშვიდობით ბრძანდებოდე, შენი წირი მე.

და როცა მიიმალა, ჯაყომ კბილები დაკრიჭა, მკერდი აიბაგუნა და ახრიალდა:

- დედას გიტირებ, დედასა! დაგაცადე ჯაყოსა! ჩემი დროც მოხვალ - და ცერას ფრჩხილით კბილი აილაწუნა - დედას გიტირებ მაშინა, დედასა!

VI

რამდენიმე თვის შემდეგ ოთხმოცი წლის მოხუცივით დაბერებული ხვეისთავი იმავე ნაშინდარს მიადგა.

ქადილით წასული მეზრძოლი ერთგულ ძალღივით უბრუნდებოდა აყო ჯივაშვილს.

თავზე ქუდის ნაგლეჯი ეხურა. დაგლეჯილ ჩუსტებიდან ფეხის თითები უჩანდა და ტანზე დაკონკილი ინგლისური ფარაჯა ეცვა.

წელში სამად მოხრილიყო, დამსხვრეულ სხეულს ძლივს მოათ-

რევედა და სქელ ჯოხს ყავარჯნად ხმარობდა.

ორმოციოდე წლის მოხუცს თეთრი წვერი ჩაზნექილ მკერდზე სცემდა: გამოლაყებულ თავი თხის თავივით უცანცარებდა და ღრმა ორმოებში მღვრიე თვალები უსულო მინებივით ჰქონდა ჩაწყობილი.

ზამთარი მიწურულია. გაცრეცილ ბაღებსა და ჭალებში ნის-ლიანი ბინდი ჩაწოლილა. ქართლის მინდვრებს ტყვიის ღრუბლები დასწოლიან. ქუშიანი ცა ცივი წვიმით იწურება. ორლობის გზა ტლაპოთი ავსილა. აქა-იქ ღობეებსა, მარგილებსა და ტანთ-გახდილ ხეებზე მობუზული კაჭკაჭები, ბელურები და ყვავები გაზაფხულს ელიან.

პირდაღვრემილი სოფელი შარშანდელივით აღარ იცინის. არხი . და ლიახვიც სიმღერის მაგივრად გესლით იღრინებიან.

მოდის თეიმურაზი და მარად განუყრელი ძაღლის მძორს კვლავ კისრით მოათრევს, თან დროგამომშვებით გულ-მკერდს ისე იხოკავს, თითქოს იმ მძორის ჩამოგლეჯას ჰლამობდესო.

ორლობეში ისევ ბატებს წააწყდა. მაგრამ დედა-ბატი სისინით აღარ დაედევნა და გოგო-ბიჭებიც სიცილით და ღრეჭით აღარ მისდევედნენ. ჯაფარა კი ისევ მარგილზე დაჰხტის და დამარცხებულს ჩხავილით დასცინის:

- მოხვედი? დაბრუნდი? მოხვედი? დაბრუნდი?

სანამ თეიმურაზი ახალი ქვეყნის და ბედის ძებნაში სადღაც დაბორიალებდა, ჯაყოსთვის თეიმურაზის ბაღ-ვენახი და ნასახლარი ჩამოერთვათ. დარბაზის ზემო სართული სკოლად გადაეკეთებინათ, ხოლო ქვემო სართულში კოოპერატივი გაეხსნათ. ჯაყო და მისი ჯალაბ-ჯულაბი ახალი სახლის აშენებამდე კომკსა, ბეღელსა და მარანში ჩასახლებულიყვნენ.

თეიმურაზი თავისი ნასახლარის ეზოში თრთოლვით და ბორძიკით შედის.

სკოლიდან ბავშვების ღრიანცელი მოისმის.

ახალი მასწავლებელი აივანზე გადმომდგარა, მომავალ თეიმურაზს ათვალიერებს და უცნაურად იღიმება.

ქემელამ თეიმურაზი კომკში შეიყვანა. ჯაყო ბუხართან ზის და პაპიროსის მაგივრად ისევ მყრალ ყალიონს აბოლებს. მარგოს დარიგებით გაპარსული მაიმუნი კვლავ ბანჯგვლიან დათვად გადაქცეულა: წვერი გაუზრდია, გაპოხილი ქურქი და ტლანქი ჩექმები ჩაუცვავს და თავზე ტყავის ბულულა დაუდვია.

მარგო ისე გამხდარა და გაყვითლებულა, თითქო სამი თვის ნალოგინარი ყოფილაო. უსისხლო ტუჩები გასცრეცია და ლოყები ღრმად ჩაჰზნექია, ხოლო ღრმად ჩაცვივნილი ნუშის თვალები მიმქრალ ჭრაქივით ძლივს ბჟუტავენ. ტანთ ჩითის დაკონკილი კაბა

აცვია და მხრებზე გახუნებული შალი აქვს წამოსხმული.

თეიმურაზის დანახვაზე ორივენი მობრუნდნენ და გახევდნენ. ხევისთავმა ჯაყოს და მარგოს მდაბლად დაუკრა თავი და მორჩილებით ჩაიკნავლა.

- აი, დავ... ვვბრუნდი...

სდგას თეიმურაზი და მღვრიე თვალებს თავის ტალახიან ფეხებს ველარ აშორებს.

მარგომ ხმა არ გასცა, კედლისკენ მიბრუნდა და თვალები მოიფშვნიტა. მერმე გატრიალდა და გარეთ გავიდა. ჯაყო ჯერ გაიზადრა, მერმე ძლევამოსილ კვიცივით ახვიხვინდა:

- ბრინკა, მოხვიდოდე?! აბა, დაჯდებოდე და მეტყოდე, აქამდე სად იხეტიალეხდე და დაეთრეოდე? - პასუხს აღარ მოუცადა და თვითონვე განაგრძო:

- მაშ, მაშა! აკი გითხარი ჯაყომა, ნუ წახვიდოდე მეთქი! რა გინდებოდა ვითომა, რომ ფეხი დაგკარი და გაიქეცი? რა მოგიგე? ანდე, როგორ გახდებოდე! აკი გეტყოდე ჯაყოი: ნუ წახვიდოდე, აქ დარჩებოდე, დუქანს მოუვლიდე და ბულლატერიასაც გააკეთებდე მეთქი, თორემა ქეშელამ რა ვიცის ვაჭრისა და ბულლატერიისა!

უცებ კილო გამოიცვალა და ატირდა:

- ყველანი გატყუებდე ქეშელასა. საწყალი ჯაყოი! ჯაყო წააგე. ძალიან ბევრი წააგე. დუქანი დაკეტე ჯაყომა. იმ სიშორეზე ხალხი აღარ მიდიხარ. შენ სახლში ეხლა კაპრატივი გახსენი მთავრობამა. ისე იაფად გყიდი კაპრატივი საქონელსა, რომ საწყალი ჯაყო კინალამ გაკოტრდი.

წუწუნის ნაცვლად უცებ გესლით ახვიხვინდა:

- ვიცის ჯაყომა, როგორი კაპრატივიც გექნება ნაშინდარსა, კარგად ვიცის ჯაყომა! გინდა ტყავი გააძრობდე ხალხსა, განა! ეგენი კი იძახოდე: ხალხი იაფი საქონელი უნდა მოგცეო. მამა გი-

ცხონდა! ვითომ არ ვიცის ჯაყომა, როგორ უნდა მოატყუებდე ხალხი?!

- აი, დავბრუნდი. - ჩურჩულით განიმეორა თეიმურაზმა და ტახტის თავზე ჩამოჯდა.

- მეც ხედავ, რომ ბრინკა დაბრუნდი. ეხლა ჯაყოს სახლი აღარა გაქვს, სახლიც წაგართვეს, ვეჯიც და ყველაფერიცა: ოქროც, ვერცხლიცა, სარკეცა, რკინის კრაოტებიც, ხმალ-ხანჯალიც და ყველაფერიცა, ყველაფერიცა! რაც ძველი და კარგი რამ გქონდა ჯაყოსა, ეხლა წაგართვეს, უნდა ქალაქში წაგიღოთო. ვიცის ჯაყომა, საცა წაიღებდე, ვიცი!

- ხი-ხი! --- ჩაიხითხითა გულში თეიმურაზმა.

- სახლიც წაგართვეს და სკოლა გაგიკეთეს! - კვლავ ზიზღით აღელდა და ახვიხვინდა ჯაყო. --რა ოხრად გინდა ჯაყოსა სკოლაი?

ხალხსაც ფეხებზე გკიდია სკოლაი! თუ ჯაყოს განათლება არა გაქვს, კარგი ბიჭი ვერა ხარ, რაღა! ბავშვები ნახირში გინდა წახვიდოდდე, ან წყალი მოიტანდე, ან დედ-მამას უშველებდე, ეგენი კი მთელი დღე მოგაცდენდეს. არა გიშავს-რა ჯაყოსა! დაიცადებდე!. მოიცადებდე! ყველას სეირს გაჩვენებდე ჯაყოი, ყველასა: ნინიკასაც, ილასაც, თომასაც, თედოსაც და თანდილასაც. ეს ხუთი კაცი მთელი სოფელი ხელში ჩაგიგდეს, აღარავის მოსვენებას არ გაძლევენ. სულ ძალაზე გიჭირავს თვალი. ამას წინათ ნინიკასთან ჯაყოს ჩხუბი მოგივიდა. მე ერთი სახრე დაგკარი, იმან კი ჯაყოს კომბალით თავი გაგიხეთქე. დაიცადოს! დაიცადოს! მე გიჩვენებ კომბალსა! ყოველთვის ხომ არ იქნება ეს მთავრობაი! ნინიკამ უნდა ჯაყოს გაჯობოს?! უნიფხო!.. ფეხშიშველა!.. ქეციანი! მთელი დღე მოჯამაგირესავით მუშაობ და ერთი ლუკმა ძლივს იშოვნოდე! რა კაცი ხარ ნინიკაი, თომაი და ილაი?! სულ ის გინდა, რომ სხვას წაგაგლიჯონ და სკოლას და კაპრატივს მოგცენ! ჯაყოს სახლი წაგართვი, მაგრამ მე მალე მაგაზე კარგი სახლი ააშენებ. პავლეი, თომაი, ილაი და იმისი ყაჩაღი ამხანაგები კი ისევ გომურებში დალპებოდე. მაშ, მაშ! დაიცადებდე!.. მომიცადებდე!..

ჯაყო ველარ მშვიდდება. დაჭრილ დათვივით დაბორიალებს, ხუთგირვანქიან მუშტებს ჰაერში ატრიალებს, ჰბორგავს, იმუქრება და ხვიხვინებს:

- ჯაყო გიჩვენებდე სეირსა, თქვე ყაჩაღებო, თქვენა! აბა ახლა ივლის ჯაყოი ხალხის გულრთვის, ახლა დაგიკლებდე ჯაყოი ნალოგსა, როგორ არა! მამა გიცხონდათ! ჯიბე მაგრად დაიჭირებდე! დაიცადეთ!.. მომიცადეთ!..

უცებ თვისი თათი ისე მძლავრად დაჰკრა თეიმურაზს მხარში, რომ დალეული ნაკაცარი ერთი მტკავლით ჩაიზნიქა:

- ბრინკა, იცი, რას გითხრამდე? მოდი ეს სახლი ისევ შენ წაიღებდე, ღმერთმანი. მთავრობა ისევ მოგცემდე ეს სახლი.

- არ მომცემენ, ჯაყო.

-- მოგცემდენ მეთქი! ისევ ერთად იცხოვროთ მე და შენა. შენ მარგოს ძმა ვიქნები, მე კი ქმარი, ასე არ გინდოდეს წინათა?

--- ჰო, მაგრამ... სახლს არ მომცემენ, ჯაყო.

- მოგცემდენ მეთქი! დაიცადე... დამაცადებდე... ჯაყო მოიფიქრებ...

დიდხანს დარბოდა და ნაწყვეტ-ნაწყვეტად გაუგებარს ისროდა. ბოლოს, ჩრდილივით შემოპარულ მარგოს მიუბრუნდა:

- მარგო, შენ რას იტყოდე? რა ვუყოთ თეიმურაზსა?

მარგომ პასუხი არ მისცა. პირმიბრუნებული, კედელს შესცქეროდა. მერმე ადგა და ისევ გარეთ გავიდა.

ხანგრძლივი სიჩუმე ჩამოვარდა. თეიმურაზი ისევ ფეხის თი-

თებს ისინჯავს, თან გულში შხამიანად ხითხითებს:

- ეხლა გაყაჩაღდნენ თომა და ილო? წინათ კი, როცა ეს სახლი თეიმურაზს ჩამოართრეს და ჭაყოს გადაულოცეს, პატოსნები და ყოჩაღები იყვნენ, განა! ჰოი, ჯაყო! ჰოი, აფრიკელო ზულუსო! ბუმ-მენო! შენი ჯერიც მოვიდა, განა! ხომ გითხარი: უხილავი სამართალი შენისთანა ავაზაკს ურმით დასდევს მეთქი. დაგეწია, განა! ეს ერთი და სხვა ათასი!

- ეხლა ჯაყოს კიდევ მოგდეს შარი: ჯაყო არ მუშაობო, ჯაყო ვაჭარი ხარო ამიტომ ჯაყოს ვენახიც და ბაღიც წაგართვეს, სამართალი აღარსად არ ვიქნებოდე?!

- ჯაყო და სამართალი? - ჰფიქრობს გულში თეიმურაზი. - ეხლა ჰყვირი? არა გიშავს-რა, ღმერთმა მოგიძღვნა. ეგ ერთი და სხვა ათასი! ეგ ერთი და სხვა ათასი!

-- ღმერთი აღარა ხარ?! -- ჰგოდებს მაგრად ნაკბენი ჯაყო.

--- ხი-ხი-ხი!-- იცინის გულში თეიმურაზი. - ჯაყო და ღმერთი?! ჯაყო და სამართალი?! განგებამ მხოლოდ კლანჭი გაგკრა და გოჭივით აგაჭყივლა, მაგრამ ნეტა მაჩვენა შენი ბღავილი, როცა მისი ბასრი კლანჭი ყანყრატოში დაგწვდებო. მოახლოვებულ არს ჟამი განკითხვისა, ჰოი, ავაზაკო! ჰოი, მგელკაცო ჯაყო! ჰოი, მხეცო, ავო პირუტყვო!

ჯაყოს გული ბრაზით გაუსკდა და ენის ქავილი აუვარდა. ძლივს გაჩუმდა და ისევ ყალიონი ააბოლა. ბოლოს, გადააფურთხა, ყალიონი ჩექმაზე დაიბერტყა და სთქვა:

-- ბრინკა, მოდი შერიგდეთ. რაც მოხდა, მოხდა! ჯაყო ჯავრიანი კაცი არა ხარ, ღმერთმანი არა ხარ!

- რა თქმა უნდა, -- ჩაიცინა თეიმურაზმა.

- ღმერთმანი, ჯაყომ ყველაფერი დაივიწყე. შენ ისევ დუქანში ჩადგე და ივაჭრებდე. გაყოს ძალიან გინდა ისევ გახსნა დუქანი და კაპრატივი გაგაკოტრო. რა სეირი იქნები! ჯაყომ და თეიმურაზმა რომ მთავრობის კაპრატივი გაგაკოტრო, რა სეირი იქნები! მაშ, მაშა! ჯაყოს ეხლა ბევრი ფული გაქვს. ქეშელა ბევრი მოგატყუეს. ჯაყომ ძალიან წააგე, მაგრამ კიდევ დაგრჩა ჯაყოსა. დუქანს სულ საქონლით გაგავსებ. კვირას ქალაქში წავიდებოდეთ და საქონელი მოვიტანებდეთ. შენც ტანისამოსო გიყიდებოდე. ჯამაგირიც მოგცემდე. თვეში ხუთი მანათი ხომ გეყოფოდეს?

- მეყოფა, კარგად მეყოფა. - იკმარა თეიმურაზმა.

---- მაშ ხვალვე წახვიდოდე დუქანში და ბულლატერიას დაიწყებდე. ქეშელა და გიბა გომურში ცხოვრობ. შენც იქ დაიძინებდე. ზამთარში გომურში სჯობდეს, არ შეგცივდებოდეს. როცა ახალი სახლი ააშენებდე ჯაყო, შენც ჩვენთან იცხოვრებდე. ჰა, რას იტყოდე? ღმერთმანი, ჯაყო კარგი კაცი ხარ, ჯაყო კარგი გული

გაქვს.

- ვიცი, ვიცი! ვიგემე და ენაზე შენი გული. - იხერხება თეიმურაზი.

--- ოღონდ აღარ გააჯავრებდე ჯაყოსა, თორემ...

-- არა, ჯაყო, არ გა... გგაჯავრებ.

--- ღმერთმანი, იმ კაპრატის ერთ თვეში გაგაკოტრებ.

უცებ იქვე, ტახტის ბოლოში, ბავშვის ტირილი მოისმა. ჯაყო აკვანს ეცა. მარგოც შემოვიდა.

ჯაყო გაიბადრა:

--- მართლა, ბრინკა, აბა ერთი ნახავდე პატარა ჯაყოსა! ეს ერთი და სხვა ათასი! მაშ, მაშა! აგრე ვიცის ჯაყომა! აბა, ერთი ნახავდე, როგორი დიდი გოწი ხარ ჯაყოს შვილი! ისეთი ვაჟკაცი გამოხვალ, როგორც ჯაყოი, მაშ, მაშა!

თეიმურაზმა წელი ძლივს აითრია. აკვანში ჩაკრულს ორი თვის პატარას ხარბის თვალებით ამტერდება, პირსახეზე ცივ თითებს უსვამს, "აღუ-აღუ" ბუტბუტებს, მარგოს პირს არიდებს, ჩამოხჩობილის ღიმილით იღიმება და თანაც ათი წლის დავა აგონდება.

თეიმურაზი ხევისთავთა გვარის შეწყვეტას მუდამ მარგოს აბრალებდა. ეხლა კი... ეხლა იმ ფუნჩულა პაწია ჯაყომ, რომელიც ფეხებით აკვანს ამტვრევს და ყვირილით სახლს აყრუებს, დიდი ხნის ინტიმური დავა საბოლოოდ გადასწყვიტა და ბნელი ჭემმარიტება გამოარკვია.

- სუ! სუ, შე მამა-ძაღლო, შენა! - აჩუმებს ჯაყო თავის ანჩხლ მემკვიდრეს და დათვურ თათს ფუნჩულა ლოყებზე უსვამს.

-- აღუუ!.. აღუუ!. აღუუ, პაწაწინა ჯაყოსა. - კვლავ ბუტბუტებს თეიმურაზი და ისევ ჩამოხჩობილის ღიმილით იღიმება.

მარგო აკვნის მეორე მხარეს ჩაკუნტულა, მკერდის საკინძი გაუხსნია და ძუძუს მოწოვებას აპირებს, მაგრამ რაღაცას ერიდება.

- ჩემთან ძუძუ ვერ ამოუღია... ჩემი სცჩვენთან.- გულში ამოიკვნესა თეიმურაზმა და ადგა.

მარგომ დაჩვარული ძუძუ მაშინვე მისცა ბავშვს და აკვანს ზედ დააკვდა.

ჯაყო თეიმურაზს მოუბრუნდა:

--- მართლა, ბრინკა, იცი რას გითხრამ? შენ რომ მოკვდებოდე ხევისთავის გვარიც აღარ იქნებოდეს. მოდი, საქმეს ისე გაგაკეთებდე, რომ ამ პატარა ჯაყოსა ხევისთავი დაგარქმევდე, ჰა, რას იტყოდე?

თეიმურაზის თავსა და გულში უკვე ყველაფერს დაეკარგა ფასი და გარჩევა, ყველაფერი გაჰქრა, გადნა და დომხალივით აირია: ხევისთავიც და ჯივაშვილიც, ჯაყოს დუქანიც და კოოპერატივიც, სკოლაც და ხევისთავთა ნასახლარიც, წარსულიც და აწმყოც.

თეიმურაზი აყბედებულ გაყოს ყურს აღარ უგდებს, ხარბი თვალით მარგოს მისჩერებია. - თავის წინანდელ მარგოს, მარგუმას, მარგალიტს, თავის ერთად-ერთ მეგობარს, რომელმაც გამხდარი ძუძუ ბავშვს ძალით ჩაჩარა და თვისი პირსახეც ბავშვის ძონძებში ჩაჰმალა.

რად არიდებს მარგო თვალს თეიმურაზს? რად ბრწყინავს მარგალიტივით მარგოს ჩაყვითლებულ ლოყებზე ორი კურცხალი? სცხვენია? მაშ რატომ შარშან არ შერცხვა? ნეტა რა მოხდა მას აქეთ? ნეტა იცოდეს თეიმურაზმა, მოხდა რამე რამდენიმე თვეში, თუ... თეიმურაზის ჩონჩხს ჯაყომ თათი დაჰკრა და გამოაფხიზლა:

- ჰა, რას იტყოდე? ხევისთავი დაგარქვათ, თუ არა, პატარა ჯაყოსა.

- კარგი, ჯაყო... ძალიან კარგი... ორი გვარი ატაროს: ჯივანშვილი-ხევისთავი... მე თანახმა ვარ... თანახმა ვარ, თუ მარგო... თუ მარგოც დასთანხმდა.

მარგომ უცნაური ღიმილით აჰხედა თეიმურაზს და ჯაყოს უთხრა:

--- სულ ერთია. ეგრე იყოს.

- მაშ კვირას ქალაქში რომ წავიდოდეთ, მთავრობას ქალაქი მოგართმევ ბრინკა, ეხლავე დასწერდე იმ ქალაქსა. აბა, დაჯექი.

თეიმურაზმა შესაფერი არზა დასწერა. დასწერა და თვითონვე გაიკვირვა. თითქო. გონს მოვიდა და თავიდან ბურუსი მოიშორა. თვალეზი მოიფშენიჭა, დაწერილი დაკეცა, დახია და ბუხარში შეაგდო, თანაც წაიბუტბუტა:

- არ ვარგა... მერმე დდ...დავწეროთ...

- მერე დავწეროთ. - დაეთანხმა ჯაყოც და გარეთ გავიდა.

* * *

თეიმურაზი დიდხანს უჩხიკინებს ბუხარს, მერმე მარგოს უბრუნდება:

- ავად ხომ არა ხარ, მმ... მარგო?

და სიჩუმის შემდეგ კვლავ იმეორებს:

- ავად ხომ არა ხარ, მმ... მარგო?

- არა. - კედელს უპასუხებს ნაცოლარი.

--- მაშ რად გ... გგახდი ეგრე?

მარგომ თეიმურაზს ისევ მოარიდა პირი და ბავშვს მძლავრად მოუჭირა არტახები.

- ხომ კ... კარგათა ხარ?

- მარგომ აკვანი დაუდევრად მიაგდო კუთხეში და კარებისაკენ გასწია.

---. მარგო, რატომ პასუხს არ მაძლევ? ისეთი რა დ...დდავაშა-

ვე, რომ ორი სიტყვაც არ მაღირსე?

მარგო ოდნავ წატორტმანდა და ბოძს მიეყუდა. მერმე უცებ მოტრიალდა და ბრაზნარევი ცრემლით ამოიკვნესა:

--- იმიტომ, რომ... იმიტომ, რომ მართლა ღირსი არა ხარ...

ღირსი არა ხარ მეტი... საკუთარი თავის აგეთი დამცირება ამპარ-ტავნობაზე უარესია... უარესია მეტი! შენზე ცუდმედიდი სატანაც არ იქნება... შენ... შენის თავმდაბლობით შენი თავიც დაიღუპე და მეც გამაუბედურე.

- შენ? გ... გგაუბედურე? მე?... მე?..

- დიად, შენ! სწორედ შენ! მხოლოდ შენ!

თეიმურაზი წამოდგა და მარგოს მიუახლოვდა.

- როგორ?... რით? მ... მოვისაზროთ... გამმმოვარკვიოთ. -

ბუტბუტებდა ნაქმარალი და ცხვირ-წინ თითებს ითამაშებდა. -- მ...მმოვიფიქროთ... გგ... გამოვარკვიოთ...

- ოოჰ, ღმერთო ჩემო! რაღა მოფიქრება და გამორკვევა გინდა, თეიმურ?! აქამდე როგორ ვერ გაიგე და ვერ გამოარკვიე, რომ შენ... მამაკაცი ხარ... რომ მამაკაცი უნდა იყო, შენ კი... შენ - 28. მ. ჯავახიშვილი, ტ. II.

ოოჰ, თეიმურ!... თეიმურაზ! ეს რა მიყავი!.. ეს რა დღეში ჩამადგდე!.. ღმერთმა ჩემო ცოდვა შენ დაგაკისროს, თეიმურ!

---- მარგო!.. მარგუმის. გგ...გამაგებინე...

- რაღა გაგაგებინო, თეიმურ?! ნუთუ... ნუთუ აქამდე ვერ გაიგე, რომ შენ... შენ... ოოჰ, ღმერთო ძლიერო!

უცებ მოტრიალდა, კუთხეში დალაგებულ ლოგინების გროვაზე დაემხო და ყრუდ აქვითინდა.

თავზარდაცემული და გაბრუებული თეიმურაზი შუა ოთახში იდგა, სათვალეებს ისწორებდა. ისევ ცხვირ-წინ თითებს იტრიალებდა და ბუტბუტებდა:

-- მე?... მე გაგ... გგაუბედურე? არ მესმის... ვერ გ... გგავიგე... არაფერი არ მესმის.

მარგო მოტრიალდა, გასწორდა, პირსახეზე მკაცრი სიმტკიცე აისახა და ბრაზით მიახალა:

- ვერც გაიგებ! ვერასოდეს ვერ გაიგებ! ეხლა კი წადი აქედან... ეხლავე წადი!.. წადი და აღარ დაბრუნდე, აღარ დამენახო, თორემ... თორემ...

თეიმურაზი კარისკენ მიბარბაცებს, კვლავ თვალწინ თითებს იტრიალებს და ლულულულებს:

- კარგი, წავალ... მე წავალ, მაგრამ რომ არაფ... ფფერი არ მესმის ...რომ ვ... ვვერაფერი ვერ გავიგე...

კარებში ერთი წუთით შესდგა, შეყოყმანდა, მერმე თავი მოიბრუნა და სლუკუნით ამოიკვნესა:

--- მაშ... მ... მშვიდობით, მარგო!.. მშვიდობით!
და მოწყვეტილი ფეხები კარების დირეზე ძლივს გადაათრია.

VII

თეიმურაზს ის ღამე გაახსენდა, ჯაცომ რომ კიბეზე დააგორა და გონება-დახშული თეიმურაზი ლიახვისკენ გაიქცა. ეხლაც ეზო სწრაფად გადაჭრა და ორღობისკენ გასწია. დიდი ეზო სავსეა შეგირდებით. ჟვილ-ზივილით ავსებენ იქაურობას და თეიმურაზს ბუზებივით ეხვევიან. ხევსთავი ვერავის ვერ ჰხედავს და არც ჟრიაშული ესმის.

ჯაცომ ბოსლიდან ხმა მისცა:

-- თეიმურაზ, საით წახვიდოდე?

თეიმურაზს ჯაცოს ხმა ყრულ მოესმა, მაგრამ არ მიიხედა და კედელს მიეფარა.

ისევ ლიახვისკენ მირბის თეიმურაზი.

წადი, თეიმურაზ ხევსთავო, წადი! წადი და გაათავე ეგ დამპალი სიცოცხლე! გაიქეცი და ლიახვში ჩახრჩე ეგ მყრალი ძაღლი, რომელსაც განუყრელად დაათრევ მკერდით! გასწი, გაიქეცი! უკან ნუღარ მოიხედავ! სულ ერთია:.. ვედარაფერს ვერ დაინახავ, იმედის სანთელიც კი გაგიქრა, მარგოს შენი ნახვაც კი ეზიზღება. მაშ სადღა უნდა წახვიდე?! ვისღა უნდა შეაბრალო და შეაკედლო ეგ ჭირიანი და ქვეყნისგან მოძულეებული თავი?! ჩქარა! ჩქარა! გასწი! ქეცი! ლიახვისკენ! ლიახვისკენ!

მირბის თავჩადუნული თეიმურაზი.

ორღობეში პირისპირ შეეჩეხა ნახუცარ ივანეს.

- ოოჰ, თეიმურაზ, შენა ხარ? მშვიდობაში შენი დაბრუნება!

საით მიეჩქარები?

ივანეს ხმაში თეიმურაზს დაცინვის კილო მოელანდა. პირსახეში შეჰხედა და დააკვირდა. ივანე უცნაურად იღიმება.

- კაცო, გამარჯვება შენი! რა იყო, რა მოხდა? ...პასუხსაც არ მაძლევ?

თეიმურაზმა ცრემლით ამოიკნავლა:

- ნუ დ... დამცინი, ივანე!

- აბაიმე! - გაკვირვებით წამოიძახა ივანემ და თეიმურაზს მკლავში ხელი გაუყარა. - რა ააქვს სასაცილო, შე კაი კაცო, რომ დაგცინო? ან შენ როგორ ვაკადრებ დაცინვას, ან ჩემს თავს როგორ ვაკადრებ შენისთანა პატიოსან ადამიანის გაზიარებას?!
- დასაცინი ისა მაქვს, რომ დ... დდავბრუნდი.

-- ძალიან კარგი ჰქენი, რომ დაბრუნდი.

- მაშ რად იღ... ღიმებოდი?

გამეხარდა შენი ნახვა და იმიტომ ვიღიმებოდი. წამო, ჩემო თეიმურ, წამოდი ჩვენსა. იქ მოვილაპარაკოთ.

ლიახვისკენ მიმავალი თეიმურაზი ნახუცარ ივანეს წელათრევით გაჰყვა.

სახლში შევიდნენ და, სადილის მოლოდინში, ბუხარს მიუსხდნენ.

--- სხვა, როგორ ხარ, ჩემო თეიმურ?

- აი, დავ... ვვბრუნდი. - ბუხარს ჩასჩურჩულა თეიმურაზმა.

- როგორ დაბრუნდი? რა გუნებაზე ხარ?

--- ნუღარ მეკ...კითხები.

--- რა ჰქმენ, როგორ მოიარე ქვეყანა?

აი, ხომ მ...სხედავ, ქადილით წავედი და გას...სრესილი დავბრუნდი.

-- მაშ ვერ გაგიმარჯვნია.

- დ... დავმარცხდი, ყველგან და ყველაფერში დავმარცხდი.

- ფონს ვერ გასულხარ.

- სიტყვით ჩემზე კარგი მოცურავე ქვეყანაზე არ მოიპოვებოდა.

მაგრამ წყალში რომ შევტოპე, უმაღვე ლოდივით დავეშვი ფსკერისკენ.

- აკი იმუქრებოდი, ამიერიდან მარტო ჩემთვის უნდა ვიცხოვრო.

- ფ...ფფუჭი ქადილი გამოდგა. მე ჩემთვის არ ვყოფილვარ გაჩენილი.

- ადრევე ვიცოდი. არც მაშინ დაგიჯერე.

დიდხანს იყუჩეს. მერმე ივანემ თითქო თავისთვის ჩაიბუტბუტა:

- ვინ იცის! ვინ იცის, იქნება შენი დამარცხება და დაბრუნება სჯობდეს უთავბოლო ხეტიალსა და ლანდების დევნას?

- ვისთვის სჯობდეს?

- შენთვის, ჩვენთვის და ჩვენი ქვეყნისთვისაც. ყველაფერს დასაწყისი და დასასრული აქვს. ერთხელ ლოთიც გამოფხიზლდება.

- რაღად მინდა გ... გამოფხიზლება? ვისთვის? რისთვის? ჩემი სიცოცხლე მორჩა და გათავდა.

- ვინ იცის, მაგას ნუ იტყვი.

-

- ჩემთვის მაინც ყ...ყველაფერი გათავდა. აღარაფერი არ დამრჩა: არც ოჯახი, არც თავშ... შესაფარი, არც მეგობარი და არც... არც ტანისამოსი. აი, შემომხედე, ბოგანოს დაო... ვვემსგავსე.

- იმედი ნუ გადაიწყვიტე, ჩემო თეიმურ, თუ მოვინდომეთ, ყველაფერი დაგიბრუნდება: თავშესაფარიც და.. მეგობარიც. აბა.

ჯერ თითო არაყი დავლიოთ. გარგებს, ნამგზავრი ხარ.

დალიეს და ნელ-ნელა ჭამა-სმას შეაყოლეს.

თეიმურაზს ნაკვერცხალივით ჩაუვარდა სულში გაკვრით ნათქვამი სიტყვები: "ყველაფერი დაგიბრუნდება: თავშესაფარიც და...

მეგობარიცო”.

ვისზე იყო ნათქვამი? რომელი მეგობარი დაუბრუნდება თეიმურაზს? ივანე? ივანეს რაღა დაბრუნება უნდა! თეიმურაზი და ივანე ერთიმეორეს არც დაჰშორებიან, ეხლაც ერთად სხედან. მეგობრულად საუბრობენ, სადილობენ და სვამენ. დანარჩენი მეგობრები თეიმურაზს დიდი ხანია შემოეფანტნენ. ან როგორ უნდა დაუბრუნდნენ ერთმანეთს უგზო-უკვლოდ გადაკარგული წინანდელი მეგობრები? ან ვისთვის, ან რისთვის არის სამირო მათი გაერთიანება და დაახლოვება? არა, არც ეს არის დასაჯერებელი. ამას არც სულიერი აზრი აქვს, არც ფიზიკური.

- არა, აქ რაღაც სხვა ამბავი უნდა იყოს, ალბათ... მაშ... ნუ-თუ ნუთუ?... ღმერთო დიდებულო!

- მიირთვი, თეიმურაზ, ჩიხირთმა გაცივდა.

ივანე, ნუ სტანჯავ თეიმურაზს! რათა გაქვს მაგისტანა უცნაური ასიათი! რათ გადაუგდებ ხოლმე შიმშილით მომაკვდავ თეიმურაზს ერთ ლუკმას და მერმე ერთ საათს აცდევინებ, თითქო მის ტანჯვით და მეორე ლუკმის მოლოდინით სტკბებაო. სთქვი, რაც სათქმელი გაქვს, სთქვი და გაათავე! მიეცი თეიმურაზს, რაც მისაცემი გაქვს, მიეცი და გაათავე!

მწვავე იმედით ანთებული თეიმურაზი გაწყვეტილ ძაფს ხარბად მოეჭიდა და კვლამ ივანეს ნათქვამს დაუბრუნდა:

- დ ... დღავმარცხდი, ჩემო ივანე, სასტიკად დ... დავმარცხდი. აღარც ჩემს თავს გამოვადგები და აღარც ჩვენს ქვეყანას. ცხოვრებამ ხ... ხხერხემალი გამიტეხა და დამაგონჯა.

- გეუბნები, იმედი ნუ გადაიწყვიტე მეთქი, ჯერ ორმოცი წლისაც არა ხარ.

- გ... გგავთეთრდი.

- ეგ არაფერია. ქართველი ხალხი ადრე თეთრდება.

- თეთ... თრდება და ბერდება.

- ეგ კი მართალი არ არის. შენს თავს განგებ ნუ იბერებ, ჯერ კიდევ გამოადგები შენს თავსაც და ქვეყანასაც. კერძი გაგიცივდა, თეიმურ, მიირთვი.

- რით? როგორ გგ...გამოვადგები?

- ხომ გაიგე, რომ სკოლა გავხსენით და კოოპერატივიც დავა-არსეთ. მხარში მოგვიდექ და იმუშავე. ხალხი ღარიბია ცოდნით. მიეშველე.

- რა ჩემი ს... სსაქმეა სკოლა და დახლი.

- თუ ჯაყოს ჩაუდექი დუქანში, რატომ კოოპერატივში არ გინდა მუშაობა?

თეიმურაზს ენა მუცელში ჩაუვარდა. პასუხს გაფაციცებით ეძებს, მაგრამ ვერ პოულობს.

- იმისთვის ხომ არ იბრძოდი იმდენ ხანს, ჩემო თეიმურ, რომ კოოპერატივები დაიკეტოს და ჯაყოს დუქნები გამრავლდეს?
-- არა, არა! ღ... ღღმერთმა დაგვიფაროს! მაგრამ ჩემი ძალა, ცოდნა და გამოცდილება ეგრე რიგად როგორ უნდა დ... დდავა-ხურდავო, რომ სოფლის კოოპერატივს ან სკოლას შ... შშევესწირო?
- მაშ ისევ ჯაყოსთან დაბრუნება გირჩევენინან?
- ღმერთმა დ... დდამიფაროს! ღმერთმა ამაშოროს!
--- არც მესამე გზა მოსჩანს, მაშასადამე... მიირთვი, თორემ ჩიხირთმა გაცივდა.

- მაშშ... შასადამე?
- მაშასადამე, ან მასწავლებლობა, ან კოოპერატივი, რომელი გინდა?
თეიმურაზი ღრმად ჩაფიქრდა, მერმე მორჩილად განაცხადა:
- კოოპ... პპერატივი.
- მაღლობა უფალსა! მოიტა ხელი... კერძი გაგიცივდა, თეიმურაზ!.. საქმეს რამდენიმე დღეში გაგიტავებ. ალბათ ისევ შენს ნასახლარში იცხოვრებ, შენს წინანდელ ოთახს დაგიბრუნებთ. იქნება შენი ავეჯიც ჩაგაბაროთ.
- ავეჯი? ჯაყოს აღარ ეკ... კითხვებით?
- ჯაყოს დრო წავიდა, რაც შენ გეკუთვნოდა, ერთი ნივთიც არ გაატანეს ჩვენმა ახალგაზრდებმა. განძეულობა მუზეუმში გაჰგზავნეს, ზოგი ავეჯი სოფლის საბჭოს მისცეს, ზოგი სკოლას და ზოგიც მასწავლებელს. ჯაყომ ბევრი იყვირა და იტლინკა, მაგრამ ყური არავინ არ მიუგდო, ნინიკამ ცოტაოდენიც მისცხო.
თეიმურაზმა დრო იხელთა და სულის ჩურჩულით ივანეს ძლივს გააგებინა:
- მ... მმარგო?
ივანემ განზე გაიხედა. კარგა ხანს სდუმდა, მერმე კედელს უპასუხა:
- მარგო მოსტყუვდა. მე ადრევე ვიცოდი ამ საქმის დასასრული. მაგრამ სხვის საქმეში ჩარევა ხასიათად არა მაქვს.
და ისევ გაჩუმდა.
- მაშ... მოსტყუვდა?
- ძალიან მოსტყუვდა. სასტიკად დაისაჯა. საწყალი დედაკაცი! აბა, თითო კიდეც დავლიოთ.
- რათ მ... მმოსტყუვდა მარგო?
- იმათ მოსტყუვდა, რომ ჯაყო პირველად მშველელ რაინდად მოეჩვენა. ძლიერი კაციაო. შემინახავსო, მფარველობას გამიწევსო. ეხლა კი...
- ეხლა კი?
- რალა დაგიმალო: ეხლა ჯაყომ მარგოც საქონლად გადააქცია.

ისე ამუშავებს, როგორც წინანდელ ცოლებს ამუშავებდა.

- რას ამბობ, ივანე?!

- ეგ კიდეც არაფერი, ზურგზე საფეკავსაც აკვიდებს ხოლმე და წისქვილში ჰგზავნის.

- ღმერთო დ... დდიდებულო! ეს რა მ... მმესმის?! -- ამოიხრიალა თეიმურაზმა.

- მეტსაც გეტყვი: ზოგჯერ სცემს კიდევაც.

- ვაიმე!

რისხვამ და სიმწარემ თეიმურაზს თავში ჟრუანტელი დაჰკრეს და ფეხზე წამოაყენეს.

- ერთი სიტყვით, როგორც წინანდელი სამი ცოლი დაასნეულა, მარგოსაც ისე ჩაუმწარა სიცოცხლე.

- ვაიმე, მარგო!

- ბოლოს მარგოსაც სახლიდან გამოაგდებს.

- გ...გგამოაგდებს?!

- ნამდვილად.

თეიმურაზი ისევ ჩაიკეცა. სათვალეები შეისწორა. თითები ჰაერში აათამაშა და წაიბუტბუტა:

- ეს რ...რა გავიგე?! ეს რა ამ..მმზავია?! ჯაყო მ..მარგოს მართლა სცემს ხოლმე?

- სცემს. საწყალ დედაკაცს პატრონიც არავინა ჰყავს, რომ წაესარჩლოს და ის მხეცი როგორმე მოარჯულოს. ამას წინათ ნინაკა წაესარჩლა. ჯაყომ სახრე მოიხმარა, მაგრამ ნინიკამ ერთი ისეთი დაჰკრა იმ გოგრა თავში, რომ შენი ჯაყო ქათამივით გადატრიალდა. კარგი ბიჭია ნინიკა, ვენაცვალე იმის მარჯვენას!

- ვენ... ნნაცვალე! - ამოიბგერა თეიმურაზმაც.

- მარგოს მაინც პატრონი არა ჰყავს.

პატ... ტტრონი?! - მოაგონდა თეიმურაზს და კვლავ წამოიწია. - ჩემს მეტი მარგოს ვერავინ უპატრონებს. ისევ მე უნდა ვუშველო, თორემ... ჰო, ისევ მე უნდა წავ...ვეესარჩლო, ისევ მე, თორემ...

- გაანებე თავი, თეიმურ! შენ ვერაფერს ვერ უშველი. ჯაყო უარესად გამხეცდება და ჯავრს ისევ მარგოზე ამოიყრის. ან რად უნდა წაესარჩლო? ცოტა ლაფი დაგასხა თავზე? მაგისტანა დედაკაცი დასანდობი არ არის, რატომ წინდაწინვე არ იფიქრა?

- მ... მმართალი ხარ! - აინთო თეიმურაზი.

- ჯაყოს ზღაპრებს დაუჯერა, განა! „ჯაყო სულ ოქრო-ვერცხლში ჩაგვამდე. ჯაყო სულ ბორში და კატლეტი გაწმევედე! - ყველას ასე ჰპირდებოდა, და ჩემს თამროსაც ამით უბამდა თვალებს. თამრო ახალგაზრდა და გამოუცდელი იყო, მაგრამ შენს გამოცდილ დედაკაცს რა დაემართა. - ეს კი არ მესმის. ჩაიცვას

ეხლა ფარჩა და ხავერდი!

- ჩ... ჩჩაიცვას! ვერ მივ... ვვართვი! - შხამით დაუმატა თეიმურაზმა.

- სჭამოს ეხლა კატლეტი და ხაბიზგინა!

- ს... სჭამოს! - წამოიძახა ჟინით გატაცებულმა თეიმურაზმა.

- იმსახუროს მოახლე და პირფარეში!

-- იმ... მმსახუროს!

-- მუშაობით ხელები აქვს გადაქლეტილი.

-- ახია! ახ... ხხია მარგოზე! --- წამოიხრიალა მწუხარებით გამწარებულმა თეიმურაზმა.

მერმე უცებ შუბლი შეიკრა. მოაგონდა მარგოს წელანდელი დახვედრა, პირის მორიდება, ქვითინი და მწარე საყვედური. მოაგონდა და მიუხვდა ანჩხლობის და ცრემლის მიზეზს. მიუხვდა, ჩაფიქრდა და მარგოს გულში ჩაიხედა, მაგრამ ივანემ აღარ დააცადა.

- გეუბნები, ჯაყო მარგოს გამოაგდებს მეთქი.

წელან ეს სიტყვა თეიმურაზს ასცდა, ეხლა კი ნაღვერდალივით ჩაუვარდა სულში. პირსახეზე ნაღვლიანი იმედი და სიხარული აესახა.

- გ... გგამოაგდებს?... მართლა?... როდის გ... გამოაგდებს?

- მალე გამოაგდებს, ვიცი რომ გამოაგდებს.

ივანემ სარკმელში გაიხედა და უცებ წამოდგა:

-- აგერ, აგერ! თეიმურ, გაიხედე, გარეთ გაიხედე!

თეიმურაზი ფანჯარას ეცა.

მძიმე ტვირთის ქვეშ ორად მოხრილი მარგო ბილკზე ძლივს მიაბიჯებს.

მარგოს დანახვაზე თეიმურაზს წელანდელი შხამი და გესლი უმაღლესად გაუქარწყლდა: ვინმე უხილავმა მძლავრად წაჰკრა ხელი.

უქუდო და უფარაჯო თეიმურაზი სახლიდან ელდანაკრავივით გავარდა, მარგოს გზა გადაუღობა და საფქვავს მისწვდა:

- მარგო!... მარგოში! მ... მმოიტა... მ... მმომეცი... ხელი გაუშვი.

- თეიმურ, შენი საქმე არ არის.

- არც შენი ს.. სსაქმეა. მოიტა, ხელი გაუშვი მეთქი!

- თეიმურ, თავი დამანებე!

- არ დ... დდაგანებებ. მე წ... წწავილებ.

- თეიმურ, გზა მომეცი!

- არ მოგცემ! ხელი გაუშვი მეთქი!

მარგო დიდხანს ჰყოყმანობდა. ბოლოს, გადმოიხარა და ტომარა გადმოსწია. თეიმურაზმა გადმოხრილ ტომარას ზურგი შეუშვირა

და ზედ აიგდო.

მარგო წელში გასწორდა, ხვირთქლი მოიწმინდა და მაშინვე ბარბაცით უკანვე გატრიალდა.

- მ... მმარგო, შენც წამომყე წისქვილში... ვილ... ლლაპარაკოთ... სათქმელი მაქვს.

მარგომ არც კი მიხედა.

- მ... მმარგო!

მარგომ თავი დაჰხარა და ნაბიჯს მოუხშირა.

თეიმურაზი დიდხანს გასცქეროდა მიმავალ მარგოს, მერმე მიტრიალდა და ჩანჩალით, ხვნიშით და ბორძიკით წისქვილის გზას გაუდგა თან დროგამოშვებით ერთმანერთში არეულ ოფლსა და ცრემლს იწმენდავდა.

* * *

რამდენიმე დღის შემდეგ თეიმურაზი თავის ნასახლარში გადასახლდა. ზემო სართულში, კუთხის დიდი ოთახი, სადაც თეიმურაზი აღიზარდა და სადაც შარშან საზარელი ცხადი ლანდი ნახა, ისევ მას ჩააბარეს. ოთახი თითქმის ცარიელი იყო: განიერი ქართული ტახტი, ფეხმოტეხილი მაგიდა და ორი სკამი - ეს იყო იმ ოთახის ავეჯეულობა. ქვემო სართულში ახლად მოეწყობა კოოპერატივი, რომელსაც ნახუცარი ივანე განაგებდა. თეიმურაზმა ნოქრობა და ბუღალტერია ჩაიბარა.

ივანემ კოოპერატივიდან ნისიად მისცა ნახმარი ფეხსაცმელი, ფარაჯა, თბილი ხალათი, შალვარი, მატყლი, საბნის პირი და წვრილმანი. ივანეს და ნინიკას ცოლებმა თეიმურაზს ერთ კვირაში ლოგინი გაუკეთეს და საცვალაც შეუკერეს.

დილიდან საღამომდე თეიმურაზი კოოპერატივში ტრიალებს და მუშტარს ემსახურება:

- მარილი ედ... ღღირება ექვსი აბაზი... ნავთი ერთი შაური... ეს ნარმა ჰღირს ათი შაური, ეს კიდევ ცხრა შაური.

ზოგჯერ საქმეს გადაუხვევს და გულისკვნესით ამოიოხრებს:

- ვილ... ღღუპებით.

ხოლო ზოგჯერ გლეხებს ისტორიისა და გეოგრაფიის გაკვეთილებს აძლევს:

- ისტორიული ქართლი შ...შშესდგება სამი ნაწილისაგან: შიდა ქართლი, ზემო ქართლი და ქვენა ქართლი. შიდა ქართლში შედის გორის და დუშეთის მ...მმაზრები; ზემო ქართლში - მესხეთი, ჯ... ჯავახეთი და არტაანი, ხოლო ქვემო ქართლი, ანუ ქვენა სოფ... ფველი, ბორჩალოს გარდა, შეიცავს ტაშირს, მცირე სომხეთს, ბამბაკსა და აბოცს.

ზოგჯერ ეზოში გავა, მოსწავლეებს შემოიკრებს და ეკითხება:

- აქედან ტფილ...ლლისამდე ოთხმოცი ვერსია, რამდენი ვერსი უნდა გავიაროთ, რომ შ... შშუა გზაზე ჩავიდეთ?

ეზოში ხანგამოშვებით ჯაყოს ხვიხვინი ისმის:

- გიბა, რაშუ!.. ქეშელა, ადამრაშუნ!.. მარგო, თახრაშუ!

თეიმურაზი რომ მარგოს სახელს გაიგებს, ან საერთო ეზოში მოკრავს თვალს, უმაღვე მუშტარს თავს მიანებებს, სიტყვას შუაზე გასწყვეტს და ფანჯარას მივარდება. სანამ მარგო მოსჩანს იმ ეზოში, გახევებული თეიმურაზიც იდუმალ ჯაჭვებით არის მიბნული ფანჯრის ბაქანზე. აღარ ესმის მუშტარის ლაპარაკი. მარგო რომ სადმე მიიძალემა, თეიმურაზი უძირო ოხვრით ამოიოხრებს, მთრთოლვარე ხელით შუბლს მოისრესავს და გაწყვეტილ ბაასს იგონებს:

- რაზე ვლაპ... პპარაკობდით?.. რა გინდოდა? ჰო, მართლა, მარილი...

ზოგჯერ მარგო შეშას ეზიდება, ან, პირუტყვივით საფეკავით დატვირთული, ეზოს გადასჭრის. ცრემლ-მორეული თეიმურაზი ფანჯრიდან გასცქერის და ჰკვნესის:

- საწ...წწყალი... საბ...ბბრალო მარგო!.. მარგუმი!

* *

გარეთ ხვეისთავის სულივით ბნელა. ლიახვსაც ძილი მოჰრევია. სოფელი დამუნჯებულია. თეიმურაზი ბუხართან ზის და სამჯერ წაკითხულ ძველ წიგნებს მეოთხეჯერ ათვალეირებს. მაგრამ კითხვას გულს ვერ უდებს, წიგნს კალთაში ჩაიგდება და დაღლილ თვალებსა და შხამიან აზრებს ცეცხლის ალს გააყოლებს.

ზის გაქვავებული თეიმურაზი შუადამემდის და მარგოს მოსვლას ელოდება. ელოდება თეიმურაზი და ღრმად სწამს, რომ დღეს ან ხვალ მისი ერთად-ერთი, დაუვიწყარი და განუყრელი მარგო დაობლებულ ოთახში შემოვა და თეიმურაზს ეტყვის:

- "თეიმურ! ჩემო ერთგულო და დაუვიწყარო ქმარო და მეგობარო! რაც მოხდა --- მოხდა! ყველაფერი დაივიწყე და შეუნდე შენს მარგოს, შეუნდე და მიიღე შენი უძლები და უღირსი ცოლი, რომელმაც შეგცოდა. მე ერთი გამოუცდელი და საბრალო დედაკაცი ვარ. მე არც ხალხს ვიცნობდი და არც ცხოვრებას. ერთიც და მეორეც ორგულნი, ორპირნი, უნდონი, მკაცრნი და სასტიკნი ყოფილან. ცხოვრების ურემი გადამიბრუნდა და ჭეშმარიტი გზაც ეხლა გამოჩნდა. ჩემო ერთგულო და ერთადერთო თეიმურ! შენ ასჯერ დაამტკიცე შენი ერთგულება, ქველობა და პატიოსნება. ერთხელ ჩემთვისაც გაიხსენი ეგ უძირო გული, მძლავრად ჩამ-

კიდე ხელი და თამამად გამიძეხი ახალ ცხოვრების უღმობელ გზაზე. წადი, იარე და მეც მატარე”.

თეიმურაზი მარგოს ნათქვამს მოისმენს და ეტყვის:

- “ჩემო ერთავ! ჩემო წამებულო მარგო! ჩემო ჯვარცმულო ანგელოზო! მე ვერ მივიღებ შენს ბოდიშს, ვინაიდან მე თვითონ ვარ შენგნით შესაწყნარებელი. უსაზღვრო და უძიროა ჩემი ბრალი. გშიოდა და პური ვერ მოგეცი: გწყუროდა და წყალი ვერ დაგალევი: გციოდა და კარი ვერ გაგიღე. განუზომელია ჩემი ბრალი შენს წინაშე, გოლგოთიდან მომავალო ჩემო მარგუმი! შემიხედე და დაივიწყე ურიცხვნი ცოდვანი ჩემნი. ძმას გავყევი და ცოლი დავივიწყე, სხვას მივეშველე და მეუღლე გავსწირე. თუ ძალგიძს, ჩემო წამებულო, მივცეთ ყოველივე დავიწყებას და შევუდგეთ ახალ ცხოვრებას. ეს დაობლებული საწოლიც შენ მოგელის... მომიჯექი გვერდით. აი, ჩემი ხელი და ჩემი მკერდი. ჩამოჯექი ამ სავარძელში... აი, ბუხარი და ცეცხლი... გასთბი და დაისვენე”.

გაყინული მარგო თეიმურაზს მიუჯდება, დაღლილ თავს მხარზე მიადებს, გადაქლეტილ ხელ-ფეხს ცეცხლს მიუშვერს, თვითონაც ტკბილად ატირდება და თეიმურაზსაც აატირებს.

ცეცხლთან ელის ნაცოლარს ხევისთავი. და მისი მოლოდინი იმ ცეცხლზე უფრო მწვავეა.

ბურანში წასული თეიმურაზი მალე გამოფხიზლდება და იგრძნობს, რომ ლოყები თავისივე ცრემლით უსველდება.

გამოფხიზლდება თეიმურაზი და შეშინებულ თვალებით სკამს აცქერდება: აცქერდება და ჰხედავს, რომ იმ სკამზე, სადაც ერთის წუთით ადრე მისი მარგო იჯდა, ეხლა შეჩვეული ძაღლის მძორი ჰგდია.

დაფეთებულ თვალებს იფშვნეტავს ხევისთავი და ბნელ ოთახს ათვალიერებს. არეულ თვალებს აცეცებს და ჰხედავს, რომ ხის ტახტზე და იატაკზედაც ძაღლების უთვალავი ლეში ჰყრია. ორივე ხელს მკერდზე მოისვამს ადუღებული ნაკაცარი და იქაც განუყრელს ძაღლის ლემს წააწყდება.

სიმყრალით იხრჩობა თეიმურაზ ხევისთავი. დაბნედილი მწიგნობარი ზეზე წამოვარდება, ფანჯარას გამოადებს და ბნელ ეზოში გაიხედავს.

მაღალი კოშკი შავ სივრცეში უუზარმაზარ გარუჯულ ბოძივით ასვეტილა.

იმ კოშკში სცხოვრობს თეიმურაზის ნაცოლარი- მარგო ჯივაშვილი.

კოშკის სარკმლიდან კვლავ მოსჩანს იმედის შუქი.

ისევ თავის ოთახში შეიხედავს სულმოთქმული თეიმურაზი.

შეიხედავს და კედელზე მარგოს წარწერას წააწყდება:

"ვნახე. განვიცადე მწამდა. ვსტიროდი".

და ნაქვითინევის გვერდით თვითონაც სწერს მთრთოლვარე ხელით:

- "მეც ვნახე, მეც განვიცადე. ეხლაც მწამს. ეხლაც ვსტირი".

მერმე მობრუნდება და ძველს კიდობანს მიადგება.

იმ კიდობანში ძველი ხატი აქვს დამალული. იმ ხატს კუთხეში დაასვენებს, სანთელს აუნთებს და პირქვე დაემხოზა.

მეტანიით, სასოებით და ცრემლით ლოცულობს თეიმურაზ ხევისთავი:

- წმიდაო ღმერთო! წმიდაო ძლიერო! წმიდაო უკვდავო, შეგვიწყალებნ ჩვენ!.. უფალო ძლიერო! ყოვლისა შემძლევ და სათნოიანო! მოგვეც ჩვენ, დავრდომილთა და უღირსთა ძეთა შენთა, მოთმინება ულეველი, მშვიდობა უსაზღვრო და რწმენა უძირო.

კვლავ გარეთ გაიხედავს ნუგეშისცემული თეიმურაზი.

ისევ ასვეტილა ბნელ სივრცეში ბნელი კოშკი.

იმ კოშკიდან კვლავ მოსჩანს იმედის სანთელი.

ისევ მობრუნდება თეიმურაზ ხევისთავი და გულშეებით გაიღიმებს:

აღარსად სჩანან ძაღლის მძორები.

აღარც მათი სუნი მოსდის იმედნაკრავ ნაკაცარს.

ისევ ელის ნაქმრევი ნაცოლარს.

ისევ დაყუდებულ შიო მღვიმელივით იცდის თეიმურაზ ხევისთავი.